

НУРИДДИН ИСМОИЛОВ

МАФИЯ САРДОРИ

Саргузашт-детектив роман

Биринчи китоб

ТОШКЕНТ «ЯНГИ АСР АВЛОДИ» 2008

[@Badiiykitoblar](#)

84(5У)6

И 81

Исмоилов, Нуриддин.

Мафия сардори: Саргузашт-детектив роман: / Нуриддин Исмоилов. — Т.: «Янги аср авлоди», 2008.

1-китоб. — 192 б.

ББК 84(5У)6

ISBN 978-9943-01-222-6

© «Янги аср авлоди», 2008.

[@Badiiykitoblar](#)

Күш қаватли күркам иморат. Ҳовлisisи анча кенг, майса экилган. Ўртада фаввора отилиб турибди. Содиқ ҳалгингчак ўриндиқда ўтирганча тебранар, қўшиқ хиргойи қиларди. У ўзида йўқ хурсанд эди. Битта “операция”дан саккиз минг “кўк”ида фойда қилса, қувонмай бўладими? Россиядан молни вақтида олиб келганини қаранг. Айни тақчил бўлиб турган экан. Бир зумда мижозлари талаб кетишиди. “Эсиз, — деди шунда у, — кўпроқ олиб келмаган эканман. Пулга кўмилиб қолардим. Шошилинч яна боришим керак. Бир йўла уч-тўрт вагон олиб келаман”. У мана шу хаёллар гирдобида уйига келди-ю, нимагадир ишчанлик кайфияти йўқолди. Дам олгиси келди. Хотинига ош дамлатди. Иштаҳа билан еди. Мана энди ўриндиқда мириқиб ҳордиқ чиқарааяпти. Агар хотини чинқириб қолмаганида шу ҳолида ухлаб қолиши ҳам ҳеч гап эмасди.

— Войдод! — деди Хонзода уйдан ташқарига югуриб чиқаркан. — Бу ўгрининг дастидан кун кўрамизми-йўқми?! Ҳаммаёқни шип-шийдам қилиб кетибди-ку!

Содиқнинг бирдан кўзлари олайди. Бир муддат сочларини чангллаганча уввос тортиб йиглаётган хотинига қараб турди, сўнг ютиниб олди-да:

— Нима деяпсан, қанақа ўғри, нимани ўғирлайди?! — деб бақирди.

— Билмайсиз сиз ўгрини!.. Ўзингизни билмасликка оласиз! Бола-чақанинг кераги йўқ сизга, эртаси билан қизиқмайсиз уларнинг!.. Укангиз... укангиз олиб кетибди ҳамма тилла тақинчоқларимни!.. Қизингиз Шаҳлониким йўқ!!!

— Мараз!.. Ит!.. Қани у гўрсўхта, кўрсатиб кўяман ўғирлик қанақа бўлишини?! — дея ўкирди Содиқ аламидан кўзи қинидан чиққудек бўлиб.

— Ўлар бўлсам ўлиб бўлдим! Энди бирим икки бўла-ди, деганимда, шумқадам рўзгоримнинг баракасини олиб қочиб қолади! Бирини яшираман, иккисини яшираман, токайгача...

— Қани деяпман?! — баттар тутоқди Содик.

— Билсам айтмасмидим, қўлидан етаклаб келиб, мана ўғри, демасмидим!.. Менга бақирасиз, жигарингиз кел-ганда дамингиз ичингизга тушиб кетади...

Содик хотинининг қолган гапларини эшитмади. Шахт билан дарвазадан ташқарига чиқди. Бир муддат қўчада туриб қолди. Худди ҳозир укаси келади-ю, башарасига боплаб туширадигандай. Тутоқиб турганида, ёнига ой-налари қорайтирилган яп-янги иномарка тўхтади. Со-диқнинг бир муддат хаёли чалғиди: “Кимники экан, ҳеч кўрмаганман”. Ўйи охирига етмасдан эшик очилиб, ир-жайганча акаси Бўрон тушиб келди. Бошқа эшикдан эса Соҳиб укаси тушди.

— Ана шунаقا-да, ука, тумшуфингнинг тагига келсан ҳам танимайсан, — деди Бўрон семиз қўлларини очик турган эшик устига қўяркан.

— Эй-й, ака, танимабман. Тойчоқни ҳар ҳафтада ал-маштириб турганингиздан кейин, мендай камбағал укан-гиз қаердан танисин? “Оляяпман”, деб ҳеч курса телефон ҳам қилиб қўймайсиз, — деди лаб-лунжини йиғиши-тиролмай қолган Содик.

— Мана, биринчи сени кўрсин деб келаяпмиз, нима дединг, Соҳиб?

Қотмадан келган, ёши йигирма бешлар атрофидаги йигит ҳам ўшшайди.

— Ака, — Содикқа мурожаат қилди у, — бир жойда ўтирмасангиз: ҳали Россия, ҳали Хитой; сизни топиб хабар бергунимизча битта мошинанинг пулини сарфлаб юборамиз.

Икки ака-ука ҳиринглашиб қулишди. Содик эса шун-чаки мийифида жилмайди.

— Ҳа, — деди унинг ёнига келган Бўрон, — мошина олганим ёқмади, шекилли, қовофинг очилмаяпти.

— Нималар деяпсиз, Бўрон ака, худди ўзим олгандай

бўлдим. Ҳозир ювамиз. Қани уйга киринглар, — деб дарвоза томонга ишора қилди Содик.

— Бўлмаса нимага бунча очилмаяпсан? — деди Бўрон у кўрсатган томонга юраркан. — Ёки санқиб юришинг келинга ёқмаяптими?

— Кираверинг, айтаман, айтмасам бўлмайди.

Бўрон ҳовлида келинини учратди. Доим ихчам, замонавий кийинадиган, лаб бўёқсиз ҳатто ўзининг хонасидан чиқмайдиган, бўйнидаги шода-шода тилла занжирлар-у, бармоқларидағи брильянт кўзли узуги билан бошқаларнинг кўзини ўйнатишни хуш кўрадиган, ёши ўттиз бешдан ўтган эса-да, юзида бир дона ҳам ажини бўлмаган Хонзодахон унинг кўзига ўта сўлғин кўринди.

— Ассалому алайкум, — деди Хонзода қайноғасини қўриши билан нигоҳини ерга қадаб.

— Ва алайкум, ҳа, келин, тинчликми, шаштингиз паст?

— деди Бўрон унга яқинлашар экан.

Хонзода жавоб бермади, олақарашиб қилиб уйига кириб кетди.

— Ҳалиям ёш болага ўхшаб хотининг билан уришиб юрибсанми? — деди Бўрон укасига.

Бу сафар Содикдан садо чиқмади. У тўғри фаввора ёнидаги стол тарафга юрди. Уч ака-ука айланга стол атрофига ўтирганларидан кейин Содик қўл телефонидан Хонзодага қўнгироқ қилиб чой-пой олиб келишни буорди. Сўнг хўрсиниб қўяркан:

— Шоҳруҳ ҳиқилдоғимга келтирди, ака, — деди.

— Тағин нима гап? Битта укангни эплаёлмасанг, нима қилиб ака бўлиб юрибсан?

— Унингиз одам бўлмайди. Қизим билан янгасининг тилла тақинчоқларини, яна озгина жамғаридан қўйган пулмни ўғирлабди.

— Ни-ма?! — деди катта ака ўрнидан туриб кетиб.

Содик қўлинини мушт қилиб тугди. Сўнг жаҳл билан столни урди.

— Нонкўр, ярамас! На кундузи, на оқшом ҳаловатим бор. Итдай ишлайман. Топганимни уйга ташийман, лекин Шоҳруҳ: “Акам бечора шунчалик меҳнат қиласяпти”, демайди. Янгасининг тилла тақинчоқлари борми,

уйда кўзга кўринадиган нарса борми, фарқи йўқ, кўчага ташийди. Арzon-гаровга пуллаб майшатга сарфлайди. Келса ўлдираман! Агар тирик қолишини хоҳласанглар, ана, бирорвинг уйингга олиб кет! Фақат менмас-ку унинг акаси, — деди.

Бўрон секин жойига ўтириди. Укаси Солиҳга бир қараб қўйди-да, чўнтағидан сигарета чиқариб секинлик билан лабига қистирди. Лекин тутатмади. Кўлга олиб бармоқлари билан айлантириб эзаркан, гап бошлади:

— Эсингда бўлса, ойим раҳматли жон бераётганларида, Шоҳруҳни уйли-жойли қилишни бўйнингга олгандинг. Мен бўлса Солиҳни олувдим...

— Эй-й, ака, у пайтда мен бу боланинг аҳмоқлигини қаердан билибман? Тушимгаям кирмаган! — деб бақириб юборди Содиқ.

— Ўзингни бос, Содиқ, ҳовлиқма! Ундан қўра, бор, топган-тутганингни олиб кел, эллик-эллик қилайлик, ундан кейин ётиғи билан ҳал қиласиз ҳаммасини. Тутаб турибсан, бу аҳволда сен билан гаплашиб бўлмайди. Бор айтганимни қил.

Содиқ туришга улгурмади, хотини патнисда нон, қандай курс кўтариб келди.

— Аввал ароқ билан салат-палат олиб келинг, — деди Содиқ Хонзодага бир қараб қўйиб.

Бўронга укаси аёlinи сизлагани ўтиришмади. “Бунинг хотини бурнидан ип ўтказиб олган, бир умр энди мана шунаقا хотин қули бўлиб ўтади. Ҳе, аҳмоқ, одам хотинниам сизлайдими? Мендан ўрнак олсанг ўласанми, ҳозир ҳам ўрни келса янгангни тепкилаб оламан. Дадаси аввал амалдор эди, ҳозир сенга ўхшаган бизнесмен, нимадан қўрқасан?” — дея хаёлидан ўтказди.

Бирпасда дастурхон турли ноз-неъматлар, қовурилган гўшт, ичимликлар билан безатилди. Содиқ ҳамманинг пиёласини тўлдириб-тўлдириб ароқ қўйди.

— Ака, — деди Бўронга юзланиб, — мана шуни монинангизнинг тагидан доим шамол эсиб туриши учун оламиз.

Укасининг гапи Бўронга майдай ёқди ва пиёласини бир кўтаришда бўшатди.

* * *

Хонзода ака-укаларнинг олдига егуликларни қўйиб бўлгач, қўл телефонини халатининг чўнтағидан олиб, режасини амалга ошириш учун Соҳибнинг хотинига қўнғироқ қилди.

— Овсинжон, бормисиз, ўргилай, — деди у ёқдан гўшак олингач, — бундоқ бизларни эслаб ҳам турмайсиз...

— Опажон, ичимсиз-да, ҳозир ўзим телефон қилмоқчи бўлиб турувдим. Бойлигингида бойлик қўшиларкан, — жавоб қилди Соҳибнинг хотини.

— Мафтунахон, телефонда гаплашгандан кўра, юзмаюз ўтириб чақчақлашганга нима етсин? Бунинг устига, хўжайнингиз ҳам шу ерда. Ака-укалар майшат қилишганда биз овсинлар қилолмаймизми? Дарров йўлга чиқинг, — деб Хонзода Мафтуна жавоб беришга улгурмасидан тугмачани босди. Сўнг бироз ўлланиб тургач, катта овсинини ҳам уйига чақирди. “Барибир ўша шумқадамни уйдан йўқотаман. Шунақанги шумлик қилайники, икковингдан бировинг уйингга олиб кет”, деб хаёлидан ўтказган Хонзода телефонини қайтадан чўнтағига соларкан, ошхонага кирди. Бу пайтда катта қизи Шаҳло диванга ўтирганча шарбат ичиш билан овора эди.

— Ойи, — деди онасини кўргач, — нега бунаقا қила-япсиз? Шоҳруҳ акам ҳеч нарсани ўғирлагани йўқ-ку, тиллаларимизни ўзингиз олиб яшириб қўйдингиз-ку! Энди акам бечорани дадам бекордан-бекорга койиди.

Ўн олтидан энди ўн еттига қадам қўйиб, ранги тиниклашган, қўрган йигитнинг хаёlinи ўғирлайдиган дараҷада гўзаллашган қизига Хонзода бироз термилиб турди-да:

— Қизим, кўп нарсаларга сенинг ақлинг етмайди. Шоҳруҳнинг ёшиям йигирмадан ошди. Ҳализамон уйлантириш керак. Уйлантиргандан кейин унгаям биронта уй қуриб беришга тўғри келади. Шуларнинг бари дадангнинг елкасига тушишини хоҳлайсанми? Кўраяпсан, даданг сенларнинг яхши яшашларинг учун эртаю кеч тинмайди. Гўрсўхта аканг бўлса, умрини қаердаги боксами-балогами сарфлаб юрибди. Шу пайтгача уйга битта нон кўтариб келганини кўрганим йўқ. Шунинг учун,

ана, катта акасиникига борсин. Ака-укалар ичиде энг бойи, иккита данфиллама участкаси бор. Хотинчасигаям мошина обериб қўйибди. Бу йил қизи коллежга киргани учун яқинда униям мошина билан табрикларкан...

— Вой-й! — деди Шаҳло қўлидаги стаканни ёнидаги стол устига қўйиб сапчиб ўрнидан туаркан. — Сарвара-нинг мошинаси бўларканми?!

— Дадаси қоплаб пул топганидан кейин бўлади-да, — деди Хонзода бирдан қовогини уйиб. — Анави дардисар амакинг бўлмаганида, балки менгаям оберармидилар?

— Ойи, керакмас. Шоҳруҳ акамнинг бизга ҳечам зиёнлари тегаётгани йўқ. Қайтанга, дадам мол олиб келсалар, тиним билмайдилар, ҳали у ёқقا олиб борадилар, ҳали бу ёқقا. Баъзида эрталабгачаям ишлаганлар. Кейин уйимизнинг бозор-ўчари-ю, бизни бирон жойларга олиб бориб олиб келиш, дадам йўқликларида уйимизга қорувулик қилиш ҳам зиммаларида. Шунча меҳнатлари сингсаям туҳмат қилиб уйимиздан ҳайдатиб юбормоқчисиз, — деди Шаҳло хафа бўлиб.

— Ўчири овозингни! — бирдан жаҳли чиқиб кетди Хонзоданинг. — Бўйинг етиб айниб қолдингми?! Укангнинг ёши ўн бешга кирди. Худога шукур, бундан бу ёғига ҳамма ишини ўзи бемалол қиласеради. Ҳали униям ўқиши бор. Уйлантиришимиз керак. Ўзингниам сарпопларинг охиригача битгани йўқ. Битта итальян мебели қанча туришини биласанми?! Агар яна шунаقا гапингни қиласидан бўлсанг ўзингдан кўр! Бор энди меҳмонхонага, столларни тўғрилаб қўй, ҳализамон меҳмонлар кела-ди.

Меҳмонлар бир соатга қолмасдан дарвозада пайдо бўлишди. “Тавба, — хәёлидан ўтказди Хонзода, — чақиришимни кутиб турган экансанлар-да. Агар озгина индамаганимда, эрларимиз сизларни кидамасми, деб ўзларинг келавераркансизлар”.

У сохта табассум-у сохта илтифотни бир қилиб овсингларини кутиб олди. Меҳмонхонага бошлади. Эрлар ҳам уларни қўришди. “Сенлардан қутулмасканмиз-да”, дея ҳазиллашган бўлишди. Лекин биронтаси ўрнидан туриб уларнинг ёнига келмади. Ичкарида хотинлар, та-

шқарида уларнинг эркаклари анча вақтгача чақчақлашиб ўтиришди.

Овсинларининг бироз кайфи ошиб, тўғри келган гапни қайтармайдиган бўлишгач, Хонзода мавриди келганини тушунди ва навбатдаги вино тўлдирилган қадаҳни қўлига олиб бошини эгди-да, юм-юм йифлай бошлади. Овоз чиқармади, аммо қўзини ёшлиашнинг уддасидан чиқди.

— Тинчликми, Хонзодахон? — сўради ҳайрон бўлган катта овсин Фарогат.

— Эй-й, — деда қўлини силтади Хонзода, — қўрган куним қурсин. Қўяверинг, пешонамга шундай ёзилган экан-да.

— Нима бало бўлди? Очикроқ гапириング. Қайнам билан уришиб қолдингизми?! — деди юзига қайфули тус беришга уринган Фарогат.

— Бундан кўра Содик акамлар билан уришганим минг марта афзал эди!

— Нималар деяпсиз? Айтинг, сизни бу аҳволда кўриш бизгаям оғир...

— Илгари ҳечам гапирмасдим. Лекин пичоқ бориб суюкка қадалди. Аслидаям сизларни шунга чақиргандим. Бу балони ҳаммамиз маслаҳатлашиб ҳал қилмасак, ажалимдан беш кун олдин ўлиб кетсан керак. Қайнукангизга айтсан, парвоям қилмайди.

— Нима бўлганини айтинг, айланай, қанақа қайфуки, сиз шунча эзилиб юрибсиз? — деди тоқати тоқ бўлган катта овсин.

— Шу... ҳамма кимлигини яхши биладиган Шоҳруҳ, шунча қилғиликлари камлик қилгандай, қизим билан менинг тилла тақинчоқларимни олиб кетиб қолибди. Ўғирлаб кетибди!..

— Йўй-э!!! — деди бирдан иккала овсин.

— Бирорвга айтсанг ишонмайди. Лекин биз ўзимиздан чиқкан балога ўзимиз қолиб, дардимиз ичимизда, ўтирибмиз бошимизни чангллаб.

— Вой ўлмасам! — деди кичик овсин Мафтуна.

— Уйгинанг куйсин, шунақанги қилиқлариям борми-кан?.. Бугун тилла тақинчоқлар ўғирлаган бўлса, эртага

мошина-пошинаям ўғирлайди, бунақанги боладан ҳар бало кутиш мумкин, — деди ичкилиқдан қизарган юзи баттар қизариб Фарогат.

— Нимасини айтасиз, овсинжон, Шаҳлонинг сепига деб қанчадан бери йифиниб, уч миллионга брильянт кўзли узук олувдим. Олиб кетиб қолибди! — деди-ю Хонзода ўхшатиб хўрсинди, сўнг йифлаб юборди.

— Ё тавба! — деди Мафтуна ёқасини ушлаб. — Шоҳруҳжоннинг қўлидан ҳали шунақанги ишлар келадими? Одамнинг ишонгиси келмайди. Камгап, меҳнаткаш, бирорвнинг дилини оғритганини ҳалигача қўрмаганман.

— Уйингизда яшаганда билардингиз! — деб уни узид олди бирдан йифидан тўхтаган Хонзода. — Олиб кетинг, борсин, каталакдай уч хонали домга! Ундан кейин ҳолингиз нима кечаркан, кўраман!

Мафтуна шу пайтгача, бирор марта бўлсин, овсинла-рига гап қайтартмаган. Ҳар доим улар сўзлаётганида жим туриб эшигтан. Лекин ҳозир босиқлиқ қилолмади-ю, эвазига балога қолаёзди.

Орага бир неча сониялик сукунат чўкди. Овсинларидан садо чиқавермагач, Хонзода бурнини тортди-да, алам билан қадаҳини бўшатиб, стол устига тўқ этказиб қўйди-да, иккала овсинига бирма-бир қаради.

— Содиқ акамлар билан гаплашдим. Хуллас, Шоҳруҳ бизникида турмайдиган бўлди. Ахир унинг яна иккита акаси бор. Бир кун унисиникида, бир кун бунисиникида турсаям куни ўтади.

Бу гаплар Фарогатнинг юрагига пичоқдай қадалди. Соҳиб бой эмас, эрининг хизматида. Унга уй олиб бериб қутулмоқчи бўлишганди, бўлмади. Энди хотинини етаклаб кунда-кун ора келиб туради. Фарогатга қолса, икковиниям оstonадан ҳайдарди-ю, аммо Бўрондан қўрқади. Бу чапани одамники бир тутмасин. Агар худо кўрсатмасин, тутиб қоладиган бўлса, қопағон итлар унинг олдида ип эшолмай, тумтарақай қочади. Лекин охириги пайтларда Соҳиб билан хотинининг ёрдами тегиб турибди. Болалари улғайғанлиги учун бирори ўқишига, бошқаси ишга кетади. Кичкиналарини боғчага беришади. Фарогатнинг ҳам ўз фирмаси бор. Бир кун бормаса, ҳаммайёқ

түс-түполон бўлиб кетади. Мафтуна шундай пайтларда уйида бўлади. Қоровуллик билан бирга, у ёқ-бу ёқни супуриб-сидиради, овқат тайёрлаб қўяди.

Аммо Шоҳруҳ ортиқча. Агар ҳозир йўлини қилмаса, бўйинтуруқдай илиб олади эри Бўрон. Фарофат бироз қошларини чимириб ўйлаб турди ва бирдан хаёлига келган ўйдан юзи ёришиб кетди.

— Мафтунахон, — деди кичик овсинга, — бориб хўжай-инларни чақириб келинг. Улар билан биргаликда бу ма-салага нуқта қўймасак, эртага ҳаммамизнинг бошимизга бало бўлади.

— Хўп, — деди Мафтуна ва ўрнидан туриб ташқарига йўналди.

Унинг чиқиб кетишини кутиб турган Фарофат бирдан Хонзоданинг билагидан ушлаб ўзига тортди.

— Овсинжон, — деди паст товушда, — бир гап айтаман. Ҳозир шуни қиласиз. Шу билан ҳаммамиз қутула-миз.

— Нима қилай? — дея киприкларини пирпиратди Хон-зода.

— Шаҳлонинг бўйи етиб турибди. Ҳозир хўжайнилар келишганида, уларга: “Шоҳруҳ қизимга ёмон қараш қилди, бундай амакининг боридан йўғи афзал”, дейсиз. Қолганини менга қўйиб бераверинг, ўзим боплайман.

Хонзоданинг бирдан ранги оқариб, кайфи тарқаб кетди. Шу он миясига қизининг Шоҳруҳни ҳимоя қилгани келганди. Ахир шундай тантик, эрка қиз ҳар қанча яқин бўлганида ҳам амакисининг ёнини олмайди. Бир гапи борки... Фарофат овсинининг гапида жон бор.

— Намунча қотиб қолдингиз? — деди ундан кўзини узмаётган Фарофат.

— Миямга келмаганини қаранг. Ҳақиқатан ҳам шундай бўлса нима қиласман? Шаҳло ўлгур ҳам жуда очик-сочиқ кийинади. Модний қизлардан-да, — дея безовта-ланиб овсинига қаради Хонзода.

— Ана кўрдингизми? Лекин бунинг учун қизингиз айбдор эмас. Ана, мен ҳам қизларимга замонавий кийи-нишни ўзим айтганман. Латта-путтага ўраниб юргандан кўра, ёшлигига ўйнаб қолсин. Эрга тегиб битта болали

бўлсин, ана ундан кейин ўранаверади ўша латта-путта-га... Ҳа, овсин, бу гапни мен сизга айтганим йўқ. Яна сиримиз очилиб қолмасин. Эримнинг қанақалигини биласиз.

— Хотиржам бўлинг, ўзим у ёғини боплайман. Шу қайним ўлгурни қўрмайдиган бўлсам бўлгани.

— Унда манавидан яна биттадан ичайлик, ҳар қалай, бардам бўламиз, — деб Фароғат қадаҳларни винога тўлдириди.

Бироздан кейин aka-укалар бирин-кетин меҳмонхонага кириб келишиди.

— Вой-бўй! — дея ўшшайди Бўрон. — Бизни ташқарида қолдириб, ўзларинг байрамни авжига чиқарвориб-сизларми?

— Хўжайин, шундай эрларимизнинг сояи давлатида маза қилмасак, нима қилиб юрибмиз? — дея ҳиринглади Фароғат.

Содиқ тузатилган столни кўрганида қувонганди. Аммо хотинининг бошини эгиб хафа бўлиб ўтирганига кўзи тушгач, укасининг кўрсатган каромати ёдига тушиб, дарров қовофини уяркан: “Ҳали сени дардисар болага хафа қилдириб қўйдимми? Шошма, келсин, обдан “ҳақ”ини бераман”, дея хаёлидан ўтказди.

— Эй-й, келин, нима ўтириш бу? Доим хушчақчақ юрардингиз... Бизнинг ҳурматимиз шу бўлдими ёки кетайликми? — деди Бўрон Хонзодага ҳазиллашиб.

— Кечирасиз, aka, — дея зўрма-зўраки жилмайган бўлди Хонзода.

— Иш тутманг, келин, Содиқбой эртанинг ўзида аввалгисидан зўр тақинчоқлар олиб келиб беради. Сиз бунақа ўтируманг.

— Хўп, aka.

Эрлар столнинг бир томонига, хотинлар уларнинг рўпачасига ўтиришди. Ҳудди икки рақиб гуруҳ бир жойга тўпланган-у, муҳим масалани тинч йўл билан ҳал қила-дигандай. Бундай пайтда Соҳиб хушомадни жойига қўядиганлардан эмасми, чаққонлик билан ўртада турган конъякни очди.

— Охирги марта бунаقا ўтирганимизни ҳечам эслол-

майман. Гапдан олдин қиттай-қиттай олайлик. Менде-левдай жуда катта олим: “Одам ҳар куни юз-юздан олиб турса, соғлиғи учун кони фойда”, деган экан, — деди иржайиб.

— Ука, унда бу гап сенга тааллуқли эмаскан, чунки сен юз эмас, бирор уч юстани аллақачон олиб бўлдинг. Яхшигина ўргангандага ўхшайсан. Менинг мазам қочиб қолди-ю, сен ҳалиям қилт этганинг йўқ, — деди Бўрон укасига, сўнг Мафтунага ўгирилиб, — уйга ҳар куни ичиб келаяптими-йўқми? — дея сўради.

Мафтуна бироз қизарди ва жилмайиб:

— Ичмайдилар, ҳар-ҳар замон байрамларда озгинатозгина, шунда ҳам маст бўлар даражада эмас, — деб жавоб қиларкан, кўз остидан эрига қараб қўйди. Бу билан: “Кўрдингизми, агар кечагидай оёқда туролмайдиган бўлиб уйга келсангиз, ҳаммасини айтиб бераман”, деган гапни қисман билдириб қўйди.

— Келиб-келиб мениям келиндан сўраганимга қаранглар. Бу икковининг тили бир-ку!

Бўрон, унинг хотини ва Соҳибдан бошқа ҳеч ким кулмади. Одатда, у сал қизикроқ гап айтиб юборса, Содик ҳам, унинг Хонзодаси ҳам дарров иржайиб-тиржайишга тушиб кетарди. Ҳозир эса миқ этишмади. Қовоқларини уйиб ўтираверишиди.

— Сен иккаланг нимага бунча аммамнинг бузогига ўхшаб турибсан? Кетса кетар озгина бойликларинг, жонларингни олиб кетмабди-ку. Ҳали келсин, ўзим Шоҳруҳ билан бошқача гаплашаман. Илгариям бир-икки марта талтайиб кетганини эшитувдим. Жа, ўзларингам бўш қўйиб юборгансанлар...

— Ака, — дея унинг гапини бўлди Хонзода, — у фақат ўғирлик қилмаган, бошқа иш ҳам бор. Мен укангизга айттолмай юрувдим. Ҳозир ҳам тилим бормаяпти... Нима қиласай, мен ожизанинг қўлидан нима ҳам келарди?!

Хонзода аввал чуқур хўрсинди, сўнг кўзидан дув-дув ёшини оқиза бошлади.

Содик дарров сергакланди. Хотинига ўқрайиб қаради.

Юраги гупиллаб урганидан, ўзини зўрға тутиб турарди. Охири чидамади.

— Хоним! — деди ғазаб билан. — Мендан яширадиган гапингиз ҳам бормиди?!

— Дадаси, қандоқ айтаман?! — деди Хонзода кўзидан оққан ёши юзини ювиб. — Жигарингизни бир бало қилиб қўйишингиздан қўрқаман!

— Гапир, чайналмай! — бақириб юборди Содиқ.

— Укангиз... укангиз ўз синглисига... Шаҳлога қандай кўз билан қараётганини айтгунимча тилим узилиб тушади-ку!

— Нима?! — ўкириб юборди Содиқ. — Шоҳруҳ... Менинг укам қизимга!..

Уни титроқ босиб, кўзи олайди. Беихтиёр қўлига санчқини олди. Қолган икки ака-ука эса ўринларидан туриб кетишиди. Улар ҳам даҳшатдан қотиб қолишганди.

— Вой ўлмасам!.. Жигари-я?! Қандай шармандалик! — деди гўё бутунлай ўзини йўқотиб қўйган Фарогат.

Мафтуна уятдан қизариб кетди. У бир ака-укаларга, бир овсинларга термилар, эшитганлари шунчаки фақат унинг хаёлига келиб қолгандай эди.

— Шаҳло қани?! Шаҳло қани?! — дея наъра тортди Содиқ.

— У бечорани нима қиласиз? Шўрликнинг ҳеч вақодан хабари йўқ! Бекордан-бекорга вайрон бўлган кўнглини баттар вайрон қилмоқчимисиз?! Қизгинамнинг иситмаси чиқиб кетди. Дори бериб зўрға ўзига келтирдим.

— Ўлдираман! Бугуноқ! — Содиқ Бўронга қаради. — Ака, таъзияга одам йигаверинг. Бугун битта укангизни кўмасиз, иккинчисини турмага тиқасиз!

— Ўзингни бос! — бақириб юборди Бўрон. — Аввал ҳамма гапнинг тагига етайлик. Кейин... одам ўлдирадиган даражадаги иш эмас! Ўингдан ҳайдайсан...

— Дадажониси, — деди овсинига қўшилиб йифлаб юборган Фарогат, — ўғрилик қилган бўлса, уйга олиб кетиб тарбияласак, одам бўлиб қолар, деб ўйловдим. Мана, битта укангизни оёқقا турғаздингиз-ку! Лекин энди ниятимдан қайтдим. Сизнинг бир эмас, иккита бўйи етган, бир-биридан чиройли қизларингиз бор. Бу-

нинг устига, ҳализамон келин туширмоқчисиз! Шундай уйга қандай қилиб кўзи ўйнаган болани оборасиз!

— Ҳов, эшакмия, ким сенга уни уйга обораман, деди? Гаплашаман, деяпман-ку!!!

— Ака, — деди гўё нафаси тиқилаётгандай тез-тез нафас олаётган Содиқ, — номусимни топтатиб қўймайман! Шарманда бўлганимдан кўра, ўлганим яхши. Хуллас, гапим — гап! Келсин, ўлдираман!..

* * *

Илгари янгаси Хонзода Шоҳруҳни ёмон кўрарди. Икки гапнинг бирида жеркиб берар, йўқ жойдан баҳона топиб, ҳали ўнга ҳам кирмаган болани чимдир, баъзан уйда эри йўқлигига шапалоқ ҳам тортиб юбораверарди. Айби нималигини билмаган гўдакнинг йифлашдан ўзга чораси йўқ эди. Акасига айтса, яна балога қолади. Бир марта айтиб, таъзирини еган. Айтмоқчи эмасди, унинг ўзи кўриб қолди. Пешонасидан оқаётган қон гарчи тўхтаган эса-да, жароҳат кўриниб турарди. Шоҳруҳ боғламоқчи бўлганди, эпини қилолмади.

— Нима бу? — сўради ишдан қайтган Содиқ унинг ярасини кўриб.

— Ҳалиги... Ҳалиги, янгам... — энди гап бошлаган Шоҳруҳнинг дарди ичидаги қолди.

— Баттар бўлсин! — деди унга ўқрайган Хонзода. — Анави қуни сиз олиб келган янги гиламни дазмол билан куйдирибди. Айтса, кўйлагини ўзим дазмоллаб бермайманми?! “Нега куйдирдингиз?” дейишимни биламан, бирдан қочишга тушди. Эшиқдан чиқди-ю, зинага қоқилиб, думалаб кетди. Шундаям ичим ачиб, йод суриб боғлаб қўяман, деб чақирсан, қани, ёнимга келса!

Воқеа бутунлай бошқача бўлганди: қорни оч Шоҳруҳ ошхонага кирди. Музлаткичдан икки дона тухум олиб, энди газ ёнига борганида, ердан чиқдими-осмондан тушдими, Хонзодаҳон пайдо бўлди ошхонада.

— Ҳа-а, — деди қошлари чимирилиб, — қоринчалари очқаб қолдими?

Шоҳруҳ миқ этмай қўз остидан янгасига қараб турaverdi.

— “Ишёқмаснинг ётиб нон ейишини кўр”, деган экан бирор, мусорни ташлаб келдингизми?

— Ҳа, — деди Шоҳруҳ бош иргаб.

— Пақирни ювдингизми?

— Ҳа.

— Кўрай-чи?

Хонзода ахлат челякка қаради: тоза, лекин унинг кўнглидагидай эмас.

— Ҳали шу ювилганими?

Шоҳруҳ бошини эгди ва ҳар доимгидай гапиролмади.

— Мана сенга, ярамас!

Бошига теккан челяк зарбидан Шоҳруҳнинг кўзидан ўт чиқиб кетди. Бақиришга ҳам ултурмай ерга йиқилди. Бир қанча муддат карахт аҳволда ётди. Йиғлашга қанчалик уринмасин, овози чиқмайди. Оёқ-қўли қалтирайди. Хонзоданинг эса жон-пони чиқиб кетди. “Ўлдим!” деб бақириб юборди ўзи ҳам сезмаган ҳолда ва Шоҳруҳнинг юзига сув сепди. Бола сесканди ва секин-аста ўзига кела бошлади.

— Юрагимни ёрдинг, эшак! Сал тегиб кетсаям одам шунақсанги аҳволга тушадими?! Тутқаноғинг бор экан, айтмайсанми?!

У Шоҳруҳнинг қўлидан ушлаб ўрнидан турғизди, шоша-пиша пешонасидаги қонни ювиб ташлади ва қўлига дока тутқазиб:

— Мана шуни босиб тур, мен бошқа кийимларингни олиб келаман. Айтиб қўяй, бирорга финг десанг, тилингни суғуриб оламан! — деди.

Хонзода ошхонадан чиқиши билан Шоҳруҳ ҳам қочди. Акаси келгунча янгасининг кўзига кўринмади. Бунгача Хонзода атай гиламни куйдириб қўйди ҳамда юқоридаги ёлғонни тўқиб чиқарди.

— Эй, тинмас экансан-да, биласанми, гиламни неча пулга олганман? Бу аҳволда косамиз оқармайди, ука. Яна ҳовлиқмалигингга бало борми? Яхшиям, янганг бор, бўлмаса, очингдан ўлардинг! — деди укасининг яраси боисгина fazabini ичига ютган Содиқ.

— Ака! — деди Шоҳруҳ йиғлаб. — Бошқа қилмайман!

— Қилиб кўринг-чи, йигитча! Энди эркалигингизга

қараб ўтирумайман. Акангиз келгунича ўзим жазонгизни бериб қўяман! — деди унга ўқрайиб қараган Хонзода.

У пайтлар бу жувоннинг тили узун эди. Отаси Толиб Эрматович — катта идоранинг бошлиғи, қўлида минглаб одам ишлайди. Содиққа бир эмас, учта дўкон очиб берди. Лекин уни мол билан тўлдиришга Содиқда пул йўқ эди. Хотинини авради. Бир неча кун хушомад қилиб юрди ва у орқали қайнотасидан анчагина пул олди. Шу бирга Хонзодага тобе бўлди-қолди...

Шоҳруҳнинг бўйи ўсиб, билагига куч эниб, мўйлаби сабза уриб, ёши йигирмага яқинлашиб, қизларнинг кўзини ўйнатадиган ҳуснга эга бўлгач, Хонзода бирдан ўзгарди. Қайнукасини ўзгача эркалай бошлади. “Шоҳруҳжон, — деди, — “қайним” дейишга тилим бормайди, укамсиз, укам”, деди. Баъзан Содиқ унга дашном берганида, тарафини оларди. “Нега арзимаган нарса учун ҳам уришаверасиз? Худога шукр, ақли-хуши жойида, фаросатли йигит. Яхшиямки, бор экан. Бўлмаса, сиз йўқ пайтларингиз ким бизнинг ҳолимиздан хабар оларди?” дея қайнисини оқларди.

Шоҳруҳнинг хотирасида янгаси аламзада аёл сифатида муҳрланиб қолганди. Унинг бунаقا ўзгариши аввалига довдиратиб қўйди, сўнг аста-секин кўнинди. Ёшлигига қилган “каромат”лари учун ўч олишни мўлжал қилганди, у ҳам тумандай тарқаб, ўрнини меҳр эгаллай бошлади. Бироқ унинг нега бунаقا меҳрибон бўлиб қолганини ўйлаб кўриш хаёлига келмади.

Шундай қунларнинг бирида акаси Содиқ Россияга кетди. “Дўйонлардан, уйдагилардан ўзинг хабар олиб турасан”, деб укасига тайинлади. “Хавотир олманг, ака, бемалол бориб келаверинг”, дея ука ҳам аканинг кўнглини хотиржам қилди. Сўнгги пайтларда хотини билан анча апоқ-чапоқ бўлиб қолган укасига ҳамма нарсани ишонган Содиқ сафарга кетди.

Орадан икки кун ўтди. Учинчи кун тун ярмидан ошганда, ҳамма маст уйқудалигига Шоҳруҳнинг хонаси эшиги секин очилди. Сўнг ўзидан хушбўй анбар таратган бир шарпа ичкарига кирди-да, ортидан эшикни секин ёпди ва ниҳоятда назокат билан оҳиста қадам ташлаб

ширин туш оғушида маза қилиб ухлаётган йигитнинг тепасига келди. Бироз ҳавас билан термилди. Кейин эҳтиёткорлик билан кўрпанинг бир четини кўтарди.

Шоҳруҳнинг бурнига ҳар қандай әркакни эсдан оғдирадиган ҳид урилди. У тамшанди ва бироз қимиirlаб қўйди. Сўнг елкаларига, кўкрагига нимадир бир-бир тегиб ўтди, орқасидан секинлик билан силаш бошланди, унинг ортидан эҳтиросни қўзғайдиган товуш чиқди ва у ўпичга уланди.

Шоҳруҳ тушида гуллари чаман бўлиб очилиб ётган боқقا кириб қолди гўё. Ҳаммаёқ гўзал, одамнинг дили яйрайди. Бир маҳал унинг ёнида ниҳоятда сулув қиз пайдо бўлди. Йигит уни қаердадир кўргандай эди. Ким экан бу хилқат, дея иккиланиб турганида, қиз у томонга қўлларини чўзди.

“Кел ёнимга”, деди мафтункор овозда. Шоҳруҳнинг юраги гупиллаб уриб, аста-секин унга яқинлашди. Чирой маликаси бирдан унинг бўйнига осилди. “Жоним! Жоним! Сенинг дардингда адо бўлдим!” деди жонона. Шоҳруҳ ҳам унинг белидан маҳкам қучди ва шу он бу гўзални таниб қолди. Чўчиб кетиб, уни қўйиб юбораркан:

- Янга! — деди-ю, уйғониб кетди.
- Жоним! — деди Хонзода баттар эҳтиросга берилиб.
- Ундей деманг...

— Янга... Янга, нима қиласиз?! — деб устидаги жувонни нарига итарди Шоҳруҳ.

— Секинроқ, уйғониб қолишади...

Шоҳруҳ уни силтаб ташлади ва каравотидан сакраб тушди-да, ҳансираганча чироқни ёқиш учун эшик ёнига бораётганида:

— Шошманг! — деди ҳаяжондан нафаси бўғзига тиқилган Хонзода. — Бирпас шошмай туринг. Ўзим чиқиб кетаман.

У секин ўрнидан турди. Яланғоч танига халат илди ва бир-бир босиб, қўллари мушт бўлиб тугилган, ўзини зўрга тутиб турган Шоҳруҳнинг ёнига келди.

— Мен, — деди пицирлаб, — сизни тушунадиган йигит деб ўйлагандим.

— Нимани тушунишим керак?! — ғазаб билан унга юзланди Шоҳруҳ.

Шунда кутилмаганды Хонзода кафтлари билан юзини бекитиб йиғлаб юборди.

— Мен ҳам аёлман! — у ерга чўқкалади. — Танам айни эҳтиросга тўлиб-тошган пайт. Лекин акангиз бир йилдан бери ёнимга яқинлашмайди! Чўлу биёбонда қолиб кетган одамдай роса чанқаганман! Дардимга малҳамни кўчадан излайми?!

— Кетинг! — ўшқирди Шоҳруҳ. — Ҳозироқ қорангизни ўчиринг!

Гап Хонзоданинг юрагига ханжардай ботди. У бирдан йифидан тўхтаб, ўрнидан турди ҳамда тез халатининг боғичини боғларкан:

— Одаммас экансан, сўтак! — деди ва эшикни қарсиллатиб очиб чиқиб кетди. Хонасига бориб, икки кишилик юмшоқ ётоқча ўзини ташларкан, ўкириб йиғлаб юборди. Анчагача ўзини босолмади. Ҳиқиллаб йиғлайверди. “Ҳали шошма, — деди овоз чиқариб, — кунингни шундай кўрсатайки, туғилганингта пушаймон ейсан!”

Шоҳруҳ эртасига ювинаётганида ҳам ўзидан Хонзоданинг атири ҳиди уфуриб турганини сезди. Атир совун билан бутун танасини яхшилаб ювди. Лекин барибир унинг назарида ҳид кетмаган эди. Алам қилди, чиқиб янгасини бурдалаб ташлагиси келди-ю, яна ўзини босди.

Хонасига бориб апил-тапил кийинди-да, нонушта ҳам қилмасдан (айб иш қилиб қўйгандай, жиянларининг кўзига кўринишдан чўчиди), ташқарига отланди. Акасининг дўконларига бирма-бир кириб чиқди. Аммо ҳеч қаерга сифмади. Дўкон ичиди акаси ўтиргандай, унга термилиб: “Келиб-келиб сенга ишониб кетдимми?” деяётгандай туйилаверди.

Кўчада санқиб, амаллаб кунни кеч қилди-да, қаҳвахонага кирди. Нияти, бўкканча ичиб, уйига боради-да, янгасини обдан дўппослайди. Бироқ бу нияти амалга ошмади. Маст бўлгач, ўзига-ўзи гапирди, сўкинди, сўнг ухлаб қолди. Агар қаҳвахона ходимлари уйғотишмагани-да эрталабгачаям бошини столга қўйганча ухлайверарди.

Хонзода уни уйига бутунлай киритмасликка қарор қилганди. Лекин болаларини огохлантирмаган экан, улар дарвозани очиб қўйишиди. Шоҳруҳ тўғри хонасига кирди. Ечинди-ю, ўзини каравотга ташлади.

Шу-шу янгаси билан мутлақо гаплашмай қўйди. Уйдан овқатланмас, Хонзодага дуч келиб қолган кезлари ўзини кўрмасликка олиб ўтиб кетарди. Бундан Хонзоданинг юраги батттар фашланди. Хавфсиради. “Бу бола акасига ҳамма гапни айтиб беради”, дея ўйлади ва фитна режасини туза бошлади.

* * *

Шоҳруҳ ҳеч ўзига келолмасди. Қаерга бормасин, нима иш қилмасин, қулогига янгасининг гаплари чалинаверарди. Бунинг устига, кийимларидан, бутун танасидан унинг ҳиди анқиб тургандай туйилаверарди. Айниқса, акаси сафардан тўлиб-тошиб, муваффақиятидан осмонга сапчигудек бўлиб қайтганидан сўнг унинг кўзига қараёлмади. Қўл бериб сўрашаётганида, Содик уни қучоқлаб олди. Шунда Шоҳруҳнинг бирдан капалаги учиб кетди. Гўёки акаси шу қушишнинг ўзида таниш атир ҳидини сезиб қоладигандай.

Бугун ҳам саҳарлаб уйқудан уйғонди-да, аввал спорт залига борди. Бўлган воқеаларни бутунлай унутиш учун, нафаси бўғзига тиқилиб қолгунча, роса югурди. Сўнг осилиб турган қопни обдан муштлади. Лекин кўксидаги алам барибир чиқиб кетмади. Аксинча, кучайгандек, унинг бўйнидан бўғаётгандек эди.

— Сенга нима бўляяпти? — деди унинг ҳамма хатти-ҳаракатларини кузатиб турган мураббийи Диёр aka.

Шоҳруҳ пешонасидан оқаётгтан терни бокс қўлқопи билан артаркан:

— Мендан боксчи чиқмас экан, — деди унга қараб.

— Бекор айтибсан. Ўн беш ёшингдан бери “мусобақаларга қатнаш” деявериб чарчадим. Шу пайтгача бир неча марта чемпион бўлишинг керак эди. Мусобақаларга қатнашмас экансан, бокснинг нима кераги бор? Ўзими ҳимоя қилишимга зарур десанг, аллақачон бунга тайёр бўлгансан... Тинчмисан ўзи?

Шоҳруҳ бошини эгди. Бироқ гапирмади. Қанақа қилиб

гапирсин? “Янгам менга шунақа қилиқ қилди. Энди акамнинг юзига қараёлмаяпман”, десинми?..

— Бирдан профессионал бўлмоқчи эдим. Ўхшамаяпти. Кеча ўрта, оғир вазнлиларнинг боксларини қўрдим. Биронтасиям ёқмади. Ундан кўра “любител”ларники яхшироқ экан.

Шоҳруҳнинг сўзлари беўхшов чиқди. У Диёр акани ишонтиrolмади.

— Майли, ука, — деди мураббий унинг елкасига қўлини қўйиб, — ўзинг биласан. Лекин бирорта муаммонг чиқса, bemalol айтавер. Ҳар қалай, бир калладан иккитаси яхшироқ... Энди, ҳурматли проф бўлмоқчи йигит, рингга чиқинг, — деб Диёр aka ортига ўгирилди-да, нарироқда бошқа бир қопни обдан муштлаётган йигитга юзланиб: — Бахти! — деди.

— Лаббай, устоз, — қопни ўз ҳолига қўйган йигит унга қаради.

— Шоҳруҳ иккаланг олти раунд тушасан. Бир-бирингни аяш йўқ. Ҳақиқий бўлади.

Бахтиёр иржайди. Илгари у Шоҳруҳни бир неча марта ютган. Аммо охиргисида кутилмаган зарбани ўтказиб юбориб ўзи накаутга учраб, бирор беш дақиқа ҳушсиз ётган эди. Аламини оладиган пайт келганидан у қувониб кетди. Ҳатто ҳозирнинг ўзида югуриб келиб Шоҳруҳнинг жағига туширгиси келди. Аммо бунинг иложи йўқ. Боксдаги тартиб-қоидани бузиш мумкин эмас. Бахтиёр газабдан зўриқаётганидан қопни кетма-кет уч марта қаттиқ уриб, кейин тезда рингга кўтарилди.

Хаёллари бутунлай бошқа нарсалар билан банд бўлган Шоҳруҳ эса бошини эгиб секин унинг ортидан борди. Бу юриши мураббийга ёқмай, бақириб ҳам берди.

Биринчи раунднинг ўзидаёқ беш-олтита кучли зарбани ўтказиб юборган Шоҳруҳ полга қулади. Буни қўрган Диёр аканинг қони кўпчиди. У бир сакрашда рингга чиқди-да, Шоҳруҳнинг тепасига югуриб борди.

— Нима қиласайсан, эшак?! — бақириди у. — Бунча ландавурлик қиласан!!!

Кўз тиниши кетиб, тепасидаги устозини аниқ кўра бошлаган йигит бир қўлига таяниб энди ўрнидан тур-

моқчи бўлганида, боши айланиб кетди. У бир зум кўзи-ни юмиб турди. Сўнг қаддини ростлади.

— Ў-ў, бола, сен профессионал тугул любитель ҳам бўлолмайсан, тушунаяпсанми, любитель ҳам! Меҳнатимни бир тийин қилдинг! Яхиси, йўқол, қайтиб кўзимга қўринма!

Диёр ака бақираётганида Шоҳруҳ унинг кўзига тик қараб турди. Сўнг:

— Бир дақиқа, — дегач, Бахтиёрга юzlаниб, — нега қараб турибсан, бошла, — деди.

Рақибиға нисбатан жуссаси бирмунча йирик бўлган, кўп мусобақаларда кераклича чиниқан Бахтиёр ошкора кулди.

— Камлик қилибди-да сенга, — дея бирдан Шоҳруҳга ташланди.

Кўзига дунё қоронги қўриниб кетаётган Шоҳруҳнинг разаби икки ҳисса ошиб кетганди. Гўё янгаси иккаласи-нинг орасидаги воқеага Бахтиёрнинг алоқаси бордай, унга еб қўйгудек тикилди-да, рақибининг зарбасини боши устидан ўтказиб юборди ҳамда ўзи уни шунақанги муш-тлай бошладики, бечора Бахтиёр кўзини-да очолмай қолди. Ҳатто таслим бўлганини билдириш мақсадида қўлини икки-уч марта юқорига кўтарди ҳам. Аммо бу-ларни Шоҳруҳ кўрмади. Зарба кетидан зарба бераверди, бераверди...

Агар Диёр ака белидан қучоқлаб ушлаб қолмаганида, агар Бахтиёр полга гурсиллаб қулаганча хушидан кетма-ганида унинг уриши қанча вақт давом этишини ёлғиз Худо биларди.

— Бўлди, бўлди, ўзингни бос! Ўзингни бос! — деб Диёр ака Шоҳруҳни зўрга ўзига келтирди. У бурнидан оқаётган қонни алам билан билагига артди ва ҳеч бир сўзсиз рингдан ташқарига чиқиб кетди.

Уч-тўрт кун оралиғида киравериб ўрганиб қолган қаҳва-хонага борди. Одатий равишда юз грамм ароқ буюрди. Ичаётганида кўзидан ёш чиқиб кетди. “Йўқ, — деди ўзига-ўзи гапириб, — бу аҳволда жинни бўлиб қоламан. Кетишим керак. Бошим оққан ёқقا. Ҳеч ким мени кўрмасин... Аслидаям кимнинг кўзи учиб турибди мен-

га?” У ўрнидан туриб энди кетаётганида, хизматчи қиз тұхтатди.

— Менга қаранг, йигит, — деди афтини буришириб, — ўтган сафар ҳам икки юз сүм қарз бўлувдингиз. Маст экансиз, индамадим. Бу сафар индамай туриб кетаяпсиз. Нима, сиз учун ҳар гал мен чўнтағимдан пул тўлашим керакми кассага?

— Кечирасиз, — деди хижолатдан қизариб кетди Шоҳруҳ ва чўнтағини ковлай бошлади.

Аксига олиб, чўнтағидан қизнинг қофозчасидаги сумма чиқмади. Бундан баттар ўзини йўқотиб қўйган Шоҳруҳ қофозчани қўлига олиб қизга тикилиб тураркан:

— Юз грамм ароқ уч ярим минг бўладими? — деди.

— Йигирма фоиз хизмат ҳақиям бор... Кечирасиз-у, қўринишингиздан чиройли йигит экансиз. Лекин нима қиласиз киссангизда пулингиз бўлмаса бу ерга кириб? Алкашларга ўхшаб сассиқ винони ичиб кетавермайсизми? Арzonгина, устига-устак, яхшигина кайф оласиз.

Ер ёрilmадики, Шоҳруҳ кириб кетмади. Бирдан елкасидаги сумкасини қизнинг қўлига тутқазди.

— Ичидагиларнинг ҳаммаси янги, нархи юз мингга бориб қолади. Ҳаммаси сизга. Уйдан чиқаётганимда...

— Нима бор бунда? — деди қовоқ-тумшуғи осилиб кетган хизматчи қиз.

— Спорт кийимлари.

— Бошимга ураманми? Пул беринг менга! — деб чинкирди қиз.

Шоҳруҳ баттар нокулай аҳволга тушиб, атрофига алан-глади. У ер-бу ерда ўтирган хўрандаларнинг ҳаммаси уларга қарашар, мийифида кулиб қўйишарди. Йигит даҳшатдан қотиб қолди. Бунақанги шармандалиқдан кўра унгаичноқ санчганларида минг маротаба афзал эди.

Юзу кўзига аямасдан бўёқ чаплаган, қошлирини тера-верганидан фақатгина кичкинагина из қолган қиз унга бўзрайганча термилиб тураверди. Атайин шундай қилди. Азбаройи йигитнинг қадди-қомати келишганидан, чиройлилигидан уни ана шундай азоблаб роҳат олгиси келарди унинг.

— Хўш, — деди қиз Шоҳруҳнинг бутунлай довдираёт-

ганидан ўзини аччиқланган кўрсатиб, — пулингиз борми-йўқми ёки хўжайинни чақираими?

— Кечирасиз, балки сумкамни гаровга олиб турарсиз, мен тез бориб келаман...

— Ҳеч кимга кераги бўлмаган латта-путталарингизни аҳмоқларга ўхшаб олиб қолавераманми? Карам шўрвангизни йиғиштиринг-да, пулни чўзинг, — деб фўдайди қиз.

Шу пайт унинг ёнида тўладан келган, кўзлари ўйнаб турувчи бўйи узун бир одам пайдо бўлди.

— Нима гап, Поти, — дея қиздан сўради у.

— Манави бола, — деб Шоҳруҳни кўрсатди қиз, — ўтган сафар еб чиқиб кетувди. Маст бўлганлиги учун икки юз сўм қарзини айтмовдим. Кассага ўзим тўловдим. Бугун энди юз грамм ичиб индамай суриб қолмоқчи.

— Эй, йигит, — деди хунук иржайган киши Шоҳруҳга қараб, — онангнинг пайкалимиди хоҳлаганданда кириб еб-ичиб чиқиб кетадиган.

— Ака, — дея унга жовдираб боқди Шоҳруҳ, — манави сумкамни гаровга олиб қолинг, уйга борибоқ...

— Гадойларни боқадиган жой эмас бу ер, киссангда пулинг бўлмаса, ичишга бало борми? Сендақалар ҳиқилдоғимга келди! — деб қаҳвахона хўжайини кутилмаганданда Шоҳруҳнинг юзига шапалоқ тортиб юборди.

Оловга керосин сепилди гўё. Шунча камситишларига чидаб турган йигитнинг бардоши синди. Ва “бойвачча”-нинг ияги тагига қарсиллатиб мушт туширдики, бечора яrim метрлар чамаси кўтарилди-да, орқаси билан гурсиллаб ийқилди. Ҳақорат, камситишнинг жавоби шу билан тўхтамаслиги мумкин эди. Лекин вужуди изтиробга лиммо-лим йигит ортиқ ҳафсала қилмади. Бақа бўлиб қолган қизга қаҳрли нигоҳини бир қадади-да, сумкаси-ни елкасига илганча ташқарига чиқиб кетди. Беш-олти қадам босар-босмас ортидан: “Ўзига келмаяпти, ўлдриб қўйганга ўхшайди!” деган чинқириқ эшитди.

— Дунё озгина тозаланибди-да, — дея пицирлади у ва яна йўлида давом этаверди.

У анчагача ўзига келолмади. Янгасининг қилган

қилиқлари билан қаҳвахонадаги воқеалар қоришиб кет-гандай эди. Энг алам қиладигани, ҳар икковидаям Шоҳруҳ күпроқ азият чекканга ўхшарди. Кўпроқмас, фақат у. Бошқалар унинг устидан кулишди.

“Акамнинг кўзига қандай қарайман?” деган савол уй-ига яқин қолганида яна исканжага олди. У бир-икки бор юришдан тўхтади. “Уйга бормасам-чи?” деган хаёлга ҳам борди. Аммо қуп-куруқ чўнтак билан қаердан бошпана топади? Бирозгина жамғарган пули бор, лекин у ҳам уйда, ёстигининг тагида. Уни олиш учун барибир акасини кўриши керак. “Ишқилиб, акам уйда бўлмасин-да, бирон ёққа кетган бўлсин-да”, дея ўйлаган йигит Содиқ уни ўлдириш учун пичоқ яланғочлаб турганини билмасди.

* * *

Ойиси амакиси Шоҳруҳ ҳақида бўхтон гапларни гапираётганида Шаҳло эшик ортида турарди. Чой керак-керакмаслигини сўраш учун келганди. Хонзоданинг йифлаб-сиқтаб, қизига Шоҳруҳ бошқача қараш қилаётганини эрига айтиши билан қизарип кетди. “Вой ўлмасам, — деди пичирлаб, — ойим жинни бўлиб қолганми? Амакимни ўғрига чиқарганлари етмагандай, яна... Нега, ойи, нега бунақа қиласиз?” У бирдан кафти билан юзини бекитди ҳамда юргулаб тепа қаватга чиқиб кетди-да, хонасига кириб каравотга ўзини ташлади. Сўнг ўкириб йигларкан: “Оий!” дея бақириб юборди. Ҳартугул, овози пастгача эшитилмади. Эшитилганида борми, жуда бошқа воқеалар содир бўларди. Йўқ, Шаҳло онаси ёлғон гапираётганини айтолмасди. Тили бормайди. Ёлғончига чиқаролмайди. Бу эса ўз-ўзидан Шоҳруҳнинг гуноҳини икки ҳисса ошириб юборади.

Қиз талай муддат шу тахлит ётгач: “Мен ёлғонлар билан тўлиб-тошган уйда ортиқ яшолмайман. Амаким бизнинг касримизга қолиб азобланишларини кўриб жим қараб туролмайман”, дея хаёлидан ўтказди ҳамда қўл телефонини олиб дугонасининг рақамини терди. Аввал шўх мусиқа, сўнг Севинчнинг қувончли овози эшитилди.

— Алло, Севинч, уйингдамисан? — деди бирдан Шаҳло.

— Вой, дугонажон, салом-алик йўқ, тинчликми, нима бўлди, нега овозинг бунаقا чиқаяпти? — хавотирланиб сўради нариги тарафдаги овоз соҳибаси.

— Тинчликмас-да, дугон, уйингда бўлсанг қимиirlамай тур, ҳозир мен етиб бораман. Хўпми?

— Хўп, лекин менинг юрагимни ёрма. Нима бўлганини озгина бўлса ҳам айтгин. Бўлмаса, келгунингча ўлиб қоламан.

— Телефонда айтадиган гап эмас. Борай, ҳаммасини тушунтираман...

— Сени бошқа болага узатишмоқчими?

— Кошкийди, шундай бўлганида, бошқа иш. Бўпти, кутгин, дарров етиб бораман.

Шаҳло шоша-пиша телефон тугмачасини босиб, эшикка қараб қўйди. Сўнг юмшоқ каравотидан сакраб турдида, шкафини очиб, кийимларини бирма-бир гилам устига ташлай бошлади. “Бунча кўп бўлмаса бу латтапутталар? Одам қайсини кийишиниям билмайди!” дея аччиқланди у, сўнг улар орасидан бир ҳафта бурун ойиси олиб келган, баданига ёпишиб турадиган юпқа футболкасини танлаб кийди. Кейин унга мос тушадиган калта юбкасини қўлига олди-ю, бироз ўйланиб тургач, ташлади. Шимни маъқул топди.

Унинг ҳам уч юз мингдан зиёдроқ жамғармаси бор эди. Ойиси бирон нима учун дўконга жўнатганида ҳамма пулни ишлатмас, бир қисмини олиб қўярди. Тўрт-беш ой ичida йиғилиб-йиғилиб шунча бўлди. Пулларни бежиirimgina сумкаласига амаллаб тиқди-да, йўлакка чиқиб, секин пастки қаватга туша бошлади. Бу пайт дадасининг овози янада баландлаган, томоғи йиртилгудек бўлиб сўкинарди. Ора-чора бошқаларнинг нимадир деганлари қулоққа чалиниб қоларди-ю, аммо дадасининг бақириши барини босиб кетарди.

Шаҳло ташқари эшикни очаётганида “ғийқ” этган овоз чиқди. У худди ўғирликка тушган одамдай қўрқиб кетиб, тўхтади ва орқасига бурилиб қараб қўйди.

Кейинги учрашув бутунлай кутилмаганда содир бўлди.

Дарвоза очилиб, Шоҳруҳ кириб келди. Уни кўрган қиз жойида қотди. Кўкраги кўтарилиб, тез-тез нафас олар-кан:

- Амаки! — деди. Овози қалтираб чиқди.
- Тинчликми, Шаҳло? — деди унинг ҳаяжонланаёт-ганига ҳайрон бўлган Шоҳруҳ.
- Амаки, тезроқ кетинг. Илтимос, — дея Шаҳло бир-бир қадам босиб Шоҳруҳнинг ёнига келди-да, бирдан бўйнига осилди, — амакижон, — деди йигламоқдан бери бўлиб, — кирсангиз, дадамлар ўлдириб қўядилар.
- Нималар деяпсан, Шаҳло?! Тушунтириброқ гапир, тинчликми?!

Айни шу дамда Хонзода ўзига келиб олиш учун ташқарига чиқкан ва қайниси билан Шаҳлонинг гаплашаёт-ганини эшишиб қолганди. Қувончдан унинг юзи ёришиб, ўзини ичкарига урди.

— Дадаси... Дадаси! — деди шошиб. — Ана, ўзингиз кўринг!

Содик ўрнидан сапчиб турди. Акасини туртиб ағдариб юборишига оз қолиб, ташқарига югорди.

— Ифлос! — унинг оғзига келган биринчи сўз шу бўлди.

Бу пайтда Шаҳло амакисини ҳали қўйиб юбормаган, дув-дув кўз ёш тўкиб йиглар, Шоҳруҳ эса уни юпатиш билан овора эди. Икки севишган гўё айни шу ерда учрашиб қолишган, бир-бирларига соғинчларини изҳор қилиш билан овора эди. Манзарани кўрган бегона одам айни шу ўйга бориши турган гап. Бошқача айтиб бўлмайди. Қиз йигитнинг қучофида, йигитнинг қўллари қизнинг соchlарини силайди...

Содикнинг томоғига аччиқ бир нарса тиқилди. У нафас олишга қийналәётганди. Укаси билан қизи... Эй, Худо! Нима гуноҳ қилувдики, бунаقا шармандаликтинираво кўрса?! Агар қизи билан укасини мана шу аҳволда кўрмаганда, Шоҳруҳнинг бир ўзи уйга кирганида у ҳозиргида қотиб қолмасди. Бирдан укасининг ёқасидан олган, башарасига мушт туширган бўларди. Кейин ётқизиб олиб, хуморидан чиққунча тепкиларди. Ундан сўнг уйидан ҳайдаб соларди. Лекин ҳозирги манзара — куп-

па-кундузи қизини Шоҳруҳнинг қучогида қўриши қон босимини ошириб юборди. Аста-секин оёғидан дармон қоча бошлади.

Бўрон Хонзоданинг гапларига қўпам ишонмаганди. “Аёл зоти қўшиб-бичмаса, кўнгли бир жойга тушмайди”, деган ўйда эди. Аммо Шаҳлони Шоҳруҳ қучоқлаб турганини ўз кўзи билан кўргач, бошқа тафсилотга ўрин қолмади. Демак, келини алдамаган. Бечора, куйиб кетганидан кейин, иложсиз қолгач, сирни ошкор қылган. Илгари бир неча бор Шоҳруҳни қайтаришга уриниб кўргандирки, улдасидан чиқолмагач, бошқалардан нажот сўраган.

Аслида ниҳоятда оддий ҳол эди бу. Ака-укалар бир-бирларининг қизларини худди ўз сингилларидай, қизларидай кўрар, шу боис уларнинг пешонасидан ўпиб қўйишни канда қилишмасди. Бўрон эса Содикнинг фарзандларини доим бағрига босиб эркалар, юз-кўзларидан ўпиб қўярдики, бирор бошқа хаёлга бормасди.

Бемазагарчиликни кўриб туришга Соҳибнинг сабри чидамади. У укасининг ёнига борди-да, кулоқ-чаккасига шапалоқ тортиб юборди. Шоҳруҳ бирдан шолғомдай қизарди, кўзи ўт бўлиб ёнди. Бундан баттар фазабланган Соҳиб уни аёвсиз калтаклашга тушиб кетди.

— Бу ердамас! — бақирди Бўрон. — Уйга олиб кир! Кўшнилар ҳам эшитиб, баттар шарманда бўлмайлик.

Соҳиб укасининг сочидан фижимлаб ушлади ва уни ичкарига судради. Бу пайтда Содик тиззаси билан ўтириб қолган, ранги оқариб, фазабдан титрар, тили калимага келмай, нуқул фўлдиравди. Хонзода унинг атрофида гирдикапалак: “Дадаси, дадаси, сизга нима бўлди?! Нима бўлди сизга?!” — дея жаварди.

Шаҳло ортиқ чидаёлмади.

— Ёлғончилар! Ҳеч қайсиларингни қўришга кўзим йўқ!
— деб чинқирди-да, дарвозадан кўчага чиқиб кетди. Аммо унинг бақирганини бирор эшитмади, кетганига ҳам ҳеч ким эътибор бермади. Ҳамманинг бутун эътибори Шоҳруҳда эди.

— Кўйворинглар! — бақирди Шоҳруҳ.

— Кўйишни уйда кўрасан! — жавоб берди катта ака.

— Ит! — деди Бўрон Шоҳруҳни Соҳиб судраб ичкарига олиб киргач. — Нима ишлар қилиб юрибсан?!

Шоҳруҳнинг хаёлига кечаси янгаси қўйнига киргани келди. Янга қайниси сотиб қўйишидан қўрқиб, воқеани бошқа томонга ўзгартирган бўлиши ҳам мумкин-ку: яъни Шоҳруҳ Ҳонзоданинг хонасига кирган тахлитда.

— Мараз! — бақирди Соҳиб Бўронга яхши кўриниш мақсадида овозини баландлатиб. — Тилла тақинчоқларни ўғирлаганинг етмагандай, ўз синглингга кўз олайтириб юрибсанми?!

— Ни-ма?! — деди ҳайратдан товонигача титраб кетган Шоҳруҳ. — Нималар деяпсиз, ака?!

— Нонкўр!

Бу Содиқнинг овози эди. У жойидан қимиirlайвермач, Фароғат ошхонадан сув олиб чиқиб қайнисининг юзига сепганди. Содиқ дарров ўзига келди ва бақирчақир бўлаётган уй ичкарисига ўзини урди.

— Гўдаклигингдан туз бердим сен молга! — дея ўкирган Содиқ Шоҳруҳнинг устига бостириб кела бошлади.

— Башарамга оёқ босдингми?!

— Ака!..

— Сенинг аканг йўқ. Сени ойим туфмаган. Кўчадан келиб қолгансан!

Шоҳруҳ гапиришга ултурмади. Уч ака уч томонидан тепишга тушиб кетди. Ҳар учовига ҳам Шоҳруҳнинг кучи етарди. Истаса, кўз очиб-юмгунча, акаларини қонга белаб ташларди. Бироқ у бундай қилолмасди. Сабаби, бир онанинг қорнидан талашиб тушган инилари...

Кўзлари қонга тўлган уч ака беш дақиқача тинмади. Бу пайтга келиб Шоҳруҳ полга қулаган, ўзи билан ўзи овора бўлиб қолганди. Икки катта овсиннинг пешонаси тиришган эса-да, улар ич-ичидан хурсанд эдилар. Мафтунанинг бўлса, иккала кўзи ёшга тўла эди. У Шоҳруҳни калтаклаётган ака-укаларга шунақангি нафрат билан қараб турардики, агар эркакча кучи бўлганида, ҳар учовини ерпарчин қилиб ташларди. Шоҳруҳ бутунлай қонига беланиб қолганида, у бақириб юборди:

— Ўлдириб қўясизлар, тегманглар!

Зўравонлар бир зум тўхташди. Соҳиб хотинига ўқрай-иб қаради.

— Манжалаки, ўчир овозингни! — деди.

Ўлим ҳақидаги сўз бирдан Бўроннинг миясига урди.

— Бу сволочнинг тиригидан ўлиги қиммат. Бўлди қилинглар, — деди иккала укасига ҳам.

Содиқ ҳали-бери қониқмаганди. Яна калтаклагиси келаётганди. Шу боис, акасининг гапидан кейин ҳам ўзини босиб туролмай, Шоҳруҳнинг биқинига тепди.

— Бас қил, дедим! — бақирди Бўрон.

— Ака, — деди Содиқ кўзи олайиб Бўронга қарапкан, — бу ифлосга ҳали кам!

— Етади.

Содиқ башарасини бужмайтириб, оғир-оғир нафас олаётган укасининг бошига энгашди-да:

— Тиллалар қани? — дея сўради.

Шоҳруҳ фўлдираб тушунксиз товуш чиқарди.

— Эй, Худо, ишқилиб, бир бало қилиб қўйган бўлманлар-да, — деб Мафтуна юргурганча келиб қайнисининг бошини кўтарди, рўмолчаси билан бурнини, оғизлари атрофини артди ва кўрдик, лаби бир неча жойидан ёрилибди.

— Дўхтир чақириш керак! — деди эрига илтижо билан боқиб.

Шундан сўнггина овсингларининг ҳам ичидан зил кетди.

— Шарт эмас, ваннага олиб боринглар-да, яхшилаб бетини ювинглар иссиқ сувда. Агар бирон жойи тилинган бўлса, дори-пори суртинглар, дарров одам бўлиб кетади. Сал нарсага дўхтирга чопаверсанглар, спортсменлиги қаёқда қолади? Ўзи шунча вақтдан бери боксга қатнагани билан гўр ҳам бўлмабди. Мен бу баччагарни ўзимга телех қилиб оламан деб юрувдим, — деди Бўрон.

Холбуки, у ҳам қўрқиб кетган, мабодо Шоҳруҳни дўхтирга олиб борадиган бўлишса, ўйламасдан қилган ишларининг оқибати жуда хунук бўлишини эндиғина тушунган, вақтида тўхтатиб қолгани учун кичик келинидан ич-ичидан миннатдор эди.

Шоҳруҳнинг юз-қўзларини Мафтунахон ювди. Қол-

ган икки овсин бурунларини жийиришди. Айниңса, айни Шоҳруҳнинг кўйнидан бир олам лаззат олишни орзу қилган Хонзода шунақанги жиркандик, чала ўлик ҳолига келган қайнисига башарасини бужмайтириб бир-икки кўз ташлагач, кўнгли бехузур бўлаётганини баҳона қилиб ташқарига чиқиб кетди.

Содик эса меҳмонхонага кирди-ю, ароқни пиёлага ҳам қўймай, шишанинг ўзидан ичди. Сўнг қизини эслаб қолди. Бу пайтда Бўрон билан Соҳиб ишларини баҳона қилиб жуфтакни ростлашганди. Шуниси ҳам Содикقا алам қилди. Яна ҳамма ташвиш унинг бўйнида қолди. Акаси билан укаси Шоҳруҳни унга қўшилиб калтаклашди. Лекин масалани охиригача ҳал қилишмади. “Улар жигар эмас. Яхшилик чиқмайди. Бойликларига бойлик қўшишади, лекин менга ёрдам беришмайди. Ўлиб кетганим билан ишлари йўқ”, деб тўнғиллади ўзича. Шундан кейингина хаёлига Шаҳло келди.

— Хонзода, қизингни топ! — деб бақирди. У умрида биринчи марта хотинига бақириши эди.

Хотиндан садо чиқмади. Хонзода эрининг овозини ташқаридаги эшик ёнида туриб эшитганди. Бироқ ўзини эшитмаганга олди. Унинг-да ҳамма алами ҳали ичида эди. Овсини Фарогатнинг гўрига фишт қаларди. Чунки, Худо кўрсатмасин, Шоҳруҳ ўлиб-нетиб қоладиган бўлса, тағин улар балогардон бўлишарди: айни ўша Фарогатнинг ўргатимчилиги боис. “Нега шунинг гапига кириб “Шоҳруҳ қизимга ёмон қараш қилди”, дедим-а?.. Шундоғам “ўғри бизнинг уйда турмасин” деб оёқ тираб туриб олганимда, эрим барибир укасини уйдан ҳайдаб юборарди. Энди унинг касалиям дардисар”, дея ўйларди у.

— Хонзода! — бақирди яна Содик.

Унинг бақириши Хонзоданинг юрак-юрагидан ўтиб кетди. Агар кечами, аввалги кунми шунақанги томоқ йиртганида, қандай жавоб қилишни у жуда яхши биларди. Аммо ҳозир озгина паст тушиши керак.

— Нима дейсиз? — деди у меҳмонхонага бориб.

— Қизинг қани? — сўради хотинига ўқрайиб қараб кўйган эр.

— Вой ўлмасам! — дея кўзлари ёниб кетди Хонзода-

нинг. — Бечора қизгинам ҳамманинг эсидан чиқиб кетибди-ку! Хонасидадир?

— Чақир.

Хонзода югуриб тепа қаватта чиқди. Бироқ қизини тополмади.

— Дадаси! — деди қўрқувдан юраги дук-дук уриб. — Йўқ!

— Нега йўқ бўлади, қаёққа йўқолади? Қизингнинг ўзидаям айб борми дейман!

Кўполликларга Хонзода ортиқ бардош беролмади.

— Намунча бақирасиз боядан бери менга?! Бечора қиз амакисининг қилиқларини эшитгач, шармандаликларга чидолмай бирон ёққа кетиб қолгандир-да! Шу ўғрининг касри ҳаммага урайпти!..

— Ерни тагидан бўлсаям топ!

— Жинни-пинни бўлдингизми? Қаердан топаман?! Озгина совигач, ўзига келар. Келиб қолар ахир! Келмаса, дадамга айтаман, укаларим билан бирга қидиришади!

Хонзода навбатдаги тулкиликни ишлатиб, дадасининг номини эрига эслатиб қўйди. Бироқ кутилган натижа бўлмади. Бойлигу обрўда аллақачон қайнотасини ортда қолдирган Содик бошқа сўз демай, пиёласини ароққа тўлдириб ичди-ю, аммо чўчиб тушмади. “Нима қиласиз, хоним, уларни овора қилиб? Айтганингиздай, ўзига келса қайтиб қолар. Келмаса, ўзим излаб чиқаман”, демади. Бу эса Хонзоданинг юрак-юрагига бориб қадалди. У кўзёшини яширолмай, бироз эрига қараб тургач, бошини эгганча алам билан лабини тишлаб чиқиб кетди.

Орадан ярим соатча ўтди. Ташқарида ҳалгинчак ўриндиқда ўтирганча Хонзода эри ва унинг қариндош-уруғининг гўрига қаламаган фишт қолмади. Аммо, бир дақиқа бўлсин, қизини эсламади.

Содик эса укасини яна бориб тепкиламаслик учун ичаверди, ичаверди. Маст бўлди. Сўнг гўлдираб алланималарни гапирганча столга бошини қўйиб ухлаб қолди.

* * *

Шаҳло таксидан тушди-ю, йўл бўйида кутиб турган дугонасини кўриб йиғлаб юборди. Ва юргурганча бориб уни қучоқлаб олди.

— Нима гап, дугонажон?! — деди уни бағрига босган Севинч хавотирга тушиб.

— Севинч, айтишга тилим бормайди. Тилим! Мен адo бўлдим. Тушунаяпсанми, адo бўлдим! — деди қўзидан дув-дув ёш оқаётган Шаҳло.

— Жоним, қийнамасдан тезроқ айт, бўлмаса, мен ҳам ийфлаб юбораман!

— Йўқ, бу ерда айтольмайман. Уйингга... Йў-ўқ, бўлмайди. Биронта кафега кирайлик, ҳаммасини айтиб бераман!

— Бўпти. Кўз ёшингни арт, одамлар қараашаяпти.

Икки дугона озгина пиёда юришди. Шаҳло бироз ўзига келди. Кейин улар такси тўхтатишиди. Севинч шаҳар марказига ҳайдашни айтиб, орқа ўриндиққа ўтирди. Улар то манзилга етгунларича лом-мим дейишмади. Шаҳло ойнадан ташқарига қараб кетар, ора-чора чуқур хўрсиниб қўяр, худди шу маҳал уни қучоқлаб олган Севинч баттар ўзига тортарди.

Икки қиз қаҳвахонанинг алоҳида хонасига кириб ўтиришди. Хизматчи қизга Севинч салқин ичимлик буюраётганида, Шаҳло унинг сўзини бўлди:

— Конъяк олиб келинг. Шоколад ҳам! — деди.

Севинч дугонасига ҳайратланиб қаради. Бироқ хизматчи қиз ҳеч таажжубланмади. Боиси, у бундай ёш, гўзал қизлар конъяк ёки винони хуш кўришларининг бир неча марта гувоҳи бўлган. “Хушторингдан оладиган лаззат кам бўпти-да, конъяк ичиб яна кайф қилишни истаб қолибсан-да”, дея хаёлидан ўтказиб қўярди.

— Шартмиди, Шаҳло? — деди Севинч хизматчи қиз чиқиб кетгач.

— Ичмасам, ўзимга келолмайман.

— Мурод бирон хунар кўрсатдими? — дея дугонасинг кўзига тикилди Севинч.

— Э, йўқ. Айтдим-ку, сенга... Агар... агар бирон нима қилганларидаям бу аҳволга тушмасдим. Мурод акамдан хафаям бўлмасдим. Мен уни жонимдан ортиқ севаман... Лекин дардимни унгаям айтольмайман. Фақат сен, сен-тагина...

Патнис кўтариб хизматчи қиз келиб қолди-ю, Шаҳло-

нинг гапи бўлинди. У кириб келган қизга хунук қараб қўйди.

Гарчи Севинч қадаҳга шунчаки лабини теккизисб қўйган эса-да, Шаҳло бир кўтаришда идишидаги конъякни ичиб юборди. Кейин у сўзлади. Бўзлаб-бўзлаб, ойисининг қилмишларини, амакисининг бошидан инсон хаёлига келмайдиган туҳматларни ёғдирганини сўзлади ва гапириш асносида кўзидан тинимсиз ёш оқизиб турди. Оч қоринга конъяк ҳам тез таъсир қилиб, қизнинг бўзлашини баттар кучайтириб юборди.

Севинч орага бир оғиз ҳам сўз қўшолмас, фақат ҳайратдан киприклари пирпираб: “Ё тавба!.. Ё тавба”, дерди.

— Билмадим, — деди гапининг сўнгида Шаҳло, — амаким бечорани нима қилишди? Балки роса калтаклашгандир. Амаким уларнинг ҳаммасидан зўр. Лекин акаларига қўл қўтаролмайди! Жигарларига қандай қўл қўтарсин бечора амаким!

Шаҳло қадаҳини тағин конъякка тўлдириб ичиб юборди. Севинч унинг ичганини ҳатто сезмай ҳам қолди.

— Уйга бормайман, бутунлай! Ёлғончилар орасида бошқа яшамайман! — деди Шаҳло лабини артар экан. Шу пайтда бирдан унинг боши эгилди. Қизнинг кайфи ошиб қолганди.

Севинч Шаҳлонинг гапларидан кейин унга қанча ачинган бўлса, дугонасининг маст бўлганидан шунча қийнalarди.

— Шаҳло, жоним, бизникига борамиз. Мен билан бирга турасан, — дея дугонасининг қўлидан ушлади.

— Мурод акамга телефон қил. Мени олиб кетсин. Қаерга бўлсаям майли. Розиман бугуноқ хотин қилиб олишига! — деди Шаҳло бошини кўтариб, тобора юмилиб кетаётган кўзларини зўрга очаркан.

— Жинни бўлиб қолибсан. Нима деяётганингни ўйлајпсанми?! Тур, бизникига кетамиз. Бир-икки кун мен билан бирга...

— Йўқ. Мурод акамни чақир, агар мени ҳақиқатан ҳам севса, мана шундай кунда билинади. Шу пайтгача бойваччанинг набираси, бойваччанинг қизи эдим. Энди,

мана, уйдан кетдим. Чүнтагимда уч юз мингдан бошқа бойлигим йўқ. Севсин, ардоқласин... Агар, агар...

Шаҳло бошқа гапиролмади. Юм-юм йиглайверди. Киприкларига, кўз остига сурилган бўёқлар мутлақо қолмади. У табиий гўзал эди. Аслида унга бўёқнинг ҳожати йўқ эди. Шундай эса-да, қиз барибир бўёқ ишлатаверарди.

Севинч уни бағрига босди, йифлади, сўнг Шаҳлонинг илтимосини бажарди. Қўл телефонини сумкасидан олиб қўнғироқ қилди-да, Муродга манзилни айтди.

Орадан ярим соатча вақт ўтди. Бу вақт оралиғида ичи ёниб кетаётган Шаҳло бир неча марта конъякка қўл чўзди. Аммо ҳар сафар унинг қўлини дугонаси қайтарди. Шаҳло бир қултумгина ичишга беришини сўраб яли-навергач эса, хизматчи қизни чақириб, конъякни бериб юборди. Ўрнига шарбат олиб келтириди.

Бўй-басти келишган, сочи сарғиштоб йигит кириб келганида, иккала қиз бир-бирига сўзсиз термилганча ўз хаёллари билан банд эди.

— Мурод ака! — деб ўрнидан туриб кетди Шаҳло йигитни кўриши билан ва унинг бўйнидан қучиб, лабидан ўпид қўйди.

— Тушунмадим, — деди бирдан қовоғи уйилган йигит севган қизини қучоғидан бўшатиб нари итааркан, — ичибсанми?! Нима қилиқ бу?!

— Ҳозир тушунасиз, Мурод ака, — деди унга салом берган Севинч дугонасининг ўрнига жавоб бераркан, — Шаҳлонинг бошига ташвиш тушиб қолди.

— Қанақа ташвишки, бунинг учун ичиш зарур бўлса?..

— Ўтиринг, — дея унинг қўлидан ушлаб тортди Шаҳло, — айтиб бераман. Аслида, дилингизни хира қилмоқчимасдим. Лекин... Лекин ёлғиз сизгина кутқароласиз мени!

Бу пайтда Шаҳло яна йиглай бошлаганди. Йигит иккала қизга бир-бир қааркан: “Уйидагилар бошқа бирорвга турмушга беришмоқчи бўлса керак”, деган хаёлга борди.

Мурод Шаҳлонинг ёнидаги стулга ўтириши билан қиз унинг елкасига бошини қўйди. Сўнг ўпкаси тўлиб кетга-

нидан, бақириб юборишдан ўзини зўрға тийиб, кафти билан оғзини бекитди.

Севинч сездики, дугонаси гапиролмайди. Қандай гапирсин? “Амаким менга ёмон назар билан қарабди, буни нимагадир мен сезмасдан, ойим сезиб қолибди”, десинми? Севган йигитига бу гапни айтиш учун қизнинг юз териси қалинлиги қанча бўлиши керак? Қолаверса, Мурод унинг гапларига қай даражада ишонади? У ҳам ташлаб кетиб қолмайдими?

Севинч энди гап бошлаганида, Шаҳло уни тўхтатди.

— Ўзим... Ўзим ҳаммасини айтаман. Бундан олдин, Мурод ака, сиздан бир нарсани сўрасам майлими? — деди.

— Бемалол. Ҳамма саволингни беравер.

— Мени жудаям яхши кўрасизми? Ҳар қандай шароитда ҳам ёлғизлатмайсизми?

— Сен менинг ягонам, эркатойим, шириним, новвотимсан. Агар сен бўлмасанг, мен яшолмайман. Тушунаяпсанми, яшолмайман!!!

Унинг сўзларидан Шаҳло ҳаяжонланиб кетди ва ёнларида Севинч бўлишига қарамасдан, йигитини узоқ берилиб ўпди. Севинч уялди, қизарди, бошини эгди. Охири чидаёлмади.

— Сизлар гаплашиб туринглар, менинг озгина ишим бор эди, — деб ўрнидан турди.

Орадан бироз ўтиб, Шаҳло уйида бўлган воқеаларни бирма-бир гапириб берди. Лекин амакисининг шаҳват назари билан қараганини айтмади. Чунки қолгани ҳам Муродга етиб-ортганди.

— Ўйимдагилар, — деди талай муддат бир нуқтага термилиб турган Мурод Шаҳло сўзлаб бўлганидан кейин, — кеча дам олгани кетишиди. Ўн кунсиз келишмайди. Ёлғиз ўзимман уч хонали уйда. Ҳозир сени олиб кетаман. Мен билан яшайсан.

Шаҳло унга ҳеч бир жавоб қилмади. Бошини ҳам қилиб ўтираверди. Боягина: “Муроднигига кетаман”, деганди Севинчга. Энди Мурод айни у хоҳлаган гапни айтгача, негадир юраги орқасига тортиб кетди.

* * *

Шоҳруҳ қўзини очганида ярим кечада бўлганди. Аъзойи бадани қақшаб оғрир, юзи ловуллар, қимирлашга мадори йўқ эди. У бир муддат нега бунақа аҳволдалигини билолмай ётди. Аввалига хаёли Бахтиёр билан бокс тушганига кетди. “Наҳотки Бахтиёр мени шу аҳволга солган бўлса!?” — деб ўйлади ҳам. Аммо тезда уйга кириб келгани, жияни Шаҳлони учратгани, сўнг акаларининг, ҳеч нарсадан ҳеч нарса йўқ, унга ташланиб қолганлари, ҳақоратлари ёдига тушиб, юрагигача оғриқ етиб борди. Ичиқди. Ойисини эслади. Шоҳруҳ отасини хаёлида тиклолмайди. Бир ярим-икки ёшида авариядан ўлиб кетган. Ойисини эса жуда яхши билади. У кенжада ўғлини ҳаммадан кўпроқ эркалаторди. Еру кўкка ишонмасди. Доим ўзи билан бирга олиб юрарди. “Супрақоқдим, да-дасининг худди ўзи. Ёнимда бўлса, бехавотир бўламан”, дерди у. Ана шу меҳри боис мактабга борадиган ёшга етганида ҳам ўзи билан бирга олиб ётар, Шоҳруҳнинг уйқуси қочганида, бир-биридан қизиқ эртаклар айтиб берарди. Лекин кўз тегди. Шоҳруҳ иккинчи синфга ўтганида, ойиси бедаво дардга чалиниб қолди. Айни нариги дунёга сафарга отланаётган куни эркатой ўғлини ёнига чақирди.

— Болам, — деди озғин қўллари билан ўғлининг юзини силаркан, — сенинг учта аканг, иккита опанг бор. Ҳеч нарсадан зориқтирумайди. Бирори отангнинг ўрнига ота бўлса, бошқаси ойинг бўлади. Агар менга бир бало бўладиган бўлса, сира ўқинма. Кейин манави уй ҳам сеники. Катта бўлганингда келинни шу уйга туширасан. Тўй қиласан...

Она шўрлик ўзи ўша тўйни, келинини кўролмай кетаётгани алам қилиб йиглаб юборди. Унга қўшилиб Шоҳруҳ ҳам йиглади. “Ойи, ўлманг, ойижон, ўлманг”, дея ялинди.

— Ўлмайман, болам, мен... мен келинни ўзим сенга топиб бераман, келингинамнинг қўлидан чой ичаман, болагинам, йиглама, — деди ойиси. Аммо ўзининг кўзидан шунчалик кўп ёш оқардики, ёстифини ҳўл қилиб

юборди. Шундан сўнг Шоҳруҳга акалари ва опаларини чақириб келишни буюрди.

— Соҳибни сенга топширдим, — деди сўнгги нафасини олаётган она Бўронга, — Шоҳруҳжонимни бўлса, Содиқ боқади. Уйлантиради. Кейин ўзи бошқа уй олиб чиқиб кетади. Агар мени гўрида тик турмасин десанглар, айтганимни қиласизлар...

Она бошқа гапиролмади. Мангу уйқуга кетди.

Орадан кўп ўтмай, қайнотаси ёрдамида ишлари юришиб кетган Содиқ уйни бузиб, бошқатдан икки қаватли қилиб қурди. Ичларини ҳашамдор қилиб безатди. Ҳовлисига кўм-кўк майса экди. Кейинроқ фаввора ҳам пайдо бўлди. Шунинг ўзиёқ Содиқнинг абадул абад бу уйдан кетмаслигини кўрсатиб турарди. Ва албатта, буни унинг хотини Хонзода кўпроқ истарди. Демак, бунинг учун меросхўрни йўқ қилиш керак. Айни истак важи, қолаверса, Хонзоданинг сўнгги пайтларда қайнисига ишқи тушиб қолгани Шоҳруҳни мана шу кўйга солганди.

Шоҳруҳ кўзидағи ёшни артди ва оғриқдан жони қийналиб секин ўрнидан турди-да, бир-бир қадам босиб чироқни ёқди. Шунда билдики, уни пастки қаватдаги хоналардан бирига ётқизишибди. У амаллаб ювиниш хонасига ўтди. Бошини, юзини ювди. Барибир оғриқ тўхтамади. Шундан сўнг эмаклаб юриб иккинчи қаватга кўтарилиди-да хонасига кирди. Кийимларини сумкага жойлади. Сўнг қора кунга деб атаб яшириб қўйган пулларини олди ва юқорига қандай чиққан бўлса, шу тахлит пастки қаватга тушди.

Машиналар қатнови камайган қўчага етганидан кейингина нафас олиши бироз яхшиланди. Тўхтаб чукур нафас олди, энди қаёқча боришини ўйлади. Шунда хаёлига уч бекат нарида яшайдиган опаси келди.

Опаси унга жудаям меҳрибон, аммо Шоҳруҳ поччаси билан кўпам келишмайди. Поччаси уйида бирор пиёла ортиқча чой ичиб юборса жигибийрон бўладиганлар хилидан. Бундан уч йил муқаддам Шоҳруҳ уларникида икки кун турган. Шунда ҳам поччаси хизмат сафарига кетиб, опаси илтимос қилганидан кейин ноилож

борувди. Сафардан қайтган почча аввал ошхонага ўтди. Музлаткични очиб, бир муддат тикилиб тургач, картошка-пиёзни текширувдан ўтказди ва чамасидан анча камайиб қолганини сезди-ю, опасига бақира кетди: “Сан эканомикани билмайсан, йўғимда хоҳлаганча нарсаларни ишлатаверасан, белинг оғриб пул топмайсан-да. Биласанми, бир кило картошкани сотиб олиш учун мен қанча пешонамни терлатишм керак...” ва ҳоказо. Шоҳруҳнинг ичидан зил кетганди ўшандада. Алами келиб, поччасини урмоқчи ҳам бўлди-ю, лекин ўзини босди. Мунфайиб, бошини эгиб, улкан айб иш қилган одамдай қизарганча қўзидан ёш оқизиб турган опасига:

— Мен борай, бирон нима керак бўлса айтарсиз, — деди. Аслида: “Агар яна ортиқча гап қилса, айтинг”, демоқчиди.

Шоҳруҳ доим бир нарсага ҳайрон бўларди. Опаси Раъно эри нимаики пасткашлик, зўравонлик қилмасин, на акаларига ва на укаларига шикоят қиласар, ҳар доим эрини ҳақ билиб, ўзини айбдор ҳисобларди. Худди агар шу одам бўлмаса, у эрсиз қолиб кетадигандай эди. Бошқа бировга турмушга чиқолмай, қариқизлигича ҳаётдан боши очиқ ўтиб кетадигандай гўё.

Ана шу тарафлари билан у онасиға жуда-жуда ўхшаб кетарди.

Шунинг учун ҳам Шоҳруҳ ҳаммадан кўп Раъно опасини яхши кўрар, яхши кўргани боис, поччасининг қилиқларидан хабардор эса-да: “Опам хафа бўлиб қолади”, деган ўйда тишини-тишига босиб юрарди.

Тўрт қаватли бино ёнига борганидан кейин: “Бемаҳалда кириб борсам, уларни безовта қилиб қўймайманми?” — деган хаёлда кириш йўлаги ёнида Шоҳруҳ бироз туриб қолди. Иситмаси янайм кучайди, баданини титроқ босди. Ҳолсизланди. “Ҳали ўлишимга эрта, бунчалик тез ўладиган бўлсам, ойим хафа бўлади. Нима бўлса бўлди, бегоналарни келаётганим йўқ-ку! Ҳеч курса, эрталабгача уйларида туришимга рухсат берар”, дея ўйлади Шоҳруҳ ва зинанинг суюнчиғидан ушлаб, бир-бир қадам босиб, танасининг оғриқларидан юзи буришиб учинчи қаватга кўтарилди. Ўзига таниш қизғиши темир

эшик ёнига етганида, ниҳоятда чарчаганидан, ўпкаси томогидан чиқиб кетгудек нафас оларди у.

Қўнгироқни кетма кет икки марта босди. Опасию жиянлари қаттиқ уйқуда, шекилли, ҳеч ким жавоб бермади. Шоҳруҳ тутмачани бу сафар кўпроқ босиб турди. Шундан сўнг ичкаридан тушуниксиз товуш эшилди. Борган сари дармони кетаётган Шоҳруҳ: “Менга шундай туйилди, шекилли”, деган хаёлга бориб, тағин тутмачани босишга мажбур бўлди. Бу сафар кимдир (поччасилиги аниқ) сўқинди, ортидан бирор фўлдираган товуш чиқарди. Лекин бунга Шоҳруҳ эътибор бермади. Деворга суюнганча эшик очилишини кутди.

— Ким?! — деди эшикнинг нариги томонидан поччаси.

Шоҳруҳ бирданига жавоб беролмади. Унинг назарида, ҳеч ким гапирмагандай эди.

— Ким дедим?! — бақирди яна почча аламли овозда.

— Ме... Мен, — деди зўрға Шоҳруҳ, — почча, мен келдим.

— Ярим кечаси пишириб қўйибдими? Санқиб юравесрасанларми туни билан?! — дея ўкирган почча, ёнида бирор бор бўлса керакки: — Оёқ остида юмалаб ётаверасанми, йўқол, манжалаки! — деди.

Сўнгги сўз Шоҳруҳни сергаклантириди, бир зум у танасидаги оғриқни унутди.

— Почча, Шоҳруҳман, иш билан келдим! Эшикни очинг! — деди йигит бу сафар нисбатан дадил овозда.

Эшик қулфи шарақлади, сўнг очилди ва поччанинг қовоқлари уйилган башараси кўринди.

— Нима гап? — деди у бирдан салом-аликсиз. — Ярим оқшомда нима қилиб бирорларнинг эшигини қоқиб... Шошма, оғайни, абжагинг чиқиб қопти-ку. Камроқ ичиш керак эди! Яна шу аҳволингда менинг уйимда бало борми?!

Ёпилаётган эшикни Шоҳруҳ зўрға ушлаб қолди.

— Почча, опамда гапим бор, дарров кетаман, — деб шу сафар ҳурматни йигиштирган йигит ўзини ичкарига урди. Бироқ остоноадаёқ қотиб қолди.

Кираверишда Раъно оғзи-бурни қонга беланиб деворга орқаси билан қапишиб турарди.

Раъно укасини кўриши билан жилмайишга уринди-ю, аммо кўзидан ёш чиқиб кетди. Сўнг лаблари титради.

— Ҳалиги... укажон, яхши келдингми? Мен йиқи-либ... Вой, Шоҳруҳжон, юзингга нима қилди?!

Опа укаси томон интилаётиб қалқиб кетди. Агар Шоҳруҳ ушлаб қолмаганида, полга гурсиллаб ағанарди.

— Қариндош-уругингнинг дастидан кечасиям тинчлик йўқ. Ўз уйингда кечасиям тинчгина ухлаёлмайсан. Ичиб олиб, кимлар билан уришган бу?! Балки битта-яримтани уриб ўлдириб ҳам қўйгандир. Ҳализамон орқасидан милисаям келиб қолса керак. Қилғилиқни бу зўравон қиласида, балога биз қоламиш! — дея валдирай бошлади поччаси Файбулло.

Шоҳруҳ опасини кўргандаёқ ўзининг оғригини унуган, ғазаби жунбушга келганди. Бир қалом қўпол сўз сабр косасини тўлдириб юборарди. Бунақанги сўздан бир нечтаси кетма-кет айтилди. Шоҳруҳ секин опасини полга ўтқазди ҳамда навбатдаги ҳақоратга оғиз жуфтланган Файбуллога ўқрайиб қаради.

— Қилғилиқни қиласанлар, кейин менга...

Поччаси бошқа гап айттолмади. Кўзининг тагидан ке-либ тушган муштнинг зарбидан “Имм!” деб юборди ва башарасини кафти билан бекитганча секин чўккалар-кан:

— Илтимос! Илтимос, урма! Касалман, касаллигимни биласан! Ўлиб қоламан! — дея ёлворишга тушди.

— Опам арпангни хом ўрганмиди, итдан тарқаган?!

— Шоҳруҳжон, — деди Раъно, унинг овози жуда ши-каста чиқди, — мен ўзим айборман, укагинам. Билмас-дан поччанг олиб келган гўштдан кўпроқ ишлатиб юбо-рибман!

Шоҳруҳнинг фифони фалакка ўрлади.

— Ҳали шунинг учун урдингми?! Бир бўлак гўшт учун бир аёлни қонига белаш керакми?! Опамнинг қадри шун-чалик тушиб кетдими?!

Шоҳруҳ қолган-қутган кучини тўплаб Файбуллони яна урмоқчи эди, бирин-кетин югуришиб жиянлари келиш-

ди. Келибоқ, қаққайғанча ота-онаси ва тоғасига термилишди. Ҳеч биридан садо чиқмайди. Ҳаммасининг кўзла-ри тўла кўрқув. Каттаси ўн олтидан ошган, кичиги сак-киз ёшда. Бешта. Бешаласи ҳам қиз. Бирортасида ҳам юрак йўқ. Барака топгур, ота гўдакликларидаёқ сууриб олган юрагини. Уларга қараб Шоҳруҳ баттар эзилди. Ҳозир отасини урадиган бўлса, жиянлари қай аҳволга тушишини тасаввур қилди.

— Нодира, — деди катта жиянига, — ойингнинг юз-кўлларини ювинглар. Йод, кейин иситма туширадиган (Шоҳруҳ дорини ўзи учун айтди, эҳтимол, опасида ҳам иситма бордир) дориларингдан олиб келинглар.

Катта жиянининг орқасидан энг кичиги ҳам югуриб кетди. Бирпасда косада сув, дока олиб келишди.

Файбулло ўзининг бир мушт еганини милиса орқали ўн баробар қилиб чиқариб олиши мумкин, аммо ишлатилган доканинг ҳақини кимдан ундиради? Қолаверса, йод, иситма туширадиган дори ишлатилаяпти, буларнинг пулини ким тўлайди? Мана шу нарса уни кўпроқ қийнар, сарф-харажатни кўриб қийналганидан, кўзини юмиб, ўзини дарров ухлаб қолганга солиб ўтириш минг карра яхшироқ эди.

Опа-сингиллар бирпасда ойижонларининг юзини ювишди, ёрилган жойларига йод суришди. Шунда ҳам Раъононинг кўзи эрида эди. Бир неча марта паст товушда қизларига илтимос қилди. “Дадангни суюб жойига ўтка-зинглар, шўрлик ўтирган жойида ухлаб қолди”, деди. Аммо отага нафрат кўzlари билан боққан қизлар шу сафар буйруқни бажармадилар. Унга раҳмлари келмади. Зеро, улар арзимаган гўшт сабаб ойилари қанчалик калтак еганини ўз кўzlари билан кўришганди. Энди қандай қилиб золим отасига суюнч бўла олишади? Лекин она барибир чидаб туролмади. Катта қизини уришиб берди. Кўзидан дув-дув ёш оқаётган Нодира отасининг тепасига бориб бир муддат турди, сўнг:

— Дада! — деди нафрат оҳангида. — Туринг, жойин-гизга ўтинг!

— А-а! — уйқусидан чўчиб уйғонгандай Файбулло ат-рофига олазарак боқиб, гўё хотинини энди кўриб тур-

гандай кўзи олайди. — Раъно! — деди ҳаяжонли товушда.

Дори ичганидан кейин иситмаси тушиб, анча ўзига келган Шоҳруҳ унинг қилиғидан фижинди.

— Сени ким бу аҳволга солди, деб сўранг, “ҳурматли” почча, — деди ўзини зўрға босиб.

Файбулло унга қарамади ҳам. Индамай турди-да, ётотига кириб кетди.

Опа-ука ошхонада гаплашиши.

— Ярим тунда нега бунаقا аҳволда юрибсан, кимлар билан уришдинг?! Сен бемаҳал кўчада юрмайдиган, босиқ боласан-ку! — деди ўзининг дарди қолиб, укасига ачинган Раъно.

— Мени қўяверинг, опа. Кўчада бир-иккита безори ўзларича катта кетиши. Муштлашишга мажбур бўлдим. Йигитчиликда бўлиб туради... Лекин, опа, мен сизни бу ерда ортиқ қолдиролмайман. Нега доим анави маразнинг қилиқларини биздан яширасиз?

Опа титради. Эри кириб кетган хонага ўғринча қаради. Сўнг:

— Поччангни ҳақорат қилма, сендан ёши улуг. Оила-да нима гаплар бўлмайди, дейсан, ҳаммасини кўтариб акаларимнинг ёнига чопаверсам, ажрашишимга тўғри келади... Пешонамга ёзилганидан қочиб қаёққа борардим... Жиянларингнинг ҳаммаси қиз, бир кун уларни узатиш им керак. Отаси бўлмаса, қайси одам уйимга совчи қўяди? Шу томонларини ҳеч ўйлайсанми, укажон?

— Опа, сиз қачон ўзингизни ўйлайсиз? Кўз тегмасин, жиянларимнинг ҳаммаси бир-биридан ақлли. Худо хоҳласа, бари баҳтли бўлади. Қолаверса, мен поччам билан ажрашинг, демаяпман. Уни бир йўлга солиш керак. Бунақа хўрлайверса...

— Кўй, унақа дема.

Шоҳруҳнинг боши эгилди. Қайғу бутун вужудини титратиб юборди. Ортидан чорасизлик бостириб келди. Уйиз-жойсиз, нажот истаб келди-ку шу ерга, энди опасини олиб қаёққа боради?

— Кетасиз, тамом-вассалом, ҳезалак билан...

— Шоҳруҳ! — бақириб юборди Раъно.

Йигит секин бошини күттарди. Унинг кўзи олов бўлиб ёнарди. Опаси сесканди. Бир муддат укага тикилиб, гапини давом эттиrolмай қотиб қолди. Шоҳруҳнинг кўксисда қаҳр алангаси гуркираганди. Сиполик, камсуқумлик, меҳр ортга чекинганди.

— Жиянларим! ҳезалаксиз ҳам баҳтли бўлишади, — деди Шоҳруҳ қатъий. — У билан яшамайсиз, тамом. Агар яшайдиган бўлсангиз, ўлдираман уни!

Файбулло ётоқхонага кирган бўлса-да, қулоги динг эди. Хотини гапираётганида ич-ичидан хурсанд бўлган: “Мендай эрини ҳимоя қиласида-да, қилмай кўрсин-чи, жавобини бериб юбораман”, дея хаёлидан ўтказганди. Аммо қайнисининг ҳақоратга лиммо-лим кескин гапини эшитгач, эти музлади. Бирдан бориб шкаф ойнасига қарадида, қовофини силаб-силаб кўрди. Кўзининг таги бироз қизаргандай эди, лекин кўкарадими-йўқми, худо билади. Агар кўкармаса, у Шоҳруҳдан бир тийин ҳам оломайди. Ҳақорат... Ҳақоратга ўрганиб қолган. Ишхонасида ҳам уни зиқна, ҳезалак дейишади. Аввал бу лақаблар унга оғир ботган эса-да, секин-секин ўрганиб қолди. Ўрганмасдан иложи қанча, бировга сўзи ўтмагани камлик қилганидай, Худо уни эркакча овозу куч-қувватдан ҳам қисиб қўйганди. Мана шулар боис, ўта юраксиз эди. Кучи ёлғиз хотинига етарди. Раъно бўлса, элдан уяларди. Одамлар орасида: “Шу ҳам эридан ажрашган”, деган гап тарқалишини истамасди. Кейин турмушга чиқиши билан ҳомиладор бўлиб қолди. Фарзанд унинг учун ҳамма нарсадан азиз эди. Шунингдек, унинг боласи-да кам бўлмаслиги лозим. Албатта, ота томондан ҳам. Бунинг учун эрининг барча пасткашликларига чидамоқ керак. Мана, чидаяпти...

— Ўҳ, яшшамагур, — деди юраги орқага тортиб кетган Файбулло Шоҳруҳнинг сўнгти гапини эшитгач. Сўнг қулогини эшикка тутиб, хотинидан нажот кутди.

— Ўзингни бос, — дея йиғламсиради Раъно, — поччанг яхши бўлиб кетади. Охирги пайтларда анча ўзгарганди...

— Ўзгарганди?! Кўриб турибман қанақа ўзгарганини!.. Агар мен келмаганимда, эшикнинг тагида ётаверарми-

дингиз?! Йўқ, опа, мен буни шу аҳволда қўймайман, ҳозир ҳезалак...

— Бас!!! — бақириб юборди Раъно. — Билагимда кучим бор деб ҳар нарсани гапираверасанми?! Сен ҳезалак деяётган одам менинг эрим, бир умрлик ёстиқдошим! Жиянларингнинг отаси!.. — деб Раъно йиглаб юборди ва кафти билан юзини бекитди. Ёрилган лаби таранглабишиб, жароҳатидан тағин қон сизиб чиқди.

— Опа, — деди унга юраги ачишган Шоҳруҳ, — қўйинг, қуйинманг, майли, мен ҳеч нарса демадим. Қайтариб олдим.

Раъононинг дарров юзи ёришди. У шоша-пиша кўз ёшини артди-да, жилмайишга уринди. Ўшанда Шоҳруҳ опасининг лабидаги қонни кўрди ва ичиди бир нима чирт этиб узилгандай бўлди.

— Ҳозир, — деди у бутун дардини ичига ютиб, — поччамдан кечирим сўрайман.

— Ана, ўзингга келдинг, Шоҳруҳжон. Юр, мен ўзим...

— Йўқ, опа, сиз битта чой дамлаб беринг, роса чанқадим, — деб ука секин ўрнидан турди.

Ётоқхона эшиги ортида ҳамма гапни эшитиб турган Файбулло бирдан қаддини ростлади. Қовоғини уйди. “Мени ким деб ўйлагандинг, зумраша? Битта муштни икки оғиз кечирим сўрашинг билан унтиб юборавераманми? Чучварани хом санабсан. Тонг отсин, сен билан бошқача гаплашаман. Икки миллион олиб келасан, ундан кейин кечиришни ўйлаб кўрамиз”, дея хаёлидан ўтказди ва оёқ учиди тез-тез юриб икки кишилик каравотнинг бир четига ўтириди-да, пешонасига қўлини тиради. Худди еган калтагидан қаттиқ изтиробга тушган, қайниси қўл кўтарганидан ўзига келолмаётгандек эди.

Шоҳруҳ секин эшикни очди ва опаси эшитиши учун:

— Почча, ухлаб қолмадингизми? — деди.

Қайгуга ботган Файбулло секин бошини кўтарди ҳамда пешонасини тириштириб унга қаради.

— Ухлаёлмайдиган қилиб қўйдинг-ку! Уйимга келиб, болаларимнинг кўз ўнгидаги кучингни кўрсатдинг-а, но-мард. Мен-ку, майли, ўзингнинг опангни хурмат қилмадинг-а! — деди.

— Почча, кечиринг! — деди Шохруҳ. Унинг бу гапини ҳам опаси эшилди. Шундан кейин йигит эшикни ёпди ва бир-бир босиб Файбуллонинг ёнига келди ва аразлаган ёш боладай тескари ўгирилиб олган поччасининг соидан гижимлаб ушларкан:

— Овозинг чиқса, ўлдираман! — деди.

Файбулло бир мартагина бақирса, хотини югуриб келар, укасига ёпишар, уйидан ҳайдаб соларди. Аммо қуён юрак эр бақиролмади. Кўрққанидан кўзи олайди ҳамда қулт этиб ютинди.

— Гапимни яхшилаб эшитиб ол, ҳезалак! Агар опами ни яна бир марта хафа қиласиган бўлсанг, мен сени ўлдираман! Эшитиб қўй, қўл кўтариш у ёқда турсин, оғзингдан биттагина сассиқ сўз чиқсаям. Уқдинг-а! — деда Шохруҳ Файбуллонинг соидан қаттикроқ тортди.

— Ҳа-а, тушундим,вой, тушундим! — деб оғриқ зўридан ўрнидан туриб кетди Файбулло.

Шохруҳнинг баттар фазаби қўзиди. Бўғиб ташлагиси келди-ю, аммо ўзини босди. Худди шу пайт эшик очилиб, опаси кўринди. Яхшики, йигит тезда поччасининг сочини қўйиб юборди, йўқса, опасининг хурсандчилиги бир зумда ҳавога учарди.

— Чойга чиқинглар. Ошхонада бошқа гапларни бафуржа гаплашиб оласизлар, — деди Раъно бир эрига, бир укасига қарапкан.

— Йўқ, сиз ҳам дамингизни олинг. Ҳадемай тонг отиб қолади. Чойниям кейинроқ ичарман, — деб Шохруҳ ётоқдан чиқиб кетди.

“Ишқилиб, — ўлади у ошхонага бориб столга ўтипаркан, — аҳмоқ ҳезалаклигига бориб, опамга ҳамма нарсани айтиб қўймасмикин?” Кўнглида пайдо бўлган шубҳадан диққати ошиб, ётоқхона томонга қулоқ солди. У тарафдан ҳеч қанақангি гап-сўз эшитилмади. Шундан сўнг стул суюнчиғига суюнди-да, бошини деворга тиради. Кўзини юмди ва беш дақиқа ўтар-ўтмас ухлаб қолди.

Тундаги асаббузарлик барibir кучини қўрсатганди, худди Шохруҳ каби Раъно билан унинг қизлари ҳам, гарчи қуёш бир терак бўйидан баландлаган эса-да, ухла-

шарди. Биргина Файбулло бу вақтда уйда эмасди. У аллақачон милисаҳонага югуриб қолганди.

Шоҳруҳни опаси уйғотди. Бўйинлари оғриб қолган йигит кўзини очаркан, юзини буриштириб оғриқли жойини уқалади.

— Укажон! — деди Раъно шошиб. — Поччанг йўқ. Кўнглим нотинч. У ҳеч вақт айтмасдан бирон ёққа кетмаган. Юзингни ювгин-да, дарров кетиш тадоригини кўр. Яна поччанг битта-яримтани етаклаб келиб, бирор favfonи бошламасин.

Шоҳруҳ ҳеч нарса демади. Айтадиган гапнинг ўзи ҳам йўқ эди. Чунки бунақанги пасткаш поччадан ҳар балони кутиш мумкин.

Йўл бўйига чиққан йигит ажабланиб қараб ўтаётганлардан роса уялди. Тезроқ бирон ёққа кетишни мўлжаллади-ю, борадиган жойни тополмай қийналди. Охири хаёлига Мансур исмли ўртоғи келди. У билан мактабда бирга ўқиган. Дўстлиги бор эди. Лекин охирги пайтларда иккиси ҳам ўз иши билан овора бўлиб, жуда кам кўришишарди. Ҳозир Мансур машина устахонасини очган. Ёлғиз ўзи ишлайди. Устахона ҳам унчалик узоқда эмас, таксида бирор ўн беш дақиқада етиш мумкин.

Эрталабдан юзи-ю қўллари қора мойга ботган Мансур ўртоғининг овозини эшитиб, ўра устидаги “Жигули” остидан:

— Шу ердаман, — деди ва кучаниб болтни охиригача қотирди-да, секин энкайиб ўра ичидан чиқди ва Шоҳруҳга қараб қотиб қолди.

— Ҳа, — деди жилмайишга уринган Шоҳруҳ, — нега қотиб қолдинг?

— Оғайни, — дея киприкларини пирпиратди Мансур, — нима бало, боксда бошинг билан муштлашдингми?

Шоҳруҳ юзини силади.

— Боксчи бўлиш осон деб ўйлайсанми? Мана шунақасиям бўлиб туради.

— Топган касбингдан ўргилай... Бўпти, манави мошинани, — деди Мансур “Жигули”ни кўрсатиб, — кечаси олиб келишди. Тушгача ҳамма жойини тўғрилаб беринг, дейишиб анча пул ташлаб кетишди. Бунақанги заказ

ҳамма вақт ҳам бўлавермайди. Лекин кўп пул беришди-ю, “касал” и унчамас, озгина қолди. Тўғрилаб қўяй. Сен кутиб тур, кейин гаплашамиз.

Мансур ўрага кирди. Шоҳруҳ эса машинанинг олд тарафига қўлини қўйиб чўк тушиб ўтиromoқчи бўлганида, давлат рақами орқасидаги қизил рангни кўриб қолди ва беихтиёр бармоғи билан ишқалаб кўрди. Ранг озгина ёйилди. “Аввал қизилга бўялган экан-да”, дея ўйлаган Шоҳруҳ бармоғини бир-бирига ишқалади-да, қотиб қолди.

— Мансур! — бақириб юборди у бирдан.
— Нима дейсан? — деган овоз келди ўра ичидан.
— Мошина кимники?
— Танимайман. Нимайди?
— Бу ёққа чиқ, манавига қара, номерининг орқаси қонга ўхшайди.

— Йўғ-э, — дея Мансур шошганча ўра ичидан тепага чиқди. Шоҳруҳ унга бармоғини кўрсатди. Шундан кейин устанинг бирдан ранги оқарди ҳамда шоша-пиша давлат рақамини ечиб олиб, орқа томонини кўрди: ҳақиқатан ҳам қон.

— Вой, ярамаслар! Одам урворишибди-ку! Айтдим, нега бунча кўп пул бериб кетишиди деб? Нима қилдим энди?! — дея ўртоғига юзланди Мансур.

Шу пайт устахонанинг ёнгинасига патрул машинаси келиб тўхтади. Йигитлар бир-бирига қарашди. Мансурнинг ранги баттар оқарди.

— Мендан подазрения қилишлари мумкин. Башарам бузилган, — деди Шоҳруҳ шошиб.

* * *

— Эй, командир, — деди участка нозирининг хонасига отилиб кирган Файбулло, — яхшиям ўзингизда экан-сиз.

У бирдан йиғлаб юборди. Кўз ёшини енгига артди, сўнг бурнини тортиб, ўзига ҳайрон бўлиб қараб турган милиция капитани Қоплон Бўриевга юзланди-да:

— Кечаси билан итнинг азобини кўрдим, ака. Опа-ука менинг бошимга не кўйларни солмади. Тепкилайве-

ришганидан ичим эзилди. Башарам бузилишига сал қолди. Ўлай-ўлай деб тонг оттирдим...

— Нималар деяпсан?! — деди унинг гапини бўлган Қоплон ҳеч вақтга тушунмай.

— Хотиним укаси иккови кечаси билан мени калтаклади. Мени яхши биласиз, Қоплон ака, биронинг мушигумини “пишт” дейдиган одам эмасман. Шундай одамни хўрлашди...

— Ҳовлиқма, нимага уради? Бири хотининг, бири қай-нуканг бўлса, бекордан-бекорга калтаклашмагандир. Ўзингам каромат кўрсатгандирсан, — деди унинг гапини бўлган капитан.

— Кеча хотиним гўшт олгани бозорга тушибди. Қассоб суяклироқ қилиб берган экан, уришиб кетибди. Қассобхона қандайдир аёлга тегишли экан. Чиқибди-да, хотиним билан юлишибди. Қассоб аёлларни ажратиб қўйиш ўрнига хотинимни бир-икки муштлабди. Яхшиям атрофига бошқа одамлар борлиги, бўлмаса, хотиним касалхонага тушармиди... Кечқурун уйга келсам, хотиним шумшайиб ўтирибди. Юзи қўкарған, тирналган... Мени кўрдиди, йиғлаб юборди. Кейин нима бўлган бўлса, ҳаммасини оқизмай-томизмай айтди. Қассоб билан бориб ёқалашибди, деб ўйлаган бўлса керак-да. Мен унинг ўзини уришдим. “Суякли гўшт берган бўлса нима қипти? Шўрва қилиб юборамиз, олам гулистон. Шунга шунча жанжалми?..” дедим. Аслида, уйга гўшт-пўшт келмаган, пул ҳам йўқ... Хуллас, ака, Раъонни уришиб турсам, ердан чикдими, осмондан тушдими, укаси пайдо бўлди. Ҳе йўқ, бе йўқ, қорнимга шунақанги тепдики, нафасим қайтиб ўлай дедим. Боксчи бўлса, мен бечоранинг қандай кучи етсин? Камига: “Ҳали сен мени уришадиган бўлдингми?” — деб хотиним ҳам швабра билан, ҳалиги, нозик жойим...

Капитан ортиқ чидаёлмади. “Пик” этиб кулиб юборди.

Файбуллонинг эса бирдан юраги шув этди. Шу ергача режалаштириб келган ёлғонлари ошкор бўлиб қолгандай қизарди.

— Ўзиям овозинг чинкиллаб аёлларникига ўхшарканда. Хотининггаям ёқмаган бўлса керакки...

— Эй, командир, илгари хотиним учун дунёдаги энг яхши эркак ўзим бўлганман. Унинг ўзи шундай деган. Лекин ҳозир икки акаси бойвачча бўлиб кетди. Қўша-қўша машиналари, данғиллама иморатлари бор. Мана, — дея ўксинди Файбулло ва кўзини ёшлади, — энди мени сариқ чақагаям олмай қўйди. Озгина бурнидан баланд гапирсам, акаларимга айтаман, гўштингни майдалаб сомса қилиб сотиб юборишади, дейди. Укаси... Ҳа, укаси кимлар биландир уришган экан. Турқига қараб бўлмайди. Қўли қон. Аниқ бирорни сўйиб, бизникига келган... Ишонмасангиз, болаларим гувоҳ. Яшшамагур, қонга тўймай мениям қонимни ичмоқчи бўлган-да...

Қоплон сергакланди. Юзи жиддий тус олиб, стол устидаги қофозларни тахлаб бир четга қўйди-да, ўрнидан тураркан:

— Кетдик, — деди.

Улар Файбуллонинг уйига кириб боришганида, Шоҳруҳнинг кетганига бор-йўғи беш дақиқа бўлганди.

— Қани у зўравон, қаерга яширдинг?! — дея бақирди Файбулло эшикни очган Раънога.

Раъно эрининг орқасидаги милиционерни кўриши билан қотиб қолди. Ҳатто эрининг гапларини ҳам эшитмади.

Файбулло уни кўкрагидан итариб юбориб, арслондай ичкарига кирди. Раънонинг қўкси жароҳатли эди. Эри туфлисининг уни билан тепганди. Бирдан инграб юборди.

— Ҳов, зўравон! Бу ёққа чиқ, яна кучингни кўрсат! — дея бақирди хотинининг инграшига эътибор ҳам бермagan Fайбулло уйга кира солиб.

Раъно тез ўзига келди. Гарчи оғриқдан юзи қизариб кетган эса-да, жилмайишга уринди. Милиционерга:

— Келинг, — деди.

Қоплон унга хўмрайиб қаради. Бу қараашдан аёл бечоранинг ўйнаган юраги баттар безовталанди.

Файбулло ҳамма хонага бирма-бир кириб чиқди, ле-

кин қайнисини тополмади. Алами келганидан ўкириб юборди.

— Ака! — деди чукур-чукур нафас оларкан. — Қочирибди! Сездирмай уйдан чиқиб кетувдим, лекин булар ернинг тагида илон қимиirlаса биладиганлар хилидан. Қаранг, қочирворибди-я!

— Ҳечқиси йўқ, ернинг тагидан бўлсаям топамиз, — деди Қоплон ва ўтиришга жой излади.

Унинг нима истаётганини дарров сезган Файбулло мөх-монхонага бошлади. Кейин хотинига чинқириб, чой олиб келишни буюрди.

— Керакмас, — деди Қоплон босиқлик билан, — ке-линнинг ўзи келсин. Бўлган воқеа мен ўйлаганимдан анча жиддийга ўхшайди.

— Жиддий, жудаям жиддий, буларнинг менга берган азоблари учун умрбод қамоқقا тиқиш керак.

Раъно эрининг гапини эшилди. Юраги увишди. Вужу-дини титроқ босди. Кўзи тинди.

* * *

Улар ўринларидан туриб ташқарига чиқишиди. Севинч йигитини қўлтиқлаб олган дугонасининг секин тирсаги-га туртди. Шаҳло унга ўгирилиб қаради.

— Сенда гапим бор эди, — деди Севинч бироз ҳаяжон-ланиб.

Шаҳло билан бирга Мурод ҳам ажабланиб унга қара-ди.

— Мурод ака, сиз хафа бўлманг, Шаҳлога икки оғиз гапимни айтиб олай.

— Бемалол. Мен ҳозир сигарета олиб келаман, унгача гаплашиб туринглар, — деди дарров икки дугонани ёлғиз қолдириш зарурлигини англаган йигит.

— Шаҳло, дугонажон, нима қилаётганингни ўйлаб қўрдингми? Мурод аканинг уйида ҳеч ким йўқ экан. Нима, бутун тунни у билан бирга ўтказмоқчимисан? Уй-дагиларингдан аразлаб ёмон иш қилиб қўйишдан қўрқмайсанми? — деди Севинч Мурод ўзларидан озгина узоқлашгач.

Шаҳло жавоб беришдан аввал йигитининг ортидан бироз қараб турди, сўнг дугонасига юzlаниб:

— Мен Мурод акамга ишонаман. Ҳар қандай шароитдаям қўполлик қилмайди. Ҳов бирдаям иккаламиз тоқقا чиқиб келганмиз. Ўшанда кун бўйи дачада бўлганмиз. Биздан бошқа ҳеч ким йўқ эди. Лекин Мурод акам ўзларини босгандар, бўлмаса, имкониятлари бор эди. Агар астойдил хоҳлагандаридар, қаршилик қилолмасдим, менимча. Фақат тўйимизни тезлаштиришимиз кераклигини айтганлар, — деди.

Ваҳоланки бунақа бўлмаганди. Мурод унга роса ёпишганди. Дала ҳовлида (ижарага олганди улар) ёлғиз бўлмаганликлари, шунингдек, Шаҳлонинг қаршилиги боисгина у ниятига етолмаганди. Кейин шилқимлиги учун кечирим сўраганди, албатта. Ҳозир Шаҳлонинг ўзи Мурод билан қолгиси келаётганди. Шу боис, ёлғон гапирди.

— Одам ўзгарувчан бўлади-да, тафинам ўзинг биласан, бизнигига борганингда яхшироқ бўлармиди? — деди бирор ўйланиб турган Севинч.

— Сизларнигаям бир кун сигаман. Кейин ойингга нима дейман? Уйимда бўлган гапларни айтиб беролмайман-ку!.. Мурод акам менга бегона эмас. Худо хоҳласа, турмуш қурамиз.

Мурод келиб қизларга музқаймоқ тутқазди.

— Сиз доим кўнглимдагини топишингиз билан мени ҳайрон қолдиргансиз, — дея севгилисими мақтаган бўлди Шаҳло. Атайин, Севинчнинг ёнида шундай деди. У Муродни қанчалик севишини дугонасига яна бир карра билдириб қўйиш учун шундай деди.

Севинчни бошқа таксига ўтқазиб юборгандаридан кейин бир-бирининг пинжига тикилиб олган икки ошиқмаъшуқ бошқа машина тўхтатишиди.

Улар Муродларнинг учинчи қаватдаги уйига кирганларida қуёш уфққа ёнбошлаган эди. Шаҳлони ҳаяжон босди. Остонадан ўтиши билан худди ўғирликка тушган одамдай ҳар томонга аланглади. Сўнг йигит кўрсатган хонага кирди. Ўртада стол, унинг атрофида олтита стул. Тўрда шкаф. Ҳар хил сувенирлар қўйиладиган жойларга китоблар терилган. Ҳаммаси оддий. Эскича удум. Мана шу манзаранинг ўзиёқ хонадон аҳлининг ўртамиёна кун кечираётганидан далолат берарди.

— Ҳозир сизга, — деди Мурод Шаҳлонинг бурнидан юмшоқ чимдиб қўяркан, — кофе дамлаб келаман.

Қиз жилмайди ва айни пайтда ўнгайсизланди. Мурод ошхонага кетганидан кейин стуллардан бирига ўтириб хонани яна бир марта назаридан ўтказди. Таксидан тушиб уйга яқинлашиб қолишганида юраги гупиллаб уриб кетганди. Ҳозир бу ҳаяжон босилиб, ўрнига ўзига бўлган ишонч пайдо бўлди.

Қаҳва қизнинг хаёлини тиниклаштиргди. Муродга тан олиб айтдики: “Агар конъяк ичмаганимда, бу ёқقا, менимча, келмаган бўлардим”, деди.

— Унда яхшиям ичганингиз, — дея қулди Мурод ва шу ондаёқ яна юзи жиддийлашди, — лекин яна иссанг, сендан қаттиқ хафа бўламан. Балки орамиздаги алоқани узишим ҳам мумкин.

— Шунаقا ниятингиз ҳам борми?

— Агар иссанг...

— Унда бир қултум ҳам оғзимга олмайман.

— Ўзимнинг асалим, — деб Мурод ўрнидан турди ва секин қизнинг ёнига яқинлашиб унинг чўғдай лабидан нозиккина қилиб ўпиб қўйди. Шаҳло қизариб бошини эгди. Аввал Мурод уни эҳтирос билан узоқ муддат кўп маротаба ўпганди. Лекин хиёбонда ўпишишганди. Шаҳло ҳеч нарсадан ҳайиқмаганди. Уялиши ҳозиргидай эмасди. Агар ҳозир ана шундай яқинлашишса борми, у ёфи бошқа нарсаларга ҳам уланиб кетиши ҳеч гап эмасди. Чунки бу ерда уларга халақит бериши мумкин бўлган бирорта ҳам одам йўқ.

Қиз билан йигит анча муддат гаплашиб ўтиришди. Келажакда оиласлари қанаقا бўлишини режалаштирган бўлишди. Ундан кейин кино кўришди ва шу билан вақтни алламаҳал қилишди.

Мурод севгилисини синглисисининг хонасига бошлаб кириб:

— Хоним, сиз бундан бўён шу хонанинг эгаси бўласиз, — деди ва ўзи чиқиб кетди. Хонасига кириб ечинди. Тўшакка ётди. Бироқ уйқу дегани мутлақо унга яқинлашмасди. Бир неча марта кўзини қаттиқ юмиб олди. Кошки ухлаёлса, хаёлига Шаҳло, унинг кулиши, ёноғи-

дан бўса олганида уялиб қизаргани келади. Ухлаёлмайди. Бошқа ёнига ағдарилади. Каравот гичирлайди. Унинг баттар уйқуси қочади. Булар камлик қилганидай, пешонаси терлайди.

Нариги хонадаги гўзалнинг ҳам аҳволи шу. У деворнинг нариги тарафидаги каравотнинг гичирлаганини бир неча марта эшигтгач, юраги гупиллаб уриб кетди.

Мурод барибир чидамади, эҳтирос бутун вужудини қамраб, секин ўрнидан турди.

* * *

Хонзода қилган ишидан ўзида йўқ хурсанд эди. Айни пайтда кўнглидаги хижиллик ҳам уни қийнаётганди. Ярим тунгача қизини кутди. Бироқ ундан даррак бўлмади. Кўл телефонига бир неча марта кўнфироқ қилди. Аммо телефон ўчирилган. Дардини эрига айтишдан қўрқади: “Қизингнинг бир балоси борки, уйдан кетиб қолган”, дейиши мумкин. Ўзи қизи билан қайнисини дарвозахонада кўрганини эрига айтиб, балога қолиб кетишига оз қолди. Яхшики, Содикнинг кайфи бор эди. Ҳамма нарсани аниқ-тиниқ англаёлмади. “Шу овсиним Фарофатдан ҳеч яхшилик кўрмаганман, келиб-келиб шунинг гапига ишониб ўтирибман-а! Шоҳруҳни ўғрига чиқарганимнинг ўзи етиб ортарди-ку! Ишқилиб, охири баҳайр бўлсин”, дея ўйлади у. Кейин Шаҳлонинг дугонаси Севинчнинг телефон рақамини қидирди, афсуски, ҳеч қаерга ёзib қўймаган экан. Шундан сўнг эшикка термилиб ўтириди. Дарвоза ёнига бир неча марта бориб келди. Тун ярмидан ошганида қўзини уйқу босди ва: “Мабодо Шаҳло келса, кўчада қолиб кетмасин”, деган ўйда дарвозанинг кичик табақасини очиқ қолдирди-да жойига кириб ётди.

Алғов-далғов туш кўриб, эрталаб ҳаммадан олдин уйғониб кетди. Халатини елкасига илар-илмас, қизининг хонасига борди. Шаҳлонинг каравоти бўм-бўш эди. Бир муддат қотиб турди. Боши фувиллади. Кечаги хурсанд-чилигидан асар ҳам қолмади. Эрталабдан асабийлашибига сабабчи бўлган Шоҳруҳни баттар ёмон кўриб кетди (энди у ҳақиқатан ҳам ёмон кўра бошлаганди). Бориб роса қарғаб хуморидан чиқмоқчи бўлди-да, зиналардан илдам юриб пастки қаватга тушди. Шоҳруҳнинг жойида

йүқлигини күргач, бирдан капалаги учди. Эрига хабар беришдан аввал ювиниш хонасини, бошқа жойларни күриб чиқди. Бироқ Шохруҳ изсиз йүқолган эди. Ана шундан кейин ҳалигача пишиллаб ухлаётган эрининг ёнига югорди. Тутиб уйғотди.

— Укангиз йўқ! — деди алланечук ҳаяжон билан.

Содик дабдурустдан унинг нима деяётганини англамади. Кўзини уқалаб бироз ётди-да, оғзини кенг очиб энсади, кейин:

— Нима? — деди хотини бевақт уйғотганидан (соат саккиздан ошганди) норози бўлиб.

— Укангиз йўқ, деяпман. Қаергадир гумдон бўлибди. Бориб у ёқ-бу ёқни қаранг, яна қўчага чиқиб, бирон ерда ағанаб, бизни шарманда қилмасин...

Содикнинг хаёлига бирдан кечаги воқеалар тушди. Кимсан, фалончи бойнинг укаси шу аҳволда кўчага чиқса, яна бирон жойда думалаб қолса... Яхши гап бўлмайди. Айниқса, қўшниларга гап топилади. Бирига минг қўшиб бутун маҳаллага достон қилишади. Шаҳарда бунақангি мишишларнинг умри кўпам узоққа чўзилмайди-ю, лекин эшитган қулоққа яхши эмас. Содик ана шу лаҳзаларда қизини унутиб, шатир-шутур кийимларини кийиб кўчага чиқди. Киши билмас атрофга назар ташлаб кетаверди. Бироқ Шохруҳ ҳеч қаерда кўринмасди. Охири унинг ҳафсаласи пир бўлиб уйига қайтди. Кутиб олган хотинига: “Жони тошдан экан, қорасини ўчирибди”, деди ва сўнг қизини сўради.

— Вой, дадаси, Шаҳло қаттиқ хафа бўлибди. Амакисининг шунақангি хурмача қилиқлариям борлигини билмаган-да қизим бечора, уялганидан дугонасиникига кетиб қолган, шекилли, кечадан бери йўқ.

Содикнинг кўз олдига укаси билан қизининг бирбирини қучиб тургани келди. Қошлари чимирилиб, юзи бўғриқди.

— Маразлар! — деб бақириб юборди кутилмаганда. — Иккови тил топишиб олган. Ҳойнаҳой, ҳозир улар бирга!

Бу гапдан Хонзода даҳшатга тушиб, кўзи олайиб кетди. Ўзи тўқиган ёлғони чинга айланиб кетганидан, юра-

ги қафасидан чиққудек урап, хүрлиги келиб, аламини кимдан олишни билмай жиғибийрон бўларди.

— Ёшгина қизнинг бошини айлантирган эшак! Келиб-келиб ўз синглингни!..

Қолган гапларни Содиқ айттолмади. Тили бормади. Кони кўпчиганидан бўйин томирлари бўртиб чиқди.

— Қизингиз эсли-хушли...

— Ўчириб юборди Содиқ. — Ҳам-масига сен айбдорсан! Уйда тухум босиб ўтирасан! Ўласанми, орқа-олдингга қарасанг?! Иккови шунча гаплашибди, биргалашиб бир жойга жуфтакни ростлабди, лекин сенинг ҳеч вақодан хабаринг йўқ! Мен энди қандай бош кўтариб юраман! Нима деган одам бўлдим!!!

Хонзода ўзини ташлаб юборди ва ерга чўзилиб олдида, ўкириб йиглашга тушди. Содиқ унга нафрат билан қарапкан, деди:

— Ўликка ўхшаб ётволиб томоғингни йиртгунингча уйга кир! Телефон қил дугона-пугонасиға, сен билмаган нарсани улар билишар!

Содиқ газаб билан зинани тепди-да, бориб ҳалгинчак ўриндиқقا ўтириб, чўнтагидан сигарета олиб тутатди. Аммо ичидаги аланга босилмади. Яримлаган сигаретасини улоқтириб юборди. Сўнг яна биттасини олиб лабига қистирди.

Хонзода эридан ҳеч қачон бунақанги кўпол муомалани эшитмаганди. Қизи йўқолиб қолгани, Шоҳруҳни айбисиз айбдор қилгани буйрагини булк эттирмади. Бироқ эрининг ҳақорати суюкларигача зирқирадиб юборди. У алам билан ўрнидан тураркан: “Ким сени одам қилувди? Дарров ҳаммаси эсингдан чиқиб кетдими, кўрнамак?! Ҳали шошмай тур, дадажоним ҳалиям аввалгидай, бойлиқда ундан ўзган бўлсанг ҳам, таниш-билиш, ошна-оғайнинг йўқ сенинг!” — деди пичирлаб ва уйга кирди.

Кетма-кет асабий жиринглаган телефон унга юқори қаватга чиқишига имкон бермади. “Эй, Худо, ишқилиб, Шаҳло бўлсин”, дея ўйлаган Хонзода шоша-пиша гўшакни кўтарди. У ўйлагандай, гўшакдан қизининг: “Ойи”, деган майин овози эштилди.

* * *

Эшик “фийқ” этиб очилганида Шаҳлонинг эти жи-
мирлаб кетди. Кўзини ним очиб эшик тарафга қаради.
Мурод бир-бир босиб унинг ёнига келди. Бирдан қизга
ташланиб қолмади. Каравотнинг ёнгинасига келиб ўти-
ди. Секин севгилисинг иссиқ қўлини ушлади. Юзига
суртди. Ўпди. Тишини-тишига босиб зўрға ётган Шаҳ-
ло:

— Мурод ака, — деб юборди ўзи сезмаган ҳолда
ҳаяжонланиб, — нима қилаяпсиз?!

— Ухлаёлмаяпман, жоним. Ухлаёлмаяпман!

Шундай дея у ўрнидан турди, Шаҳло томон энгашди.
Қизнинг юз-кўзларидан ўпди. Бу сафар Шаҳло қарши-
лик қилишга ожиз эди. Унга меҳр керак эди. Айни дам-
да ўша меҳри туяётгандай эди...

Бир соатлардан кейин қиз йигитнинг қўксига бошини
қўйиб кўзини юмиб ётар, Мурод эса бағридаги гўзал-
нинг сочини силарди.

— Нега йиглатадинг? — сўради Мурод қиздан.

— Нима фойдаси бор? Барибир изига тушмайди-ку...
Сизнинг гапларингизга ишондим. Агар сўзларингиз ёлғон
бўлса, дунёдаги энг нафратли қизга айланаман. Буна-
канги қизнинг яшамагани афзал... Уйдан ёлғон сабаб
чиқиб кетгандим. Ҳозир ёлғиз ишонадиганим сизсиз...
Илтимос, сиздан ҳам нафратланмайин...

— Шаҳло! Жоним, сен мен учун борлиғингдан кеч-
динг. Қиз бола бошинг билан шунчалик мардлик қил-
санг-у, мен сўзимда турмасам, эркак деган номдан воз
кечсам ҳам бўлаверади. Эртага пешинда уйдагилар қай-
тиб келишади, ўшанда уларга сени таништираман. Ирим-
сирим, бошқа нарсалар кейинги масала, асосийси, бир
умрга менини бўлишинг муҳим. Розимисан?

Шаҳло жавоб қайтартмади, фақат бош силкиб қўйди
ва талай муддат хаёл сургач:

— Улар келганларида мени кўришса, бошқача хаёлга
боришади. Шунинг учун келгунларича бирон ёқقا бо-
риб турайлик, — деди.

— Сен нима десанг шу.

Кўрганлари, бўлиб ўтган даҳшатли воқеа Шаҳлонинг

худди тушида рўй бергандай эди. У қийналди. Жисмоний қийноқ зумда ўтиб кетгани билан кўнгил оғрифи талай муддат хаёлидан кетмади. У бургага аччиқланиб кўрпа куйдирганга ўхшарди. Шу боис, анча вақт ухлаётмади. Сассиз йиглади. Мурод эса бу пайтда пишиллаб ухларди.

Тонг отганидан кейин ҳам талай муддат ўзига келолмаган қиз тўйсиз жувонга айланиб қолганлигининг бош сабабчиси — ойиси билан гаплашмоқчи бўлиб уйига қўнгироқ қилди. Бу вақтда отаси ҳали ухлаб ётишини яхши биларди у.

— Қизим, — деди Шаҳлонинг овозини эшитиши билан Хонзода, — юрак-бағрим эзилиб кетди. Пичноқсиз сўйиб қўйдинг-ку, қаерларда юрибсан?!

— Ойи, шундай дейишга уялмайсизми? Қизингизни бадном, ёмонотлиқ қилган ўзингиз-ку! Сиз уни тириклий кўмдингиз-ку! Амакимнинг нима гуноҳлари бор эди? Ўғрига чиқарганингиз камлик қилганидай, қизингизга ёмон назар билан қараганини айтдингиз дадамга! Дадам йўқликларида унинг ўрнини босадиган одам қандай қилиб ўз жигарига ўта жирканч ишни раво кўриши мумкин?..

— Шаҳло! Қизим! Шаҳло! — деди шошиб Хонзода.

— Ойи! — деди кўз ёшларини тиёлмаган Шаҳло. — Гапларимни бўлманг, чунки сиз билан охирги марта гаплашаяпман. Амаким шунча гап-сўздан кейин барибир уйда турмайди. Бош олиб чиқиб кетади. Мен уларни яхши биламан, жуда ориятли йигит. Энди сиз яширган тилла тақинчоқларим ҳам ўзингизга қолди. Бойлик, молмулк хоҳлагандингиз, ҳаммасига эришдингиз!..

Гўшакдан қисқа товуш келиб қолди. Хонзоданинг юзи ни кўз ёши ювар, у бутунлай ёлғизланиб қолган, отонаси ташлаб кетган етимга ўхшарди. Қайғу шунчалик оғир бўлиши унинг тушига ҳам кирмаганди. Биргина қайнукаси унинг измига юрмагани учун ўч олмоқчи бўлганди. Эвазига... Эвазига олгани ҳаддан ошиб кетди.

— Топаман! — деган ўкирик эшитилди ташқаридан.

— Ернинг тагидан бўлсаям топаман, икковиниям қонини ичаман!

Отилиб уйга кирган Содиқ хотинини туртиб ўтди-да

шошганча юқори қаватга чиқиб кетди. Полга гурсиллаб йиқилган Хонзода эри ётоқхонанинг эшигига етганда:

— Дадаси!!! — деде чинқириб юборди.

Содиқни ток ургандай бўлди. У бир сапчиб тушди-да зина бошига келиб пастга қаради.

— Қизингиз тоза! Унга ит ҳам тегмаган... Дугонасиникидан телефон қилди!

— Мараз, ўласанми шуни эртароқ айтсанг?! — деди алами бўғзидан отилиб чиққан Содиқ ва бўшашиб ўтириб қоларкан. — Хайрият!.. Хайрият, — деде пицирлади.

Орадан бир соат ўтгач, пўрим кийинган Содиқ машинасига ўтириб, дўконларидан хабар олиш учун кетди. Шундан кейин озгина ўзига келган Хонзода хонасиғириб отасининг телефон рақамини терди.

— Дада, — деди йиғлаб, отаси “Алло!” дейиши билан, — тез уйга келиб кетинг...

У бошқа гапирмади. Дарров қўл телефонини ўчириб қўйди. Хонзода отасининг характеристини жуда яхши билади. Агар шунаقا қилса, бечора ота ҳамма ишини ташлаб, оёгини кўлига олиб, қизининг ёнига югуради.

Дадаси Шомурод ака Хонзода кутганидан ҳам тез — яrim соатлар ичидаги етиб келди. Ранги докадек оқариб:

— Нима бўлди, қизим? — деде сўради.

— Дада, — деди отасининг бағрига ўзини ташлаган Хонзода, — сизнинг шунча қилган хизматларингизнинг ҳаммаси осмонга учди. Бу кўрнамак күёвингиз менинг хўрлагани етмагандай, сизниям роса ҳақорат қилди. Сизнинг дилингизни хуфтон қилмоқчи эмасдим, лекин чидомладим...

— Эй, — деб аламли жилмайди ота, — шунга хафа бўлиб ўтирибсанми? Ҳа, куёв болалари бўй етиб қолганида эркалик қилгиси келиб қолган-да... Ҳозир ўзи қаерда?

— Кетди. Кеча уйдаги майда-чуйда гаплардан кейин Шаҳло аразлаб кетиб қолганди дугонасиникига, бориб олиб келайнин, демади. Аксинча, унга айтганимга мен балога қолиб ўтирибман. Сўкканлари етмагандай, уриб ағдариб юборди.

Сочлари қордай оппоқ, тепакал, бўйи паст бўлгани-

дан, ҳаддан зиёд дўмпайган қорни юмалоқ коптокка ўхшатиб қўйган Шомурод ака тутоқиб кетди. Шу қизи туғилгани бери уни бирор хафа қилиб қўйса, жони чиқиб кетадиган отанинг кўзлари олайди.

— Вой итдан тарқаган! — дея сўкиниб юборганини унинг ўзи ҳам сезмай қолди. — Оёфи ердан узилибдими ҳали?! Сен... Сен, қизим, уйингга кириб ўтиравер, мен ўзим гаплашаман у билан, оёғидан озгина тортиб ерга тушириб қўяман.

У қизини бағридан бўшатиб, қўл телефонини олди-да рақам терди.

— Маъмуржон, — деди аллақандай тушкун кайфиятда, — ўғлим, ишхонамга ўтинг, озгина гап бор... Тинчлик... Тинчлик... Бирозгина муаммо чиқиб қолди. Хўп, кутаман.

Шундай дея телефонини ўчириган Шомурод ака дарвозадан чиқиб кетаркан: “Урган қўлларингни синдириб оламан сендақа итваччанинг!” — деди.

* * *

— Сен, — деди Мансур дўстига қараб, — анави хонага кириб ўтири, тез бўл.

Шоҳруҳ тўрдаги омборхонага кирибоқ эшикни ёпди.

Ҳартугул, машинани кўришлари билан югуриб келишган милиционерлар Шоҳруҳни кўришмади, бирдан устани сўроққа тутиб кетищди.

— Машина кимники?

— Кечаси бир бола ташлаб кетди.

— Ҳужжатлари қани?

— Бергани йўқ.

— Танийсанми уни?

— Йўқ.

— Нега айнан сенга ташлаб кетди?

— Билмадим.

— Аввал ҳам машина тузаттирганмиди?

— Эслолмайман.

— Эслай оласан, фақат бу ердамас, қани биз билан юр.

— Устахона...

— Устахонангга жин ҳам урмайди. Сержант Ҳожиев, сиз шу ерда қоласиз. Эшонқұлов ёрдамчи бўлади.

Мансурни саволга тутган, кўзлари ўткир, савлатли, фуқаро кийимидаги киши икки ёнидаги худди ўзига ўхшаб кийинган, бироқ анча ёш бўлган йигитларга устадан назарини олмай буйруқ берди ва шартта ортига бурилиб кета бошлади. Йигитлар Мансурнинг қўлларидан ушлашди.

— Тез бориб машинага чиқ, — дейишди.

Мансур бурнини қора мой қўли билан артиб қўйдида, уларнинг айтганини бажарди.

Шоҳруҳнинг ичидан зил кетди. Қоровулликка қолган йигитлар мабодо омборга киришса, албатта, Шоҳруҳни кўришади, яшириниб ўтиргани учун ундан дарров шубҳаланишади. У ёғи суриштирув бошланиб кетади. Табииики, бундан акалари ҳам хабар топишади. Ўлса ёрдам беришмайди улар. Қайтага, йўқ жойдан беш-олтита айб қўйишади. Қарабисзки, Шоҳруҳ камида уч-тўрт йиллик “дам олиш”га равона бўлиб турибди.

Иккита милиционер йигит омборни кўришга улгуришмади. Улар тутатган сигареталарини охиригача чекиб бўлмасларидан устани олиб кетган бошлиқ қайтиб келди. Машинадан тушмади. Деразадан бошини чиқариб:

— Мен нарироқда бўламан. Уста сенлар билан бирга бўлсин, — деди-да, Мансурни тушириб, ўзи машинани ҳайдаб кетди.

“Жигули”нинг эгаси кўп куттирмади. Бирор соатлардан кейин кўриниш берди. Унгача икки милиционер машинани обдан ўрганишди. Қон юқи бор жойларини суратга олишди. Мансурдан баъзи нарсаларни сўрашди.

— Мансуржон! Мансуржон! — деди кутилаётган йигит устахона дарвозаси ёнига келгач.

— Шу ердаман, — жавоб қилди Мансур ўра ичидан.

Бошқа савол-жавоб бўлмади. Тўғрироғи, мижознинг гапи оғзида қолди.

— Салом бердик, яхши йигит, эски танишларни дарров эсдан чиқариб юбориш экан-да. Яхшимас, оғайнини, — дея устахона ичкарисидан бир йигит чиқиб келди.

“Жигули” эгасининг қўнгли ниманидир сезди ва астасекин ортига чекина бошлади-ю, аммо елкасидан кимдир ушлагач, товонигача музлаб кетди. Аста орқасига ўгирилиши билан қўли қайрилди. Зумда иккинчи йигит ҳам етиб келиб, бошқа қўлининг суюкларини жойидан қўзғатган эди, шўрлик машина эгаси инграб юборди.

Уни машинага чиқараётганларида тўполон қилди. “Қўйворинглар, нима ҳақларинг бор қўлимни қайришга, менга азоб беришга!” — дея бақирди. Нияти атрофга кўп одамларни тўплаш, шулар баҳонасида машинага ми-нишдан кутулиб қолиш эди. Ўтайдиган йўловчилардан бир-иккитаси қизиқсиниб қараб туришди. Узокроқдагилар ҳам бақираётган бола-ю уни машинага зўрлаб ўтқизаётган йигитларга нигоҳларини ташлашди, аммо бирор: “Нега бола бечорани қийнаяпсизлар? Нима айби бор бу шўрликнинг?” — дейишмади. Ҳаммаси томоша қилишди, холос.

Милиция машинаси юриб кетганидан кейин чукур хўрсиниб қўйган Мансур:

— Шоҳруҳ, чиқавер! — деб дўстини чақирди.

Ташқаридаги нима воқеалар содир бўлаётганини билолмай, ичи қизиб ўтирган Шоҳруҳ унинг овозини эшитиши билан омборхонадан дарров чиқди.

— Нима бўлди? — деди пешонасидаги терни артиб.

— Олиб кетишид. ЦУМнинг ёнида бир одамни уриб кетган экан. Сволоч, бечорани касалхонага олиб бориш ўрнига қочиб қолибди. Лекин кўпчилик мошинасининг рақамини кўриб қолган экан. Анави милиса бошлигининг гапига қараганда, падар лаънати, кўпнинг шўрини қуритган экан. Мошиналарнинг запчастини ўғирларкан...

— Қаердан билибди? — сўради Шоҳруҳ бошини қашлаб.

— Йўл ёқасида тўхтаб турган “Нексия”ни очиб, магнитофонини олаётганида кўриб қолишибди. У бирдан қочиб, шу кетишида одам урибди... Хуллас, шунаقا гаплар. У ёғини милисаларнинг ўzlари ҳал қиласевади. Юр, ундан кўра, чой ичамиз, мен ҳали нонушта қилмагандим.

Мансур устахонасини ёпди. Сўнг иккала ўртоқ шу

яқин-атрофдаги чойхонага киришди. Шоҳруҳнинг роса қорни очқаган экан, овқат олиб келишларига сабри чидамай, чой билан битта нонни бир ўзи еб қўйди. Унинг мана шу қилиғи Мансурни шубҳалантириди.

— Шоҳруҳ, оғайни, менга тўғрисини айт, яширма. Сен уйингда ётмагансан, буниси аниқ. Кейин юзингдаги моматалоқлар ҳам боксда бўлмаган. Қаердан келаяпсан, нима қилиб юрибсан? Нега милиционерларни кўрганингдан рангинг окариб кетди? — деди у.

Шоҳруҳ дўстига қараб қўйди. Сўнг лаб-лунжини қофозга артган бўлди-да, шошмасдан пиёладаги чойни ичди. Унинг сўзлаши чўзилиб кетганидан Мансур тоқатсизланди.

— Мендан, ўз ўртоғингдан яширяпсанми? — деди аччиқланиб.

— Нималар деяпсан? Проста, кеча кечқурун бир-икки бойваччанинг боласи билан гапимиз келишмай қолди. Уришишга тўғри келди. Биласан, башарам бузилганини акаларим кўришса, сўрайвериб эзib юборишади... Кароче, ўйлаб кўрдим. Мана қара, сенинг қўлингда гулдай касбинг бор. Ўйлансанг ҳам хотинингни бемалол боқоласан. Мен бўлсам, агар шу ҳолимда биронта қизни уйимга оборсам, битта қўйлак олиб бериш учун ҳам акамдан ёки янгамдан рухсат сўрашим керак. Хуллас, оғайни, бунақанги ҳаёт жонимга тегди.

— Унда кел ёнимга, бирга ишлаймиз. Тўрт-беш сўмтопасан. Кейин сен...

— Қўйсанг-чи, — бирдан унинг гапини бўлди Шоҳруҳ, — акамнинг қулогига чалиниб қолса, туғилганимга пушаймон едириб юборади.

— Хўп, унда нима қилмоқчисан?

— Шу, дўстим, Россияга борсамми, дейман-да, қора иш қилсанг ҳам бирор нарса демайди. Юравераман ўз кунимни ўзим кўриб.

— Ҳимм, билмадим, билмадим.

Шоҳруҳ айтганларининг барини аввалдан ўйлаб қўймаган эди. Ҳаёлига келганини гапираверди ва ўзига ҳам Россияга кетиш фикри маъқул тушиб қолди.

У кунни Мансурнинг устахонасида ўтказди. Ишлама-

гандан кейин одам ниҳоятда зерикар экан. Неча бор ўтирган жойида ухлаб қолай деди.

Күш ботиб, атрофни зулмат эгаллаганидан кейин:

— Мен шу ерда қолсам майлими? — дея сўради Мансурдан.

Дўсти ажабланди. Унга бироз тикилиб турди.

— Бугун ҳам бормоқчи эмасмисан? — деди.

— Айтдим-ку бу аҳволда...

— Бўпти, тушундим. Дўстимсан, бу ерда қолдиролмайман. Қолаверса, ётадиган жой ҳам йўқ. Уйимга борасан. Бугун зўр футбол бор, биргалашиб кўрамиз, — деди Мансур жилмайиб.

Бир ҳафта кўз очиб юмгунча ўтиб кетди. Шоҳруҳ чипта олиш илинжида икки марта вокзалга борди. Лекин ҳар сафар иши ўнгидан келмади. Учинчисида бирдан нарсаларини ҳам ўзи билан олиб кетди. Вокзалга борди. Кассада ўтирган қиз қовоғини солиб, чипта йўқлигини айтди. Пешонаси тиришган йигит анча вақт вокзал ичida у ёқдан-бу ёққа юрди. Биринчи йўлга Москвага жўнайдиган поезд келиб тўхташини эълон қилишганидан сўнг вокзал ичи арининг уясига айланди, Шоҳруҳнинг эса юраги гупиллаб ура бошлади. Кўзига поездга чиқиш учун шошилаётган одамлар шунақсанги баҳтили кўриниб кетдики, ўзини қўярга жой тополмай қолди. Охири чидамади, сафарга шошаётганлар орасидан у ҳам эргашди.

Жинси шим кийган, тор юпқа футболка кўйраклари ни кўтариб турган, хипча бел, қоп-қора узун соchlари елкасини ёпган оппоқ юзли, киприклари узун, қошлари ингичка қиз ҳаммадан ортда борарди. У шошмасди ва айни пайтда бир-бирини итариб олдинга интилаётгандарга энсасини қотириб қаарди. Шоҳруҳ ундан олдинга ўтиб кетишга ийманди. Негадир ҳадди сифмади. Уялди. Қиз юрса, юрди. Тўхтаса, тўхтади.

Қиз бир нарсани сездими ёки шунчаки ўгирилдими, Шоҳруҳга бир қараб кўйди. Нигоҳи тўқнашиб кетишидан чўчиган йигит бирдан кўзини олиб қочди. Аммо кўз қири қизнинг жилмайиб кўйганига тушди.

— Намунча шошасиз? — деди қиз бироздан кейин Шоҳруҳга, худди танишига гапираётгандай.

Йигитнинг тили қалимага келмади. Индамади. Шунда қиз яна бир марта орқасига қараб қўйди. Бу сафаргиси олдингисидан бошқачароқ, тушуниксиз эди.

Шоҳруҳнинг хаёлига бирдан ғалати ўй келди. “Яхши қизга ўхшайди, поездга чиқиб олишимга ёрдам бермасмикин?” — дея ўйлади у. Лекин тезда гапиришга ийманди. Қиз боладан ёрдам сўраш... Яна шундай гўзалдан... Одатда, бунақалар ёлғиз бўлишмайди. Албатта, шериги бўлади. Мабодо, ор-номусини, йигитлик гурурини бир чеккага сурниб қўйиб илтимос қилса-ю, қиз “тошингни тер!” деган жавоб қилса, тамом. Бутунлай ерга кириб кетади. Биргина мана шу бегона қизнинг гапидан кейин тўғри бориб ўзини осиб юборса ҳам бўлаверади. Мабодо, қиз гапирмай, ҳамроҳлари (ҳамроҳи, албатта, йигит бўлади, деб ўйлаётганди Шоҳруҳ): “Сен менинг қизимга ёки синглимга гап отадиган бўлдингми?” — деб ёпишиб кетса ҳам унинг барча умидлари чилпарчин бўлади. Шоҳруҳ ўйини ўйлагунча қиз вокзал ичкарисини тарк этишига бор-йўғи бир қадамча қолди.

— Кеч-чирасиз, — деди Шоҳруҳ юрак ютиб, барча тахминларидан воз кечиб, — ҳалиги... сизда мабодо ортиқча билет йўқми?

Қиз ўгирилиб, унга ажабланиб қаради. Ўша лаҳзаларда йигитнинг бўлари бўлди. Юзи қизариб, иситмаси чиқиб кетди.

— Билетсиз Россияга кетмоқчимисиз? — деди қиз қўнғироқдай овозда.

Шоҳруҳнинг хаёлида унинг овозини ҳамма эшитган ва йўловчиларнинг бари унга таажжубланиб қарашаётгандай эди.

— Шунаقا... шунаقا бўлиб қолди, — дея дудуқланди йигит.

Қиз уни бошдан-оёқ назаридан ўтказди. Сўнг бошини чайқади. Бундан йигитни ҳаяжон босиб, пешонасидан тер чиқиб кетди.

— Билет тополмаган одам Россияда нима қиласди? У ёқдаям юрасиз-да араванинг кейинги оёғи бўлиб, ҳаммани шарманда қилиб, — деди қиз жиддий боқиб.

Шоҳруҳ бу гапдан бутунлай довдираб қолди. Ўз-ўзи-

дан қўли мушт бўлиб тугилди. Нигоҳидан ўт чақнади. Қиз эса чуқур хўрсинди. Кейин:

— Юринг, — деди-да, ўгирилиб юриб кетди.

Шоҳруҳ буткул шарманда бўлганди. Шу боис қадам олиши жуда қийин бўлди. Фақатгина акаларининг кўрсатган кароматлари, дўсту биродарлари олдида бош кўтارмай қолганигина уни юришга мажбур этди.

Қиз тўққизинчи вагон ёнида тўхтади ва кузатувчи(проводник)нинг ёнига бориб:

— Фазлиддин ака! — деди шўх овозда.

Бошқа ёққа қараб турган кузатувчи бирдан у томонга ўтирилди ва негадир саросималаниб қолди. Ҳаттоқи сўзлаётганда ҳам дудуқланди. Шоҳруҳ унинг бундай аҳволга тушишини ўзига таниш бўлган гўзални яна учратганига йўйди.

— Юлдузхон! — деди у иржайиб.

— Кутмаганмидингиз?

— Сиз ҳамма вақт қутилмагандан келасиз-ку, — дея ялтоқланди кузатувчи.

— Сюрпризни яхши кўраман, биласиз, — деб Юлдуз исмли қиз кузатувчига янада яқинроқ борган эди, Фазлиддин бир қадам орқага чекинди. Шу пайт Юлдуз қўлинин орқасига ўтказиб, бармоқлари билан Шоҳруҳга поездга чиқиш ишорасини қилди.

Йигит кузатувчига қарамади, дарров зиналардан кўтарилиди.

Вагон йўлагида нима қиларини билмай турган Шоҳруҳ орадан беш дақиқалар ўтганидан кейин пайдо бўлган Юлдузни қўргач, бироз хотиржам тортди.

— Ўн биринчи купега киринг, — деди қиз унга яқинлашаётсиб.

Тўрт кишилик вагон бўлмасига поезд қимиirlагунча Юлдуз билан Шоҳруҳдан бошқа ҳеч ким кирмади.

Қиз бепарво эди. Гёё ундан бошқа ҳеч ким йўқдай, қандайдир қўшиқни хиргойи қилиб, сумкасини жойлаштириди. Сўнг пастки ўриндиққа оппоқ чойшаб ёзди. Кичкинагина столча устига сомса, колбаса ва яна алла-қанча егуликлар қўйди. Шоҳруҳ эса унга термилганча

миң этмасдан ўтиради. Ниҳоят қиз ҳамма ишларини битирганидан кейин йигитнинг рўпарасига ўтири.

— Уч кун давомида сиз билан бирга бир оила бўлар-канмиз. Менимча, танишиб қўйсак, ёмон бўлмайди. Менниг исимимни эшитдингиз, шундай бўлса ҳам айтай, Юлдуз, — дея қўлини чўзди қиз.

— Шоҳруҳ, — деб йигит унинг қўлини сиқиб қўйди.
— Менга жуда ноқулай бўлди. Биринчи марта қиз болага илтимос қилишим эди... Борганимдан кейин қарзими-ни узаман.

— Мардикор ишлаб, шундайми?..
— Балки. Бошқалар нима иш қилишаётган бўлишса, мен ҳам...

— Латта экансиз. Ҳали шу умид билан кўчага чиқ-дингизми? Афсус, бекор ёрдам берибман. Нияtingиз бошқача бўлса керак, деб ўйлагандим.

Қизнинг гаплари Шоҳруҳнинг суюк-суяигигача етди. Бир хаёл сумкасини елкасига илиб чиқиб кетмоқчи бўлди. Аммо қандайdir куч уни жойидан жилмасликка мажбур этди.

Сўзсиз ҳайкалдай қотиб қолган йигитни бироз кузатиб турган қиз сумкасини ковлаб бир шиша ароқ олди. Култуллатиб пиёлани тўлдириб қўйди. Сўнг бир кўта-ришда ичиб юборди-да, стол устидаги егуликларни иштаҳа билан ея бошлади. Шоҳруҳга, бир оғиз бўлсин, “олинг” демади.

Орадан беш соатча вақт ўтди. Юлдуз бу пайтда ухлар, Шоҳруҳ ундан кўзини узмай тикилиб ўтиради. Эшик шиддат билан очилди-да, бирдан икки барзанги кирди. Улардан бирининг қўлида пичоқ бор эди.

— Жуда топибмиз-ку! — деди сочи тап-тақир олинган, рухсатсиз кирган гавдали йигит.

Унинг овозидан Юлдуз уйғониб кетди ва чойшаб билан бўйнигача ёпаркан:

— Кимсизлар?! Нима керак?! — деди.
— Вой, оппоқ қиз, бизга сиз кераксиз. Аввал оппоқ баданингиз, кейин пулга тўла сумкангиз, — деди иржай-ган қалбош.

* * *

Пешинга яқин Мурод билан Шаҳло хиёбонга боришди. Музқаймоқ ейишиди. Йигит қизнинг кўнглини овлаш учун қилмаган ҳазили, айтмаган ширин сўзи қолмади. Бироқ бир марта бўлсин, Шаҳлонинг юзида табассум аломатлари сезилмади. У мудом бир нарсалар тўғрисида хаёл сурар, баъзан ёнида ким борлигини ҳам унутарди. Кеча уйидан қочиб чиққанида Муроддан жуда кўп нарса умид қилганди. Аммо йигити ҳам унинг қайғусига қайфу қўшиб қўйди. Албатта, энди у ўзини ҳам бегуноҳ ҳисобламаётганди. Агар дугонасининг гапига кирганида, бугунги бир-биридан чигал ўйлар бошида йўқ эди. Балки, уч-тўрт кундан кейин ҳаммаси изига тушиб кетиши ҳам мумкин эди, лекин тундаги воқеани тузатиб бўлмайди. Ҳар не бўлганда ҳам, оппоқ келинлик либосини Шаҳло оппоқлигича киймайди.

— Шаҳло, — деди Мурод қизнинг қўлини тутиб, — тўғрисини айтсам, эзилиб кетдим. Кўнглингни кўтаришга қанчалик уринмайин, фойдаси бўлмаяпти. Барака топтур, озгина бўлсаям чиройингни оч!

Шаҳло йигитига маъюс қаради-да, хўрсиниб:

— Сизниам роса қийнаб юбордим. Аслида бир ўзим юрсам бўларкан... Мен ўзимни кечиролмаяпман. Амакимни ёмонотлиқ қилганлари учун уйдан кетиб қолувдим. Лекин... Лекин ўзим ундан баттар ишни қилиб қўйдим-ку! — деди. Унинг кўзи ёшга тўлган, азбаройи, ёнларидан ўтаётганлар кўплиги учун ўзини йифидан зўрга тутиб турарди.

— Мен сенга уйланмайман, номардлик қилиб қочиб кетаман дедимми? Агар ўзинг кўчага чиқайлик демаганингда, уйда ўтирган бўлардик. Уйдагилар келиши билан сени таништирардим. Худо хоҳласа, тўйимизни ҳам тезлаштирардик. Ҳозир ҳам шундай бўлади.

Мурод ёнидан қўл телефонини олиб уйига қўнфироқ қилди. Бироқ у томондан ҳеч ким гўшакни кўтартмади.

— Ҳалиям келишмабди! Намунча сайр қилишмаса?..

— Асабийлашманг, — Шаҳло унинг елкасига бошини қўйди, — келиб қолишар, мени деб сизнинг ҳам сиқи-

лишингизни истамайман... Ундан кўра, юринг, бирон жойда овқатланамиз. Қорним очди.

Тушликдан сўнг соат иккиларга яқин Мурод уйига қўнғироқ қилди. Ҳартугул, бу сафар ойиси гўшакни олди.

— Хайрият, — деди ўғил Шаҳлога қараб қўйиб, — буғун ҳам келмайсизларми деб ўйлагандим.

— Болам, — дея юмшоқ овозда гапирди она, — ўзинг қаерларда юрибсан? Соғиниб қолдик, тезроқ кел.

— Ойи, меҳмон бор. Уни сизлар билан таништиргани олиб бораман.

— Ким экан у?

— Ойижон, борганда кўрасиз. Сизга ёқади, аниқ биламан.

— Нималар деяпсан? Ҳали сен... сен...

— Бўпти, ярим соатда борамиз, — ойиси охиригача гапириб улгурмасидан Мурод телефонни ўчирди ва севгани қизини қўлтиқлаб, деди: — Қани, хоним, юринг, қайнона-қайнотангиз билан танишиб олинг-чи?

— Мурод ака, қандай бораман? Юзларига қандай қарайман? Нима дейман!?

— Ҳеч нарса, ҳеч нарса демайсан, борсанг бўлди, қолган гапларни ўзим гапираман. Хўпми?

Юраги гупиллаб уриб, ҳаяжон босган Шаҳло ҳеч нарса демади. Бошини эгди.

— Ўзимнинг пучуғим, — деб Мурод унинг бурнидан чимдиг қўйди-да, қўлидан ушлаб етаклади.

Манзил яқинлашгани сайин Шаҳло сиқилаверди. Кўз олдига дадаси билан ойиси келар, иккаласи ҳам қизларидан юз ўгираётгандай туйилаверарди. Охири у чидамади.

— Мурод ака, — деди ёнгинасида ширин хаёлларга берилиб кетаётган йигитга, — илтимос, таксичига айтинг, бизни шу ерда тушириб қолдирсинг.

— Нега? — ҳайрон бўлиб унга қаради Мурод.

— Илтимос, айтинг.

Мурод ҳеч нарсани тушунмади. Айни пайтда бироз асабийлашди ҳам. Шундай бўлса-да, қизнинг истагини бажарди.

Машинадан тушишгач, худди Шаҳло Муродни қолди-

риб ўзи кетиб қолгандай, улов ортидан бироз тикилиб турди. Сүнг чукур ух тортди-да, ўзига термилиб турган соҳибжамолга қаради:

— Бу ёғига пиёда кетаверамиз. Менимча, шундай демоқчи бўлгандинг.

— Мурод ака, — деди мўлтираб Шаҳло, — ойингизнинг кўзларига қаравшга ботинолмаяпман. Уйимдагилар ҳақида сўраб қолсалар, нима дейман? Кейин ота-онам бўла туриб, сизниги уялмай боришимни ўйласам, юрагим орқага тортиб кетаяпти.

Мурод уни қучоқлади ва бироз шу ҳолатда туришгач, деди:

— Унда сен анави анҳор бўйидаги ўриндиқда ўтириб турасан, мен физиллаб уйга бориб, ойимни олиб келаман. Йўлда ҳаммасини тушунтириб бераман. Сен ойимнинг қанақа аёл эканини билмайсан. Дарров тушунадилар. Энди вақтни ўтказмайлик.

Шаҳло боши эгик мажнунтол остида нигоҳини ерга қадаб, бир соатдан мўлроқ ўтириди. Ҳар-ҳар замон келаётган-келмаётганликларини билиш учун атрофга боқар, Мурод ва унинг ёнидаги аёл кўринмагач, ҳафсаласи пир бўлиб, тағин ўша ҳолда ўтираверарди. Бошида билинмаган бўлса-да, аста-секин кўнглида умидсизлик пайдо бўлди. “Ойиси: “Келиб-келиб, уйидан қочиб кетган қизни келин қиласанми? Ота-онасини ёмонотликча чиқарган қиз эртага бизниям маҳаллага достон қилмайдими?.. Ҳеч вақт қизнинг ўзи мени келин қилинг дейдими? Кўй, болам, дарахтни тепсанг, қиз ёғилади, нечта-нечтаси йигит тополмаганидан иккинчи хотин бўлиб кетаяпти. Ўзим сени яхши қизга уйлантириб қўяман”, — деган бўлса-ю, Мурод акам ҳам ойисининг гапини икки қилолмай, менинг ёнимга келмай қўя қолган бўлсалар керак. Агар шундай йўл тутган бўлса, мен асло кечирмайман. Кечирмаганимда нима бўпти? Уларга барибир эмасми, эрта бир кун бошқа қизни топиб уйланаверадилар. Мени... Мени ким ҳам оларди? Ҳеч кимга губор теккан қизнинг кераги йўқ”.

Мана шундай ўйлар гирдобида у бир неча бор ўрнидан туриб, кетишга чоғланди. Бироқ оёғи шу ерга елим-

лангандай эди. Қанча уринмасин, ҳеч қаёққа кетолмади. Шубҳа-тумонларнинг бир четида милт-милт ёниб турган умид шамчироги уни қўйиб юбормади.

Қиз ўтиравериб зериккач, Севинчга қўнгироқ қилди. Аммо дугонаси ҳали гўшакни кўттармасидан ўчириб қўйди. “Фойдаси йўқ, — ўйлади у, — ёнига чақиради. Шу билан ҳеч нарса ўзгармай қолиб кетаверади”.

* * *

Муродни пешонасидан ўпиб қаршилаган ойиси унинг ёнида ҳеч ким йўқлигини кўриб ҳайрон бўлди.

— Қани меҳмонинг? — дея сўради.

Мурод жавоб беришга улгурмасидан, ошхона томондан отаси кавшаниб чиқиб келди. У билан кўришгач, синглиси ҳам югуриб келиб елкасига осилди. Сўнг бутун оила жам бўлишиб, ошхонада бир стол атрофида ўтиришди. Мурод отаси билан синглисининг ёнида ойисига ҳеч нарсани айтолмасди. Шу боис чой қайнашини кутди. Кейин ярим коса овқатни бир амаллаб ейишига ҳам тўғри келди. Вақт эса ўтиб бораверди. Агар Муроднинг фақат ўзи битирадиган иш бўлганида, аллақачон сабаб топиб чиқиб кетган бўларди. Ҳозирги ҳолда эса кутишга маҳкум, қачонки қулай пайт келса, ойисига ҳамма нарсани ётиғи билан тушунтиради. Кейин иккаласи Шаҳлонинг ёнига боришади.

Гап орасида ойиси меҳмон кимлигини, нега олиб келмаганини қайта-қайта сўради. Мурод чайналиб, тузук-қуруқ гап айтмади.

— Ўн метр юрасанми-юз метрми, барибир одам қариганидан кейин билинаркан, нимагадир бошим фувилла-япти. Озгина чўзилай, — деб отаси ўрнидан турди-да, ётоғига кириб кетди. Синглисини эса қўшни қиз сўраб келди.

Шундан кейин ҳам Мурод тезда тилга кира қолмади. Гапни нимадан бошлашни билмай, талай муддатни ўтказиб қўйди. Бир хаёл Шаҳлога қўнгироқ қилиб: “Ҳеч қаёққа қимиirlамай тур, ҳозир борамиз”, деб айтмоқчи ҳам бўлди. Аммо ойисининг ҳам «чарчадим» деб ётоғига кириб кетиши ёки синглиси қайтиб келиб қолишидан чўчиди.

— Сизга бир гапни айтмоқчийдим, — деди ойиси идиш-товоқларни юва бошлаганида.

— Сезиб турибман. Ўзим ҳам ҳайрон бўлаётгандим оғзингга толқон солгандай жимиб қолганингдан, — деди ойиси унга бир қараб қўяркан.

— Ойи, қўйинг шу косаларни, қизингиз ювиб қўяверади. Сиз кийининг, бир жойга борамиз. Фақат ҳозирдан қаерга боришимиизни сўраманг. Ҳаммасини йўлда айтиб бераман.

— Мен билан таништиromoқчи бўлганинг, ҳар қалай, ўғил бола бўлмаса керак... Кейин менга ёқишиниям олдиндан биларкансан... Нега олиб кела қолмадинг? — деди ойиси ўғлининг кўзига тикилиб.

— Ойи... Юринг, ойи, ҳаммасини йўлда тушунтириб бераман, ҳозирча бошқалар билмасин. Илтимос, ойи, мен сизни пастда кутиб тураман.

Ўғли дабдурустдан: “Меҳмонни сиз билан таништираман”, дегандаёқ Фотима опа гап нимадалигини англашетганди. Айни пайтда жаҳли ҳам чиққанди. “Энди бирорвнинг эшигини тақиилратаман, ўғлимга қизини сўрайман, келин бўлмишнинг уялиб бошини эгиб, бир-бир қадам босиб чой олиб келишини томоша қиласман”, дея орзу қилиб юрган онага бирдан ўғли: «Келинни уйга опкелиб таништириб қўяман», деса, қай аҳволга тушишини тасаввур қиласкеринг.

Агар Мурод уйга етаклаб келганида борми, ўша қизни туғилганига пушаймон едиради. Қандай уятсиз, беор қиз бўлдики, безрайиб йигитнинг уйига келса... Ҳартугул, Фотима опанинг кўнгли таскин топди. Айтмоқчи бўлган гаплари ичида қолди.

Йўл-йўлакай Мурод узук-юлуқ гапирди. Шаҳло билан оқшомни бирга ўтказганини айтишга эса мутлақо тили бормади.

— Ўғлим, қизиқсан-а, қайси оилада майдад-чуйда гап бўлмайди? Шунинг учун аразлаб чиқиб кетиш шартми? Ойиси бечоранинг ҳам бўллари бўлгандир. Ўзим уйига қўйиб келаман, агар ўша қиз менга ёқса, — деди Фотима опа ўғлининг нима демоқчилигини тушунгач.

* * *

Шаҳлонинг ўтирганига икки соат бўлди. У охирги умидини кўзида ёш билан кузатиб қўйгач, сумкачасини елкасига илди-да, кетишга ҳозирланди. Шу пайт анча нарида бир йигит билан аёлнинг қорасини кўриб қолди-ю, юраги яна гупиллаб ура кетди. Тўпланиб қолган барча шубҳа-гумонлари тумандай тарқаб, ўрнини ҳаяжон эгаллади. У нима қиласини билмай, аввал ўтирди, сўнг ўрнидан турди. Бир-икки қадам юрди. Қайтди. Тағин жойига ўтирди. Сумкачасидан бежирим ойначасини олиб, юз-кўзига қаради. Юзи қизарибди. “Тезда упа суртиш керак”, деган ўй ўтди хаёлидан. Аммо энди кеч эди. Пардоз вақти ўтиб бўлганди. Упа суртайдиганни Муроднинг онаси кўрса борми, бир-биридан “гўзал” иккита сўз айтиб, орқасига бурилади-ю, кетади-боради. Ундан кейин ҳаммаси тамом.

— Вой, манави қизнинг кетвортганига қаранглар, даҳшат!..

Шаҳло чўчиб тушиб, овоз келган тарафга қаради. Атиги тўрт-беш қадам нарида уч йигит турар, улардан иккиси оёқда туролмай тебранарди. “Қайси гўрдан пайдо бўлди булар?” — дея уларга ўқрайди.

— Чучмомо! Ёлғизми, значит, биззи кутиб турибди, — деди тебранаётганлардан бири, — ҳозир мен ўзим гаплашаман...

Шаҳлонинг жон-пони чиқиб кетди. Агар озгина олдин келишганида борми, у олд-орқасига қарамай қочарди. Маст-аластларнинг уни қувиб етиши гумон, қолаверса, одамлар серқатнов катта кўча ҳам узоқ эмас. У ерда мелиса бўлишиям аниқ. Лекин айни дақиқада... бунағанги бошоғриқларнинг пайдо бўлиши... Аксига олади, деганлари шу экан-да, ахир ҳозир Шаҳлонинг тақдири ҳал бўлиш арафасида-ку!

— Сизга нима керак?! — деди бутун вужуди титраётган қиз ўзига яқинлашиб қолган йигирма беш ёшлардаги маст йигитга.

— Битта ўпич, — деди йигит иржайиб, — сендей чучмомонинг битта ўпичи мени жаннатга обориб қўяди. Бошқа нарса керакмас сендан!

— Йўқол! Ана, эрим келаяпти, — қўли билан икки юз-уч юз метр нарида қадам олиши тезлашган Мурод томонга ишора қилди Шаҳло, — спортсмен, башарангни бузиб ташлайди!

Йигит секин у кўрсатган тарафга қаради.

— Ҳе, — деди сўнг қизга юзланиб, — анави хотин билан келаётган болами?! Сўтак-ку! Ҳақиқий эркак мана биз бўламиз!

Маст йигит аввал кўкрагига муштлаб урди, сўнг Шаҳло томон қўлини чўзди.

— Йўқол дедим! — бақириб юборди қиз. — Тегинма!

Унинг овозини Мурод ҳам эшилди. Бир зум юришдан тўхтади, сўнг югура бошлади.

— Ҳоий! Қўлингни торт! Ўлдираман!!! — дея бор овозда бақиради у.

Бироқ бутун ўй-хаёли Шаҳлода бўлган маст йигитнинг қулогига унинг гаплари кирмади. Шериклари эса оёғи деярли ерга тегмай елиб келаётган йигитга қарашди-да, сўнг бир-бирларига юзланишди.

— Толмас, бугун роса қўлим қичиганди. Сабабини энди билдим, — деди бири иккинчисига.

— Менинг оёғимда шунаقا дард бор. Касалдан қутуларканман-да, — деди иккинчиси.

Уларни иккаласи ҳам ҳиринглашиб енг шимаришди.

Кўп ўтмай, Мурод етиб келди. Бу пайтда, гарчи Шаҳлонинг қўлидан тутишга мастилиги халақит берган бўлсада, сумкасидан ушлаб олган йигит уни ўзига тортар, қиз эса унга ёлвориб:

— Қўйворинг!.. Қўйворинг!.. — дея ялинарди.

Муроднинг қўзига ҳеч нарса, яъни уни пойлаб турган икки йигит ҳам кўринмасди. Шу боис у оёғидан чалишганини сезмади ва бирдан умбалоқ ошиб кетди. Шу йиқилишнинг ўзида у бошини асфальт устидаги тошга уриб олиб ёрганди. Оғриқни сезадиган аҳволдан йироқ бўлган Мурод ўрнидан сапчиб турди ва ҳали-ҳамон шилқимлик қилаётган йигитнинг қўлидан ушлаб ўзига қаратди-да, башарасига мушт туширди.

* * *

— Нима қилишни сиздан сўрамайман, боринг, янгани чақиринг! — дея ўқрайиб қаради Қоплон Файбуллога.

Шу қарашининг ўзиёқ Файбуллонинг суюгигача тешиб юборди. У киприклари пирпираб, пилдираганча эшик ортида бир аҳволда деворга суюниб турган хотинининг ёнига борди.

— Кир, — деди меҳмонхонага бир қараб олгач, — сени сўрайпти, укангнинг ҳамма қилиқларини айтиб бер. Бизга тинчлик берсин де. Эримни ургани камлик қилганидай, менгаям икки-уч шапалоқ тушириди де.

У кейинги гапларини овозини пасайтириб айтди. Унинг пицирлашини эшитиб қолган милиционер мийигида кулиб қўйди.

Раъно рўпарасига келиб ўтиргач, шундай ўқрайдики, бечора аёл нима қиласини билмай типирчилаб қолди.

— Нега бозорда жанжал қўтардингиз?!

Бунақа савол бўлишини кутмаган Раъно бақа бўлиб қолди. Унинг фақатгина киприклари қимиirlар, ранги оқаргандан оқарап, боши айланарди.

— Ме... Ме... Мен, — деди у дудуқланиб, — бозорга бормаганимга бир йилдан ошиб қолди-ку!

Ёлғон гапирманг, куни кеча бозорда қассоб билан уришгансиз, уни юлгансиз, кейин худди шу шаллақили-гингизни уйга келиб эрингизга қилгансиз, бунинг устига, укангиз, анави зўравон спортсмен, ёстиқдошингизни хуморидан чиққунча тепган, унга сиз ҳам қўшилгансиз... Бу фактларнинг ҳаммаси менда бор, яширганингиз билан жиноятингиз салмоғини оширангиз оширасизки, аммо ҳечам...

Қалтираётган Раъно йиқилиб кетмаслик учун столни ушлади. Қоплон билдики, яна озгина шунақа пўписа қилса, ўзидан кетиб қолади.

— Сизнинг мутлақо айбингиз йўқ, — деди Қоплон Раъони ҳайратлантиришда давом этиб, — барига эрингиз айбдор. У сизни ураётганида укангиз келиб қолгани, аччиқ устида поччасига бир-иккита шапалоқ туширган бўлиши мумкин, ҳолбуки, бу шапалоқлар сиз еган калтакларингиз олдида ҳолва. Буни афт-ангордингиз ҳам айтиб турибди. Файбуллобой, яъни сизнинг эрингиз кўз кўриб, қулоқ эшитмаган бўхтонларни ҳам устингиздан ағдарди. Шу пайтгача унинг гапларини гапиргандим, шу-

нинг учун мени кечирасиз. Энди бўшсиз, опа. Бемалол ишларингизни қилаверинг, эрингиз эса мен билан бирга кетади. Отделда озгина хат-хужжат ишларимиз бор, у билан биргаликда қиласиз. Ҳа, олдиндан айтиб қўйай, сиз хавотир олманг, хўпми?..

Раъно бирон нима дейишга тили айланмас, ҳали-ҳамон ҳайратланар, бўлаётган воқеалар тушида кечаётгандай эди. Шу боис милиционер ўзи билан бирга эрини ҳам олиб кетганини сезмай қолди. Фақат катта қизи бўйнига осилиб:

— Ойижон! — дея йиғламсираб гапирганидан кейин гина ўзига келди. Худди уйқудан уйғонгандай чўчиб тушди. Атрофига олазарак боқди.

— Ойижон! — такрорлади қизи. — Нималар бўляпти?!

— Милиционер амаки қани? — сўради Раъно қизидан.

— Дадам билан чиқиб кетишиди.

— Қаёққа, нега чиқиб кетади? Дадангни қамаб қўйишса нима қиласиз?! — дея Раъно ўрнидан турмоқчи бўлди ю, аммо мувозанатини йўқотиб яна жойига ўтириб қолди ва йиғлаб юборди.

* * *

— Проводник танишим бўлади, ҳозир айтсам, поездни тўхтатади. Кейин сизларни милицияга берворади. Яхшиликча чиқиб кетинглар! — деди кўзлари олайиб кетган Юлдуз.

— Биз чиқайлиг-у, сизлар кайфу сафо қилинглар, шундайми? Вой... Вой, шунақанги аҳмогингни топдингки, қизалоқ, тенги йўқ. Ундан кўра, кел, бир бағримда эркалайин.

Унинг гапига шериги ҳиринглаб қулди.

— Менимча, бошқа адресга тушиб қолдиларинг, — деди ниҳоят гапга аралашган Шоҳруҳ.

— Буни қара, — деди биринчи барзанги ёнидагига кўз ташлаб қўйиб, — молокасоснинг тили бор экан. Суғуриб олмаймизми-а?

— Зўр бўлади-да, — дея босқинчиларнинг бири йигитга яқинлашди. Пичогини Шоҳруҳнинг кўксига тира-моқчи эди, улгурмади, ияги остидан шунақанги кучли

мушт тегдики, күз олди қоронғилашиб, орқа мияси билан эшикка урилиб, шилқ этганча полга қулади.

— Вой мараз! — деди капалаги учиб кетган навбатдағи босқинчи. — Сен ҳали...

Унинг қолган гаплари ичидә қолди. Шоҳруҳ жуда чақ-қонлик билан аввал унинг қорнига, әнгашиб қолгач, умуртқасига зарба берди. Йиқилған душманни бир-икки тепмоқчи ҳам эди, аммо Юлдуз:

— Бас! — деб бақириб юборди.

— Нега?! — деди ўзини боса олмай титраётган Шоҳруҳ унга қааркан.

— Ўлиб қолишимасин.

— Шуниси яхшимасми?

— Йўқ, улар керакли одамлар.

— Ни-ма?!

— Эшитганингиз, — деб Юлдуз ўриндиқдан пастга тушди, — лекин бопладингиз. Аслида булар бундан ҳам ортиғига лойик. Ландавурлар!

— Ҳеч нарсага тушунмаяпман, — деди Шоҳруҳ бу сирли қизга ҳайратланиб боқаркан, — булар сизнинг танишларингизми? Танишларингиз бўлса, нега пичоқ кўтариб келишди?

— Биласизми, сизни вокзал ичидә кўрганимдаёқ бошқача фикрга келдим. Кўзингизда ўт бор. Қонингиз қайнок...

— Нима бўпти шунга... Озгина ёрдам бериб, кейин устидан куламан, деб ният қилганимдингиз?

Юлдуз жилмайди. Табассуми шунчалик мафтункор эдики, бирор уни қилни қирқ ёрадиган, бир нечта алпқомат йигитлар устидан ҳукмронлик қилади, деб ўйламасди. У жудаям назокатли, бошқача айтганда, севилишгагина лойиқ қиз дейилса, тўғри бўларди.

— Синамоқчийдим, — деди Юлдуз.

— Синамоқчийдим?! Қанақа синов?

— Кейин тушунтириб бераман қолганини.

Қиз иккала босқинчининг ҳам ўрнидан туришига қўмаклашди. Сўнг уларнинг қўлларига сочиқ тутқазиб, ювиниб келишга чиқариб юборди. Ортидан ўзи ҳам қаёққадир кетди.

Ёлғиз қолган Шоҳруҳнинг боши фувилларди, нималар бўлаётганига ақли етмасди. Уни: “Бу қиз ким?” — деган савол сиқувга олмоқда эди. У стол устида турган ароқдан пиёлага тўлдириб қуиди-да, бир кўтаришда ичиб юбориб, қотиб қолди. Чунки шишага ароқ эмас, сув тўлдирилган эди. Буни қарангки, худди шунаقا бўлишини олдиндан билгандай, Юлдуз кириб келди. Яна ўша табассум. Унинг ортидан:

— Синамоқчийдим, — деган гап.

Бир тарафдан, Шоҳруҳнинг жаҳли чиқди. Иккинчи томондан, ажабланди. Буларнинг бари нима мақсадда қилинаётганига ақли етмасди унинг.

Юлдуз бошқа сўз айтмай, жойига ўтири, лекин гўзал табассумини Шоҳруҳдан аямади. Бундан қизарип кетган йигитнинг ҳам тили айланмай қолди. Ички ҳаяжони сира босилай демас, тез-тез нафас оларди.

Бўлмага яна бир йигит кириб келди. Бу ҳам синовчи-ларнинг бири бўлса керак, дея ўйлаган йигит унга бургут қараш қилди. Бироқ келувчи Шоҳруҳга эътибор ҳам бермай, Юлдузнинг ёнига ўтириб:

— Хабар келди. Яна Пахмоқ эгаллаб опти. Икки вагон тушириди, ярим нархид сотаётган эмиш. Болалардан учтасининг абжаини чиқарип ташлабди, — деди.

Юлдузнинг бирдан қошлари чимирилиб, юзи жиддий тус олди. Энди нигоҳидан ўт чақнамоқда эди.

— Ярамас! — деди у қўлларини мушт қилиб тушиб. — Ҳар доим оёғимдан чалишга уринади. Мен обораётган мол энди ачиб-бижгиб қолавераркан-да... Пермга телефон қилинглар, тез!

— Хўп, — дея йигит илдам юриб бўлмадан чиқиб кетди.

Қиз эса сумкасини олиб ичидан ён дафтар билан калькулятор чиқарди-да, алланималарни ҳисоблашга тушиб кетди. Бир соатлар бош кўтартмади. Ҳисоблайверди, ҳисоблайверди ва аллақандай сонларни ён дафтарчага ёзаверди. Охири натижадан қониқмади, шекилли, қўлидагиларни вагон деразасидан улоқтириди.

— Мана шунаقا! — деб бақирди у Шоҳруҳга. — Биз-

никилар думини қисиб юришади, бошқалар келиб оғзимиздаги нонни тортиб олишади!

— Менга нима дейсиз, ёрдамингизни пеш қилаяпсизми?! — деди қизнинг ҳаддидан ошиб кетганидан жаҳли чиққан Шоҳруҳ.

— Сиз ҳам юрибсиз-да аммамнинг бузогига ўхшаб, қўлингиздан битта билет олиш келмайди. Бунча ношудизлар?..

— Ўзингизни босиб олинг, яхши қиз, ҳақорат ҳам эви билан. Яхшиямки, қиз боласиз, йўқса...

— Туринг ўрнингиздан! — деди ўтқир нигоҳини йигитга қадаган қиз Шоҳруҳнинг гапини охиригача эшитишни истамай.

— Буйруғингизни бошқаларга қилинг.

Шоҳруҳ шундай дейиши билан кўкрагига тепки тегди. Юлдуз юқори қаватга осилганча иккала оёғи билан бараварига унга зарба берган эди. Кўксиде оғриқ пайдо бўлган йигит ўрнидан сапчиб турмоқчи бўлди-ю, лекин қизнинг антиқа чалишидан полга ағанади. Шоҳруҳ учун бундан ортиқ шармандалик йўқ эди. Юрагига бирор ханжар санчандай бўлди. У важоҳат билан ўрнидан турди, аммо шу пайтнинг ўзидаёқ Юлдуз қайчи усуlda оёқлари билан бўйини қайирди. Сал қолди йигит бечоранинг бўйни синиб кетишига, лекин шу сафар қиз йигитни ағдаролмади. Унинг оёқларидан маҳкам ушлаган Шоҳруҳ “қайчи”ни очиб юборди-да, Юлдузнинг елкасига мушт туширди.

— Имм! — деди қиз ва секин ўтиаркан. — Уятинг йўқ экан, қиз бола демадинг-а, аямадинг-а!

— Қиз болалигингни билсанг, эчкига ўхшаб сакрайвермасдан қиз болага ўхшагин-да! — деди ҳамон қўллари мушт йигит шаштидан тушмай.

— Кенгроқ жой бўлганида, ким эчкига ўхшашини кўрсатиб қўярдим, — деди Юлдуз, — агар ўғил бола бўлганингда жағингни синдирардим.

Қиз ўрнидан туриб елкасини уқалади-да, аччиқ жилмайди. Сўнг кутилмаганда йиглаб юборди. Кўкраклари силтаниб, ўксиниб-ўксиниб йиғлади. Шоҳруҳнинг муш-

тлари ёзилди. Кўзида ачиниш аломатлари пайдо бўлди. Секин Юлдузнинг ёнига яқинлашиб:

— Қаттиқ оғрияптими? — деди.

Юлдуз унга ялт этиб қаради. У ёшли кўзлари билан жилмаяр эди. Буни кўрган йигит бутунлай довдираб қолди.

— Адашмабман, — деди Юлдуз пичирлаб.

— Нимага, нимага адашмайсан?

— Сизни танлашда.

— Тушунмадим.

— Ана шунаقا, тушунмайсиз-да... Ҳурматингизни қилиб сиз деяпманми, мени ҳам сиз денг.

— Майли... Ўзинг бошладинг-ку!..

Уларнинг суҳбати узилиб қолди. Юваниш учун кетган икки “зўравон” бўлмага кириб келди. Улар қизнинг кўзида ёш кўришлари билан ёнидан пичноқ чиқаришиб, Шоҳруҳга ташланиш учун хезланишганда, Юлдуз тўхтатди.

— Шодликдан йифлаяпман, — деди у, — мен яна ўзига ишонган бир йигит топдим. Сезгим алдамабди. Яна шунаقا беш-олти йигит топсам, азарларнинг куни ни кўрсатаман.

Шоҳруҳ эндинга ниманидир англағандай бўлди. Демак, қиз бекордан-бекорга унга ёрдам бермаган. Ўзининг қандайдир ечилиши қийин бўлган муаммоси бор, шекилли, умрида кўрмаган беш-бегона йигитга кўмак берган.

Юлдуз дарров кўз ёшларини артди-да, йигитларига бошқаларни ҳам чақириб келишни буюрди. Сўнг Шоҳруҳга аввалгидай табассум ҳадя этаркан:

— Барибир сизни ҳали кўп тайёрлашимиз керак. Муштлашишингиз яхши, лекин мен қониқмадим. Ҳар қалай, қиз бола бўла туриб икки марта афдардим-ку!..

Унинг гапларидан яна Шоҳруҳнинг асаб торлари таранглашди. Шундай бўлса-да, у ўзини ҳам, тилини ҳам тийди.

— Ҳечқиси йўқ, — давом этди Юлдуз, — шундай тайёрлашадики, ас бўлиб кетасиз.

— Сиз ўзингизча менинг устимдан ҳукм ўқиб қўйяпсизми?

— Ҳа. Мен билан ишлайсиз. Чунки қарздорсиз. Мен оладиган битта билетнинг нархи қанча туришини биласизми?

- Ҳар қалай, осмонмасдир.
- Ўн минг “кўк”ида.
- Нималар деяпсиз?
- Қулоғингиз, менимча, ҳали оғирлашмагандир.
- Адресингизни беринг.
- Нима қиласиз?
- Ҳозир поезддан тушиб қолиб, шу пулингизни топиб, олиб бориб бераман.
- Кўринишингиздан аҳмоққа ўхшамайсиз-у, аммо айтиётганларингиз фақатгина аҳмоқларнинг оғзидан чиқади. Чунки мен ҳар доим клиент келишувимизни ўзининг зиёнига бузсаям, охиригача ишлайман. Қачонки, иш битиб, ҳамма ўз долясини олиб бўлади, ундан кейин тарқаламиз.

У гапираётганида турли ёшли, турли жуссадаги беш киши бирин-кетин кириб келди. Юлдуз уларнинг биронтасига ҳам эътибор бермай, сўзлашда давом этди.

— Тихирлик қилаяптими? — деди келганлардан бири Юлдузнинг ўринидигига ўтиаркан.

— Менимча, бир-биrimизни яхши тушундик. Бундан бу ёғига биз билан ишлайди. Агар қочадиган бўлса, ернинг тагидан бўлсаям топаман. Кейин ўзидан кўрсин, — деди Юлдуз ҳамон Шоҳруҳдан кўзини олмай.

— Мени малай қилиб оламан деб ўйласангиз, адашасиз, — деди Шоҳруҳ ўзини нокулай сезиб.

Юлдуз кўзини юмди. Талай муддат шу тахлит ўтирди. Жимжитлик. Бирор сўз қотмайди. Қулоққа поезд оёқларининг темир изга тегиб чиқарган овзларигина эшитиларди.

— Сизни малай қилиш ниятим йўқ эди, лекин сиз бўласиз. Фақат менга эмас, азарлар ёки гуржиларга. Итдай хизмат қиласиз-да, итдай ўлиб кетасиз. Сизни ақли расо, фаросатли йигит бўлса керак, деб ўйлагандим. Адашибман. Билагингизда кучингиз бўлгани билан, бошингизнинг ошқовоқдан фарқи йўқ экан. Сизга қилган ёрдамларимнинг ҳаммасидан кечдим. Сариқ чақангиз ке-

рак эмас. Энди купени бўшатиб қўйинг. Сизга ўхшаган кимсалар билан битта купеда кетишдан ор қиласман!

Юлдуз дона-дона қилиб, аллақандай алам, нафрат билан гапиради. Унинг сўзларидан кейин нафақат Шоҳруҳ, балки, ўзининг йигитлари ҳам бош эгиб қолишиди. Қизнинг эса кўзидан ёш сизиб чиқди. Ана шу кўз ёш Шоҳруҳни йўлдан қайтарди. У қаққайганча тураверди.

— Жамол ака, — деди Юлдуз ёнидаги йигитга, — эшикнинг қаердалигини эсидан чиқариб қўйди, шекилли, ёрдам бериб юборинг.

— Қарздор бўлишни хоҳламайман, — деди Шоҳруҳ қизга худди унинг ўзидаи тикилиб.

— Қарзингиз унчалик ҳам кўп эмас, Пермгача тамбурда бориб, кейин юкимни туширишга ёрдам берсангиз узасиз, тамом-вассалом.

Шоҳруҳ нарсаларини сумкасига жойлаб, бўлмадан чиқиб кетди. Бу пайтда аллақачон замин узра қоронфилик этагини ёзган, ҳаво ҳам анча салқинлашганди. Йигит жунжикиб қўлларини кўксига чалиштириди.

Орадан икки соатча ўтиб оёқлари толиқди. Кўзи ҳам юмилиб кетаверди. Вагонга суюниб, тик турганча ухламоқчи бўлди. Эплаёлмади. Уйқу элтгандай туйилди-ю, аммо йиқилиб кетишига сал қолди. Охири чидолмаганидан, сумкасини елкасидан олиб, устига ўтиromoқчи бўлганида, тамбурда Юлдуз пайдо бўлди. Йигит билан қиз бир-бирига бир неча сония тикилиб қолишиди.

— Юринг, манзилга етгунча менинг купемда бўласиз, яна сиз шамоллаб, мен уволингизга қолиб ўтирамайин, — деди Юлдуз.

— Қарзга ботишдан кўра шамоллаш афзалроқ.

— Шу сафар текин.

Қиз бошқа гапирмади. Орқасига бурилиб, бўлмаси томон кета бошлади. Унинг ортидан бироз қараб тургач, Шоҳруҳ ҳам юрди.

Юлдуз эртасига тушгача Шоҳруҳга гапирмади. Фақат аҳён-аҳёнда келиб турган ўзининг одамлари билан гаплашди. Майда-чуйда гап эмас, ҳаммаси бир-биридан йирик. Айтилаётган миллионлар эса, Шоҳруҳнинг оғзини очиб қўйди. Назарида, Юлдуз исмли соҳибжамол озгина

ҳаракат билан пулнинг тагида қолиб кетадиганга ўхшарди. Айни чоғда у шунақанги муаммоларни ўртага ташлардики, гүё уларнинг ечими йўқдай эди.

Кўп сўзлаганидан қиз чарчади.

— Жамол ака, анави Петкага яна телефон қилинг, балки оп қолар, агар уни тополмасақ, ишимиз баттар расволашади, — деди.

Шундан кейин йигитлар чиқиб кетишиди. Қиз жойига чўзилиб, чойшаб ёпинди-да, кўзини юмди. Шоҳруҳ эса вагон деразасидан ташқарига қаради. Сўнги қўринмайдиган қумликларни, саксовулларни кузатган бўлди. Дарров зерикди. У ҳам ётмоқчи бўлиб Юлдузга кўз қирини ташлаган эди, қизнинг ухламасдан шифтга қараб ётганини кўрди.

— Мен сиз билан бирга ишлайман, — деди.

Қиз унга юзланди. Жилмайди.

— Нега ўзгариб қолдингиз? — дея сўради.

— Билмадим, ишларинг қизиқ туйилди, шекилли.

— Қийналиб қолишдан қўрқмайсизми?

— Қиз бола қўрқмайдиган ишдан мен қўрқсан уят бўлар.

— Бирорга малайлик қилмайман, дегандингиз-ку!

— Бирга ишлайман, деяпман, малай бўламан демаяпман-ку.

— Малайликдан баттар бизнинг иш.

Шоҳруҳ индамади. Бир муддат дераза тарафга қараб турди, кейин у ҳам ётди.

Перм вокзалига етганларидан кейин йигит билдики, Юлдузни бор-йўғи учта эмас, балки етти киши қўриқлаб келган экан. Шоҳруҳ шундан англадики, бу қиз бошқалардай оддий қиз эмас. Унинг отаси, акаси ёки шунга ўхшаш биронта яқин одами — камида катта амалдор. Яна шу нарса аниқки, бундай ўта гўзал, тагин сўнгти модада кийинадиган қизларнинг ошиқлариям мўл бўлади. Эҳтимол, ана шундай ошиқлардан биронтаси унинг ортида тургандир. Қизни қўриқлаб юрган йигитларни ҳам шу одам қўйгандир. Ҳартугул, ота ёки ака бешолтига эркак билан қизнинг ёлғиз ўзини жўнатиб қўймайди.

Поезддан тушишиб, ўн-ўн беш қадам юришлари билан оқ-сариқдан келган, бошига шапка, эгнига қора коржома кийган, лабига сигарета қистириб олган, узун бўйли, шунга яраша елкалари кенг йигит пешвоз чиқди.

— Петенка, одам шунаقا ҳам ҳазил қиласдими? — деди Юлдуз уни кўриши билан соғ тилида.

Петенка деганлари қўлларини икки ёнига ёзиб:

— Ҳазил менинг жоним, — дея иржайди.

— Ўша ҳазилингни деб, ўлиб кетишм мумкин эдикку?

— Мана ўлмабсан.

Улар қўл бериб кўришишди. Петканинг эътиборини дарров Шоҳруҳ тортди.

— Бу йигитингни аввал кўрмагандим, — деди у Шоҳруҳнинг қўлини сиқаркан.

— Захирадагилардан, шу сафар керак бўлар, деб олиб келдим, — дея унга жилмайиб жавоб қилди Юлдуз. — Петка, нега телефонларингнинг ҳаммаси ўчирилган? Сен билан қўнғироқлашамиз деб келишгандик-ку!

— Шунаقا бўп қолди, гўзал қиз, шунаقا. Истаган пайтингда ёмғир ёғдириб, истаган пайтингда уни қорга айлантиrolмайсан. Бу иш ёлғиз Худонинг қўлидан келади. Кўп туриб қолдик.

Петка Юлдузни қўлтиқлаб олди-да, унга алланималарни гапирганча кета бошлади.

Шоҳруҳ уларнинг ортидан эргашди. Вокзалнинг нариги ёғида, йўл бўйида иккита қора “Мерседес”, уларнинг ортида фургонли машиналар туради. Юлдуз Петка билан суҳбатга шунчалик берилиб кетган эдикки, ўтадаги “Мерс”га ўтираётуб ҳам, ортига бурилиб қараб қўймади.

Уч кунга яқин бир бўлмада у билан суҳбатлашиб, керак бўлса, уришиб ўрганиб қолган Шоҳруҳга қизнинг қилифи бироз оғир ботди.

Улар шаҳарнинг антиқа ресторанига киришди. Шоҳруҳ қизнинг бошқа йигитлари қатори умумий залда ўтириди. Юлдуз эса Петка билан алоҳида хонага кириб кетди. “Наҳотки, шу ўрис билан юрса, — ўйлади у, — қуриб қолганмикин ўзбек зоти? Поездда ўзини тутишидан, бо-

шқача қиз деб ўйлагандим. Адашган эканман-да. Ўзи бекор у билан ишлашга рози бўлибман. Балки ҳали ҳам кеч эмасдир, индамай ўрнимдан туриб кетворсамми? Йўқ, менимча, кейинроқ, озгина сабр қиласай-чи, булар яна нима кароматлар кўрсатишаркан?”

У ўйини охирига етказмасидан, стол турли ноз- неъматлару егуликлар билан тўлдирилди. Гарчи нонушта қилишмаган бўлса-да, Юлдузнинг йигитлари totинищдан ўзларини тийиб туришди. Шунингдек, Шоҳруҳ ҳам. Фақат у йигитларнинг нега тамадди қилишмаётганини тушунмасди. Орадан бироз ўтгач эса Жамол безовталанди. Юлдуз кириб кетган хонага тез-тез қараб қўя бошлади. Унинг безовталаниши аста-секин кучли ҳаяжонга айланди ва у чўнтағидан латтага ўралган бир нимани олиб столнинг тагига тиқди.

— Бек, — деди ёнида ўтирган йигитга, — телефон қил. Чўзилиб кетди.

Бек бошқаларга нисбатан жуссаси кичик, аммо нигоҳи ўткир, қораҷадан келган йигит эди. У чаққонлик билан қўл телефонидан рақам терди. Кулогига қўйди. Бироз кутди. Сўнг Жамолга юзланиб, бошини қимирлатди-да, “йўқ” ишорасини қилди. Аллақачон нигоҳлар билан гаплашишнинг ҳадисини олган йигитлар деярли бир вақтда ўринларидан туриб, Юлдуз кириб кетган эшикка яқинлаша бошлашди. Худди шу маҳал бошқа томондан иккита барзангি уларнинг олдини кесиб чиқди.

— Сизларга бу ёқقا кириш мумкин эмас, — деди улардан бири.

— Хонимнинг чиқиши чўзилиб кетди, — деди унга хўмрайиб қараган Жамол.

— Керак бўлса ўзлари чиқишиади. Жойингга бориб босиб ўтири. Суҳбатга халақит берма.

Қўпол сўзлар жамланмасидан тузилган гапга Жамол пинагини ҳам бузмади. Барзангига совуқ иржайиб қарап-кан:

— Беш дақиқа кутамиз, кейин киритишга мажбурсан, — деди паст, аммо кескин овозда.

Бу гап барзангини ҳам тиржайтирди, холос.

— Тушунмадим, — деди Бек жойига келиб ўтиришгач, уч стол нарига соқоллари ўсиқ, бурунлари узун йигитлар келиб жойлашганини кўриб, кўзи билан ишора қилиб уларни Жамолга кўрсатаркан.

— Юлдузга телефон қил, ўйин бўлаётганга ўхшайди.

Бек Юлдузнинг рақамини теришга улгурмади. Унинг ўзи Петка билан бирга олдинма-кейин чиқиши. Шоҳруҳ қизнинг юзи қизарганини дарров сезди. У жилмаярди-ю, лекин табассумининг сохталиги шундоққина кўриниб турарди.

— Тинчликми? — сўради Шоҳруҳ қиз ёнгинасидаги стулга ўтириши билан ичи ёниб.

Бундай савол асли Жамолдан чиқиши лозим эди. Бироқ у улгурмади. Оғиз жуфтлади-ю, ўзидан олдин сўз бошлаган Шоҳруҳга қараб қўйди. Айни пайтда қўнглининг чеккасида фазабга ўхшаш бир нарса ҳам пайдо бўлди. Чунки у турганда, Шоҳруҳ тугул Юлдузнинг бошқа йигитлари ҳам тилларини тишлаб туришади. Шундай ёзилмаган, айтилмаган қонун бор. Бироқ ҳозир бирордан аччиқланишининг мавриди эмасди, шунинг учун ҳам Шоҳруҳга бир қараб қўйиш билан чегараланди, холос.

— Тинчлик, — дея кулган бўлди Юлдуз ва қадаҳни ароққа тўлдирди-да, бир кўтаришда ичib юборди.

— Хоним, — деди шу маҳал унинг ортидан келган Петка, — ёнингизда менга ҳам жой топилса керак.

Юлдуз ўз йигитларининг даврасига қўшилаётганида Петка боя Жамол билан Бекни орқасига қайтарган барзангилар билан гаплашиб қолганди.

— Бемалол, — деб Юлдуз Шоҳруҳга қараб қўйди.

Унинг нима демоқчилигини англаган Шоҳруҳ дарров ўрнидан туриб, Петкага жой бўшатди.

— Мана шу йигитинг, — деди Петка ўтирганидан кейин Шоҳруҳга юзланиб, — бошқаларига сира ўхшамайди. Ҳайронман, аввал нега олиб юрмасдинг? Бундай болаларни захирада тутиб бўлмайди.

— Сенга совфа! — деб жавоб қилди Юлдуз Петкага еб қўйгудек тикилиб.

— О-о, совфа! Совғаларни жуда яхши кўраман. Айникиса, тиригини!

Шохруҳнинг бирдан қони кўпчиди. Қўлини мушт қилиб, тишларини бир-бирига босди. Зеро, у илгари четга йигит-қизларни алдаб олиб бориб, сўнг сотиб юбораётганлар ҳақида кўп эшитганди. “Вой, ифлос, ҳали шу ниятда мени олиб келганмидинг? — дея хаёлидан ўтказди у. — Сендан гўзал шунаقا ишлар билан шуғуллана-ди, деса бирор ишонмайди. Лекин хато қилдинг. Мени осонликча тўрингга туширолмайсан”.

Юлдуз унга жилмайиб қўйди. Бу ҳаммасидан ошиб тушди.

— Мен ўзимни соттириб қўядиган одамларданмасман, — деди Шохруҳ унинг табассумига жавобан.

— Жиннивой, — дея эркалаган бўлди уни Юлдуз.

— Нима деяпти? — сўради ҳеч вақоға тушунмаган Петка.

— Ўзаро гап, ишга алоқаси йўқ, — изоҳ берди қиз. Унинг юзи янада жиддий тус олган, нимадандир безовта эди у. — Ишга кўчайлик. Шунча гаплашсак ҳам, барим бир ҳал бўлмади.

— Одамларингнинг ёнидаям гаплашаверасанми? — деди Петканинг ҳам қиёфаси тундлашиб.

— Булардан яширадиган сирим йўқ. Демак, қўлинг-дан ҳеч вақо келмайди. Мен олиб келган молимни ерга ағдараман-у, орқамга қайтаман, шундайми?

— Вазият ўзгарди, деб неча марта айтишим керак?

— Бўлти, келишдик. Сен четда турасан. Ўзим молни-ям тушираман, сотаман ҳам. Лекин халақит берма. Ора-мизда уруш чиқишини истамасанг керак.

— Оҳ, аёллар, аёллар, сизлар билан ишлаш нақадар оғир. Шунақангги сирлисизларки, буни билиш учун эр-как зотининг умри етмайди. Хоним, мен сизга аниқтиниқ қилиб айтдим. Овора бўласиз. Аллақачон сизнинг юкингиз ҳақида маълумот олишган. Етиб келиши билан, эгалари...

— Эгаси менман, — деди Юлдуз Петканинг гапини бўлиб ўзини кўрсатаркан. — Тирик эканман, мендан бошқа одам эга чиқолмайди. Ўша зўравонларингга шунақа деб айтиб қўй... Ҳартугул, базадаги омборхонамга бирор тегмагандир. Ёки униям сен орқали топишдими?

— Мен дўстларни ҳеч қачон сотмайман.

— Сотмайсан, лекин сен бечоранинг қўлинг кўрсатиб қўяди-да.

— Бас! Ўзингдан кетма! Қиз бола бўлганинг учун чидаяпман ҳақоратларингга, лекин ҳаддингдан ошадиган бўлсанг, ўзим учун жавоб бермайман! — дея бақириб юборди Петка.

— Қўлингдан қўрқитишдан бошқа ҳеч вақо келмайди.

Петканинг кўзи олайди. Фазаб билан аввал Жамолга, кейин Бекка, сўнгра Юлдузга қаради. Ёнидан сигарета олди. Ўпкасини тўлдириб тутун ютди. Ана шундан кейин унинг йигитлари ҳаракатга тушиб қолиши. Бирдан беш киши югуриб келиб ўтирганларнинг атрофини ўради. Ҳар бирининг қўлида тўппонча.

— Бунчалик қуён юраклигинги билмаган эканман. Аввалдан билганимда, сендақаларни мутлақо ёнимга яқинлаштирмасдим, — деди жаҳли чиққанидан қизариб кетган Юлдуз чаққонлик билан Петканинг биқинига тўппончасини тиаркан, — юурдакларингга айт, “ўйинчоқ”ларини орқаларига тиқишин-да, бу ерда қораларини ҳам кўрсатишмасин.

Петка сигаретасини шошилмасдан кулдонга эзди. Сўнг йигитларига боши билан ишора қилиб кетишлирини бу юрди.

— Баракалла, калланг ишлайди, — деди мийифида кулган Юлдуз, — энди биз кетамиз, боплаб меҳмон қилдинг. Бир умр эсдан чиқмайди.

Петка бошини эгди. Фазаби бўғзига келган, аммо шуернинг эгаси бўлса-да, битта ҳам ортиқча ҳаракат қилишга ҳақи йўқ эди унинг.

Шоҳруҳ Юлдузнинг ёнида юрди. Қўрқди. Бунағанги кескин гаплардан кейин, албатта, унга ҳужум бўлади деб ўйлади. Уни қаттиқ ҳимоя қилгиси келаётган эди. Яна кўнглида аллақандай қизғанишга ўхшаш бир нарса ҳам пайдо бўлганди.

Ташқарида уларни бошқа — Россияда ишлаб чиқарилган машина кутаётганди. “Тузоқ бўлмасин тағин бу?”

— дея ўйлаган Шоҳруҳ машинага ўтирганидан кейин билдики, ҳайдовчиси ўзбек экан.

Улар шаҳар ташқарисига чиқишгач, ёши етмишдан ошган кампирникига қўноққа киришди. Кампир аввалдан Юлдузни яхши таниркан, қучоқ очиб кутиб олди. Айланиб-ўргилиб ҳаммани уйига таклиф қилди. Дастурхон ёзди. Бор егулигини меҳмонлар олдига қўйди, ўзи эса Юлдузнинг ёнига ўтириди.

— Ўзимнинг қизим, гўзал қизим, — дея эркалади.

Шу пайтгача қовоқларидан қор ёғаётган йигитларнинг ҳам, Юлдузнинг ҳам чехраси очилди. Иштаҳа билан та-мадди қилишди. Озроқ ичкилик ҳам бўлди. Сўнг кампир қиз билан бирга бошқа хонага кириб кетди.

Шу билан Шоҳруҳ эртасига пешингача Юлдузни кўрмади. У хонадан мутлақо чиқмади. Бу сирли йўқолув Шоҳруҳни ўйлантириб қўйди. У хаёлан минг бир кўчани айланди. Бироқ Юлдузнинг нега кўриниш бермаётганини барибир билолмади. Йигитлар эса шод-хуррам эдилар. Бир-биrlари билан ҳазиллашар, қарта ўйнашар, орачора пиво ичишарди. Улар кампирни егулик учун бошқа безовта қилишмади. Бек бозор қилиб келди. Кампир эса масаллиқлардан таом тайёрлаб берди.

— Мол кепти. Бизни кутишайпти, — деди ниҳоят хонасидан чиққан Юлдуз йигитларга.

Унинг шу кўриниши, қарашлари Шоҳруҳ илк маротаба вокзалда кўрган ҳолдагига қайтган эди. Кўзи чақнари.

— Базага туширамиз, ҳамма нарсага тайёр бўлинглар, — деди қиз гапини давом этказиб.

База билан кампирнинг уйи оралифи икки ярим соатдан мўлроқ йўл экан. Шоҳруҳ қайинлару арчазорларни, кейин бир-биридан баланд иморатларни томоша қила-вериб чарчади. Охири машина деразасига бошини қўйиб хаёл сурга бошлади. Акаларини, янгаларини эслади. Ичида алам ўти ёнди. Кўли муштга айланди, кўзида ёш пайдо бўлди. Чуқур хўрсиниб қўйди.

Ниҳоят, машина вокзалдан унчалик узоқ бўлмаган, кўринишидан бирмунча хароба, каттагина дарвоза ёнида тўхтади.

— Жамол ака, — деди Юлдуз, — бориб айтинг, дарвозани очишин.

Жамол икки дақиқача дарвозани урди. Аммо ичкаридан бирор садо бермасди.

Юлдуз бир кафтига иккинчи қўлини мушт қилиб тез-тез ура бошлади. Бу унинг асабийлашаётганидан дарак берарди. Унинг ички ҳаяжони тилига ҳам кўчиб:

— Падар лаънатилар, нега очишмайди, ўлиб қолишганми? — деди ва ортига ўгирилиб Шохруҳга юзландида:

— Бориб тепинг, — дея буйруқ берди. Шундоғам қизнинг безовталигидан жойида зўрга ўтирган йигит машинадан отилиб тушди-да, илдам юриб дарвоза ёнига борди. Аммо тепишига улгурмади. Дарвозанинг кичик табакаси очилиб, калбош, соқоли ўсиб кетган, уст-боши ис-кирт, алкашнамо бир одам кўриниш берди.

— Онангнинг уйига келдингми? — деди у дағал овозда. — Келиб очаяпман-ку, нега тепасан?

— Имиллаб сасиб ётавермасдан, тезроқ очмайсанми, эшак?! — дея бақирди унга Жамол ва уни кўкрагидан итариб юбориб ичкарига бостириб кирди.

— Зўрликни юрtingда қиласан. Киришдан олдин эллик граммга берсанг ўлармидинг? — дея фўлдиради дарвозани очганига афsusланиб.

Юлдуз ичкарига кириб кўрдики, иккала вагони ҳам унинг омборхонаси рўпарасида турибди. Ундаги кучли стресс ҳолати дарров тарқади. Жилмайиб вагонлардан бирини силаб қўйди ҳамда йигитларга гапириш учун ортига бурилди-ю, қотиб қолди. Чунки кўзи бошқа омборхонадан чиқиб келаётган узун-калта, гавдалари ҳам шунга монанд, кўзларидан қаҳр ёғилиб турган йигитларга тушди. Уларни бошлаб келаётган йигитни Юлдуз яхши танийди. Аввал ҳам бир неча марта тўқнаш келган. Исми Арзу. Ҳўл мева билан савдо қилади. Шаҳарни гўё ўзиники қилиб олган, бирорни киритмасликка уринади доим. Неча-неча савдогарларни қонига белаган. Юлдузга ҳам илгари таҳдид қилганди. Огоҳлантиргандики: “Агар менинг чегарамни яна босиб ўтадиган бўлсанг, қиз болалигинингга қараб ўтирайман, аввал обдан топтаб, кейин терингни шиламан”. Мана, рўпарасидан чиқиб турибди.

— Сўзимни икки қилганларни жуда ёмон кўришимни

биларсан, деб ўйлагандим, — деди рус тилини бузиб талаффуз қылган Арзу Юлдузга етишига беш-олти қадам қолганида тұхтаб, қалин мүйловини силаркан.

— Аёлмисан? — дея Юлдуз бир қўлини вагонга тиради.

— Ҳе...Ҳе...Ҳе, эркаклигимни кўрсатайми? — деди Арзу ёнидагиларга қараб иржаяркан. Унга рўпарадан қараганда, бурнининг узунлиги кўпам билинмасди, аммо ёнидан қарасантиз, бурун қурмагур керагидан ортиқ ўсиб кетганидан унинг турқини баттар хунуклаштириб кўрсатарди. Ёши қирқ бешларга яқинлашиб қолган бу одам шу пайтгача икки марта қамоқда “саёҳат”да бўлганди. Аввалига ўғирлик орқасидан (17 ёшида) беш йил умрини панжара ортига бағишлигар бўлса, кейингисида наша чекиб, кайфда қўшнисини бўғизлаб қўйганди. Турмада ҳам тинч ўтирамади. Оқибатда, иккала юзига ҳам чандикдан нақш бериб, кейин озодликка чиқди. Пермга беш йил аввал келган ва шароитни тезда ўрганиб чиққаёт, атрофида ўзига ўхшаш дордан қочган одамларни тўплаган эди. Унинг тўпорилиги қолган бўлса-да, илгаригидай гўл эмасди.

Зўравонлик қилиш билан бирга кўпчилик амалдорларнинг томоғини мойлашнинг ҳам ҳадисини олганди. Шу боис дарров ошиғи олчи бўлди. Бир ўзи бутун шаҳарни мева-чева билан таъминлаб, чўнтаги ҳаддан зиёд бақувватлашиб кетганди. Энди унинг олдини унча-мунчча одам кесиб ўтолмайди.

— Осилган этингга ишониб, эркакман деб юрибсанми? Агар эркак бўлганингда ёшгина қизчанинг ёнига бир тўда югурдакларинг билан келмасдинг. Битта ўзинг келиб ишни битирардинг! — деди Юлдуз тап тортмай. Афтидан, шунаقا кўринаётган эди у, аслида қўркув аллақачон бутун вужудини эгаллаб бўлганди.

— Вой, ярамас-э, илон билан қариндошлигинг бор экан-ку. Сен билан пачакилашиб ўтиришга вақтим ҳам, сабрим ҳам қолмади, — деб Арзу ёнидан пичогини чиқариб қўлининг атрофида айлантирди.

— Менга қара, ҳов эркак, бошқаларнинг қонини тўкиб нима қиласиз? Менинг одамларим ҳам сеникидан кам

куролланмаган. Ҳеч бўлмаганда, иккита итваччангнинг пешонасидан дарча очиб қўйишади. Сенинг ўзингни-ку, биринчи навбатда йўқ қилишади. Ундан кўра, кел, икка камаламиз олишамиз. Мени ютсанг, икки вагон юким сенники, агар қиз болага ютқазсанг, менимча, тўртта барзангига бош бўлишингнинг ўзи уят. Хўш, розимисан?

Арзунинг кўзи ўт бўлиб ёнди. Зеро, у бунақанги таҳқирини сира кутмаганди.

* * *

Мурод шу заҳоти ўзи ҳам орқа елкасидан мушт еди. Бироқ анави шилқим йигитга ўхшаб йиқилиб тушмади, тик оёқда қолди-ю, тугилган қўлнинг яна битта аччиқ “таъм”ини татиб қўришга мажбур бўлди. Ўзиям кўзидан ўт чақнади. Бир муддатга кўз олди қоронфиласди. Агар ўша зарба такрорланганда, гурсиллаб йиқилиши ҳам мумкин эди.

“Тўхта!” — дея кимдир бақирди. Мурод дарров илғаёлмади. Ўзига келганда, учала йўлтўсар ҳам орқасига қараб қочмоқда эди. Икки милиционер эса уларни қувлаётганди. Шаҳло эса кафтлари билан юзини бекитиб йиғларди.

— Йиғлама, — деди унинг ёнига борган Мурод, — қочиб қолишиди. Бўлди, энди ҳеч нарса бўлмайди.

— Нега?! Нега?! — дея юзидан қўлини олган Шаҳло ҳансираганча уларга яқинлашиб келаётган аёлни кўриб қолди. Сўнг шоша-пиша кўзидаги намни артди.

Фотима опа етиб келиши билан ўғлининг қўлидан ушлаб унинг юзига қаради.

— Ёмон уришмадими? Ҳеч қаеринг оғримаяптими?! Яшшамагурлар ким экан?..

— Яхши, ойи, менга ҳеч нарса қилмади, лекин маразни боплаб урдим, агар мелиса келиб қолмаганда, учовициям адабини бериб қўядим.

Ўғил онасининг кўнгли учун юзидаги оғриқни айтмади, кўнглини кўтариш учун шилқимларнинг додини бериб қўйиш қўлидан келажагини гурур билан гапирди. Аммо она кўз ўнгидаги ўғлини савалаганликларидан жони чиқиб кетаётган эди. Ҳар қандай таскин сўзи уни ҳалибери юпатолмасди. Қарғагиси келаётганди. Ич-ичидан

шундай қилаётганди ҳам. Ва айни чоғда, Шаҳлони ҳам чин дилдан кўргиси келмаётганди. Тўғрироғи, ҳали танишмай, бир оғиз сўзини эшиитмай туриб, ёмон кўриб қолаётганди.

— Шаҳло, кечирасан, озгина ушланиб қолдим, келишимиз қийин бўп кетди, — деди Мурод ойисининг эътиборини қизга қаратиш учун.

— Жа, овлоқни танлабсизлар-да, — деди Фотима опа Шаҳлога юзланар экан. — Қиз боланинг бундай жойда ёлғиз ўтириши яхшимас.

Фотима опанинг айни дақиқада айта олиши мумкин бўлган энг юмшоқ гапи мана шу эди. Ортиғига унинг кучи етмасди.

— Мурод акам, — дея паст овозда тилга кирди қиз, — шу ерни айтгандилар, шунга...

— Хаёлимга ҳам келмаган эди шундай бўлиши, лекин хафа бўлма, бунақангич шилқимлар ҳар қадамда топилади. Мухими, вақтида келиб қолибмиз, тўғрими, ойи? — деб Мурод Фотима опага юзланди ва қўлини юзидан олиб, тобора катталашиб келаётган шишларни кўрсатиб қўйди.

Бирдан кўзлари қинидан чиқиб кетаёзган она, дарров ҳамма нарсани унутиб, ўғлининг юзини силади.

— Оғримаяптими? — дея сўради.

Севган йигитининг азобланганини кўриб, Шаҳло титради. У ҳам худди Фотима опа сингари Муроднинг юзини силагиси, ҳатто ўпиб қўйгиси, кечирим сўрагиси келаётган эди. Аммо имкони йўқлиги боис, ҳаммасини кўз ёши билан бирга чиқариб юбораётганди.

— Сезилганиям йўқ, ойи, сиз хавотир олманг, яхшиси, танишинг, бу Шаҳло, — дея Мурод жилмайишга уриниб қизни кўрсатди.

Кўрсатилган гўзалга бошдан-оёқ қараб чиқсан Фотима опа ич-ичидан севинди. Зеро, ўғлининг диди чакки эмасди. Бироқ, шу пайтнинг ўзидаёқ, кўнглида пайдо бўлган оз фурсатли қувонч ортга чекинди. Гўзалликнинг ошиғи кўп, ҳар ким унга етишишни истайди. Демак, бундай гўзаллик бошга кўп ташвиш келтиради.

— Уйдагилар ҳаммаси яхшими? — сўради Фотима опа

тил учида. — Ойингизга айтмабсиз-да, танишиб олардик. Балки манавинаңғи фавро ҳам бўлмасди. Хушчақ-чақ келиб, хушчақчақ кетардик.

Унинг сўзлари қизнинг юрагига наштардек ботаётганини Фотима опа сезмасди. Агар у шундай гапиришда давом этса, Шаҳлонинг ортиқ туришга мадори етмай қочиб кетиши ҳам мумкин эди.

— Ойи, — деди Мурод Шаҳлонинг ўрнига гапириб, — сизга йўлда ҳаммасини айтдим-ку.

— Ҳа, болам, айтдинг.

— Ана шунаңғи гаплар-да, ойи... Лекин Шаҳло жудаям яхши қиз. Ҳали сиз ҳам ёқтириб қоласиз.

Қиз севгилисининг сўзларидан қизарди ва бирровга ола қараш қилиб қўйди.

— Мен сизларни кафега таклиф қиласман, қани кетдик, — деди Мурод ташаббусни қўлдан чиқармаслик учун.

Қаҳвахонанинг алоҳида кичик давралар учун ажаратилган хонасида ойиси билан севгилисини ёлғиз қолдирган Мурод буюртма бериш баҳонасида ташқарига чиқди.

— Қизим, — деди Фотима опа ўғли кетганидан кейин, — жанжал бўлмайдиган бирортаям оила йўқ. Бундай ўйлаб қарасангиз, ҳаммаси майда-чуйда гап. Шунинг учун бу ердан чиқишингиз билан тўғри уйингизга боринг, ойингиздан кечирим сўранг. Шу билан ҳаммаси изига тушиб кетади. Бу менинг сизга айтмоқчи бўлган биринчи гапим. Кўринишингиздан ниҳоятда акёли қизга ўхшайсиз. Муроджон сизни роса яхши кўраркан, йўлда мақтади. Ишқилиб, умрингиздан барака топинг.

Мақтов ердан нигоҳларини узолмай ўтирган қизнинг бошини баттар эгди.

— Ойижон, — деди у зўрға, — мени кечиринг. Сизнинг ёнингизга бунаңғи қилиб чиқмоқчимасдим. Куттилмаганда бўлиб қолди.

Унинг «ойижон» дейиши Фотима опанинг кўнглини майдай эритди. Қаҳвахонага келгунларича у бу қизгинаңғи роса танобини тортмоқчи эди. Мана шу биргини «ойижон» деган сўз уни ниятидан қайтарди.

— Ўзим ўргилай, — деди Фотима опа аллақандай, меҳри товланиб, — “оийжон” деган тилларингизга жонимни берай. Ҳаётда нималар бўлмайди? Ҳаммасига асабийлашаверсак, яшашимиизга ҳожат қолмайди. Лекин, қизим, барибир уйингиздагилар билан гаплашмасангиз бўлмайди. Кечирганни Оллоҳ ҳам кечиради. Агар сизни ноҳақ уришишган бўлишса ҳам, ўзингиз кечирим сўранг. Кўрасиз, ҳаммаси жой-жойига тушиб кетади...

“Оийжон, — хаёлидан ўтказди Шаҳло, — кошки менинг аҳволимни билсангиз. Агар мени бирорта номаъқул ишим учун уришишганларида, калтаклаганларида ҳам рози эдим. Лекин амаким бечорани бекордан-бекорга жигарларига ёмон кўрсатиб қўиди ойим. Буларни сизга айттолмайман, яхиси, мени уйингизга олиб кетинг. Розиман, оппоқ кўйлак киймасликка, тўй қилмасангиз ҳам майли, фақат... фақат ўғлингизга мени никоҳлатинг. То абад хизматингизни қиласман”. Шаҳлонинг кўзидан томчилаетган ёш Фотима опанинг юрак-бағрини эзib юборди. У бўлажак келинини бағрига босди.

— Қизим, — деди.

— Оийжон, — деди унга жавобан Шаҳло ҳам.

Буюртма бергандан кейин ҳам талай муддат ташқаридан турган Мурод бу пайтда эшик ёнига келиб, ойиси билан Шаҳлонинг сўнгги гапларини эшитган ва ич-ичидан хурсанд бўлиб кетган эди.

Мурод ойисини уйлари ёнида қолдириб, Шаҳлони кузатгани кетди. Мурод изига қайтиб кетганидан сўнг, Шаҳло дарвозаси қўнғирогини босиш-босмасликни билолмай, бироз туриб қолди. Охири Фотима опанинг сўзларини эслаганидан кейин тугмачани босишга ўзида журъат топди.

Хонзода қизини кўриши билан қўзига ёш олди. Уни дарров бағрига босди.

— Мени пичноқсиз сўйишингга оз қолди, болам, тириклиайн гўрга кириб кетардим бутун ҳам келмаганингда, — деди йифламсираб.

Шаҳло дараҳт мисол қотиб турар, ойисининг сўзларидан янада алами ортганди.

— Ойи, — деди у лаблари титраб, — мен кўпга келганим йўқ.

— Нега? — деди ҳайрон бўлган Хонзода уни қучогидан бўшатаркан.

— Узоги билан бир ҳафта тураман уйингизда, сўнг кетаман.

— Қаёқقا?!

— Турмушга чиқиб кетаман.

— Нималар деяпсан?! Эсинг жойидами?!

— Севган йигитим билан гаплашиб келдим. Эртага совчилар келишади...

— А-а?! — дея оғзи очилганча қизига термилиб қолди Хонзода.

* * *

Шомурод аканинг ёдига күёвининг ит мисол думини ликиллатиб, бир парча нон умидида ялтоқланганлари тушди. “Содда бўлган эканман: ҳамма нарсани тахт қилиб бераверибман, думининг бир четидан босиб турганимда, ҳозир бунақангি кеккайиб кетмасди. Хом сут эмган бандада кўпни кўргани билан барибир алданиб қоларкан. Қизим, набираларим бор-ку, қилсан шуларга қиласманда, дебман. Афсус!” — дея хаёлидан ўтказди у.

— Ака, ўйланиб қолдингиз? — деди ундан кўзини узмай рўпарасида ўтирган Маъмур.

— Маъмуржон, мени неча йилдан бери биласан? — дея сўради пешонасини қашлаган Шомурод ака.

— Йигирма йилдан ошди-ёв, адашмасам, — деб совиб қолган чойни хўплади унинг рўпарасидаги қотмадан келган, соchlари силлиқ, боқишилари жиддий киши.

— Шунча йилдан бери бирорнинг бурнини қонатганимни биласанми?

— Бунаقا иш қўлингиздан келмаса керак.

— Кўлимдан келишга келарди. Ҳатто мени кўп марта алдаб кетишганларидаям индамаганман. Лекин кимки менга хусумат қилган бўлса, ўзи абгор бўп қолган. Худонинг ўзи жазолаган. Ука, мен сенга айтсам, шу сафарги хусумат этимдан ўтиб суюкка қадалди. “Бейрон” фирмасини билсанг керак?

— Билгандың қандоқ. Күёвингизники-ку! Бойвачча бўп кетган күёвингиз. Болларкан ишни.

— Бир-иккита жойида касали бор. Мен кўрсатиб қўяйин сизга. Бориб обдан текширсангиз, — деди Шомурод ака қаншарини қашлаб.

— Тушунмадим. Күёвингизнинг фирмасини-я?! Тинчликми, ишқилиб?

— Ҳаммасини кейин ўзим тушунтираман. Сиз ишни қўраверинг. Лекин шундай қилингки, жони бўғзига келсин.

Маъмур қўлини кўксига қўйиб: “Сизни уринтирумайман, кўёвни ўзим тавбасига таянтириб бераман”, дея чиқиб кетди. Шомурод ака уни хунук нигоҳи билан кузатиб қўйди. Унинг гаплари ёқмади, лекин айни ёқимсиз гап унга сув билан ҳаводек зарур бўлиб турган бўлса, не қиласин?!

Маъмур ваъдасининг устидан чиқди. Чиқмаганда қаёққа борарди? Ўтган йили қарз олган. Кийимнинг аввал астарини қўрадиган Шомурод ака, сумма йирик (йигирма минг доллар) бўлгани учун, пулни нотариус орқали расмийлаштириб қўйганди. Аслида камроқ пулни ҳам у гувоҳлар орқали берарди, токи эрта бир кун чув тушмаслиги учун. Шомурод атайлаб, Маъмурдан қарзини сўрамайди. Қачонки, унинг ўрнини боса оладиган ишончли одам топилсагина, узун ташлаб қўйган ипининг бир четидан секин тортади. Қарзини Маъмур у сўраган вақтда берса берди, бермаса, машинаси, уйи дегандай, ундириб олаверади.

Орадан икки кун ўтиб, Содиқ қайнотасининг ёнига келди.

— Дада, дўконимни босишли. Лаънати сотувчи ҳеч кимга чек ёзиб бермабди. Аввал шундан ушлашди. Кейин беш-олти хил молнинг ҳужжати йўқ эди, бошқа ишкаллар ҳам бирин-кетин чиқиб келаяпти. Ёрдам беринг, — деди йифламоқдан бери бўлиб.

— Ўғлим, — дея салмоқ билан гапирди Шомурод ака, — неча марта айтганман “Тоза ишланг”, деб. Бир кунмас-бир кун шундай бўлиши аниқ эди. Энди танишибилишларингизни ишга соласиз-да. Мени биласиз, қари-

дим. Ошна-оғайниларим ҳам ўзим қатори, уйга кирса эшикка чиқолмайди, эшикка чиқса уйга киролмайди. Бизнинг замонлар ўтди... Бойсиз, тўрт-беш сўмнинг баҳридан ўтиб қўя қоласиз-да.

— Дада, мен танийдиганларнинг ҳаммаси пастда, келганлар анча юқоридан экан. Пул бераман, дедим. Кўнишмади. Нима қиласай, уйим куядиганга ўхшайди. Ҳали набираларингизни уйли-жойли қилмадим. Турмада ўтирасам, уларнинг ҳоли нима кечади? — дея бошини чангальлади Содик.

Ўшанда Шомурод күёвининг устидан ошкора кулди. “Жипириқ, ҳолинг шу экан-у, кеккайишга бало бормиди?.. Шошма, қизимга қўл кўтарганинг учун қон қустураман сени... Қачонки бориб Хонзоданинг оёғини ўпасан, ундан кейин ўйлаб кўрамиз”, дея хаёлидан ўтказди.

— Менинг қўлимдан нима ҳам келарди, ўғлим? Набираларимнинг отасиз қолишини истамайман, лекин нима қиласай, чорасизман-да...

Боши эгилиб, қора терга ботган Содик қайнотасининг кабинетини тарқ этаркан, ич-ичидан эзилар: “Келиб-келиб, сен шоқолдан нажот истадимми?” — дея ўйлар эди. Аммо у дўконларидан бирига бориб, юраги қўркувдан ёрилаёзди. Текширувчилар ёрлиқсиз қўлбола Қозоғистон ароғини топишибди. Яқиндагина Ренат исмли йигитдан сотиб олганди уларни. Бор-йўғи уч яшик эди. Беш-олтитасинигина сотишга улгурди. “Энди тамом бўлдим”, — дея хаёлидан ўтказди. Сўнг текширувчилар бошлиғи Маъмурнинг ёнига бориб оёғига йиқилди.

— Акажон, — деди йифламоқдан бери бўлиб, — раҳм қилинг. Илтимос, оғзингиздан чиққанини бераман. Фақат шафқат қилинг, уйим куйиб кетади.

Маъмурнинг қовоғи уйилди. Фазаб билан айборрга тикилиб турди-да:

— Сизни бунчалик паст кетасиз, деб ўйламагандим. Ўзингизга ярашмаган қилиқни қилманг. Ҳозирча бўшсиз, агар савол туғилиб қолса, ўзим чақираман, — деди.

Содикнинг оёқларидан дармон кетиб бўшашиб қолди. У нима қиласини билмай, бир неча марта дўкон ичига кириб чиқди. Чора ахтарди. Лекин муаммонинг ечими-

ни тополмади. Хаёлида қайнотаси атай ёрдам бермагандай туйилаверди. Авваллари Шомурод ака уни қулоқ очиб кутиб олар, дархол котибасига чой дамлатар, күёвинг олдига ширинликлар қўяр, Содиқ бирон нимадан қийналаётгани ҳақида оғиз очиши билан: “Ҳал бўлади, бу дунёда ҳал бўлмайдиган иш бормикан? Мен шу ёшга кириб нималарни бошдан ўтказмадим дейсиз! Лекин ҳар доим қуруқ чиқиб кетганман. Аввал чойдан ичинг, кейин гапирасиз ўша сизни қийнаётган нарса ҳақида”, дерди. Бу сафар бошқача кутиб олди. Кўришиш учун ўтирган жойидан унга қўл узатди. Котибасига чой дамлатмади. Бутун суҳбат давомида хўмрайиб ўтирги. Аввалига Шомурод аканинг сўзларига чиппа-чин ишонган Содиқ ҳозир мана шулар ҳақида ўйлади-ю: “Қайнотам бекорга бунақа қилмади”, деган хуросага келди. “Шошма, — деди у кўча бўйида сигаретасини тутатаркан, — Хонзодада ишқал бўлмасин тағин. Манжалақи отасига бирон нима деган чофи. Ҳа, шундай, бўлмаса, қари тулки тўнини тескари кийиб олмасди. Дарвоқе, илгари манави текширувчиларнинг бошлиғи билан ошначилигим бор, дегандай бўлувди-ку. Нега энди айнан унинг ўша таниши келди? Бир гап борга ўхшайди”.

— Ака, — деди у Маъмур ўтирган алоҳида хонага кириб, — мен Шомурод аканинг қуёвлари бўламан.

Содиқнинг юзидағи табассум унинг ички ҳадигини яшириб турарди. “Қайнотамнинг номини айтишим билан, текширувчиям иржаяди”, деб ўйлаганди. Аммо Маъмурнинг хўмрайган башарасида мутлақо ўзгариш сезилмади.

— Нима қипти шунга?! — деди у дағдаға билан. — Қайнотам фалончининг таниши бўлади, деб билган куйингни чалиб юраверасанми?! Кейин айтиб қўяй, мен Шомурод деган одамни тушимдаям кўрмаганман. Уқдингми? Энди бор, мен ҳужжатларни кўраяпман. Керак бўлсанг, чақираман. Ҳа, айтиб қўяй, узоқлаб кетма.

Ранги бўздай оқариб кўчага чиққан Содиқ тағин ала-мини тамакидан олди. Кўзига текширувчига қўшилиб қайнотасиям бало-қазодай кўриниб кетди.

“Ҳайдайман, — деди у ўзига-ўзи, — қизини ҳайдаб

юбораман. Уйни сотиб бўлсаям камомадни тўлайман, кейин акамнинг фирмасига ўтиб ишлайвераман. Россияда танишларим кўп. Демак, акамга мендай одам зарур. Бемалол қўлимга беш-олти миллион тутқазиб, мол олиб келишга жўнатади... Шошма, аввал масаланинг тагига етай, Хонзода билан гаплашай. Агар у ҳақиқатан ҳам отасига сасиган бўлса, ундан кейин отимни қамчилайман". У хотинининг телефон рақамини терди. Узоқ муддатли чақириув бесамар кетди. Шундан сўнг жаҳли чиккан Содиқ уйига қўнгироқ қилди.

Бу пайтда Хонзода қизининг юзига анқайганча термилиб турарди.

— Ҳазиллашаяпсан, тўғрими, қизим?! Мен билан бир ҳазиллашгинг келган. Бироз қўрқитиб қўйиш учун. Севганинг йигитинг бўлиши мумкин, эртага у совчиларини жўнатишиям мумкин. Лекин бир ҳафтадан кейин тўй бўлмайди, шундайми?! Келишиб...

— Ойи! Сирам ҳазиллашаётганим йўқ. Мурод акамнинг ойилари эртага келадилар. Агар бирдан мени беришга рози бўлмасангиз, ўзимни осаман ёки сирка ичаман. Тамом-вассалом, — дея кескин гапирди Шаҳло.

— Қизим, даданг мана шу гапларингни эшилса борми, иккаламизниям...

— Ҳеч нарса қилмайди, — дея бирдан Хонзоданинг гапини бўлди Шаҳло, — дадамнинг бурнидан ип ўтказиб олгансиз, қаёққа судрасангиз, шу ёққа кетади...

У бошқа гапларни ҳам айтмоқчи эди. Аммо юзига теккан шапалоқ бирдан сўзлашдан тўхтатди. Ойисига термилиб қолган Шаҳло киприклари пирпираб юзини силади.

— Ҳа, сизлар уришга ўрганиб қолгансизлар, қўлингиздан бошқа нарса келмайди! — дея Хонзодани четлаб ўтди-да, тез-тез юрганча уйга кириб кетди.

— Шаҳло, шошма, шошма дедим, Шаҳло! — дея бақириб Хонзода унинг ортидан уйга кирди. Телефоннинг асабий жиринглаётганини эшилгач, гўшакни олиб яна жойига қайтариб қўйди. Тинимсиз йиғлаб, юқорига кўтарилаётган қизининг ортидан термилди. Каракт бир аҳвол-

га тушди. Яна телефон овози қулогига чалинди. Гүшакни күтариб:

— Нега ҳадеб безовта қилаверасиз?! Қанақа одамсиз ўзи?! — дея чинқирди.

— Хонзода, нималар деяпсан?! — деган овоз келди унинг қулогига.

— Содиқ ака, сизмидингиз?

Хонзоданинг кўзидан ёш думалаб тушди. У ҳиқилла-ганча эрининг қолган гапларини эшитмасдан:

— Тезроқ етиб келинг, қиз керак бўлса ўзингиз қайтаринг, менинг қўлимдан келмай-д-и-и! — деди.

— Яна нимани бошладинглар? Дўконларимни босишди. Давлениям мингга чиқиб турганда, тағин каромат кўрсатаяпсанларми?

— Дўконингизни тўғриласа бўлар, лекин қизингизни ҳозир қайтармасангиз, кейин кеч бўлади!

— Бўлмаса, — деди Содиқ миясига келган ўйдан юзи ёришиб, — дадангга айт, оғайниси билан гаплашиб турсин. Унгача мен уйга бориб, Шаҳлодан хабар оламан!

— Хўп-хўп, бўлинг тез! — деб Хонзода дарров Шомурод аканинг телефон рақамини терди.

Дадасининг овози унинг кўнглини баттар бўшаштириб юборди. Анча вақтгача гапиролмади. Бурнини тортиб йиғлайверди, йиғлайверди. Қизининг тили калимага келавермаганидан Шомурод ака бўғилди: “Ҳойнаҳой, лъянати Содиқ тағин қилиқ чиқаргандир”, деган ўйга борди.

— Гапир, Хонзода, нима бўлди?! Ким сени йиғлатяпти бунча, гапир?! — дея тинимсиз қизини сўроққа тутаверди.

— Дада, — деди ниҳоят ўзини бироз босиб олган Хонзода, — анави... анави ўртоғингизми, оғайнингизми, Содиқ акамнинг дўконларини текшираётган одам билан гаплашиб туринг, илтимос! Содиқ акам уйга келаяптилар.

— Нега йиғлаяпсан, нега?! — бақириб юборди Шомурод ака. — Эринг бирон нима дедими?

— Йў-ў-қ, набирангиз қилиқ чиқариб турибди, дадаси

келиб гаплашиб қўйисин, менинг гапларимга қулоқ солмаяпти, сиз ўртогингиз билан гаплашиб туринг.

Хонзода гўшакни қўйди-да, кўз ёшини артиб юқори қаватга қаради. Тепада, зина охирида Шаҳло тикилиб турарди.

— Ойи, — деди алланечук бўғиқ овозда, — дадамни яна заҳарламоқчи бўлиб чақиряпсизми? Аввал амакими ёмонлаганингиз камлик қилган экан-да. Мендан кейин навбат кимники? Мабодо дадамни эмасми?

— Нималар деяпсан, бетайин қиз?! Ҳали қаёқларда сан-қиб юрганингнинг жавобини бермай туриб, яна нимани бошляяпсан?.. Ҳа-а, ҳамма айб ўзимда. Талтайтириб юбордим. Шу пайтгача билган ишингни қилиб юрдинг. Бундан кейин ҳам кўнглинг шуни тусайдиган бўлиб қолибди. Қани, мен ё дадангнинг рухсатисиз эрга тегиб кўр-чи?.. Йигитлари бормиш, ваъда берганмиш, бир ҳафтадан кейин тўйлари бўлармиш... Бошқа ҳеч нарсани хоҳламайсанми?! Шу йигитингга бериб бўлибман! — дея кўкрагига урди Хонзода. — Кимга десам, шунга тегасан! Биламан, қаердаги гадойваччани топиб олгансан!

— Бас қилинг, ойи! Қачон бирорларни камситишдан тўхтайсиз? Тўғри, Мурод акамнинг оиласи бизникайдай бой эмас. Лекин улар тоза одамлар. Ҳеч кимнинг фийбатини қилишмайди. Бирорни тұхмат билан уйидан ҳайдамайди. Билиб қўйинг, мен фақат Мурод акамга эрга тегаман. Ҳамма нарса аллақачон ҳал бўлган. Энди бошқага беролмайсиз! — дея бақирган Шаҳло югуриб хонасига кириб кетди. Ўзини каравотга ташлаганча: “Агар, — деди йифламсираб, — бирортаси йўлимга тўғаноқ бўлса, сирка ичаман. Ҳа, бугуннинг ўзидаёқ ичаман. Эртага бизнинг уйда мотам бўлади”.

— Ни-ма? Нима деди? Ҳамма нарса ҳал бўлган... Нима ҳал бўлди? Наҳотки, менинг қизим... Шарманда! Кўни-қўшнилар, таниш-билишлар олдида қандай бош кўтариб юраман энди?

Хонзода жуда паст овозда гапирди. Турган жойига ўтириб қолди. Довдираб, худди нажот қидиргандай атрофига олазарак боқди. “Ҳамма нарса ҳал бўлган, ҳамма нарса ҳал бўлган”, дея лаблари пицирлашда давом этди.

* * *

Шомурод ака Маъмурнинг қўл телефонига қўнфироқ қилиб, илтимос қилди. “Бугунча текширувни тўхтатиб туринглар, бошқа нарсалар чиқиб қолди”, деди. Сўнг хотиржам кабинетида ўтиrolмай, ташқарига чиқди-ю, қоп-қора “Тойота”сини юргазди.

* * *

Содик мўлжални аниқ олганига ич-ичидан севиниб кетганди. Уйида бутунлай бошқача воқеалар содир бўлаётгани эса унинг мутлақо хаёлига келмасди.

* * *

Арзу ёнидан тифи бир қарич келадиган пичноқ чиқарди-да, аста-секин Юлдузга яқинлаша бошлади.

— Уялмасдан қиз болага пичноқ кўтариб келяпсанми?
— деди мийифида қулган Юлдуз уришга тайёрланиб енг шимарааркан.

— Мен сен манжалақи билан тепишиб ўтиrmайман. Тилиб ташлайман, тамом! — ўкирди у. Аммо қизга етишига икки-уч қадамча қолганида бирдан тўхтади-да, ортига ўгирилди.

— Мен, — деди йигитларига қарата, — қиз бола билан муштлашиб обрўйимни тўқмоқчи эмасман. Айтганимни қилмагани учун бўғизламоқчиман. Агар қўлидан келса, одамчалири ҳимоя қилишсин.

— Күён юрак! — деди Юлдуз газабланиб. — Қўрқдинг а!

Ўқрайган Арзу икки қадам босди, лекин учинчисига улгурмади. Юлдуз бироз ортига тисланди-да, айланма зарба билан унинг пичноқ ушлаган қўлига тепди. Бундай бўлишини Арзунинг бирорта ҳам йигити кутмаганди. Олдинги қатордагилардан бири илгарилаётганда, ёнидагиси елкасидан ушлаб тўхтатди.

— Бир қизга икки эркакнинг ташланиши уят, — деди.

Кўлидан пичоги учиб кетган Арзу ўшшайди.

— Чаккимас, битта чиқибди-да, лекин эрта хазон бўласан-да, гулча! —деб қизга отилди.

Куруқ савлат, турмада “ўтириб” чиққанини “байроқ” қилиб олиш, ёвузлигини қўрсатиб қўйиш учун ожиз одам-

ларнинг томоғига тиғ тортиш билан беш йил каратэ, бир йил “самурай” мактабини ўтаган қызга қарши чиқиб бўлмаслигини у Юлдузга ташланган заҳоти илғади.

Қиз турган жойидан сўл тарафга бироз жилиб, сўнг Арзунинг икки қоши ўртасига тирсаги билан зарба берганини бирор кўрди, бирор кўрмади. Арзунинг эса бир неча сония кўз олди қоронғилашди. Пешонасини ушлади. Мастлардай тебранди. Арслон мисол бошини силтади. Сўнг қызга юzlаниб:

— Итдан тарқаган! — дея баланд овозда рус тилини тил бўлганига пушаймон ейиш даражасида бузиб сўқинди. — Қиз бола деб авайлагандим! Менга қўл кўтарадиган сенмисан ҳали?

У қолган гапларини айтишга улгурмади. Зеро, Юлдуз бирорвнинг сўkkанини ҳеч қачон ҳазм қилолмасди. Яшин тезлигига сакраб, Арзунинг қулоқлари орқасига иккала кафти билан шунақсанги зарба бердики, косасидан отилиб чиқиб кетгудек олайган кўзлари жуда оз сония бақрайган Арзу орқаси билан ерга гурсиллаб йиқилди. Юлдузнинг уришни шунчалик мукаммал ўзлаштириб олганини Арзунинг одамлари тугул унинг ўз йигитлари ҳам умрларида кўрмаган эдилар. Улар ҳайратдан бақа бўлиб қолишибди.

— Қиз боладан енгилган йигит бизга ҳеч қачон бош бўлолмайди, — деди бошқаларига нисбатан узун, елкалари кенг, мўйловли йигит. Айнан у шериги Арзуга ёрдам бермоқчи бўлганида тўхтатганди. — Шарманда бўлдик. Қизгина, сен ютдинг. Фақат Арзуни берасан. Қолган ишни ўзимиз бажарамиз.

У бир-бир босиб хириллаб ётган Арзунинг тепасига келди. Хўжайнинга бироз қараб турди-да:

— Ҳаётда сенинг ризқинг қийилди, лекин бизники эмас. Шаҳар аввалгидай ўзимизники бўлиб қолаверади. Вақтинчага савдони топшириб турамиз, — деди ва ёнидан пичоқ чиқариб энгашди-да, Арзунинг томирларини кесиб юборди.

— Томошани бошқа ерда кўрсатсанг ҳам бўлаверарди. Кўзимиз учиб тургани йўқ эди томошангни кўришга, — деди унга фазаб билан Юлдуз.

— Икки вагон, — деди йигит бармоқларини кўрсатиб, — икки вагон сотишингга рухсат. Бошқасига умид қилма.

Шундай дея у нафас олишдан тўхтаган Арзунинг оёғидан ушлаб судради. Дарров унга шериклари ёрдамга келишди.

Зўравонлар дарвозадан чиқиб кетишгач, Юлдуз бирдан иккала кафти билан юзини бекитиб йиглаб юборди. Кўкраги силтаниб ўқсиб-ўқсиб йиглади. Уни тезда юпатишга бироннинг ҳадди сифмади. Йигининг маънисини тушунмаган эркаклар ҳайрон бўлиб қараб тураверишли.

— Бўлди, — деб унинг ёнига келди орадан бироз ўтгач Жамол, — сен ютдинг-ку, хурсанд бўлишинг кепрак.

Юлдуз бирдан йифидан тўхтади, юзидан кафтини олди. Шунда ҳамма кўрдики, унинг кўзлари қизариб кетган эди.

— Мен, — деди қиз лаблари титраб, — қотил эмасман. Савдогарман. Ўлдириш ниятим йўқ эди!

— Сен ўлдирмадинг, ўзлари ўлдиришди, — дея унга таскин бермоқчи бўлди Жамол.

— Йўқ, бу ерда ўлдирмасликлари лозим эди... Агар мен уни чалажон қилиб қўймаганимда, ўлдиролмасди... Сизлар нега қараб турдинглар, мени қон кўрсин дедингларми?! Кечаси билан ухлаёлмай чиқсин дедингларми?! Нега латтага ўхшаб... Уфф!

У деворга суянди. Узун киприклари қовоқларини ёпди. Чуқур-чуқур нафас олди.

— Икки вагон... икки вагон, — деди бирордан сўнг кўзларини очмай, — бошқасига рухсат йўқ эмиш, кўрамиз.

Йигитларнинг унга нисбатан ишончи икки ҳисса ошган эди. Биргина Шоҳруҳ таажжубда. У ҳамон бу тўдага нега қўшилдим дея бош қотириш билан овора эди. Бир хаёл, йўлини қилиб жуфтакни ростлаб қолиш бўлса, иккинчи томондан кетгиси йўқ. Юлдузга нисбатан кўнглида аллақандай иштиёқми, ҳавасми ёки бутунлай бошқа нарсами уйғонгандики, уни аста-секин ўзига чирмаб ўради.

Юқ туширилиб бозорларга жўнатилди. Аллақаердан

Петка ҳам етиб келди. Қизнинг атрофида айланиб-ўргилди, хушомадлар қилди. Аммо Юлдуз у пайдо бўлиши билан қандай тунд қиёфага кирган бўлса, кетгунича ўзгармади. Агар бир-икки марта Петкани жеркиб берганини ҳисобга олмаганда, саволларига жавоб ҳам бермади. Ноилож қолган йигит машинасига ўтирди-да кетди.

— Жамол ака, — деди Юлдуз у кетганидан кейин, — падар лаънатининг оёгини қирқиш керак. Бориб анави соқолтойларнинг орқасини ялаб юраверсин. Умуман бизникиларга аралашмасин. Бирорта дўконигаям мол берманглар.

Юлдуз айни бозор учун керакли мева олиб келгани ўша куниёқ билинди. Эртасига тушга яқин эса икки вагон мевадан бир килосиям қолмади. Ҳаммаси сотилиб кетди. Мўлжалидан икки баробар кўп даромад қилган қизнинг барибир чиройи очилмади. Уни нимадир сиқар, ичидагини бировга айтольмас, биргина ўзи азобланниб юраверарди. Унинг ўзгариб қолганини ҳамма сезган эди, лекин бирор ҳадди сифиб сўролмасди.

— Балки, — деди эртасига кечки пайт Жамол, — молга бориб келармиз.

— Шундай қилишимиз керак, — дея унинг гапини тасдиқлади Юлдуз. — Кўрқди, бошқа мол олиб келолмайди, деб ўйлашади. Лекин мен боролмайман. Ўйлаб қарасам, авваллари молни сотганимдан кейин кетаверибман-у, ўрнимга бошқалар келиб ўрнашиб олаверибди. Бунинг натижасида бошқа бозор қидириб Россияяда изғийверибман. Энди бошқача йўл тутаман. Сизлар молни етказиб келгунларингча жой тайёрлаб қўяман. Мен билан Бек, Шоҳруҳ қолади.

Жамол унинг гапини ҳар доимгидай маъқул топди. Бир қунлик дам олишдан кейин самолётда бошқа йигитлар билан бирга учиб кетди.

Даставвал, ишни нимадан бошлашни билмаган қиз, анча иккиланиб юрди. Кейин ижарага шаҳар ташқарисидан эмас, ичкарисидан уй топиш кераклиги хаёлига келди. Лекин тезда у истаган бошпана топила қолмади. Бири ҳаддан зиёд бўлса, бошқасида яшашнинг мутлақо иложи йўқ, сувоқлари кўчган, умрбод бирор яшамаган-

дай, деворларининг сувоқлари кўчиб кетган, исқиprt. Уй эгасининг айтишига қараганда эса, бир ҳафтагина бурун ижарачилари уйларига кетган. “Одам тугул, ҳайвон ҳам бу ерда турмаса керак”, деди унга жавобан Юлдуз.

Ниҳоят, учинчى куни топилди ўша бошпана. Хоналари учта, ҳамма жиҳозлари бор. Пули ҳам унчалик қиммат эмас (тўғри, ҳар қандай нархи баланд ижара уйда яшашга Юлдузнинг бемалол қурби етарди, аммо у пулни тежашни яхши кўрарди. Бунинг устига, унинг оғриқли, ёлғиз ўзигагина тегишли муаммоси бор эдики, қуидада ўрни келганда, албатта, тўхталиб ўтамиз).

Гарчи ўзларининг машиналари бор бўлса-да, улар кўпинча пиёда юришарди. Юлдузнинг нияти фақат уй қидириш эмас, балки, Арзунинг йигитларини учратиб қолиш ва уларни кузатиш лозим эди. У шу сабабдан ҳам юкка Жамолни жўнатганди. Аммо нияти амалга ошмади. Марҳум Арзунинг бирорта ҳам одамини учратмади. Эҳтимол, кўрган, учратгандир ҳам. Лекин унинг йигитларини танимаганлиги боис, эътиборидан четда қолган.

Шоҳруҳ балконга чиқди, атрофни кузатган бўлди, шу маҳал кутилмаганда рўпарасидаги кўп қаватли уйнинг кириш йўллагида турган беш-олти одамга қўзи тушди. Иягига қўлини тираб, шунчаки, ҳеч бир хаёлга берилмай, алланимани тортишаётганларга қараб турар экан, ораларидан биттаси қўзига иссиқ кўриниб кетди. “Ким экан?” — деган хаёлда бутун эътиборини унга қаратди. Бир неча сониядан кейин таниди. Ва шу заҳоти балкондан узоқлашди.

- Юлдуз, — деди қизнинг ётоқхонаси ёнига бориб.
- Нима гап? — дея овоз берди қиз ичкаридан.
- Зарур иш бор.
- Ҳозир.

Ичкарида каравотнинг фичирлагани эшитилди ва озгина вақт ўтиб:

- Кираверинг, — деди қиз.

Тунги кўйлакда Юлдуз жуда ўзгача бўлиб кетганди. Гарчи у елкасига қўк шойидан тикилган халат ташлаб олган бўлса-да, қоп-қора соchlарини ёйиб олган, кўкра-

гининг маълум қисми очиқлиги, пардадан ўтаётган хира қуёш нури уни ўта мафтункор қилиб юборган эди.

Шоҳруҳ дарров кўзини олиб қочди. Бир зум нима мақсадда кирганини ҳам унуди.

— Тинчликми? — сўради йигитдан садо чиқавермагач ҳайрон бўлган Юлдуз.

— Қаршимиздаги домда таниш болалар юришибди, — деди Шоҳруҳ нигоҳини деворга тикиб.

— Қайси болалар?

— Биз билан уришгани боришуви-ку, базага...

— Йўғ-э, — деди Юлдуз ва Шоҳруҳни ёнлаб ўтди-да, тез-тез юриб балконга чиқди.

Бу пайтда тўпланиб турганлар бирма-бир тарқалиша-ётганди. Қиз қанчалик синчиклаб уларга термилмасин, бирортасини ҳам таниёлмади. Лекин шакл-шамойилла-ри марҳум Арзуга яқинлигини билдириб турарди.

— Шоҳруҳ, — деди Юлдуз ўзини четга олиб, ортига бурилар экан, — кузатиш керак. Сизга ишонсам бўладими?

Вагонда қиз ўзидан бироз нарида ухлаган бўлса-да, унга кўпда эътибор қилмаганди Шоҳруҳ. Бунинг устига, қиз сира ечинмади. Аслида ана шу ҳолида ҳам ҳар қандай эркакнинг юрагини ўйнатиб юборишга қодир эди. Аммо тунги кўйлак қизни бутунлай бошқача кўрсатиб юборди. Шоҳруҳ сеҳрлангандай эди. Қизнинг мурожаатидан уйғониб кетди гўё.

— Ишон... Нега ишонмайсиз? — сўради Юлдузга термилиб.

— Ишонишга ишонаман. Лекин жуда нозик масала бу...

— Қайси? — сўради ҳайрон бўлган Шоҳруҳ.

Юлдуз мийигида қулди. Кўқрагининг очиқ қисмини халати билан бекитди. Сўнг бирдан юзи жиддий тортди.

— Ўйқусираманг. Анавилар ўша ерда тўда бўлишибдими, демак, кимдир биз билан қўшни. Кузатиш зарур. Арзунинг йигитининг гаплари эсингиздадир... Эплай-сизми?

— Уриниб кўраман.

— Уриниб кўриш кетмайди. Агар уларнинг орқасидан

юрганингизни сезиб қолишиса, ҳамма ишимиз расво бўла-ди. Уддалайсизми-йўқми, шуни айтинг менга.

— Хотиржам бўлинг.

— Раҳмат, — деди Юлдуз ва бир-бир босиб унинг ёнига келди-да, юзидан ўпиб кетди, айни чоғда Шоҳ-руҳнинг юзига қизнинг ифори урилиб, йигит шўрликни бир неча сонияга маст қилди.

Юраги безовта ураётган Шоҳруҳ дам ололмасди. Фа-қаттина юриб турса, бирон иш билан машғул бўлса ички ҳаяжони босиларди. Қолаверса, қизнинг истагини тез-роқ бажаргиси келаётганди. Бунинг учун у энди ҳеч нарсадан қайтмайдиган ҳолга келганди.

У пишиллаб ухлаётган Бекнинг ёнига борди. Туртки-лаб уйғотди.

— Нима дейсан? — сўради Бек кўзини яrim очиб.

— Сигарета бер, — деди Шоҳруҳ.

— Чўнтағимдан олавер, — деб Бек девор тарафга ўги-рилиб уйқусини давом этказди.

Шоҳруҳ тамакини қутиси билан олди-да, ташқарига йўналди. Ташқари эшик ёнида тўхтади. Бироз ўйланиб турганидан кейин ортига бурилди-да, Юлдузнинг хона-си ёнига борди.

— Кетаяпман, — деди.

Афтидан, қиз шундоққина эшик ортида турган ше-килли, дарров кўриниш берди.

— Омад тилайман, — деди эшикни қучиб тураркан жилмайиб.

Шоҳруҳ юрагининг бир парчасини унда қолдириб, зи-наларнинг иккитасини бир ҳатлашда босиб ўтиб, зумда пастда пайдо бўлди. Кейин бирдан тўхтади. Ишни ни-мадан бошлишини ўйлаб ҳам кўрмаган эди, бўшашибди. Хаёлида ваъдасининг устидан чиқолмайдигандай туйил-ди. Чўнтағига қўлини тиққан эди, Бекдан олган сигаре-та илашди. Кутини беихтиёр айлантириб кўрар экан, ўйлакка кираверишдаги ўриндиққа ўтирди. Кейин ўзига-үзи гапиргандай: “Шу ердан кузатаман”, деди.

Орадан икки соатлар чамаси ўтгач, кутилган жойга машина келиб тўхтади. Икки киши тушди. Биттасининг бурни узунлигини у ўтирган жойида билди; ҳам қора

сочу қора мўйлов, иккинчиси — сариқ. Улар йўлакка кириб кетишлари билан, Шоҳруҳ шу томонга юрди. Учинчи қаватнинг сўл тарафидаги эшик унинг дикқатини тортди. Бироқ бу эшик ёнида бир сония бўлсин тўхтай олмади. Чунки унинг тепасига видеокамера ўрнатилган эди. Даставвал, ўшанга кўзи тушди. Зийрак тортди. Кўз қиринингина эшикка ташлаб юқорига чиқиб кетди. Бешинчи билан тўртинчи қават орасидаги зинада тўхтади. Йигирма дақиқадан мўлроқ вақт ўтди. Шундан сўнггина шубҳали эшик очилиб, икки киши чиқди. Улар ўз она тилларида гаплашишарди. Суҳбат асабий оҳангда эди.

Шоҳруҳ қайтиб борганида, Юлдуз ошхонада чой ичиб ўтиради. Худди Шоҳруҳ шунчаки кўчага чиқиб қайтдию, уни кутиб олиш аҳамиятсиздай. Бир муддат қизга термилиб турган йигит секин ўзига ажратилган хона томон кетаётганида, уни Юлдуз тўхтатди.

— Нега ҳеч нарса айтмадингиз? — деди қиз киприклиари пирпираб.

— Бу туришингизда, айтишим шартмасдир деб ўйладим, — жавоб қилди Шоҳруҳ.

— Кечирасиз, хаёлга берилиб кетибман. Келинг, манави ерга ўтиринг, — деб у рўпарасидаги стулни кўрсатди.

Шоҳруҳ гапни ортиқ чўзиб ўтиргиси келмади.

— Ҳақиқатан ҳам, улар биз қидирган одамлар, эшигининг тепасига камера ўрнатиб қўйибди. Тилиям шу. Меннимча, улар билан олишишга кучимиз етмаса керак. Ўйлаганимиздан анча кўпга ўхшайди. Кейин, кўп жойни аллақачон эгаллаб олишганга ўхшайди.

— Олишмасак, бу ерлардан кетганимиз маъқул. Лекин шунчаки бошимизни эгиб орқамизга қайтадиган бўлсак, яххиси, уйимизга бориб ўтирайлик, шундайми?.. Ҳали мен сизга биз томондан келганларнинг нима ишлар қилишаётганини кўрсатаман. Агар ортга қайтсак, уларнинг кўпчилиги уйларини қайтиб кўришмайди.

Юлдуз гапираётганида қизариб кетди. Ҳатто кўзига ёш ҳам келди. Мана шундай пайтда унинг ожизалиги бўй кўрсатиб қўяр эди. Аммо ундаги ички номаълум куч

ожизалигига зўрлик қиласди-ю, бироқ кўзидағи ёшни тўхтата олмасди.

Шу ерда уларнинг сухбати узилди. Эшик қўнфириғи чалиниб қолди. Йигит билан қиз бир-бирига қаради. Иккисининг-да нигоҳида бесаранжомлик бор эди.

— Ким бўлиши мумкин? — сўради Юлдуз.

Шоҳруҳ елка қисди ва ўрнидан туриб бориб эшикни очди-ю, қотиб қолди. Рўпарасида бундан бор-йўғи ярим соатча аввал кўрган сариқ киши билан бурни узун мўйловли турарди. Йигитнинг ичидан бир нима чирт этиб узилди.

* * *

Раъно столда ҳам ўзини тутиб туролмади. Боши айланаб бир томонга оғиб кетаверди.

Онасининг аҳволи тобора ёмонлашаётганини кўрган қизларчувиллаб қолишди: бири дод-вой солди, иккинчиси қўшниникига югарди. Катта қизи қўнфироқ қилиб “тез ёрдам” чақирди.

— Қон босими ошиб кетибди, — деди ярим соатлардан кейин етиб келган доктор, — битта укол қилишимиз керак.

Шифокор гўёки қизлардан розилик сўраётгандек гапиравди-ю, аммо ўзи аллақачон шприцга дорини тортиб бўлганди.

Раъно дори таъсиридан бироз ўзига келди, лекин ҳали-ҳануз дилхиралиги тарқамаганди. Шу боисдан юзи қизарганча қолаверди.

— Ўн саккиз минг, — деди доктор ишини битириб бўлгач.

Кўзини юмиб, энди-энди бир текис нафас ола бошланган Раъно ялт этиб унга қаради.

— Хусусий клиникадан келганмиз, бизда укол пулли, — дея изоҳ берди беморнинг нима демоқчилигини кўзларидан англаған шифокор.

Пулнинг жойини Раъно ҳам, қизлар ҳам билишарди. Аммо бирортаси тегинишга журъат қилолмасди. Чунки Файбулло пулларини атай очиқда қолдириб, болалари ва хотинини синар, хуллас, жанжал чиқаришга сабаб қиди-

парди. Лекин шу пайтгача унинг нияти амалга ошмаган эди.

— Бериб юбор, — деди Раъно ва кўзларини юмди.

Доктор кетди. Унинг эса йифлагиси келди. Қизига врач сўраган пулни бериб юборишини айтди-ю, лекин ўзи ичидан зил кетди. Кўрқди. “Пул олганимни эрим билиб қолса, нима қиласман?” — деган ўй яшин тезлигида хаёлидан ўтганди. Кейин хўрлиги келди: “Ўн саккиз мингта арзимайманми? Шунча йиллик умримни бахшида қилганим шунча пулга етмайдими? Йўқ, бўлди, бу ёғига чидамайман. Ҳар қандай аёл ҳам ундан фурурлироқ, уялмай-нетмай, йўқ жойдан устимдан мағзава тўкибди, шу қилганига қайтиб келсин, яхшилаб гаплашиб қўяман”, дея ўйлади у ҳамда юзидағи кўз ёшини артдида, қизини ёнига чақириб, димлама қилишни, гўштдан мўл-кўл ишлатишни буюорди. Сўнг ўртанча қизини чақириб, ул-бул сотиб олгани дўконга юборди.

Раъононинг қон босими жойига тушиб, қизлари билан энди овқатлана бошлаганда, Файбулло кириб келди. Роса ҳолсизланган, ранги докадек оқарганди. У дастурхон устидаги егуликлару буғи чиқиб турган димламани кўриб жон-пони чиқиб кетди.

— Нима бу?! — дея бақирди кўзи олайиб.

— Буниси фанта, буниси кола, буниси помидор, бод-ринг, кўкатлар, димлама... — дея Раъно дастурхон устидагиларни кўрсата кетди.

— Ким? Ким олиб келди? Қайси ўйнашинг?! — чий-иллади Файбулло.

— Агар сиз ўйнашим бўлсангиз, демак, сиз пулини олиб келгансиз, пул бўлганидан кейин дўконга чиқиб келиш ҳам иш бўптими?!

— Ни-ма?! Нима дединг? Ҳали сен манжалақи, бели оғримаган менинг пешона теримни ҳавога совураяпсанми?! — дея Файбулло газабдан тез-тез нафас олиб хотинига яқинлаша бошлади.

— Болаларингнинг, менинг еганим ҳавога совуриш бўлдими ҳали? — деб Раъно ўрнидан турди-да, “Фанта” идишини қўлига олди. Айни чоғда қизлар ҳам қўлларига илинган нарсалар билан қуролланишди.

Файбулло тұхтади. Бир хотинига, бир қыздарында қаралди.

— Ҳаммаларинг тил бириктириб мени урмоқчимисиз-лар?! Бирор ингес ар, бошқаларингга ота бўлсан...

— Эй, — дея мийифида кулди Раъно, худди шу маҳал унинг лабидаги яра таранглашганидан ёрилди, қон сизиб чиқди, — ҳали сиз эрми, отами?.. Билмаган эканман. Хотин, бола сизга уриш, хор-зор қилиш, устидан туҳмат қилиш учун керакми?! Бизнинг ҳайвондан фарқимиз қолмади-ку, инсофсиз!

— Мен сизларни боқаяпман-ку!..

— Боқаяпман?! — Раъно аста-секин унга яқинлаша бошлади. — Заҳар биланми?!

Файбулло орқасига тисарилди. Милиционер унинг юрагини олиб қўйганди. Энди у куни кеча ўзи роса калтаклаган хотинидан қўрқаётганди.

— Биз... Биз яхши яшаётгандик, шу шумқадам Шоҳруҳ ҳамма ёқни жанжалхонага айлантириб кетди.

— Шоҳруҳ?! Уятсиз, қандай тилингиз борди шундай дейишга? Унинг ўрнига бошқа акаларим бўлганда, осишарди!

Дағдаға Файбуллони бутунлай довдиратиб қўйди. У аста-секин орқасига тисарилаверди. Унинг қўрқаётгани Раъононинг кучига куч қўшди. Латта, туҳматчи, хотинчалиш эрининг бошига “Фанта” идиши билан шунақангি ургиси келаётгандик, ўзини зўрға тутиб турарди. У турмушга чиққандан бери эрининг гарчи овози ингичка, қилиқлари хотинларникига ўхшаса-да, бошига кўтарди, улуғлади. Ҳеч қачон бирор гапиришга нолимади. Энди эса унинг сабр косаси тўлганди. У ҳатто аёл кишидан қўрқаётган Файбуллодан жирканди ҳам.

— Йўқол! — деди умрида илк маротаба эрини сенсираб. — Уйимдан қорангни ўчир!

— Сени... Сенинг уйинг... уйни... уйни, — дея довдирай бошлади Файбулло, — менинг ойим совфа қилганди-ку?

У хотинининг баттар жаҳли чиқиб кетмаслиги учун мумкин қадар юмшоқ гапиришга уринар, аммо бу билан

Раънонинг баттар гашини келтираётганини сезмаётганди.

Агар Раъно яна икки қадам босса, Файбуллога жуда яқин келиб қолади. Қўлидаги идиш билан бир урса, бечора эркакнинг танаси оғрийди. “Шошма, — хаёлидан ўтказди у, — куни кеча роса дўпослагандим. Қаршилик кўрсатолмаганди. Башарасига бир мушт туширсан, ўзи билан ўзи бўлиб қолади. Кейин яхшилаб таъзирини бериб қўяман”.

Шундай қилди ҳам. Бироқ Раъно ўзи билан ўзи бўлиб қолмади. Боши орқасига бир силтанди-ю, йиқилмади. Юзини бекитиб дод-вой солмади. Устига бостириб келаверди.

Агар мана шу вазиятда бошқа эркак бўлганда борми, ўзгача иш тутган бўларди. Аммо Файбулло аёлининг кўзи-даги ўтга бардош беролмади. Шартта ортига бурилди-да, уйдан чиқиб кетди. Унинг ортидан эшикни қарсиллатиб ёпган Раъно бир муддат туриб қолди. Сўнг ҳўнграб йифлаб юборди.

Орадан ярим соатча ўтиб, “Тез ёрдам” машинаси келди. Бу сафар Раъно қанча қаршилик қилмасин, докторлар уни шифохонага олиб кетишли.

Файбулло “Тез ёрдам” машинасига хотинини сувб ўтқазишаётгандарини кўрди. Аввалига жаҳли чиқди. “Бешбегона эркакнинг нима ҳақи бор хотинимнинг қўлидан ушлашга?” — дея ўйлади. Бир хаёл жанжал қилмоқчи ҳам бўлди. Бироқ дарров ниятидан қайтди. “Баттар бўл, эрга хезланишнинг оқибати мана шундай бўлади. Ҳали шошмай тур, қилган қилифинг учун бошингга шундай кунларни солайки, бир умр эсингдан чиқмасин... Аввалио, шу кетишда касалхонадан қайтмайсан”.

Үйига фўдайиб кириб борди. Қизларига бақирди. “Сенлар менинг ўлимимни кутиб юрибсизлар. Ўлсам, ҳамма бойликларим сенларга қолиб, майшат қилиб юрмоқчилизлар!” — деди. Бойликлар, уч хонали уй, юз эллик минг сўмдан зиёдроқ пул, бошқа ашқол-дашқолларни пулга чақса, ҳеч вақо бўлмайди. Кўрсатишидан бузилиши кўп бўлган оқ-қора эски телевизорни бирор текинга

олсаям катта гап. “Менга қўл кўтарган хотин ҳам, бола-
ям керакмас, йўқол ҳамманг!” — деда қизларни кўчага
ҳайдади.

* * *

— Сизларга ким керак? — деди Шоҳруҳ ўзини совуқ-
қон кўрсатиб.

— Сен кераксан, дорогой, сен! — деди қора мўйлов
рус тилини бузиб. — Бизнинг йўлакда нима қилиб юрув-
динг?!?

— Шунчаки адашиб кетдим. Яқинда шу ердан ижара-
га уй олувдим, адашиб кириб қолибман. Шунга нима
бўпти?! — деда талмовсиради Шоҳруҳ.

— Адашдим, дегин. Адашиш қиммат туришини бил-
майсанми?

Чақирилмаган меҳмонларнинг ҳар икковининг ҳам кўзи
олайди. Шоҳруҳнинг устига қаҳр-ғазаб олови ёғилди.

— Илгари, — деди Шоҳруҳ мумкин қадар ўзини бо-
сиб, — тоғда яшардим. Туз олиб кетиш учун шаҳарга
тушганимда, ушлаб олишди-да, бу ёқларга келтириб таш-
лашди. Шунинг учун бир жойларга бошим айланиб бо-
риб қолсам, хафа бўлмайсизлар.

— Ичкарига киритарсан, кўчадан келган одамни сиз-
ларда яхши меҳмон қилишади, деб эшитганим бор, —
деди қора мўйлов.

— Лекин тиланчилар ҳақларини олишганларидан кей-
ин эшик тагидан орқаларига қайтаверишади.

— Биз сенга тиланчи бўлиб қолдикми ҳали?

Шоҳруҳнинг биқинига тўппонча тиравди. Совуқ те-
мирнинг танасига қадалишидан йигит сесканди.

— Ўзимиздан экансизлар, уйга киринглар, чой-пой
ичамиз. Чақчақлашиб ўтирамиз, — деди Шоҳруҳ ўзини
гўлликка солиб, жилмайишга уринаркан. Қурол аллақа-
чон унинг юрак уришини тезлаштириб юборганди. Ажаб-
ки, ана шу нарса Шоҳруҳни тез фикрлашга мажбур қил-
моқда эди.

Биқинига кетма-кет икки марта тўппонча стволи урил-
ганидан энгашиб қолган йигит ичкарига кириб кетар-
кан, орқа билан юриб “меҳмон”ларни айвонча томонга

бошлади ва уларни Юлдузга тескари ўгирилишга мажбур этди.

Шохруҳга кучини кўрсатаётган иккала зўравон ҳам ҳали Юлдузни кўришмаганди, лекин шерикларидан унинг қанақа муштлашишини эшлишиганди.

Бўйининг орқасига теккан зарбадан турган жойида бир неча сония карахтланган қора мўйлов тарсакиси ва Шохруҳнинг мушти “маза”сини татиб кўришга ултурганди. Бек ҳам аллақачон уришишга тайёр турганди, аммо унинг куч ишлатишига ҳожат қолмади. Фақат полда чўзилиб қолганларнинг қўлларини орқасига маҳкам боғлаш юмушинигина бажарди. Юзларига сув сепилганидан кейин иккала “меҳмон” ҳам ўзига келди. Бир зум қаердаликларини билолмай атрофга аланглашди.

— Хуш келибсизлар, — дея Юлдуз рўпарасига стол қўйиб ўтиргач, бир-бирларига қарашди. — Яхши ниятда келганларни нон-туз билан кутиб оламиз, лекин сенларга ўхшаганлар бошқача меҳмон қилинади.

Юлдуз рус тилида ниҳоятда тоза, тутилмасдан сўзларди. У билан гаплашган одам русийзабонлигига шубҳа билдирамасди.

— Кўлимизни бўшатинглар, — деди қора мўйлов унга ўқрайиб.

— Сен асли шу аҳволга тушиш учун келгансан!

— Ўзларингга қийин бўлади. Бу уй аллақачон компьютерга тушган. Агар икки соат ичиди қайтиб бормасак, бирортанг ҳам тирик қолмайсан. Сен бўлсанг, — деди қора мўйлов Юлдуздан кўзини узмай, — қидирилайсан. Айтиб қўяй, қиз бола бўлганингга пушаймон ейсан. Манавиларни, — дея у боши билан Шохруҳни кўрсатди, — қариндош-уруги ўлигини опкетишади. Аниқ биламан, сени сўрайдиган ит ҳам бўлмайди.

Унинг гапи Юлдузнинг суяк-суягигача етди. Зеро, қора мўйлов қизнинг ўтмишини эслатиб қўйган эди. У ўтирган жойида қора мўйловнинг ияги тагига шунақанги тепдики, қизнинг бунақа хунари борлигини мутлақо ҳаёлига келтирмаган йигит шўрлик тарсакисига йиқилди.

— Урма! — дея бақирди елкаси билан полга яхшилаб ўрнашиб олиши билан.

Аммо унинг овози ҳавода жаранг сочиб турганидаёқ, биқинига тепки тегди.

— Етади! — бақирди Юлдуз Бекка.

Сўнг ўзи қора мўйловнинг ёқасидан ушлаб ўрнидан турғазди.

— Ит! Сенинг орқангдан сўраб келувчинг борми?! Отанг сўраб келадими ёки онангми, балки осмондан тушгандирсан, бўғизлаб ташлайман!..

Кўкраги жуда тез кўтарилиб тушаётган Юлдуз сира ўзини босиб ололмаётганди. Унинг шунақанги қони қайнагандики, рўпарасидаги одамбашара маҳлуқни бурдалаб ташлагиси келаётганди.

— Юлдуз, буларга эркакча гап керак. Бошқасига тушунмайди. Илтимос, бориб туринг, қолган нарсаларни ўзим тушунтириб қўяман, — деди Шоҳруҳ.

Шу гап Юлдузга далда бўлди. Бироз шаштидан тушди. Рўпарасидагининг ёқасини бўшатди ва хонасига кириб кетди.

— Исминг нима? — сўради қиз кетганидан кейин Шоҳруҳ елкасига қўлини қўйиб.

— Бедар, — жавоб қилди қора мўйлов бурнини тортиб, оқаётган қонни чиқармасликка уринаркан.

— Яхшигина исминг бор экан-у, башаранг бунча совуқ?

— деди Шоҳруҳ унинг қорнига муштлаб. Агар у шу ондаёқ букчайиб қолган Бедарнинг елкасини силамаганда эди, бечора йигит нафаси қайтиб, ўлиб қолиши ҳеч гап эмасди.

— Бек, бунинг устидан совуқ сув қуйиш керак, — деди Шоҳруҳ шеригига. Сўнг ошнасининг калтакланаётганини кўриб, бутунлай довдираб қолган “сариқ меҳмон”нинг юзига чап қўл кафти билан бироз уриб турди-да, сўнг бирдан ўнг қўл муштумини ишга солди. Бунақанги зарбани у бокс маҳали ҳам қўллаб кўрганида шунақанги яхши натижа бергандики, рақиби бирдан қулаганди. Бу сафар ҳам ҳимоясиз душман ана шундай кўйига тушди ҳамда хушидан кетди.

Йигитларнинг олдига чиқиб, эшик кесакисига суюнган Юлдуз Шоҳруҳга бироз қараб тургач:

— Гаплашиб олайлик, — деди қандайдир тушкун кайфиятда.

Юлдуз юмшоқ каравотига ўтириб пешонасини силади.

— Сўроқقا тутмоқчи эдим, — деди унинг ёнига келган Шоҳруҳ.

— Йўқ, аввал келишиб олайлик. Мутлақо кутилмаган иш бўлиб кетди. Бу ёғига нима қиламиз энди? Ҳақиқатан ҳам булар бораверишмаса, қаерга келганлари маълум, қолганлари оёғини қўлга олиб ҳовлиқиб келишса, нима қиламиз? Ҳали бу ерга тузукроқ ўрнашиб олганимиз йўқ. Режамизнинг ҳаммаси барбод бўлиб кетмайдими?.. Кейин, Шоҳруҳ, одам сал эҳтиёткор бўлади-да, ортингиздан етаклаб келганингизни қаранг! Эплайман, дегандингиз-ку! Бунақа эплаш ҳамманинг қўлидан келади...

— Камера ўрнатилган экан, дедим-ку! Лекин мутлақо эътиборсиз ўтиб кетдим ўша эшик ёнидан...

— Томоша менга бутунлай ёқмади. Бошқача бўлиши керак эди. Ҳозир бўйнимизга ўз ихтиёrimиз билан сиртмоқ солганга ўҳшаб қолдик. Бўпти, энди ортга қайтишга йўл йўқ. Нима қиламиз?!

Тушкун кайфиятдаги Юлдуз умид билан йигитларга термилди.

— Тезроқ ишлашимиз керак, — деди Бек, — Шоҳруҳ айтганидай сўроқ қиласайлик. Ўша лаънати уйда неча киши борлигини билайлик, кейин бориб, камерасига қўшиб компьютерларини, нимаики бўлса, барини мажақлаб келамиз.

— Ундан кейин, — деб Бекнинг гапини давом эттирди Шоҳруҳ, — ортиқ бу уйда туролмаймиз. Бугуннинг ўзида кетишимиз керак.

— Миям фовлаб кетди. Боши берк кўчага кириб қолгандайман. Майли, сизлар айтгандай қилиб кўрайликчи?!

Бедар гўдайиб, кўзларини олайтириб, дўқ-пўписани қойиллатгани билан юраги кичкина экан, Шоҳруҳ ёнига бориб муштини кўрсатиши билан тиз чўкди.

— Илтимос, урма, нима десанг, ҳамма айтганингни қиласман, — деди ёлвориб.

— Қароргоҳларингда нечта одам бор? — сўради Шоҳруҳ унга еб қўйгудек тикилиб.

— Битта, — жавоб қилди Бедар титраб.

— Нима иш қиласди у?

— Экранга қараб туради, ким келди, ким кетди — ҳаммани кузатади.

— Бу ерга қандай келдинг?

— Ўша соткамга телефон қилди. Сен қайси йўлакка кириб кетганингният айтди. Деразадан кузатиб турган экан. Атрофдаги уйларда кимлар яшашини яхши биласман. Фақат мана шу уй анчадан бери бўш эди.

— Хўш?

— Бегона бўлганингдан кейин шу ерга келишинг мумкин-да. Шу боис кимлигингни билиш учун келдик.

— Тушунарли, — деди Шоҳруҳ ва ёнида турган Бекка қаради, — айтганингдай қиласмиш. Бўлмаса, булардан қутублиб бўлмайди, — деди ўзбекчалаб.

Бедар бошини яхшилаб ювди, сўнг Юлдузнинг соч қуритгичида сочини қуритди. Кейин Шоҳруҳ билан Бекнинг олдига тушиб ўйл бошловчилик қилди. Шерити эса гаров сифатида қолаверди.

Йўлакдан чиқишлиари билан Бедар сигарета сўради. “Ҳали кўп чекасан, юравер”, жавоб қилди унга Бек.

Бедар бошини эгди, анча пайт кўтаролмади. “Бечора ўзиникиларни сотиб қўйганидан қийналяпти”, деган ўйга боришиди Шоҳруҳ билан Бек. Аммо бу ҳам бир аломат эканлиги, “ишлар чатоқ”, деган маъно бериши уларнинг хаёлига келмади.

Эшик тугмачасини босган Бедар четроқقا ўтиб турди.

— Фақат рус тилида гапирасан, ўз тилингни мутлақо ишлатма, кейин иржайиб тур, — дея огоҳлантирган Шоҳруҳ уни эшик тўғрисига итарди.

— Шошма, — деди бирдан Бек, — бирон нима бўлса, ҳаммамиз ийқиласмиш, камерадан кўриб туришибди. Осонликча эшик очилмайди.

— Нега? — сўради ҳайрон бўлган Шоҳруҳ.

— Ҳозир нимадир бўлади, кўнглим сезаяпти.

Бек сўзини тугатар-тугатмас, ичкаридан бир неча марта гумбур-гумбур эшитилди. Ҳар иккала йигит бирдан ўзларини ерга ташлашди. Бек йиқилаётиб Бедарнинг оёғига тепаркан: “Ёт!” — деди. Айни чоғда чап қўлида пайдо бўлган оғриқдан афти буришиб, инграб юборди.

Орадан икки дақиқача ўтгач, эшик очилди. Энди гўё ўқ тегиб нариги дунёга равона бўлгандай чўзилиб ётган йигитларнинг қўлларидағи тўппончалар бараварига ишга тушди. Эшикни очган нусха йиқилди бу сафар.

Бедар тура-сола қочмоқчи бўлганида, Бек тўппонча ёрдамида унинг ҳам кўкрак қафаси ўртасидан тешик очиб қўйди. Ичкарига аввал Шоҳруҳ, унинг ортидан Бек бостириб кирди. Ҳақиқатан ҳам, ичкарида бошқа одам йўқ экан.

Тўғрироғи, ётоқхонада шовқин-сурондан ғаши келиб, бир неча марта қарғангандан сариқ сочли, киприклари узун, кўзлари катта, қошлари ингичка қиз эндинга ўрнидан туриб, уйқуга тўймаган кўзларини уқалаб, онда-сонда норози нигоҳини эшикка қаратиб қўярди. У уруш-жанжалга, тўппончаларнинг “тақир-тукур”ига аллақачон ўрганиб кетганди, бирор қулогининг тагида бомба портлатсаям пинагини бузмайдиган даражага келганди. Фақат нафратланарди. Ана шундай шовқин қилаётганларни кўрарга кўзи йўқ эди. Лекин айнан ўшанақа одамларнинг кўнглини хушларди. Шунга мажбур эди. Бирор марта “йўқ” десин-чи, нақ пешонасидан дарча очилади.

Компьютеру телевизорларни, умуман, нимаики жиҳоз бўлса, барини тепиб, уриб, синдириб, хоналарни вайронага айлантираётган йигитлар охири шу хонага киришиди.

— Нима балони бошладинглар? — деди қиз нотаниш кимсаларни кўриши билан. — Тинчлик йўқ экан-да.

— Кимсан? — сўради Шоҳруҳ унга тикилиб.

— Нима ишинг бор кимлигим билан? Тинч қўясизларми-йўқми, иккитанг навбатма-навбат кечаси билан роса абгор қилганларинг етмагандай, кундузи тинчгина ухлашимгаям қўймайсизлар. Ҳали қоронфи тушса, яна дунёнинг ҳамма азобини тортаман...

— Ўчир овозингни! — дея уни бирдан сўзлашдан тўхтатди Шоҳруҳ. — Ким бор яна бу ерда?

— Си... Сизлар прокуратураданмисизлар? — деди қиз кўзи чиққудек бўлиб.

Шоҳруҳ у билан ортиқча гаплашиб вақтни ўтказмади. Хонанинг ҳамма ёғини титкилаб кўрди. Қиз ётган каравот тагидан бир қопча пул чиқди. Қиз шунча пулнинг устида ётганини билмаган, шекилли, бирдан кўзи олай-иб кетди.

— Тезроқ кетиш керак. Қўшнилардан биронтаси чиқиб ташқаридаги мурдаларни кўриб қолишса, милисага...

— Каллага келмабди, — дея бирдан унинг гапини бўлди Шоҳруҳ, — аллақачон мурдани кўриб, ўқ овозини эшишилари билан эшикларини тамбалаб, милисага қўнғироқ қилишгандир. Қолаверса, булар фақат шу — битта уйда туришмас. Кетдик!

Бек пулни орқалади. Шоҳруҳ қизнинг оёқ-кўлини боғлаб, оғзига латта тиқиб қўйди. Сўнг улар ташқаридаги қолган мурдаларни ичкарига киритишгач, жуфтакни роствлашди. Қизиқ устида билинмаган экан. Уйни тарк этишилари билан Шоҳруҳни титроқ тутди. Ахир у ҳам одам ўлдириб қўйган, бироннинг уйига кириб ҳамма ёғини ағдар-тўнтар қилган, ўғриликка ҳам қўл урганди. У вақти келиб шунаقا ишлар билан шуғулланаман, деб сира ўйламаган эди. Бироқ ўзи истамаган ҳолда, бутун ҳаётини остин-устун қиласидиган амаллар билан шуғулланаб қўйди. Буни фақат кўзига бало-қазодай кўринган уйдан чиққанидан кейингина ҳис этди. Ич-ичидан афсусда эди-ю, бироқ энди бу надоматлар унга ҳеч вақо келтирмасди. “Эртароқ бу шаҳардан қорамни ўчиришим керак. Ҳар қандай қора иш бўлса ҳам майли, пешона терим билан ризқимни тераман”, деган ўй хаёлидан ўтаркан, қадамини янада тезлатди. Лекин Юлдузни кўриши билан ўйлаган хаёлидан асар ҳам қолмади. “Юлдузнинг шодлиқдан боши осмонга етади”, деб ўйлаганди. Ахир у мана энди ҳамма ишни хамирдан қил суғургандай осонлик билан битирди. Ортидан биронта “дум”ни етакла-мади. Боз устига, қуруқ қўл билан қайтмади. Бир қоп

доллар. Ётиб есанг ҳам беш-олти йилни ўтказиб юборади. Аммо қиз уларни қовоқ уйиб кутиб олди. Иккала йигит ҳам ҳайрон. Бир-бирига қарайди. Шунчалик оғир юмушни бирпасда битириб келишса-ю, эвазига ҳатто бир чимдим табассум ҳам олишмаса.

Юлдуз қопдаги пулларнинг ҳаммасини ерга ағдарди, уч-тўртгасини ушлаб кўрди. Кейин мийифида кулди.

— Сохта, — деди.

— Йўғ-э! — дея Бек бир дона купюорани олиб чироққа тутди. Ўзи билган белгиларнинг ҳаммаси унда бор эди.
— Тоза-ку, — деб Юлдузга қаради.

Унинг гапи Юлдузнинг фашини келтирди. Дарров ёнидан пул чиқариб Бекнинг қўлига тутқазаркан:

— Солиштиринг, — деди.

Иккала купюра ҳам бир-бирига қўйиб қўйгандек ўхшарди. Ҳатто ўртасидаги қора белбоғ ҳам бир хил. Фақат қофозлар бошқа-бошқа. Буни ҳам дарров ажратиб олиш қийин. Бек сохта купюорани йиртиб ташлади. Шундан сўнг Юлдуз йигитларнинг ҳар икковидан ҳам қилган ишларини батафсил сўради.

— Худди боф яратиб қўйған одамлардай, кўриб қўйинглар, деб кўкрак кериб келаяпсизлар. Шоҳруҳ, иккитаси орқангиздан эргашгани эсингиздан чиқдими?.. Кейин компьютерда хотира деган нарса бўлади. Мониторни бурдалаганларинг билан компьютерда... Уфф...

Юлдузнинг юраги гупиллаб урап, нафас етишмаётгандай бўғиларди.

— Бу ергаям сифмадик, эртароқ шаҳар ташқарисига — кампирникига кетайлик, — дея қиз шоша-пиша телефонидан ҳайдовчининг рақамини терди. Унга тезда етиб келишни тайинлаб, иккала йигитга ҳам ювиниш хонасида қўл-оёқлари боғланиб ётган Бедарнинг шеригини айвонга — йигитларнинг хонасидаги каравотга боғлаб қўйишларини буюорди. Сўнг ўзи нарсаларини йифишириш учун хонасига кириб кетди.

Икки йигит ҳамда бир қиз пастга тушишди-ю, қотиб қолишиди. Чунки шу пайт қарама-қарши томондаги қўп қаватли уйнинг ёнига қора ойнали иккита “Мерс” тўхтади-да, ичидан шошганча бир нечта йигит сакраб ту-

шишди ва бундан ярим соатча муқаддам Шоҳруҳ билан Бек алғов-далғов қилган хонанинг йўлагига юргурганча кириб кетишиди. Икки киши эса машиналар ёнида ат-рофга олазарак боқиб туришарди.

* * *

Маъмур тайёр ўлжадан воз кечиб кетадиган одамлардан эмасди. Қолаверса, сўнгги пайтларда анча чиқимдор бўлганлиги боис, Шомурод акадан олган қарзи ҳақида кўп ўйларди. Ҳозирча пулнинг эгаси қарзини сўрамаётганди. Лекин сўраб қолса, у қайтариб беролмайди. Умуман, қайтариш нияти ҳам йўқ эди. Олаётганида билинмаганди. Кейинчалик ўйлаб қараса, катта сумма экан. Шунча пулни йиғишнинг ўзи бўлмас экан. Тўплаган тақдирингда ҳам бирорга берсанг, худди бир томонингни қўпориб кетадигандай туйиларкан. Маъмур Шомурод акага қойил қолди. Шунча пулни қилт этмай берди. Тўғри, нотариус орқали. Лекин барибир қўлингдаги мулкни бошқа бирорга тутқазиш оғир-да. Энди у қўймайди. Сопини ўзидан чиқаради. Баҳона минг хил. Куёв пулни Маъмурнинг қўлига тутқазади, у эса Шомурод акага... Йўқ, бирданига эмас, албатта. Майдалаб, аста-секинлик билан. Балки яна бирорта сабаб чиқиб, Шомурод аканинг ўзидан ундирап, ўшандада қутилиш осонроқ бўлади.

Маъмур ширин хаёллар оғушидан зўрга чиқиб, қўл остидаги йигитларидан бирини чақирди-да, текширувни янада чуқурроқ олиб боришни тайинлади.

Бу пайтда Содиқ уйига етиб борганди. Хонзода уни йиғи-сиғи билан кутиб олди.

— Дадаси, — деди қўзидан ёшини дув-дув оқизиб, — шу умидда бола боқсанмилик, шу умидда авайлаб-асраб катта қилувдикми?..

— Нима бўлди? — деди Содиқ унга тикилиб. — Қани қизинг, унга ҳеч нарса қилмаганми?!

— Эл орасида энди қандай бош қўтариб юрамиз, нима деган одам бўлдик?!

— Минғирламай айт, нима бўлди?! — дея бақирди Содиқ.

— Қизингиз... Қизингиз эрга тегармиш, биздан берух-сат, гаплашиб келган эмиш...

Содиқни ток ургандай бўлди. Унинг қулоғи тинимсиз шанғилларди.

— Ким... Кимга? — деди ютиниб олганидан кейин.

— Кимга бўларди? Таги паст, ота-онасининг тайини йўқ, битта қашшоқ кўча боласига-да. Оти Мурод эмишми, алламбало?!

Содиқ тин олди. Хотинининг оғзидан қизи “қилик” қилиб қўйганини эшитганида эти жимирилаб кетганди. Хаёли Шоҳруҳга қочувди. Ҳозир ўзидан хафа бўлиб кетди. Ич-ичидан шайтонни қувиб солди. Аёли ўпкаси тўлиб изиллаяпти-ю, унинг юзида ним табассум пайдо бўлди. “Бегона экан-ку”, деган ўй яшин тезлигига хаёлидан ўтди. Ўтди-ю, ўйлари чалкашди. Ахир хотини унга бошқача гап қилганди. Яъни ўзининг бир қориндан талашиб тушган укаси Шаҳлога — акасининг пушти камаридан бўлган қизга кўз олайтирган. Қизининг хаёлини ўғирлаган, шекилли, улар дарвозахонада қучоқлашиб, бирорвдан ҳайиқмай туришган. Йўқ, ундай бўлмаган, Шоҳруҳнинг макру ҳийаллари ўтмаган. Қизи бутунлай бошқа одамни яхши кўрган, энди унга турмушга чиқмоқчи. Бунинг аслида ёмон жойи йўғ-у, лекин йигитнинг камбағаллиги... Шошма, хотини уни кўчанинг боласи дедими? Кўчанинг боласи йўлтўсар бўлади, ўғри бўлади, bemaza болаларнинг ўртоғи бўлади. Буларнинг барини бир жойга тўпласа, умумий ном келиб чиқади: “Жиноий тўда”.

— Нимага қоққан қозиқдай турибсиз?! — дея чириллади Хонзода.

Шунда Содиқ ўзига келди. Хотинига нафрат билан қаради.

— Тузукроқ суриштирдингми? Бола ҳали жиноят-пиноят қилмабдими? — сўради қовоғини уйиб.

Хонзода унинг гапини бутунлай бошқача тушунди.

— Ҳамма ишнинг ҳал бўлгани жиноят эмасми?! Вой, Ҳудо, кимни эр қилиб юрибман?! — дея Хонзода ўзини полга ташлади.

Худди шу пайт Шомурод ака уйга кириб келди ва қизининг гилам устида чўзилиб ётганча ўкириб йиглаётганини қўриб жон-пони чиқиб кетди.

Ҳамма нарса равшан. Содиқ уни яна урган. Сабаб?.. Сабаби уни қизиқтирмайди. Юрагининг бир парчаси ер билан битта бўлиб ётганида, ҳар қандай сабабга у тупуради.

— Зўр бўп кетдингми?! — деди Шомурод ака күёвига ўқрайиб.

Қайнотасидан бунақанги гапни кутмаган Содиқ қотиб қолди.

— Да-да, нега?..

— Оёғимда маҳкам турибман. Любой одамнинг бемалол абжафини чиқараман, деб ўйлаяпсанми? Менинг қизимни сўрайдиган одамлари борлигини эсингдан чиқардингми?! Берган тузим, ёрдамларимга тупурдингми?! Оёғинг ердан узилдими?..

— Дада, нималар деяпсиз? Ҳозир келдим ўзи, худди сиздайин, ҳали нима гап-сўз бўлаётганидан умуман бехабарман. Қизингизга тегиниш тугул, бирон оғиз гап айтишга улгурганим йўқ...

— Дада, Содиқ акам ҳеч нарса демадилар. Набирангизнинг қилиғидан куйиб ўтирибман! Адо қилди мени набирангиз! Шарманда қилди!.. — деди Хонзода дув-дув кўз ёш тўкаркан, ётган жойида.

Отасининг ҳурмати учун ўрнидан туриш, йифи аралаш бўлса-да, салом бериш унинг хаёлигаям келмади. Фаросатининг “юксаклиги”дан чўзилиб ётганча сўзлади. Барака топгур, ота шундан кейин ҳам ялпайиб ётган қизига: “Тур”, демади. Бунинг ўрнига Хонзоданинг ёнига бориб гилам устига ўтириди-да:

— Набирамга нима қипти? — деб сўради.

— Эрга тегармиш, дада. Эрга...

— Эй, қизим, ҳали сен шунга ётволиб йиглаяпсанми? Бўйи етган қиз биронтаси билан яхши кўришиб қолган бўлса, “тегаман” дейди-да. Сенга қизингнинг баҳтли бўлгани яхши эмасми? Ўзи топган бўлса, демак, баҳтли бўлади...

— Дада, — деди Хонзода отасининг гапини бўлиб, — менинг ниятим бой-бадавлат оила билан қуда бўлиш эди. Қаердаги яланғочни деб қиз катта қилганим йўқ.

Тўғри келган одамга берврорверсам, уруфингиз бузилиб кетади.

Унинг сўнгги гапи Содикдан ўтиб кетди. Зеро, уруф масаласида қайнотасига нисбатан у яқинроқ эди Шаҳ-лого.

— Ечиладиган нарса экан-ку. Қани, Содикжон, — Шомурод ака күёвига юзланди, — ўрнидан туришига кўмаклашиб юборинг.

Тезликда бутунлай бошқа одамга айланган Шомурод ака Содикқа жилмайиб қараб турар эди. Содик ҳайратдан қотиб қолди. Нима қиласини билмай қайнотасига термилганча тураверди.

— Шунга шунчами?.. Жаҳл чиққанда ақл кетади дей-ишади-ку. Ота билан ўғил орасида нималар бўлмайди дейсиз? Хуллас, мен гапирмадим, сиз эшитмадингиз.

“Вой, тулки, ҳамма нарсадан осонгина чиқиб кетаман деб ўйлайсан-да, мен сендан маккорроқман, мана кўрасан, ҳали шундай ўйнатайки, ўзинг ҳам қойил қол”, дея хаёлидан ўтказган Содик қайнотасига қараб илжайди. Дарров хотинининг қўлидан ушлаб, туришига кўмаклашди.

— Айтдим-ку, хоним, — деди жуфти ҳалолига қараб илжайганча, — ҳал қиласиз, между прочим, осонгина.

— Нега тушунмайсизлар? — дея бир эрига, бир отасига нигоҳ ташлади Хонзода. — Шаҳло: “Иш пишган”, деди. “Бир ҳафтадан кейин тўй”, деди.

— Йўғ-э, — дея Шомурод ака Содикқа юзланди, — менинг набирам одобли эди-ку, ота-онасидан, қолаверса, мендан рухсатсиз ҳеч бир нарса қилмасди-ку. Шошма, бу ерда бир гап бор. Қани, бу ёқقا чақир-чи!

Хонзодага қизини хонасидан чиқаришнинг ўзи бўлмади. Аввал дўй-пўписа қилди, кейин ялинди. Кўз ёш тўқди. Хуллас, амаллади.

Оппоқ юзи қизарган, соchlари тўзғиган, боши эгилган қиз бир-бир босиб пастки қаватга тушди.

— Қизим, — деб Шомурод ака уни бағрига босди, — нега бунча қайғудасан?

Унинг бу гапи ёниб турган оловга мой сепгандай бўлди. Ўзини босолмаган Шаҳло:

— Додажон! — дея бақириб йифлаб юборди.

— Тисс! Ўзингни бос, қизим. Бекордан-бекорга сенинг кўзингдан ёш оқизиб қўймаймиз. Қани, айт-чи, ким сени хафа қилди?

У шундай деркан, аввал Содиққа, кейин Хонзодага кўз қисиб қўйди.

— Ҳеч... Ҳеч ким, — деди Шаҳло бироздан кейин кўз ёшини тийишга ҳаракат қиласкан.

— Унда нега бунақанги аҳволдасан?.. Қизим, сенинг кўзингда ёш кўргунча, менинг жоним чиқсин...

— Дода, — дея Шомурод аканинг бўйнидан қучоқлаб олди Шаҳло, — унақа деманг, мени... мени...

У бошқа гап айттолмади. Тилига ҳеч сўз келмади.

— Қани, Хонзода, меҳмонхонага бошла, ўтириб ётифи билан гаплашиб оламиз, — деди Шомурод ака.

Содиқ ҳам, Шомурод ака ҳам гапни нимадан бошлашни билолмай бошлари қотди. Қайнота-куёвнинг тилига сўз келавермагач, ташаббусни Хонзода қўлга олди.

— Қизим, мана даданг, мана бобонг, нима дардинг бўлса айт!.. Шу пайтгача: “Боламнинг энг яқини менман, нима дарди бўлса биргаллашиб ҳал қиласиз”, деб ўйлаб юрувдим. Чучварани хом санаган эканман, сен аллақачон менинг бошқарувимдан чиқиб кетган экансан. Кимга тегиши-тегмасингни яқинларингга айт. Ўша ялангоёқ кимлигини айтиб бер!

Бу сафар Хонзода йифламади, ҳатто ўксимадиям, ҳар бир сўзни дона-дона қилиб шаддод аёллардай гапирди. Шу боисдан ҳам Шаҳло раҳм-шафқатнинг яқинига ҳам бормади. Онасига нисбатан бунақа туйфу бир неча кун аввал бутунлай ўлиб бўлганди.

У Хонзодага ўқрайиб қараб қўйди, сўнг бошини эгиб:

— Ялангоёқ деманг. Уларнинг қалби тоза. Қалби бой, — деди.

Шомурод ака набирасининг гапини эшитиши билан томоқ қирди, гёёки унга: “Бу ерда биз ҳам бормиз, шарм-ҳаёни эсингдан чиқарма”, дегандай.

— Нималар деяпсан, Шаҳло?! — деди жаҳли чиқиб кетган Содиқ.

— Дада, мен сизни жудаям ҳурмат қиласман. Майли,

ора-чора сиз ҳам алданасиз. Чунки бандасиз. Дада, илтимос, мени тўғри тушунинг, — деди Шаҳло титраб-қақшаб.

— Тушунай?.. Бўпти, гапир, соддагина, гўл даданг нимани тушунмабди?

— Дада... Дада, мен бошқа нарса демоқчийдим. Биласизми... биласизми?..

— Кўйинглар, боланиям одам шунчалик қийнайдими? Инсоф қилинглар. Ўзларинг шу ёшда бўлмаганмисанлар? Ундан кўра, келадиган совчиларни суриширинглар. Ким бўлсаям, бизга аввало одам бўлгани яхши, мол-давлат топилаверади.

Шаҳло бобосини шунақанги яхши кўриб кетди, меҳрга лиммо-лим нигоҳини унга қадади, зумда бутун вужудига шодлик инди. “Ҳозир дадам билан аямни додам уришади. “Қизимни севган йигитига бермай баҳтсиз қилмоқчимисанлар?” — деб айтади”, дея ўйлади. Аммо боёнинг лабидан бошқача сўзлар учди.

— Бола ўстирганидан кейин одам унинг иқболини кўришниям истайди, — деди у. Айни пайтда унинг юз тузилиши, кўзлари донишмандларниги ўхшаб кетарди, — шунинг учун қизни бирорга узатишдан аввал ўша рўзгорнинг қандайлигини билиш керак.

У айнан бир нарсани такрорлаётган эса-да, сўзлари энди бошқа манзил томон кетиб борарди. Буни ич-ичидан сезган Шаҳло тўлиқиб кетди. Бутун дарди томогига келиб, йифига айланиш учун тўплана бошлади.

— Ҳали йигирмани қораламаган қиз жуда содда бўлади. Уни ҳар томонга қайириш осон. Шунинг учун ҳозир кўплар адашиб қолаяпти-да. Пиёлага кўпроқ сув қуйсанг, ортиқчаси тўкилиб кетади. Бойлар бойларга, камбағаллар камбағалларга ажralиб бўлди. Бойнинг камбағал бўлиши осон-у, лекин камбағалнинг бой бўлиши ўлимдан қийин. Чаққон, уддабурон, ҳозирча камбағал бўлгани билан, эртага уни пулдор бўп кетади деб ҳеч ким кафолат бермайди. Бу бир томони. Иккинчидан, эркак бўлиб қизга уйландингми, елиб-югуриб уни боқда. Нима қиласан, ҳали Эшматнинг, ҳали Тошматнинг этагига ёпишиб?..

Содиқнинг томоғидан бирор бўққандай бўлди. Вақти келиб қайнотаси қилган ҳамма яхшиликларини юзига солишини мутлақо хаёлига келтирмаганди. У ўрнидан турди, шошилмасдан бориб шкафнинг пастки табақасини очди-да, бир шиша ароқ олиб келиб стол устига қўйди. Сўнг пиёлага тўлдириб қўйиб, бир кўтаришда ичиб юборди-да, енги билан лабини артди. Қайнота унинг нега бундай қилаётганини сезди. Бироқ индамади. Билиб қўйсин чиранаётганини, зўр келса, ўзини бошиб олади, деган хаёлга борди. Бироз қуёвига термилиб турганидан кейин яна сўзида давом этди:

— Шаҳло қизим, — деди набирасига юзланиб, — сен ўзинг айтган боланинг адресини бер. Ойинг бориб келади. Ҳар нима бўлгандаям, хонадонини кўриш керак. Бу удум ота-бобомиздан қолган. Хўпми? Энди кўп кўнглингни вайрон қиласкермасдан, хонангга чиққин-да, яхшилаб ухлаб ол. Уйғонганингда ҳамма нарса изига тушиб кетади.

Шаҳло ҳеч балони тушунмади. Кетгиси йўқ эди. Агар имконият беришса, Мурод акасини роса мақтамоқчи эди. Бироқ ҳамма умидлари барбод бўлди. Оғриниб ўрнидан турди-да чиқиб кетди.

— Сен, — деди Шомурод ака Хонзодага набирасини узоқлатиб, — Шаҳло айтган жойга борасан. Боланинг уйидагиларига айт. Тинч қўйишсин. Агар ортиқча гап қилишса, ўзим бошқача гаплашиб қўяман.

Бу пайтда Содиқ шишани яримлатиб қўйган, кайфи ҳам анча-мунча ошиб қолганди, шунингдек, ботирлашганди.

— Сиз, — деди у сузилган кўзларини қайнотасига тикиб, — Хонзодага, ўзингизнинг қизингизга хўжайиниз. Лекин Шаҳлога эмас. Ҳар доим фарзандимга охирги гапни мен айтаман. Кейин сира хавотир олманг. Берган пулларингизни ошиғи билан қайтараман. Бугун, ҳозироқ. Хоҳласангиз, “кўқ”ида, хоҳласангиз, ўзимизнинг пулда. Ёки “сариқ”ка айлантириб берайми? Қофоз пулга қизиқишингиз сўнганига анча бўлган-ку, тўғрими?

— Ўслим, — дея Шомурод ака энди гап бошлаган эди, Содиқ дарров унинг оғзини ёпди.

— Менинг отам қора ерга кириб кетганига жуда күп бўлган, балки суюгиям чирий бошлагандир. Берган пулени пеш қиласидиган одамнинг қандай тили борди мени ўғлим дейишга?!

— Дадаси, ким билан гаплашаётганингизни эсингиздан чиқариб қўйдингизми?! — дея бирдан бақириб юборди Хонзода.

— Қўявер, — деди Шомурод ака унга, — кўнглидагининг ҳаммасини гапириб олсин. Кўриниб турибди, кўп гаплари йиғилиб қолган экан. Қани, куёв бола... Кечирасиз, ўғлим дейишими сизнинг айтишингиз бўйича қанчалик нотўғри бўлса, бола дейишими ҳам шунчалик беўхшов, нима дейишгаям одам бундай пайтда иккиланиб қоларкан.

— Нима десангиз деяверинг, — деб Содиқ яна бир пиёла ароқни афти бужмаймай ичиб юборди-да, лаблунжини артди, — лекин битта нарсани айтиб қўйай. Хонзода сиз айтган жойга бормайди. Ҳеч нарсани суриштирумайди. Ҳаммасини ўзим ҳал қиласман.

— Ошириб юбординг! — деди жаҳли чиққан Шомурод ака тағин сенсирашга ўтаркан. — Шу пайтгача мен нима десам, ҳаммаси айтганимдай бўлиб келган, бундан кейин ҳам шунаقا бўлади.

Содиқ жавоб қайтармади. Қайнотаси эса унга бир муддат ўқрайиб қараб турганидан кейин чиқиб кетди. Уни ҳеч ким, ҳатто суюкли қизи ҳам кузатиб қўймади. Зоро, у отаси кетиши билан эрини яхшилаб “тузлаш”ни кўнглига туғиб қўйганди. Шу боисдан ҳам фақатгина ароқ билан “сўзлашиб” қолган Содиққа ўзи биринчи бўлиб гапириди.

— Сизга гулдай қизини берди. Оёққа туриб олишиниз учун қўлидан келганча ёрдамлашди. Энди яхшилиги эвазига берган раҳматингизми бу? Қайси юз билан айтдингиз шунча гапни? — деди у эрига еб қўйгудек тикилиб.

— Агар миннат қилишини билганимда, ҳеч нарса сўраб бормасдим ёнига. Ҳозир кайфлигимда айтайнин, дўконларимга текширувчиларният отанг юборган. Менинг по-пугимни пасайтириб қўймоқчи. Лекин энди кеч бўлди.

Шундай қиласанки, ўзи қазиган чохга ўзи тушади. Ҳозир подвалга туш-да, ўттис минг “кўк”идан ол. Қофозга ўра. Ундан кейин отангта обориб бер. Узоги билан ўн беш мингча қарзман, қолгани тилини тийиши учун.

Хонзода ҳанг-манг бўлиб қолди. Мақсади қизини тартибга олиш тўғрисида гаплашиш эди. Аммо ўзан бутунлай бошқа томонга бурилиб кетди.

У меҳмонхонадан телбавор чиқди. Аввалига эрининг айтганини бажармоқчи бўлди, лекин тезда ниятидан қайтиб, юқори қаватга чиқди-да, қизининг ёнига кирди. Тош ойна қаршисида қандайдир суратни томоша қилиб ўтирган Шаҳло ойисига бирров қараб қўйди-да, яна машфулотини давом эттирди. Хонзода унинг ёнига келиб, қизининг қўлидаги суратни олмоқчи бўлганди, Шаҳло бермади.

— Шуми? — сўради Хонзода қизининг қилиғидан дили оғриб.

— Ҳа! — жавоб қилди Шаҳло кескин.

— Шохи йўғ-у...

— Бўлиши керакмиди?

— Ялангоёқнинг шохи бўлади-да, бўлмаса, нимасига учасан?

— Ҳақорат қилманг.

— Бутун умрлик нон-тузим, берган оқ сутим тайини ўйқ бола олдида сариқ чақага арзимаскан-да.

— Ойи, бир нарсани иккинчисига чалкаштирманг. Кейин ўзингиз айтгансиз мени каша билан катта қилганингизни. Фигурангиз бузилишидан қўрқиб, менга кўкрак бермагансиз. Энди меҳр-муҳаббатни фигурангиздан кутинг...

— Вой ўлмасам, қизим, қачондан бери бунақа ўзгариб қолдинг?! Аввал бетгачопар эмасдинг-ку, — деди кўзи қинидан чиққудай бўлган Хонзода.

— Ўзингиз ўргатдингиз. Амакимнинг устидан туҳмат қилиб, шунақа бўп қолишимга сабабчи бўлдингиз.

— Мен билмабман. Аслида ўша Шоҳруҳ сени боқиб катта қилган экан.

У йиғлай бошлади. Эрининг отасига айтган гаплари

сугига бориб қадалганди, энди қизиники ундан ҳам ўтиб тушди.

Бошини кафтлари орасига олган Шахло жим қолди. Унинг кўзлари юмилган, ич-ичидан изтироб чекмоқда эди. Худди боши берк кўчага кириб қолган-у, ундан чиқиб кетишнинг сира иложи йўқ. “Иложи бор, — хаёлидан ўтказди қиз, — фақат бу усул Мурод акамни қаттиқ изтиробга солади. Лекин... Лекин кўнишиб кетади. Вақт ҳамма нарсани даволайди дейишади-ку. Эҳтимол, кун келиб ўзига бошқа бир ёр топар. Севиб уйланар. Шунда мени эсидан чиқазар... Оҳ, бунга қандай чидайман? Нажотки Мурод акам тунлари бошқа бир қизни эркалайди, соchlарини силайди, тўйиб-тўйиб ҳидлайди? Мен эса қора ерда ириб-чириб ётавераман. Атрофимда ўзимга ўхшаган мурдаларгина бўлади. Қўрқинчли, совуқ жой”. У қалтираб кетди.

— Йўқ... Йўқ, — дея бақириб юбориб ўрнидан сакраб турди.

Қизининг аҳволини кўрган Хонзода саросимага тушди. У бирдан қизини қучоқлаб бағрига босди.

— Ҳаммаси яхши бўлади, қизим, сен умуман қайтурма. Ана, доданг айтди-ку, бориб танишиб кел, деди. Сенга ёққан оила менгаям ёқади. Кўрасан, данғиллама тўй қиламиз. Оппоқ кўйлакда, узун “Лимузин”да келин бўлиб борасан уларнинг уйига.

Хонзода оғзига келган гапни қайтармас, мумкин қадар юмшоқ ва ўксик сўзларди. У қизининг кўнглини кўта-ришни ўйлаётганди. Ниятига етганди ҳам. Чунки қиз айни дақиқаларда амакисини бутунлай эсидан чиқарган, бутун ўй-хаёли Муродда эди.

— Оий, Мурод акамнинг ойилари сизга ёқади. Улар ниҳоятда меҳрибон аёл, — у шундай дея Хонзоданинг қучоғидан сирғалиб чиқди ва шоша-пиша сумкачасини ковлаб ён дафтар ва ручка чиқарди-да, тезда Мурод яшайдиган уйнинг манзилини ёзди.

Қизидан кўнгли хотиржам тортган Хонзода эрининг ёнига борди. Аллақачон бир шиша ароқни бўшатган Со-диқнинг кайфи ошиб қолганди. У столда бошини эгганча ўтирап, алланималар деб фўлдирап, олдидаги столни

урган киши бўларди. Хонзода уни ҳам авраб хурсанд қилиб қўймоқчи эди, қараса, бунинг мутлақо иложи йўқ. Эрининг қулоғига на гап киради, на эркалаб уни ўзига оғдириб олиши мумкин.

— Чўчқадан фарқингиз қолмабди-ку, хўжайин, — деди ўзини билмай ўтирган Содикقا.

Жавоби фўлдираш бўлди.

— Бундан баттар бўлмайсизми? — деб у эрининг ёнига келди-да, қўлидан ушлаб, ётоғига олиб бориб ташла-моқчи бўлганида, Содик гурсиллаб йиқилди ва оғзи ги-ламга қопланиб, пишиллай бошлади. Унга нафрат билан боққан хотин қўлини силтади. Ёстиқдошининг бошини озгина буриб ҳам қўймай, илдам юрганча хонаси томон кетди.

Кетар чоғида Шаҳлонинг хонасига калла суқди.

— Даданг маст бўп қопти, хабар оп қўярсан, мен бўлғуси қудаларим билан танишиб келай, — деди ил-жайиб.

Шаҳло ойисига жилмайиб боқди. Унинг кўзида бир олам қувонч бор эди. Аммо у ойиси нима ниятда кетаётганини ўйлаб кўрмади. Одам бир томондан иккинчи тарафга шунчаки оғиб кетмаслиги унинг хаёлига келмади. Мехмонхонада эса Содикнинг нафаси қайтаётганди.

* * *

Қоровулликка қолган йигитлар ҳам бироздан кейин безовталаниб қолишибди ва бирин-кетин йўлакка қараб югуришиди.

— Айни вақти, тезроқ юринглар, қочиб қолайлик, — деди Юлдуз.

Серқатнов катта кўчага чиққанларидан кейин уларга тегишли бўлган машина етиб келди.

Юлдуз бутунлай ўйга чўмган, атрофдагиларни унутиб, алланималар тўғрисида мулоҳаза қилар, ўйидан, тузаетган режаларидан қониқиш ҳосил қиласвермагач, узун киприкларини пирприратиб қўярди. У бирон оғиз гапирмагач, бошқалар ҳам манзилга етгунларича миқ этишмади.

Юлдунинг қайтиб келганини кўрган кампир қувониб кетди. Юз-қўзларидан ўпиб қутиб олди. Дарров дастурхон тузаш ҳаракатига тушди. Аммо қиз уни тўхтатди.

“Ишим бор, шаҳарга боришим керак”, деди. Унинг бундай қарорини кутмаган иккала йигит ҳам ҳайрон бўлишиди.

— Шоҳруҳ, — деди Юлдуз, — сиз мен билан бирга борасиз.

У бошқа гапирмади. Нарсаларини кампирга топшибириб, яна машинага ўтириди. Шоҳруҳ йўл-йўлакай қиз режасини айтса керак, деб ўйлаганди. Аммо Юлдуздан тагин садо чиқмади. Шаҳарга етганларидан кейин машинага ҳам жавоб бериб юборди.

— Энди нима қиласиз? — сўради ундан Шоҳруҳ.

— Шаҳарни айланайлик, бир-икки ресторонга кириб овқатланамиз, озгинадан ичамиз, сиз билан дам олишни истадим, — жавоб қилди қиз.

Тусида табассумдан асар ҳам йўқ эди унинг. Демак, недир жиддий иш қилмоқчи. Ажабланарли томони, буни Шоҳруҳдан ҳам яшираётган эди.

— Менга ишонмай қўйдингизми? — сўради йигит ундан.

— Нега бунақа деяпсиз?

— Ҳар қалай, майшат учун келмагандирмиз. Сабаби бордир.

Юлдуз хўрсинди, анча наридаги баланд иморатларга нигоҳини қадади.

— Хўп, айтаман. Мен бу ерда томир отишим учун зўравонларнинг илдизини топишум керак. Қачонки уларнинг илдизини қуритсан, кун бор менга, йўқса, ўлигими опкетишларингга тўғри келади. Шу ердаги итларга раво кўрмасанглар, албатта... Энди гапни қўпайтирмасдан кетдик. Аввал битта дўконга кирайлик, озгина сотворладиган нарсаларим бор.

Улар уч-тўртта дўконга киришди. Юлдуз ҳеч нарса сотиб олмади. Буюмларга бирма-бир қараб, қидирганини тополмаганидан кейин индамай чиқиб кетаверди. Шоҳруҳ ҳайрон, унинг ортидан эргашиб юраверди. Астасекин қизнинг қилаётган қилиқлари унинг меъдасига тега бошлади. Бир хаёл: “Дардингни айт, нима керак бўлса, ўзим топиб келаман”, демоқчи ҳам бўлди. Бироқ бу гапни айтишга улгурмади. Навбатдаги дўконга кирга-

нидан кейин қизнинг юзида қувонч аломатлари пайдо бўлди. У аввал елим бошларга кийгизилган сунъий сочларни ушлаб кўрди. Рангларига эътибор қилди. Сўнг уч-тўрттасини олиб қўзгу ёнига борди-да, бирма-бир кийиб кўра бошлади. Юлдузнинг елкасига тушиб турадиган қизифиши рангли сунъий соч унга ярашди. Бироқ қиз сафарини маъқул топди.

— Булардан ўзингизники минг марта зўр, — деди Шоҳруҳ қизга тикилиб, — нима қиласиз буни?

— Кийиб юраман. Агар одам шунақсанги сочларни қўпроқ кийса, ўзиники тўкилмасмиш. Ҳар қалай, қайсиdir журнада ўқиган эдим. Энди сизга танлаймиз.

Шоҳруҳ беихтиёр калта сочини силади, сўнг ажаблануб шеригига қарапкан:

— Менга кераги йўқ, ўзимники яхши, — деди.

— Биламан, лекин кийиб юришингиз керак.

Ҳартугул, унга қора соч танлашди, лекин у узун эди.

— Роса терларканман-да, — деди норози бўлган Шоҳруҳ.

— Бу ерда кечаси совуқ бўлишини қўрдингиз. Хавотир олманг, ҳечам терламайсиз. Яна бир нарсани сизга айтай: мени ёқтирмаслигингизни яхши биламан. Шундай бўлсаям, вақтинчалик севишганлар ролини ўйнаймиз. Хўпми?

— Ким айтди сизни ёқтирмаслигимни, — дея бирдан қизариб кетди Шоҳруҳ.

— Кўзларингиз. Ҳазиллашдим. Қани, қўлингизни беринг-чи.

Иккита ресторандан бор-йўғи бир кружкадан шарбат ичиб чиқишгач, Юлдузнинг безовталиги янада ошди. У ёнидаги йигитнинг қўлини қучганча ҳали у томонга, ҳали бу томонга юрар, тинимсиз хаёл сурар эди.

— Яххиси, — деди Шоҳруҳ, — казинога боришимиз керак. Менимча, улар, албатта, шунақсанги жойга келишади. Куни билан топган пулларини қаергадир сарфлашлари керак. Менимча, ресторандан кўра, уларга казинолар қулайроқ.

— Тўғри, — деди қиз ва йигитни ўзига қаратди, — хаёлимга келмаганини қаранг. Лекин шаҳарда казино

деганлари тиқилиб ётибди-да. Мен сизга айтсам, қиморнинг замонавий, ҳаммабоп, қонуний усуллари ҳам чиқади, деб ҳеч ким ўйламаган бўлса керак. Хў-ўш, битта гавжумини биламан. Аввал шу ёққа борайлик. Шаҳар шимолида. Ўзиям қоп-қора, баланд. Ёнига борсангиз, ваҳима босади. Салобатиданмас, совуқлигидан.

— Кетдик бўлмаса.

— Такси тўхтатинг.

Шоҳруҳ йўлақдан серқатнов катта йўл ёқасига чиқиб, зувиллаб бир-бирини қувиб ўтаётган машиналарга қўл кўтара бошлади. Бу пайтда елкасига қора сумка осган, спорт кийимидағи, бўйлари узун, озгин икки йигит Юлдузнинг ёнига яқинлашарди. Қиз уларга парво ҳам қилмади. Кўзи Шоҳруҳда, унинг эртароқ машина тўхтатишидан умидвор бўлиб турарди. Яқинлашаётган йигитлар атайлабдан Юлдузнинг икки тарафидан ўтди. Ўтди-ю, қутилмаганда қизнинг қўлидаги сумкачани тортиб олиб, бирдан қочишга тушди. Юлдуз бир неча сония карахтланди. Бироқ тезда ўзига келди.

— Сумкамни опқочиши! — дея бақириб юбораркан, уларнинг ортидан қува бошлади.

Йигитлар озгин эди, тағин оёқлари узун, аста-секин Юлдуздан узоқлаб кетавериши. Агар сумка ичидаги фажалат пул ва тақинчоқлар бўлганида ҳам майли эди, Юлдуз бемалол кечиб юбораверади. Бироқ иккита тўппонча, ўқ-дорилардан кечиб бўлмайди. Нима қилиб бўлсаям, қочоқларни қувиб етишлари, қўлларидаги сумкани тортиб олишлари шарт эди. Зумда Юлдузни қувиб ўтган Шоҳруҳ жон-жаҳди билан югурди. Шунда қочаётганлардан бири ортига қаради. Аҳвол чатоқ, қуваётган бола елдай учиб келаяпти. Агар шу алпозда яна беш дақиқалар қувса, албатта, етиб олади. Бунинг устига, тинимсиз сигарета чекканларидан нафаслари бўғилиб, ҳансирай бошлагандилар. Умидлари нима қилиб бўлсаям ўзларининг кварталларига кириб бориш. Бунга унчалик ҳам узоқ қолмаган. Узоги билан етти-саккиз юз метр. Тўғридаги катта йўлни кесиб ўтишса, тамом, кўп қаватли иморатнинг ёнидан ўтиб ҳовлига чиқишиади. У ерда ўзларига

үхшаган ўғри йигитлар домино ўйнаб ўтиришибди. Дар-ров ёрдам беришади.

— Нимадан күркәмиз?! — деб бақирди қочаётганлар-нинг бири шеригига. — Икковимиз битта боланинг жа-фина синдириб ташлолмаймизми? Кварталга бориш шарт эмас.

— Гавдаси катта. Спортсменга ўхшайди. Сумкани менга бер-да, уни тўхтатиб қол. Мен кварталдан болаларни айтиб келаман. Сенга ёнингдаги пичогинг ёрдам беради! — дея қичқирди унинг шериги.

Бу энг жўяли фикр эди. Зеро, ортдан қуваётган билан қочаётганларнинг оралиқ масофаси бор-йўғи ўн-ўн беш қадамга қисқарган эди.

Шеригининг гапини жўяли билган қочқин бирдан тўхтади-да, ёнидан пичноқ чиқарди ва Шоҳруҳга ташла-ниш учун тайёрланиб турди. Атрофда одам кўп эди. Ҳамма ўзини четга олганди. Зеро, қон тўкилиши муқар-пар бўлиб турган бир ҳолатга аралашмаган маъкул. Бу атрофда мелиса зотининг қораси ҳам кўринмасди.

— Келавер! — дея қичқирди ўғри. — Ичагингдан туф-лимга ип қиламан!

Шоҳруҳ унинг ёнига яқин қолганда тўхтади ҳамда бу ёғига шиддат билан юрди. Унинг афт-ангорини кўрган одамнинг юраги қинидан чиқиб кетарди. У шунақанги ғазаблангандики, агар рўпарасида пичноқ ушлаган ўғри эмас, бирорта йиртқич ҳайвон бўлганида ҳам бурдалаб ташлайдиган шашти бор эди.

Ўғри Шоҳруҳнинг кўксига пичноқ санчиш учун хез-ланди, бироқ унинг ҳаракати зое кетди. Ўзини бироз чапга олиб қолган Шоҳруҳ ўғрининг жағига шунақанги қаттиқ зарба бердики, кўзидан ўт чиқиб кетган йигит бечора гурсиллаб орқаси билан йиқилди ва шу ондаёқ ҳушидан кетди.

— Ўлдириб қўйишли! — бақирди томошаталаблардан бири.

Шоҳруҳ унга ўқрайиб қаради-да, анча узоқлаган ик-кинчи ўғрининг орқасидан югурди.

Аксига олгандай, айни у серқатнов йўлни кесиб ўта-ётганида, машиналарга яшил чироқ ёнди. Шунда ҳам

Шоҳруҳ тўхтамади. Югуришда давом этди. Агар очиқ йўлкадан ҳали чорраҳанинг сариқлигига ёки катта тезликда ўтиб келган “БМВ” тормоз бермаганида, Шоҳруҳни ер билан битта қилиб ташлаган бўларди. Чийиллаб тўхтаган машинадан сакраб тушган ёши ўтгиз бешлар атрофидаги эркак бўралаб сўкиниб қолаверди. Шоҳруҳ унинг гапларини эшитмади ҳам. Эшлишга вақт қаёқда дейсиз?

Қочиб бораётган ўғрига Шоҳруҳ етиб олди. Аммо кеч. Ўғри бола ўзига таниш бўлган, унча-мунча ўғрилик ҳам қилишган, бир-иккитаси ёшлигига ёки қамалиб чиқишига ҳам ултурган болаларни ёнига чақиришга ултурган эди. У ҳарсиллаб нафас олар, бироз букчайганча қўли билан Шоҳруҳни кўрсатиб:

— Ана... Анави Федяни чавақлаб ташлади, — дерди.

— Шу қоравой-а! — деди сочини хўрзининг кокилига ўхшатиб олган, қўлида занжир ўйнатиб турган барваста йигит. — Федяни?..

У ёнида беш-олтита ўзига ўхшаган болалар билан Шоҳруҳга яқинлашиб кела бошлади. Уларнинг ортида яна тўрт-беш йигит бор эди. Шоҳруҳнинг ёлғиз ўзининг кучи етмасди уларнинг ҳаммасига, аммо Юлдузнинг етиб келишини ҳам истамаётганди. Чунки бу дордан қочган болалардан ҳар нарса кутиш мумкин.

— Шефларинг ким? — сўради тобора унинг яқинига келаётган тўдага қарата.

— Ҳаммамиз шефмиз, биз битта одаммиз. Федянинг хунини биргалиқда оламиз, — деди хўроз тож йигит.

— Федянгга жин ҳам ургани йўқ. Фақат жагини силаб ўтишимга тўғри келди.

У шундай дейиши билан Юлдуз ҳам етиб келди.

— Яхшиликча, — деди Юлдуз асабий титраб, — суммаки қайтариб беринглар, йўқса, ўзларингга ёмон бўлади.

— О-о-о, хонимнинг гапини эшитдингларми? — дея ҳиринглади тўдабоши ва қўлидаги занжирни ҳавога кўтарди.

Шоҳруҳ ҳаводан келаётган қалин темирлар тўқимасига қўлини тутиб қолди. Гарчи занжир унинг билагига

үралиб қолган бўлса-да, суяги синиб кетай деди. Бироқ йигит мутлақо тусини ўзгартирмай, занжирни зарб билан ўзига тортиб, ёнида пайдо бўлиб қолган хўроздбошнинг аввал қорнига урди, энкайиб қолгач, орқа умуртқасининг мустаҳкамлигини тирсаги билан “текшириб” кўрди. Ўзини осмон билиб, шу атрофнинг қиролиман, деб юрган хўроздбош шу ондаёқ ер тишлади. Бош кетса, билакдаги кучнинг нечоғлик қудрати қоларди? Жиноят остонасида турганлар тарашадай қотишиди. Улар ҳам алам, ҳам газаб билан хўроздбошга термилиб туришарди.

— Яна мардинг борми? — сўради Шоҳруҳ улардан.

Тўдадан садо чиқмади. Йиртиқ-ямоқ шим, турли-туман расмлар чизиб ташланган футболкалар кийган, айримлари қулоқларига сирға тақиб олган йигитлар бир-бирларига қарашиди. Нигоҳлар тўқнашуви журъат берди, шекилли, бараварига Шоҳруҳ билан Юлдузга ташланишиди. Қиз жуда чаққон ҳаракат қиласарди, ёнига яқинлашганни осонлик билан чалиб, тепиб ёки қўлларидан қайириб афдаарди. Шоҳруҳ эса рақибларини тинмай мушт билан сийларди. Олишув беш дақиқача давом этди. Гарчи кўпчилик бўлишса-да, бокс устаси билан каратэни санъат даражасига кўтарган қизга бас келишга кўзлари етмагач, “ўз-ўзини хафа қилдирмайдиган” гуруҳ аъзолари бирин-кетин қочишига тушишиди. Ўртоқларининг калтак ейишига сабабчи бўлган йигит ниҳоят қўлга тушди. У муштлашувга мутлақо қўшилмаганди, лекин нима бўлди-ю, Юлдузнинг ёнига келиб қолди. Қочмоқчи бўлганида, оёқлари чалишиб кетди-да, асфальтга ёпишди. Қўлидаги сумка учиб кетди. Безорилар жуфтакни ростлаганларида, Юлдуз асир қолган хўроздбошни кўрди. Кўзи кўкарган, оқсоқланганлар ҳам дам-бадам ортларига қарай-қарай қораларини ўчиришгач, бурни синганидан юришга ҳам мадор тополмаган хўроздбош бир қўли билан юзини яшириб тепасида турганларга ўғринча қараб ўтиради.

— Исминг нима? — сўради Юлдуз кутилмаганда юмшоқ оҳангда.

— Александр, — деди йигит ва секин ўрнидан туаркан, — бошқа урмайсизларми? — дея сўради.

— Йўқ, урмаймиз. Аввал ҳам урмасдик бизга тегишли нарсани вақтида берганларингда, — деб Юлдуз Саша-нинг ўрнидан туришига кўмаклашди.

— Агар мен биронтанинг шунақанги абжагини чиқарсам, ҳеч қачон ёрдамлашмасдим. Баттар ўласи қилиб қалтаклаб ташлаб кетардим, — деди кутилмагандан мурувват кўрган Александр.

— Чунки сен қанчалик ўзингни ёмон кўрсатишга уринма, барибир ёмон бўлолмайсан. Бўпти, омон бўл, бошقا йўлимиздан чиқманглар, — деда Юлдуз Шоҳруҳнинг қўлидан тутиб хўрзобошдан узоқлаша бошлади.

— Тўхтанглар, — деди Саша уларнинг ортидан бироз қараб тургач, — балки кўришиб турармиз. Мен сизларга ўхшаганларни қидириб юргандим.

— Шунақами? — деб Шоҳруҳ изига қайтди-да, унинг ёнига келди. — Шаҳарингда бизга ўхшаганлар тиқилиб ётиби. Борсанг, ҳеч бўлмагандан югурдакликка қабул қилишади сени.

Александрнинг бирдан юзи ёришди.

— Ака! — деди бошини эгиб. — Майда-чуйдаларни улар яқинига йўлатмайди.

— Сен майдамисан? — деда кулди Шоҳруҳ.

— Улар шунақа ўйлашади. Қўриниб турибди, қандайдир тўданинг одамисизлар. Биз ҳам шаҳарда кўкрак кеरиб юрайлик. Уришишларинг даҳшат экан. Мен-чи, сизларга жуда кўп маълумотлар тўплаб беришим мумкин.

— Фақат шуми ниятинг? — сўради ундан Юлдуз.

— Йў-ўқ, анави “Буратино”дан қасдимдан олишим керак. Опамни икки йил аввал зўрлаган, кейин хўрланган. Шайкаларигаям ташлаган. Маргарита эрталабгача бормаган, хуллас, ўчимни оламан!..

Юлдузнинг эти жимиirlаб кетди:

— Ким у “Буратино” деганинг? — сўради Сашадан.

— Шаҳарда уни ҳамма танийди-ку. Айтишларича, собиқ иттифоқ даврида келган экан. Қишлоғида ўғирлик қилиб қўлга тушган. Бизда ўтириб чиққан. Турмадан чиққач, шу ердаги бир-иккита кўчанинг болалари билан танишиб, қолиб кетган. Иттифоқнинг абжаги чиқаётганда арzon-гаровга катта-катта дўконларни сотиб

олган. Эшитишимча, заводлари ҳам бор. Ўн йил аввал опам Маргарита унинг қўлига тушиб қолган. Ўша пайти у эндиғина ўн олтига кирган эди. Опамнинг хунини оламан!

— Тушундим, — деди унга тикилиб турган Юлдуз, — менимча, бизга қўшилганинг билан унга кучинг етмайди. Чунки заводлари бор одамнинг озмунча пули бўлмайди. Пули кўпми, демак, одамлариям кўп. Яна ўша одамларининг ярмидан кўпи каллакесар. Ҳа, нега уни “Буратино” деяпсан?

Бутунлай кайфияти тушиб кетган Александр ерга қараб нималарнидир хаёл қилди, кейин қизга юзланди:

— Билмадим, бурни узун бўлгани учундир, эҳтимол.

Сашанинг аввалги шашти бутунлай қолмаганди. У калтак зарбидан ҳам кўпроқ Юлдузнинг рад жавобидан азобланди.

— Хафа бўлма, — деди дарров унинг ҳолини англаған қиз, — сен билан кўришиб турамиз. Лекин бизни қандайдир жиной гуруҳнинг одамлари деб ўйлаганинг ажабланарли. Бўпти, хайр.

Қизнинг кайфияти чоғ эди. Шоҳруҳнинг қўлидан тутиб илдам қадам ташларди. Йигит унинг қандайдир куйни хиргойи қилганини ҳам эшитди.

— Шунча болани уриб енганимиздан хурсандмисиз дейман? — сўради Шоҳруҳ.

— Асло! Мен қидираётган одамимни топдим. Саша жудаям керак бўлса-да, атай уни нари итардим. Лекин бутунлай ноумид қилмадим ҳам. Демак, у бизни барibir излаб топади. Кейин аста ўзимизнинг одамга айлантириб қўяман. Бу ердаги одамларни, айниқса, зўравонларни яхши билади. Сабаби, опасининг қасдини олиш учун кўп изланган. Ҳуллас, фойдаси тегади. Уқдингизми, яхши йигит? Ёки яна саволларингиз борми?

— Тушундим, лекин бирдан унга ишониб қолганингизга ҳайрон бўляяпман.

— Мен унга ишонибманми? — деб кулди Юлдуз. — Сирайм ишонганим йўқ. Фойдаланиш керак, холос, севгилим.

— Нега “севгилим”?

— Келишдик-ку! Бир кун севишганлар ролини ўйнаймиз.

— Бор-йүғи бир кунми?

— Балки икки кундир.

Шохруҳ чуқур хўрсинди.

— Эй, йигит, — Юлдуз Шохруҳни тўхтатиб ўзига қаратди, — шунчалик кўримсиз, ёқимсизманми?!

— Икки кун камлик қиладими дейман?

— Ҳа-а, гап бошқа ёқда денг. Ёқмай кетсин! Лекин иложингиз йўқ. Ана шу икки кун ҳам етади. Балки орачора яна шу ўйинни қиласмиш. Фақат илтимос, бошқа нарсани хаёлингизга ҳам келтирманг. Келишдикми?

Шохруҳ жавоб қилмади. “Хўп”, дегандек бошини қимирлатди. Аммо туси бирдан жиддийлашди. Гарчи атрофни йўл четидаги чироқлар ёритиб турган бўлса-да, йигитнинг юзидағи ўзгаришни тўлиқ кўрсата олмасди. Аммо қиз гапи Шохруҳга ёқмаганини сезганди.

Ўн беш дақиқача иккови ҳам сўзсиз ўз хаёллари билан андармон бўлиб юришди. Улар ҳатто ёнма-ён кетаётганларини ҳам унтишганди. Юлдузнинг юзи аламли тус олган, киприкларидаги ёш томчилари оқишига ҳозирлик кўраётганди. Шохруҳ Юлдузнинг одамлари қаторига қўшилиб нотўғри иш қилмадимми, деган ўйда бош қотирарди. Айни чоғда акаларининг, айниқса, янгаси Хонзоданинг “каромат”лари хаёлига келиб, ўкинарди ҳам. “Уйдан чиқиб кет, бу хонадонга ортиқчасан, дейишганида ҳам олам гулистон бўларди-ку, индамай кетардим. Шу арзимас нарса учун тепкилаш шартмиди?” — ўйларди у.

— Шохруҳ, — деб қолди бир маҳал Юлдуз, — борамизми казинога?

— Ниятингиздан қайтдингизми? — деди Шохруҳ қизга нигоҳ ташлаб.

— Йўқ.

— Унда борамиз. Ҳозир мен такси тўхтатай. Сиз эҳтиёт бўлинг, яна бирортаси сумкангизни опқочиб кетмасин.

Юлдуз енгил кулди ва йигитни туртиб қўйди.

Киз машинада кетаётганларида салон чироғининг ёруғида ўзига обдан оро берди. Ҳайдовчининг ойна орқали

тез-тез Юлдузга кўз ташлаб қўяётганидан Шоҳруҳнинг рашки келди-ю, аммо индамади.

Ҳақиқатан ҳам одамни Юлдуз таърифлаган казинонинг салобати босар экан. Шоҳруҳнинг унга кўзи тушиши билан эти жимиirlади. Шеригидаги ўзгаришни сезган Юлдуз унинг қўлини маҳкамроқ қисди.

— Азизим, — деди майин табассум билан, — бугун роса дам олиб кетамиз, худо хоҳласа.

Шоҳруҳ ҳам жилмайишга уринди-ю, аммо ўхшатолмади. Шундай бўлса-да, бироз дадиллашди.

Шоҳруҳ беш-олти жойдаги бильярд стол, яна алламбало ўйинлари бўлган жойлар, айланадиган рақамлар, йирик-йирик нарда тошини улоқтирадиган мослама ва ҳоказоларни энди қўриб туриши эди. Дарров қизиқиши ортиб, ўйин жиҳозларига алоҳида эътибор билан қарай бошлади.

— Шоҳруҳ, сиз буларнинг барини аввал минг марта-лаб кўргансиз, ўзингизни бемалол тутинг, — деди Юлдуз бироз хижолат тортиб. У сўзлаш асносида йигитнинг қўлидан секин чимдиг ҳам қўйди.

Шу маҳал уларнинг ёнига ҳар елкасида битта одам кўтарадиган тақирбош бир рус йигит келиб:

— Хизмат? — деди иржайиб қўлини қўксига қўяркан.

Шоҳруҳ билан Юлдуз ҳали оғизларини очишга улгур-масларидан, унинг ўзи таклифларни бирма-бир санаб кетди.

— Агар қорнингиз очган ёки аввал озгина қизишиб олмоқчи бўлсангиз, бемалол қаҳвахонага киринг, турили спиртли ичимликларимиз бор. Бирдан ўйинни бошлаш ниятларингиз бўлса, ҳозир ёнингизга ажойиб гўзал қизни жўнатаман. У сизнинг ҳамма айтганингизни бажаради.

— Раҳмат, — деди Юлдуз унга майин жилмайиб, — яххиси, биз озгинадан пиво ичамиз, кейин...

Қиз гапларини охиригача етказа олмади.

— Марҳамат, — дея йигит уларни бинонинг шимолий томонига бошлади.

Тўрт кишилий етти-саккизта стол. Учтасини хўрандалар эгаллаган, қолганлари бўш.

Юлдуз ўтиаркан, девқомат йигитга жилмайиб қўйди.

Орадан бир дақиқа ҳам ўтмасдан хизматчи қиз келди. Шоҳруҳ пиво буюртма берганида хизматчи қиз ўн беш хилдан ортиқ пивонинг турини айтди.

— Энг яххисини олиб келинг, — деди Шоҳруҳ боши қотиб.

— Бизда ёмон пивонинг ўзи бўлмайди, — дея жилмайди қиз.

— Уфф, қийналиб кетдим. Кўзингизга қайси яхши кўринса олиб келаверинг.

Шундан кейин ҳам хизматчи қиз тезда кета қолмади. Пивога нима қўшиб келишини сўради. Табиийки, унинг ҳам тури кўп эди. Шоҳруҳ барча саволларга Юлдузни рўпара қилгачгина унинг охири йўқ, аммо ниҳоятда жозиба билан берилган саволларидан кутулди.

— Бунақада ҳеч нарса ичмай чиқиб кетади одам. Яхшиямки, фақат пиво айтганимиз. Агар бошқа нарсаларният буюрганимизда... Бир соат қайсиниси, қанақаси, деб тураркан, — деди Шоҳруҳ хизматчи қиз ҳамма саволларига жавоб олгач, минг бир ишваларини кўз-кўз қилиб узоқлашганидан кейин.

Юлдуз қулди, сўнг:

— Кўзига ўтдай кўриниб кетган бўлсангиз керак-да! Энди сиздай йигитни ҳар қандай қиз илинтирсам, деб орзу қиласди-да, — деди киноя билан.

— Унда шунинг учун ҳам шу пайтгача биттаям қизнинг қўлидан ушламаган эканман-да.

— Нега ёлғон гапирасиз? Менинг қўлимни ушладингиз-ку! Ёки аллақачон мени қизларнинг қаторидан чиқариб юбордингизми?

— Ушлаш билан ушлашният фарқи бўлса керак.

Агар қўшни стол атрофини бир-биридан девсифат, юзларидан музнинг нафаси келадиган, кўзлари чақчай-ган, яна шу ҳолларига лабига гавана сигареталарини қистириб олган тўртта барзанги келиб ўтирганида, уларнинг ҳазили кўп давом этарди. Меҳмонларнинг ёнига бир йўла бешта хизматчи қиз келди. Боягидай эзмалик қилишмади. Ҳатто савол ҳам беришмади. Оғизларидан “хўп”дан бўлак сўз чиқмади. Сўнг буюрилган нарсаларни олиб кетишга югуришди.

Шоҳруҳ билан Юлдуз эса бир-бирларига сирли нигоҳ ташлашиди.

— Мұхаббат сүзларини биласизми? Бирорға севги из-ҳор қылғанмисиз? Мени севишингизни, менсиз яшол-маслигингизни айтинг. Тұхтамай гапириңг, баландроқ овозда, — деди Юлдуз Шоҳруҳға жилмайиб. Агар син-чиклаб унинг юзига қаралса, әлас-әлас безовталиқ нишоналарини күриш мүмкін еди.

Шоҳруҳ дарров унинг нима демоқчилигини англаға. Фақат дабдурустдан бунақанги буйруқ берилгач, сүзни нимадан бошлашни, қайси тилда гапиришни билолмай довдираға.

— Йигитлар доим қызларни алдаш пайида бўлишади, — деди шеригининг сусткашлыгидан асабийлашса-да, ўзини босишга, нафақат босишга, балки йигиттага эҳтирос билан боқиб табассумини ошкор қилишга ҳам куч топиб. — Мен сизни бутунлай бошқа жойда севги из-ҳор қиласиз, деб ўйлагандим. Бу ерга дам оламиз, бироз қимор ўйнаймиз, деганингиз учун келгандим. Сизнинг бўлса дарров хаёлингиз бузилди.

— Сизни учратиш қийин. Қиз бола бошингиз билан заводда технологлик қилаяпсиз. Эрталаб ишга келиб, кечқурун ҳориб-толиб кетасиз. Бирон жойга таклиф қилишгаям одамнинг қўнгли бўлмайди. Шундай бўлсам неча мартараб айланишга таклиф қилганман. Лекин доим рад жавобини бергансиз. Ҳозиргидай имконият яна бўладими-йўқми, Худо билади. Шунинг учун бу ерни қулай билиб...

— Сизга розилик берганим йўқ. Агар берган тақдиримдаям учрашиб юрмайман. Тўғри ЗАГСга борамиз, қонуний эр-хотин бўламиз, сўнг айланишлар бўлаверади, — деди Шоҳруҳға жавобан Юлдуз, юзида жиддийлик аломатлари пайдо бўларкан.

— Демак, сизни севишимга, еру кўкка ишонмай, кафтимда кўтариб юришимга ишонмайсиз. Унда айтганингиздай қиласиз. Эртага саҳардан мен сизни ЗАГСга олиб бораман. Келишдикми?

Юлдуз кулиб юборди. Майин, ширали, нозли овозда кулди. Унинг кулгисини қўшни столда ўтирган барзан-

гилар ҳам эшитди. Улардан бири ошиқ-мошиқларга қара-ди. Қаради-ю, термилиб қолди. У Арзунинг йигитлари-дан бири эди. Кўзи ўтдек ёнарди. У Юлдузни кўрганди. Қиз хўжайнини тепкилаб, ҳамманинг кўз олдида шар-манда қилганди. Танасидаги шайтоний кучлари кўпириб олдинга интилтирганди уни. Юлдузни бўлакларга бўлиб ташлагиси келганди, ундан кейин бутун уруғ-аймоғини бошқалар олдида ерга урган Арзунинг қонини ичмоқчи эди. Лекин жойидан қимиirlай олмади. Ҳадди сигиб ўзидан амали баландлардан олдинга ўтиб кетолмади. Аммо қизнинг сумбати хаёлида мангуга муҳрланди.

* * *

Агар Шаҳло ойиси кетиши билан унинг ортидан пас-тки қаватга югуриб тушиб, дадаси ётган хонага кирмага-нида, яна икки-уч дақиқа кечикканида, Содиқ жон тас-лим қиласарди.

— Дадажон! — деб бақириб юборди Шаҳло. Отаси қимир этмас, ҳатто нафас олаётгани ҳам билинмасди. Икки қўли бўшашган, соchlари тиккайган. Уни кўрган одам сира ухлаётганга ўхшатмайди. Худди кўча-кўйда мастиликдан ёки кутилмаган оғир касалликдан жон бе-риб, эндиликда бу бечорага одамлар зигирча бўлсин эъти-бор бермай, балки нафрат билан қараб ўтиб кетаётган-дай эди. Кутилмаганда Шаҳлонинг кўзи тушди. Кутил-маганда қиз унинг ўлиб қолганини сезиб қолди... Ҳар қалай, Шаҳлонинг назарида шундай эди. У отасини кўри-ши билан ўлиб қолибди, деган хаёлга борганди.

У шошилганча дадасининг бошини кўтарди. Шундан кейингина Содиқ бирдан нафас олди. Гёё саҳрода қолиб ўлгудай чанқаган, кейин кутилмаганда сувга дуч келиб ичишгаям қаноат қилмай ўзини отгандай бўлди.

— Дадажон, сизга нима бўлди?! Нега бунақа ётибсиз, мени қўрқитиб юбордингиз! — деди Шаҳло йиглаб.

Содиқ кўзини ним очди. Қуюқ туман орасида қизини кўрди. Хунук ўшшайди. Гапирмоқчи эди, оғзидан фўлди-раш билан бирга одамнинг таъбини хира қиладиган ҳид ҳам чиқди. Шаҳло афтини буриштириди.

— Уфф, дада, бунча кўп ичдингиз? Келинг, ваннага

обораман, — дея Шаҳло Содиқнинг қўлидан ушлаб турғазмоқчи бўлди. Бироқ ҳарчанд уринмасин, падари бузрукворини жойидан ҳам жилдиролмади.

— Озгина ёрдам бервординг, кучим етмаяпти. Сиз ҳам ҳаракат қилинг.

Қизининг гаплари Содиқча узоқ-узоқлардан эшитиларди. У Шаҳлога ёрдамлашиш кераклигини англади. Лекин қанақа ёрдамлигини тушуна олмади. Гапиради, гаплари фўлдираб чиқаётганини билмайди. “Қизим анқов бўй қолдими, ҳеч балога тушунмайди?” — деб ўйлайди.

Охири у қамирлади. Нима гап-сўзлигини билмоқ учун ўрнидан туришга уринди.

— Яна озгина, озгина, ҳа, ана, — отасини турғазганидан хурсанд бўлди Шаҳло, — энди юринг. Бир, икки, уч...

Ҳартугул, Содиқ ювиниш хонасига етгунича йиқилмади. Қизининг елкасига суюниб, боши ҳар томонга силкиниб юрди.

Гарчи Содиқнинг бошидан Шаҳло совуқ сув қуяётган эса-да, унга иссиқдай туйиларди.

— Совуқ, — деди у ниҳоят тили калимага келиб.

— Иссиғидан ҳам очайми? — сўради Шаҳло дадасининг гапирганидан хурсанд бўлиб.

Содиқ бошини сарак-сарак қилди. Бунга ҳам қаноат қилмай фўлдиради:

— Иссиғини ёп, фақат совуқ сувни оч!

Шаҳло, мабодо иссиқ сув жўмрагини ҳам очиб қўйдимми деган хаёлда, оқаётган сувга қўлини теккизисб кўрди. Сув муздай. Агар бироз қўл теккизисб турса, совқотиб қолиши ҳам ҳеч гапмас. У дарров отасининг бошини кўтарди.

— Бўлди, шамоллаб қоласиз. Ваннани илиқ сувга тўлдираман, озгина ётсангиз, яхши бўласиз.

Орадан ўн беш дақиқача ўтгач, бўйнигача сувга чўккан Содиқ лаззатланиб ухлаб қолди. Унинг отаётган хурраги ташқарига ҳам эшитиларди. Шаҳло унинг тепасига келди. Бироз қараб турди. Бир хаёл турғазмоқчи бўлди. “Майли, яна ўн минутча ётсин, кайфи бутунлай тарқа-

син, кейин турғазаман. Унгача кофе тайёрлаб қўяй”, дея хаёлидан ўтказди.

Қаҳвага шакар аралаштираётганида қўл телефони жиринглаб қолди. Телефон экранига қаради. Муроднинг рақами ўчиб ёнаяпти. Ичидан шодлик отилиб чиқиб, юзида табассум шаклида кўриниш берди.

— Нега жимиб қолдинг, жоним? Сендан роса хавотир олдим, — деди Мурод Шаҳлонинг овозини эшитиши билан.

— Ҳали ҳаммасини айтиб бераман. Ҳозир ойим сизларнига бордиларми? Кетганларига анча бўлди. Етган бўлишлари керак, — деди Шаҳло шўх овозда.

Мурод билдики, қизнинг кайфияти яхши. Демак, ойиси ҳам уларнига яхши ниятда келаяпти. Унинг юраги бирдан орзиқиб кетди.

— Лекин ҳозиргача келмадилар... Шошма, кимdir келганга ўхшайди. Кимdir қўнфироқни босди. Эсиз, эртароқ айтмабсан-да, тайёргарлик кўриб қўярдик. Эшикни очай-чи, кейинроқ ўзим телефон қиласман, — деб Мурод қизил тутмачани босди.

Дарров ойисига меҳмон келганлигини айтди. Фотима опа кимлигини сўраганида, шивирлаб Шаҳлонинг онаси эканлигини тушунтириди. Фотима опа шошиб қолди. Шундоғам батартиб бўлган меҳмонхонани бир сидра кўздан кечирди.

Мурод эса бориб эшикни очди. Шаҳлодан унинг ойиси ҳақида қўп эшитган, тасаввурида қовоғидан қор ёғадиган, хўмрайиб боқадиган аёл сиймоси қотиб қолган эди. Шу боисдан ҳам эшикни ўзи очмоқчи бўлди. Хўмрайиб турган бўлса, бир-икки оғиз ширин сўз айтади. Озгина юмшатади. Кейин онасига кўрсатади. Ҳартугул, юзида озми-кўпми нури бўлган аёлни кўрсатади.

У эшикни очди-ю, бутунлай бошқача аёлни кўрди. Қадди-қомати келишган, соchlари елкасига тушиб турувчи, юз-кўзлари обдан бўялган, елкалари очиқ, икки кулоқларида тилла сирға ярқираган, ўттиз ёшлар атрофига бўлган аёл.

Қаҳрлига ўхшамас эди-ю, лекин шумлик бордай.

— Ассалому алайкум, — деди мулойим овозда.

— Сиз, — деди Хонзода Муродни бошдан-оёқ кузатища давом этаркан.

— Сизга ким керак эди? — сўради Мурод мумкин қадар ўзини самимий тутишга уриниб.

— Агар шу Муроджонларнинг уйи бўлса... Мен Шаҳлонинг ойиси бўламан.

— Шунақами? Келинг, келинг, — дея дарров Мурод бўлғуси қайнонасига (ҳар қалай, у шу фикрда эди) йўл бўшатди.

Хонзода оstonада ҳам бир муддат турди. Деворга ёпиширилган оддий қофозга, шифтнинг шунчаки оҳаклаб қўйилганига, оёқ остидаги эски гиламчага қараб, бурнини жийириб қўйди. Озгина ўзига тўқ бўлса, йигит яхши бўлса, балки рози бўларман, деган фикр ҳам йўқ эмасди унинг хаёлида. Уйидан чиққанидан кейин шу фикрга келувди. Озгина кўнгил илиши дарров ҳавога учди-кетди.

Сўрашиш учун унинг истиқболига чиққан Фотима опа билан номигагина кўришди.

Гарчи ҳамма ёқнинг батартиблиги хонадоннинг ниҳоятда озодалигидан далолат бериб турган бўлса-да, ижирғанишга ўзида куч тополди. Столга ҳам омонатгина, гўёки хонадоннинг камбағаллиги унга ҳам юқиб қоладигандек ўтирди.

— Шаҳло менинг қизим бўлади, — деди чой олиб келиш учун ўрнидан турмоқчи бўлган Фотима опага.

— Шаҳлохон жудаям ажойиб қиз экан, умридан барақа топсин. Кўришим билан менга ёқиб қолди. Худди ўзим орзу қилган қиз экан, — дея оғзидан бол томиб Хонзоданинг қизини мақташга тушиб кетди Фотима.

— Ҳа, шундай, бошқача ўзи у, — деди Хонзода унинг гапини тасдиқлаб, — яхши одамларнинг қўлида тарбия топган-да, камчилик кўрмаган, тўқ яшаган...

Унинг гаплари Фотима опага оғир ботди. Лекин у буни билдирамаслик учун жилмайиб:

— Кўриниб турибди, муомаласидан, — деди.

— Соддалигиям бор-да, — деди сўзларига алоҳида таъкид бериб Хонзода, — бўлмаса ўз тенги билан топишарди. Эшикни очган ўғлингиз, чамамда. Гапдонгина йи-

гитга ўхшайди. Одатда, кўп гапирадиганларнинг қўлидан ҳеч вақо келмайди. Бири икки бўлмай ўтиб кетади.

Фотима ҳанг-манг бўлиб қолди. Дарров нигоҳини ерга қаратаркан, деди:

— Муроджон кўп гапирадиганлар хилиданмас, “ичимдагини топ” дейдиган. Икки-учта жойда ишлайди. Мақтамоқчи эмасман-у, лекин ўғлим ишлаганидан бери рўзгоримизга барака кирди.

— Кўриниб турибди. Энди-и, очигига кўчиб қўя қолайлик. Нимани яширмайлик, эрта бир кун барибир ошкор бўлади. Эскилар бекорга кўрпангга қараб оёқ узат, дейишмаган. Сиз билан мен бутунлай бошқа-бошқа одамлармиз. Шаҳло ёшлигига бориб, ўғлингизнинг ширин гапларига учган. Бу ерни бир кўрса, қайтиб қадамини босмайди. Шунинг учун болангизга айтинг, қайтиб қизимни безовта қилмасин. Бечора Шаҳло, адашганидан уйда куйиб-ёниб ётибди. Мендан илтимос қилди: “Бориб айтинг, мен у хонадонга келин бўлмайман”, деди. Ўзи ўғлингизга айтишга уялибди. Онаман, мана келдим, яхшиликча ҳаммасини сизга тушунтиридим. Менинг ўрнимда бошқа хотин бўлганда, қиёмат қиларди.

Фотима опа ҳайкалдек қотиб қолган, Хонзоданинг гаплари бир қулоғидан кириб, иккинчисидан чиқиб кетаётганди.

— Ҳалиги, — деди Хонзода ўрнидан туришга ҳозирла наётганида, — ёшлар бир-бирларига кўнгил қўйган, уларнинг бахтига қандай қилиб тўсиқ бўламиз?

— Уфф, айтдим-ку сизга! Орада ҳеч қанақа яхши кўриш бўлмаган, шунчаки ҳавас. Бугун бор, эртага йўқ. Дарров бир-бирини эсларидан чиқариб юборишади. Мана кўрасиз, ўғлингизнинг отини Мурод дедингизми? Хуллас, ўша бола, ўзига мос — сал “бундайроғи”ни топади. Мен ҳам қизимни ўзимизга ўхшаган бой-бадавлат хонадонга узатаман. Шунинг учун ҳеч нарсадан ташвиш қилманг.

У гапини тугатиши билан меҳмонхонага Мурод кириб келди. Унинг ранги оқарган, кўзи алланечук ёнарди.

— Қанчалик қаршилик қилсангиз ҳам мен Шаҳлога уйланаман. Мен унга шунчаки ҳавас қилганим йўқ.

Қизингиз ҳам мени яхши күради. Сиз келмасингиздан олдин телефон қилиб, бошқача гапирувди, — деди.

— Шаҳло менинг қизим! — деди Хонзода овозини баландлатиб. — Тақдиря� менинг қўлимда. Икки қулоғинг билан эшитиб қўй, йигитча, агар унга яна бир марта яқинлашсанг, ўлдиртириб юбораман!

* * *

Қизнинг парик кийиб олгани унинг кўзини чалғитди. Қараганида бошқача нигоҳ, эҳтирос билан боққанди. Юлдузнинг шу ерда бўлиши унинг хаёлига ҳам келмаганди. Билгани — ниҳоятда сулув қизга қандайдир йигит севги изҳор қиласяпти. Афтидан, қизга бу йигит ёқмаяпти. “Қаёқдан ҳам ёқсин? Унга мана бизга ўхшаганлар, тоғни толқон қиласиданлар керак. Бўш, латталарни деб, гулдай умрини ҳавога совурсинми?” У ёнига хизматчи қизни чақирди ҳамда унинг қулоғига:

— Анави столга менинг номимдан битта шампан виноси, шоколад ва гул келтириб қўй, — деди. Унинг гапларини шериклари ҳам эшитишди. Аввалига ҳиринглашди. Сўнг жозиба маликаси бўлмиш Юлдузга бошқача кўз билан қарашди. Сергак Юлдуз қўшни столдагилар эътиборини тортганини англади. Бир неча дақиқадан кейин нимадир содир бўлишини ҳам ич-ичидан сезди ва Шоҳруҳга жилмайиб:

— Агар тезда кўнглимни тополмасангиз, қуруқ қоласиз, — деб чап кўзини қисиб қўйди.

Шу маҳал уларнинг буортмасини хизматчи қиз олиб келди.

— Ростини айтсам, — деди Юлдуз шивирлаб, — шу пайтгача бирор мартаям пиво ичмаганман. Маст бўп қолмайин тағин.

— Озгина ичинг, бировга билдирамай менинг кружкамга солиб қўйинг, тушундингизми? — деди Шоҳруҳ унга жавобан.

— Вой айёр-эй! Лекин розиман. Кейин биронта ўйин ўйнаймиз.

Ташқаридан қараганда, Шоҳруҳ Юлдузнинг кўнглини топгандай эди. Иккаласи ҳам хушчақчақ, маза қилиб пиво ичишаяпти, мазали овқатлар тановул қилишмоқда.

Йигит-қизнинг тил топишиши қўшни столдаги барзангига ёқмади. У ошиқ-маъшуқларнинг ҳар бир ҳаракатини кузатиб ўтиради. Ниҳоят, унинг буюртмаси Юлдуз ўтирган столга келтирилди.

— Кечирасиз, — деди Юлдуз қизга ажабланиб қарапкан, — назаримда, сиз адашдингиз. Биз шампан виноси, шоколад ва гул буюртма қилмагандик.

— Сиз учун маҳсус, қўшни столдагилар буюришди...

Юлдузниң кўзи ўзига еб қўйгудек термилиб турган қўшни столдаги барзангига тушди. Бир неча сониялик нигоҳлар тўқнашувидан кейин дарров у кўзини олиб қочди. Шоҳруҳ пешонасини тириштириди. Ўз-ўзидан қўллари мушт бўлиб тугилди унинг.

— Ёқиб қолдими? — деди киноя билан.

Юлдуз унинг гапини ҳазилга бурди. Атайнин бошқаларнинг кўзича шундай деяпти, деб ўйлади. Ваҳоланки, Шоҳруҳ ўзбекча гапирганди. Ўзбек тилини бу ерда улардан бошқа ҳеч ким тушунмайди. Бироқ қиз эътибор бермади. У ҳали ҳам келишилган ўйин давом этаяпти деб хаёл қилиб ўтиради.

— Агар ёқсан бўлса нима қиласингиз? — жилмайди Юлдуз.

— Ўрнимдан тураман-у кетаман. Қолаверасиз, ўша сўхтаси совуқ билан...

— Вой-вой, жинни, нималар деяпсиз? Нега ўз тилимизда гапирайпсиз?

Юлдуз шундай деди-ю, бирдан қовоғи осилди.

— Аҳмоқ, — деб қўйди ортидан.

Бу маҳал қўшни столдаги барзанги ўрнидан туриб, секин уларнинг ёнига яқинлашаётган эди. Юлдузниң ичи музлаб кетди. Шоҳруҳ саросималанди.

— Шампан виносини сизларга ўзим очиб беришни хоҳлардим, — деди барзанги хунук иржайиб.

— Кечирасиз, — майин сўзлади Юлдуз, — биз вино ичмаймиз, овора бўлибсиз.

— Демак, пиво ичасизлар. Жудаям соз. Келинглар, ҳеч бўлмаганда, мана шу ерда қўшни бўлиб қолганларинг учун ичамиз.

У йигит билан қизни ҳайрат оламига тушириб, без-

бетларча стол устидаги пиводан қадаҳларга қыйди. Ўзига қадаҳ йўқ эди. Агар буйруқ кутиб термилиб турган хизматчига бир имо қилганида, шу заҳоти унинг истаги бажариларди. Аммо у бундай қилмади. Шишани қўлига олди ҳамда Юлдузга қараб:

— Овозингиз ниҳоятда таниш туйилаяпти, мабодо бирон жойда кўришмаганмидик, — деб сўради. У бу гапларни айтгунча икки-уч дақиқа ўтиб кетди. Сўзларга кўпам тили келавермаганидан тутилиб, ҳатто ўйланиб гапириди.

— Асло! Мен сизни ҳеч қачон кўрмаганман.

Юлдузнинг кескин, дадил гапи барзангини бироз довдиратди. У қалин қошларини чимириб:

— Отдик, — деди.

Барзанги қолган-қутган пивони қултиллатиб ютиб бўлгач, лабини артди-да, жойига кетди. Азбаройи яхши сўзлолмаганидан кетди. Юлдузнинг ёнида ўзини ноқулав сезди. Шу жойда у кўнглида озгина бўлса ҳам уялиш ҳисси борлигини намойиш этиб қўйди.

— Овсар, — деди у кетганидан кейин Юлдуз.

Шоҳруҳ кулди.

— Боягина ёққанди-ку?! — деди паст товушда.

Қўшни столда эса қаҳқача янгради. Барзангининг шекрлари унинг устидан кулишмоқда эди.

Юлдуз сездики, бу ерда ортиқча ўтириб бўлмайди. Чунки стаканларини тўлдириб-тўлдириб ароқ ичаётган қўшни столдагилар кайфлари ошиб қолгач, унга тегажоқлик қилишлари кундай равшан бўлиб қолганди. Киз бундан асло қўрқмайди. Аммо тузган режаларининг бари барбод бўлишидан чўчиди.

Бир хаёл у ўрнидан турмоқчи ҳам бўлди. Аммо дарров фикрини ўзgartирди. Чунки жиддий одамлар, айниқса, катта тўданинг вакиллари ҳеч қачон ичганларидан кейин қизларга тегажоқлик қилиб, обрўларини туширишмайди. Мабодо шунақсанги ишга қўл урсалар, оқибати яхши бўлмайди. Хўжайнлари хабар топишса, туғилгандарига пушаймон қилишади.

Шуларни ўйлаган Юлдуз ўзини хотиржам тутди. Аммо

Шоҳруҳнинг безовталиги ҳали-ҳамон йўқолмаганди. У пивосини кам-камдан, лекин тез-тез ичарди.

— Юринг, келганга яраша бирон нима ўйнаб кетайлик, — деди Юлдуз ва ўрнидан турди.

Аммо қимор ўйнаш уларга насиб этмади. Бир неча соат бурун Юлдузниң сумкасини ўғирлаган йигит билан бирга Саша кириб келди.

— Мана топдик, — деди Саша ўшишайиб, — йўқотиб қўйдикми, деб кўркқандик. Лекин топдик. Демак, қўлимиздан нимадир келади. Бизни ишёқмас, ақлсиз, деб ўйлаётганлар бутунлай адашаркан. Хоҳласак, ҳамма нарсани...

— Етади, — дея жилмайди Юлдуз, — нега келдинглар?

— Нега? — Саша саволни такрорлаб шеригига қаради.

— Чунки ёқиб қолдинглар, сизлар билан кечани маза қилиб ўтказмоқчимиз, — деди сўнг қизга қараб иржайганди.

У гапираётганида худди рақсга тушаётгандай қилпангларди. Унинг кўрсатаётган “каромат”лари Шоҳруҳга ёқмади. Жаҳуланди.

— Сенларга кўзимиз учуб тургани йўқ эди, шунинг учун йўқолинглар бу ердан. Яна жағларингнинг суяклари зириллаб қолмасин, — деди у Сашага.

— Ох, қанақанги сўзлар! Очифини айтсам, мана шунаقا гаплашганларни ёқтираман...

У кутилмаганда бирдан сўзлашдан тўхтади. Ранги оқариб, кўзи олайди.

— Нега тўхтаб қолдинг, тилингдан ари чақиб олдими?

— деди жилмайиб Юлдуз.

Шунда Саша кўзи билан улардан беш-олти қадам наридагиларни кўрсатди. Қиз билан Шоҳруҳ у томонга қарашди-ю, бояги барзангини кўришиди.

— Буратинонинг одамлари, — изоҳ берган бўлди Саша ва ортига бурилиб кета бошлади. Юлдуз уни тўхтатмоқчи бўлиб энди оғиз жуфтлаганида, Шоҳруҳ унинг қўлидан ушлади.

— Ўйин ўйнайлик, бу болаларни танимаймиз-ку, — деди у.

Юлдуз йигитга юзланди. Бироз термилиб турди. Сүнг жилмайди. Құлидан ушлаб силтади.

— Раҳмат, бу сафар менинг қовун тушириб қўйишимга сал қолган экан, биру бир! — деди.

Бу сафар ҳам улар қимор ўйнаш ултуришмади. Шампан виноси билан меҳмон қилмоқчи бўлган барзангяна ёнларига келди.

— Хоним, — деди дағал овозда, — юришингиз, гапларингиз менга жудаям таниш. Шу пайтгача сезгим алдамаган. Сизни қайсиdir ресторанда кўрганман.

У ёлғон гапираётганди. Арзу билан Юлдузнинг уришгани унинг хаёлига ҳам келмаганди. Шунчаки, Юлдуз ўрнидан туриб кетаётганида ортидан кузатиб, қизнинг қадди-қоматидан лол қолган, ичидан бир нима чирт этиб узилганди. “Ҳеч бўлмаганда, шу қизни бир кеча қучоғимда олиб ётмасам, отимни бошқа қўяман”, дея ўзигаўзи ваъда берганди. Фақат у қизнинг кетиб қолишидан кўрқувди, шу боис, қўзини узмай ўтирганди. Агар Юлдуз билан Шоҳруҳ эшик томонга юрганларида, албатта, эргашарди. Исмини, қаерда яшашини сўрарди. Мабодо унинг ёнидаги болакай (ҳа, у Шоҳруҳни шундай атай бошлаганди) харҳаша қилса, яхшилаб жағини эзib қўяди.

— Мен умуман ресторанга бормайман, балки бошқа бир қиз билан адаштираётгандирсиз, — дея жавоб қилди Юлдуз.

— Казинога келган одам ресторанга бормайдими? Сиздай оғатижоннинг ресторанга бормаганлиги, тўғрисини айтсан, ақлга сифмайди. Шунинг учун гапни айлантирмасдан тўғрисини айтаверинг, сиз ҳам мени танияпсиз, тўғрими?

— Адашдингиз, — деди Шоҳруҳ.

— Йигитча, — дея унинг елкасига қўлини қўйди барзанги, — яххиси, сен катталарнинг ишига аралашмасдан уйингга кетавер. Болаларнинг ухлаш вақти бўлгани эсингдан чиқдими? Опанг — бўйи етган қиз. Бу ерда биз билан қимор ўйнаб, озгина дам олади, кўчани айланади. Сўнг уйига боради. Сен бўлса, ойингга айтиб қўярсан унинг ушланиб қолганини. Тушунгандирсан?!

— Исмингиз нима, яхши йигит? — сўради Юлдуз

юмшоқлик билан. Унинг овози шунчалик майин чиқдики, барзанги эриб кетди. Ҳатто ўшшайди.

— Тамал, — деди фўдайиб. Унинг назарида, қиз ҳам хайриҳоҳдай эди.

— Исмингизни аввал сира учратмаган эканман. Кам ишлатиларкан... Кўнглингизни бироз оғритишимга тўғри келади. Сиз “болакай” деб айтиётган йигит — менинг севгилим. Биз бу ерга шунчаки адашиб кириб қолдик. Тўғри тушунарсиз, деган умиддаман.

Юлдуз олдингидай дадил сўзлади ва яна барзангини довдиратди. Туришидан ҳўқиз ҳуркадиган одам муштдеккина қиз қаршисида довдиради. Юлдузнинг ич-ичидан кулгиси қистади. Озгина бўлса-да ачинди.

Тамал билдики, ортиқ у билан гаплашиб туролмайди. Мабодо алоҳида бирон жойда бўлганларида, куч орқали қизнинг руҳини синдирган бўларди. Ҳар қалай, у шу хаёлда эди. Аммо одам гавжум, фала-ғовур жойда бунинг эпини қилолмаслигига кўзи етди.

Бирон оғиз гап айтмай, шерикларининг ёнига кетди.

— Бизниям вақтимиз бўлди, — деди Шоҳруҳ, — бу мараз яна келади. Яна эшилади. Лекин кейингиларига чидаб туролмайман. Агар осмонни ушлаб турган бўлсаем.

— Рашкми бу? — сўради жилмайиб Юлдуз.

— Қандай хоҳласангиз, шундай тушунинг.

— Биз шунчаки роль...

— Балки, — деб Шоҳруҳ Юлдузнинг ортиқ гаплашишига йўл қўймай, қўлидан ушлаб ташқарига етаклади.

Тамал тўхтади. Ўгирилди. Йигит билан қизнинг қучоқлашиб кетаётганини кўрди. Бир неча сония пешонаси тиришиб, кўз олдига Юлдузни келтирди ва бирдан қўллари мушт бўлиб тугилди. У қизни эслади. Юлдузнинг ним кулгичи хотирасида қолган экан. Ана шу миясини титкилашга, Арзу билан бўлган муштлашувни ёдга олишга мажбур этди.

— Биз излаб юрган қиз ўз оёғи билан келибди-ку, — деди у шерикларига. Костюмининг ички чўнтагидан тўппончасини олди-да, эшиқдан эндиғина чиққан Шоҳруҳ билан Юлдузнинг ортидан югурди.

* * *

Қизлар кечгача күчада санқиб юришди. Қоринлари очқади. Кичиклари хархаша қилди. Катта қыз уларни юпатди. Юраверганларидан оёқларида дармон қолмади. Бир хаёл уйларига қайтмоқчи бўлишди. Аммо дадаларининг хунук башарасини эслаб, фикрларидан қайтишди. Юришда давом этишди. Аммо қуёш нурларини сочишдан тўхтаб, замин узра қоронғилик этагини ёза бошлиган маҳал уларни ваҳима босди.

— Катта тоғамларнига борайлик, уйлари кўп, — деди кичкинтой Муқаддас.

— Уларнига борсак, дадам ойимни урганларини билиб қоладилар. Кейин келиб, дадамни роса калтаклайдилар Шоҳруҳ тоғамга ўхшаб, — деди катта қыз Сожида.

— Дадам ёмон одам-ку, урсалар ҳам майли. Кейин ойимни бошқа хафа қилмайдиган бўладилар, — деди ўртанча қыз Марҳабо.

— Опа, қўрқаяпман, қорним ҳам очди. Бўрон тоғамларнига борайлик, — кенжә қыз инжиқланди.

Аммо унинг гапига учала опа ҳам эътибор қилмади.

— Фарофат кеннойим бизни уйларига қўймайдилар. Бир сафар борганимда, қовоқларини уйиб кутиб олувдилар. Нега бунча кўп келасизлар, дегандилар, — Сожида гап қўшди.

— Ҳозир тоғам ишдан қайтган бўлсалар керак. Индалмайдилар, — қўшилди учинчи қыз Фозила.

Унинг гапи маъқул топилди.

Улар автобусга чиқиши. Тоғанинг уйи шаҳар ташқарисидаги бойлар маҳалласида эди. Беш йил бўлганди қўчиб ўтганига. Автобуснинг сўнгги бекатида тушиб яна икки километрча яёв юрилади.

Паттачи қизларнинг ёнларига яқинлашганида опа-сингиллар Сожидага қарашибди. Унда пул бор эди. Ҳар доим бўларди. Кўп эмас, лекин кира ҳақига бемалол етарди. У сумкачасини ковлади. Бир сиқим танга олди. Эрин-масдан биттама-битта санади. Сингиллари қандайдир ўзгача муштоқлик билан термилиб ўтиришарди. Ҳаёлларида опаларининг пули етмай қоладигандай эди. Ҳатто Фозила бир неча марта тепаларида кўзини лўқ қилиб

қараб турган сариқ сочли аёлга умидвор боқиб қўйди. Мабодо опамнинг пуллари етмай қолса, бизни тушириб юборманг, қабилида. Сабр косаси тўлаёзган паттачи эса хўмрайганча тураверди.

— Мана, Худога шукр, етди, — деб Сожида сўнгти тангани қўшиб чиптачи хотинга узатди.

— Намунча, гадойликдан топган пулингни узоқ сана-масанг? Ўласанми, одамлардан қофоз пул сўрасанг, — дея узиб олди паттачи. Сожида шолғомдай қизариб кетди. Аъзои бадани титради. Кўзига ёш тўлди. Аммо миқ этолмади.

Опа-сингиллар Бўрон бойваччанинг дарвозаси ёнига борганларида, соат кечки тўққизга яқинлашиб қолганди. Улар бир муддат қўнфироқни босолмай, бир-бирига қараб туришди. Уч қават қилиб қурилган, пушти рангга бўялган уйнинг салобати босди. Қизлар аввал ҳам бир неча марта келишган бу ерга. У пайтда ёnlарида ойилари Раъно бор эди. Етиб келгунларича уйнинг қанақалигини таърифлаб, анқаймасликларини тайинлаганди. Энди қизларнинг ёнида оналари йўқ. Уй, дарвоза, умуман, иморатлар бир-биридан ваҳимали. Бундай пайтда ўшгина қизчалар тугул, катталар ҳам довдираиди. Дарвоза тагида бироз туришса, бирор юмушини енгиллатадигандай қўнфироқ тумасини тезда босавермайди..

Сожида чуқур нафас олди ва секин қизил тугмачага қўл узатди. Ичкарида қушнинг чиройли сайраши эшилди.

— Вой, — деди кенжатой очлигини ҳам унутиб, — булбуллари бор экан.

— Булбулмас, қўнфироқлари шунаقا чалинади, — ўзбилармонлик қилди Фозила.

Орадан бироз вақт ўтгач, ичкаридан оёқ товуши эшилди. Келаётган одам шиппакда шекилли, ҳар оёғини олиб босганида шипиллаган товуш эшитилди.

Кичик табақа очилди. Лўппи юzlари қизарган Фарофат кўриниш берди.

— Вой, — деди у қизчаларни кўриб, — бемаҳалда нима қилиб изгиб юрибсизлар? Ойингларда фаросат борми ўзи?! Шу маҳалдаям қиз болаларни кўчага чиқаради-

ми?! Хонзодаларни кига борсан глар бўлмас миди? Уйда меҳмонлар борлигида, бир нарсадан қуруқ қолган дай ҳовлиқиб келмасанглар ҳам бўларди!

Қизлар қўрқиб кетишиди. Кичкин тоилари опаларининг орқасига ўтиб яширина бошлади.

— Биз... Биз, — деди зўрга тили калимага келган Сожида, — тоғамларнинг олдига...

— Тоғаларинг, — деди ўқрайган Фарофат, — ичган, маст! Ҳозир сизлар билан гаплашолмайди! Шу маҳалда қўрқмасдан келибсизларми, кетишгаям қўрқмасанглар кепрак. Бемаҳалда жўнатган бемеҳр оналаринг, ҳар қалай, келиб-кетишга пул бергандир...

— Ким кепти? — деган овоз Фарофатнинг гапини бўлди.

— Уфф! — деди аёл норози бўлиб, сўнг орқасига бурилди. — Жиянларингиз...

У бошқа гапларни ҳам айтмоқчи эди. Аммо уйда меҳмонлар борлиги сабаб тилини тийди.

— Киргиз тез! — деган буйруқ бўлди ичкаридан.

Сожида ва унинг сингиллари енгил тин олишди. Қаршиларидаги жодугарсифат аёлга умид кўзларини тикишиди.

— Бирам меҳрибон тоғаларинг борки... Биласизларда, қачон келишни, ҳимм, киринглар, — деб Фарофат ортга бурилди-да кетди.

Қизлар юрак ютиб ичкарига бир-бир қадам босишли.

Улар тоғаларини ҳовлида кўришиди. Дарҳақиқат, тўрт киши билан бирга. Улардан биттаси Солиҳ тоғалари. Гаплар баланд овозда айтилаяпти. Орага кулгиям қўшилиб турибди. Демак, ичкилик авжига чиққан. Буни стол устидаги егулигу ноз-неъматлар орасида бўшаб қолган шиша идишларидан ҳам билиб олса бўларди.

Бўрон рўпарасидаги меҳмоннинг имоси билан ўтирган жойида узун-қисқа бўлиб турган жиянларига ўгирилиб қаради. Сўнг меҳмонларига:

— Яккаю ёлғиз синглимнинг қизлари, бирам ширин қизлар. Солиҳ, дарров уйга олиб кир. Бемаҳалда нима қилиб юришибдийкан? — деб меҳмонлар тарафга ўгирилди.

Меҳмонхонада опа-сингиллар қалдирғочдай тизилиб ўтиришди. Миттигина юракчалари типирчилар, уларни шу хонага киргизиб, сўнг эшикни қарсиллатиб ёпиб чиқиб кетган Фароғат янгалари яна қайтиб келмаслигини ич-ичларидан хоҳлашарди. Уларнинг олдига Солиҳ кирди. Жиянларига иржайиб қаради. Сўзлаш учун оғиз жуфтлаганида ортидан Фароғат кириб келди.

— Кўрдингизми?! — деди кесатиб. — Раънохоннинг кўрсатган “каромат”ини. Қайси аёл бу маҳалда боласини кўчага чиқаради? Шунчалик ҳам одам бемеҳр бўладими? Телефонда дардини айтса нима қиласарди? Пул сўраган-да. Бошқа дарди йўқ буларнинг. Ёшгина қизларни жўнатсан, ичи ачийди, деб ўйлаган бўлса керак...

Солиҳ янгасининг гапларини охиригача эшитмади. Индамай чиқиб кетди. Йўқса, Фароғат ҳали анча гапиради. Раънони қоралагани етмай, балчиқقا ҳам тиққан бўларди.

Бўрон эса, укаси қайтиб келганида унга эътибор ҳам бермади. Меҳмонларига навбатдаги ароқдан қўйди. Кейин улардан бирига қадаҳ сўзи навбатини берди.

Соат миллари ўн иккidan ўтганидан кейин меҳмонлар кетишиди. Маст бўлган Бўрон жиянлари келганини буткул унутиб ётоғига кирди-да, юмшоққина ўрнига ўзини ташлади.

Сожиданинг сингиллари битта-битта столга суяниб, ухлаб қолди. Бечора қиз уларни уйготиб юборишдан чўчиб, секинлик билан гилам устига ётқизди. Ўзи эса тоғасининг келишидан умид қилиб, эшикка термилиб ўтираверди. Қорни таталаб кетган эди. Лекин отасининг машмашаси, кўчада тинимсиз юргани ўз кучини кўрсатиб, кўзини роса уйқу босарди. Шундай бўлса-да, қовоғини зўрға очиб ўтиради. Аммо Бўрондан дарак бўлмади. Ҳатто Солиҳ тоғаси ҳам бошқа хабар олмади. Лекин, барибир, қиз умидини узмади. Кутишда давом этди.

Фақат... Фақат тонг оқариб келаётгандагина, қизнинг ортиқ қуввати қолмай, кенжа сингилчасининг ёнгинасига чўзилиб ётиб қолди. Бироздан кейин эса унинг пишиллаган овози эшитила бошлади.

Куёш бир терак бўйи кўтарилгандан кейин Фароғат

юмшоққина ёстиқдан бош күтарди. Туриш нияти йүқ эди. Аммо зарурат бемалол ётишига йўл қўймади. Сўнгроқ уйқуси ўчди. Кейин ювенишга мажбур бўлди. Керишди. Меҳмонлар кетгач, бир дунё ювиқсиз идишлар қолганини эслади. Оғринди. Сўнг телефонни олиб, доим уйига келиб хизматини қилиб кетадиган аёлга қўнфироқ қилди.

Ошхонага кириб бир стакан шарбат ичаётганида, қай-несинглисининг қизларини эслаб қолди. Пешонаси тиришди.

— Шу жувонмарглар ҳам жонимга тегиб кетди. Қачон қарама, гадойдай дарвозадан мўралаб туришади, — дея тўнгиллади. Меҳмонхонага борди. Қунишганча пишиллаб ухлаб ётган қизларни кўрди.

— Жа, онангларнинг уйларида ётгандай, сасиб ухлаб ётибсанларми?! Гадойвачалар! — деб бақирди.

Учта қиз унинг овозидан чўчиб уйғониб кетишиди. Со-жика эса ухлашда давом этди.

— Одам шу маҳалгачаям сасийдими?! Турларинг!

Кейинги чинқириқдан сўнг Сожида ҳам уйғонди. У уйқули кўзини уқалаганча шоша-пиша ўрнидан турди.

— Йўқолларинг уйларингга! Жа, индамаса, бошқа чиқволасанлар! Кир кийимларинг билан ётиб гиламниям расвосини чиқардинглар!

Қизлар қўрқанларидан ташқарига отилишиди. Аввал ҳовлига, ундан кейин кўчага чиқишиди.

* * *

Хонзода чиқиб кетганидан кейин ранглари докадай оқариб кетган Фотима опа столда ўтириб қолди.

— Астағфирulloҳ, бунақанги аёлни ҳеч учратмаган эканман. Биринчи келган жойида шунчалик жанжал кўтадими? — дея пичирлади.

Муроднинг эса бўлари бўлди. Хонзодани кўрганида уни тушунадиган аёл бўлса керак, деб ўйлаганди. Аммо гапларини эшигтгач, ҳайратда қолди. Бундан ҳам алам қиласидигани, ойисининг олдида ерга кириб кетгудек аҳволга тушди.

— Болам, — деди Фотима опа ҳорғин товушда, — Худо бир асрари. Бунақанги хотин билан қуда бўлгандан

кўра, илон билан дўст тутинганинг минг марта афзал. Вой, бунча гапни қаёқдан топди? Шаҳлога телефон қил. Тушунтири. Бизнинг оиласа улар тўғри келмаскан. Ҳар қалай, бекорга онасини кўриб қизини ол, дейишмаган.

— Ойи, Шаҳло умуман ойисига ўхшамайди. Ўзингиз ҳам кўрдингиз, илтимос...

— Болам, сени яхши тушуниб турибман. Бу хотин уйимизга келиб шунча жанжал қилиб кетди. Остонаси-ни боссам, уришдан ҳам тоймайди.

Мурод жаҳл билан Шаҳлонинг телефон рақамини терди. Аммо шу заҳоти яна ўчирди. Бақириб: “Сен атайин шундай қилгансан, ойингнинг жанжал қилишини била туриб бизнигига жўнатгансан!” — демоқчи эди-ю, дар-ров шаштидан тушди. Балки билмас, шум аёл алдаб-сулдаб манзилни сўраб олгандир. “Энди нима бўлади?” — дея соchlарини фижимлади йигит.

* * *

Шаҳло дадасини ювениш хонасидан чиқариб ётоғига киргизгач, ҳамма умидларини қўзига жам қилди-да, ҳовлида интиқлик билан ойисини кута бошлади. Ниҳоят, у кутган аёл пайдо бўлди. Лабида табассум, қўлида қандайдир қути.

— Ойи! — деб бақириб юборди Шаҳло қувончдан. — Нима бўлди?!

— Зўр, қизим! Энди ҳаммамизга яхши бўлди. Қара, — деди у қўлидаги қутини кўрсатиб, — мен сенга нима олдим, қани топ-чи?!

— Ойи, майли, уни қўя турайлик, нима бўлди, шундан гапиринг, — деди қўzlари жовдираб.

— Сен аввал қутидаги нималигини топгин.

— Улар бериб юбордиларми?

— Сен топ, кейин ким бериб юборганини айтаман.

— Ойи, тўғриси, юрагим ёрилиб кетай деяпти. Билмайман ҳозир унинг ичидагим борлигини.

— Мен йўл-йўлакай дугонам Моҳиранинг дўконига кирдим. Мени кўриб, шошиб қолди бечора. Анча гаплашдик. Кўришмаганимгаям, ўх-ў, қанча бўлганди. Ичимизда гапларимиз йиғилиб қолган экан...

— Ойи! — дея турган жойида сапчиб тушди бардоши

чидамай Шаҳло. — Қўйинг уларни. Мурод акамнинг ойиси билан гаплашганингизни айтинг!

— Вой, қизим-э, бунча шошқалоқсан? Ҳаммасини бирма-бир гапириб бераман. Хўш-ш, дўкони-чи, “супермаркет”! Икки қаватли. Жондан бўлак ҳамма нарса бор. У ердаги молларни қўриб кўзинг қувнайди. Дўконнинг бир бурчагида-чи, тилла тақинчоқлар, кўзни оладиган брильянтлар тиқилиб ётиби... Моҳира сени таниркан. Ёшлигинда кўрган экан. Қўғирчоқдай қизалоқ эди. Ҳозир роса чиройли бўп кетган бўлса керак, деди.

— Қолганини биламан, — деди шартта ойисининг гапини бўлган Шаҳло, — қизингни ўзим келин қиласман деган. Сиз бўлсангиз, аслида ҳам қизалогим сизники, дегансиз. Кейин у сизга қўлингиздаги матоҳни бериб юборган, шундайми?! Мени алдагансиз! Мурод акамларнига бормагансиз!

У сўнгги гапини бақириб айтди. Нозик қўлларини мушт қилиб, кўзлари юмилиб, юраги ўпкасидан чиққу-дек бўлиб айтди.

— Мен сенга айтсам, сен айнан Моҳиранинг ўғлига моссан. Биз гаплашиб турганимизда, унинг ўғли келди. Бўйлари узун, келишган, ҳар қандай қиз орзу қиласдан йигит. Исмиям чиройли, Мансуржон. Ойисининг айтишига қараганда, йигирмадан зиёд мамлакатга бориб кепти. Инглиз тилини сувдай биларкан. Яқинда Дубайда тилла дўконини очишмоқчийкан... Ўзимнинг тентаккина қизим, унга тегсанг, умринг роҳат-фароғатда ўтади.

— Йў-ў-ў-қ! — деб бақириб юборган Шаҳло ерга ўтириб олди-да ўкириб йиглашга тушди.

— Бордим. Бордим ўша гадойваччангниги. Учинчи-ми, тўртинчими қаватда тураркан. Каталакдай уй. Деворларининг сувоқлари кўчиб ётиби. Ойисининг ҳам турқи совуқ. Анови йигитингнинг оти нимайди, Муродми,вой, қизим, тузукроқ йигит қуриганмиди сенга, келиб-келиб шу бадбашарани танладингми?! Умуман, бизнинг тенгимиз эмас, башарасига шартта: “Менинг қизими-ни тинч қўйинглар, бўлмаса сизларни қаматтириб юбораман”, дедим!

Шаҳло кўзидан ёшини оқизганча ойисига термилиб қолди.

— Ҳали... Ҳали сиз... сиз... Ойи, нималар қип қўйдингиз?! Мен Мурод акамни севаман-ку!

— Бас! Севги-певгингни йифиштири. Мен Моҳирага эртага совчи бўлиб келинглар, дедим. Ваъда бериб қўйдим.

— Ойи, — деди титраб кетган Шаҳло паст овозда, — мен аллақачон Мурод акамники бўлганман. Мен қиз эмасман!

— А-а?! Нима дединг?! “Қиз эмасман”?! Нима дединг, ҳой қиз?! — Хонзода Шаҳлонинг бўйнидан бўғди. — Яна бир қайтар!

— Ўлдиринг, ойи, бирдан қутуласиз! — деди Шаҳло хирилдоқ овозда.

Шу пайт Шаҳлонинг қўл телефони асабий жиринглади. Хонзода қизининг томоғидан қўлинни олди. “Сотка”-нинг экранига қаради. Унда Мурод деган ёзув турарди. У яшил тугмачани босди-да, телефонни қулогига тутди.

Мурод ўзини босолмай хоналарга бир неча бор кириб чиққач, Шаҳлонинг ойиси ҳақидаги гапларни хотирлаб унга қўнғироқ қилишга жазм этганди.

— Алло, — деди Хонзода атайин овозига майин тус берibi.

— Шаҳло, Шаҳло, жоним, биласанми, бу ерда ойинг нима каромат кўрсатиб кетди? — дея шошиб гапирди Мурод.

— Хў-ўш, — Хонзоданинг бир қўли ўз-ўзидан белига тиради, — нима каромат кўрсатиби?!?

— Сиз... кимсиз? — бегона товушни эшитиб бирдан туси ўзгарди Муроднинг. Унинг қулогига Шаҳлонинг сўзлаш оҳанги қўрғошиндай ўрнашиб қолганди, фақат у Хонзоданинг “Алло” деган сўзига эътибор қилмаганди. Қолаверса, она-боланинг овози ўхшаб кетарди.

— Мен сен ҳовлиқма яхши кўрган қизнинг ойиси бўламан. Эшшак, қизимни нима қилиб қўйдинг? Туғилганингга пушаймон едирман. Зўрлаш қанақа бўлишини кўрсатаман сенга! Ифлос!..

Хонзоданинг қолган гаплари оғзида қолди. Унинг бир-

биридан хунук сўзларини эшитишга сабри чидамаган Мурод телефонни ўчирди.

— Ойи-и-и!!! — титраб-қақшади Шаҳло. — Нималар қиласяпсиз, нега менинг бахтимга зомин бўляяпсиз!!!

Бечора қизнинг кўзидан дув-дув ёш оқар, юзи қип-қизил тусга кирганди. У сўзлашга зўрга ўзида куч топганди.

— Қанжиқ! — дея ўкирди Хонзода ва қизининг қулоқ-чаккасига бор кучи билан шапалоқ туширди. Тарсаки овози деворларга урилиб акс-садо берди. Товуш жарангги яна келиб Шаҳлонинг олов бўлиб ёнаётган юзига теккандай бўлди. Қиз ўтириб қолди, худди эс-хүшини йўқотган одамдай атрофга аланглай бошлади.

Содикнинг кайфи анча тарқаган эди. Гарчи боши зилзамбилга айланган эса-да, энди у ўрнидан бемалол тураларди. Бақир-чақир, қий-чувни эшитди. Айниқса, шапалоқ товуши уни баттар сергаклантириди. У ётган жойидан сапчиб турди-да, тез-тез юриб қизининг хонасига кирди. Хонада Шаҳлони телбанамо аҳволда кўрди. Хотинининг эса кўзлари олайган, соchlари тўзғиганди. Бир қарашда уни жаҳл отига минган аждаҳога қиёс қилиш мумкин эди.

— Нима гап?! — деди қўллари мушт бўлиб тугилган ота.

— Сиз ётаверинг, сизга уйингизда бўлаётган ишларнинг бари сарик чақа! — дея томоғига зўр бериб эрига ҳужумга ўтди Хонзода.

Содик унга мутлақо эътибор қилмади. Қизининг ёнига бориб тиз чўқди-да, отасининг кириб келганини сезмай, ҳамон атрофга аланглаётган Шаҳлонинг иягидан тутди.

— Нима бўлди, қизим? Нега бундай ўтирибсан? — деб майнин оҳангда сўради.

Шундагина Шаҳло қаршисида дадаси ўтирганини кўрди.

— Дада, дадажон! — деб ўкириб йиғлаганча отасининг бўйнидан қучоқлаб олди.

Хонзоданинг жон-пони чиқиб кетди. У кескин ҳаракат билан қизининг қўлидан силтаб орқага тортди. Шаҳло

дадасини маҳкам қучоқлаб олгани боис, у билан бирга ёнга қулади.

— Кўйвор! — бақирди баттар тутақиб кетган Хонзода.
— Кирсан! Дадангният кир қиласан!

Содик хотинининг қилиқларига ортиқ чидаб туролмади. Ўрнидан турди. Унинг кўзлари олайган, томоқ томирлари бўртиб чиққанди. Хонзода қўрқиб кетди ва се-кин-аста орқага тисарила бошлади.

— Қанжиқ! — деди у, сўз унинг тишлари орасидан чиқди.

— Дада... Дадаси, унингиз нима иш қилганини билмайсиз-ку! Билсангиз, ҳозирнинг ўзида осиб қўясиз, — деди ранги оқарган Хонзода.

Содик юришдан тўхтади. Бир муддат хотинига ўқрай-иб қараб турди-да, сўнг ортига ўғирилди. Шу кўйи Хонзодага:

— Айт, — деди.

Шаҳлонинг юраги шув этиб кетди.

— Бунингиз, — деди сўзлашга имкон туғилганидан қўнгли таскин топган аёл, — қаердаги ялангоёқ билан юриб қўйибди, тушунаяпсизми, юриб қўйибди!

Аввал хотини шу ҳақда гапирганида, Содик қизининг бирорта бола билан шунчаки юришини тушунганди, қизлик иффатини поймол қилиши мутлақо хаёлига келмаганди. Хонзоданинг ҳозирги гапи эса миясига яшиндай урилди. У бир қалқиб тушди. Энди унинг еб қўйгудек нигоҳи қизига қадалди.

— Шундайми?! — деди у.

Гарчи бўйи етиб қолган эса-да, отасининг бўйнига осиладиган, ҳечам ундан тортинмайдиган, керак бўлса, вақт-бевақт у билан оила қуриш ҳақида ҳам бемалол гаплашишдан тортинмайдиган қизнинг тили ҳозир тушовланди. Тўғрисини айтольмади. Айтольмасди ҳам. Босини эгди.

— Мени тириклайн ерга кўмибсан-ку, қизим! — деб Содик шартта ўғирилди-да, шитоб билан эшикни шуна-қанги қаттиқ муштладики, бутун хона зириллаб кетди. Эшик ўртасидаги тахта синди. Шунингдек, ўзининг қўли ҳам шикастланди. Содик бир марта “Им!” деди. Аммо

юришдан тўхтамади. Оғриқдан юзи бужмайганини ҳам она-болага қўрсатмади. Йўлакда оёқлари чалишиб, гур-силлаб йиқилди...

* * *

Шомурод ака қизиникидан тўғри ишхонага борди. Кўк чойни босиб-босиб ичгач, сигарета тутатди. Кейин Маъмурга телефон қилиб ёнига чақирди.

Маъмур унинг кабинетига аввалгидай тиржайиб, итлардай думини ликиллатиб кирмади. Балки қаддини гоз тутиб, иягини кўтариб, Шомурод акадай одамни назар-писанд қилмай кирди. Одамлар билан ишлайвериб, уларни бир қараашда ажратиб олиш даражасига етган Шомурод ака Маъмурнинг ёдайганини дарров сезди. Тишларини бир-бирига босди. Аммо шу заҳоти тусини ўзгартирди. Ўрнидан туриб, қучоқ очиб жилмайганча Маъмурга яқинлашди.

— Биродар! — деди уни бағрига босиб. — Бир қошиқ қонимдан кечасиз энди. Ёшим катталиги учун озгина эркалик қилиб, ёнингизга ўзим бориш ўрнига сизни чақиртирдим.

— Ҳечқиси йўқ, ака, — деди Маъмур овозини атай ўйғонлаштириб, — ўрганиб қолганмиз.

— Мана шундай камтарлигингиз учун сизни яхши қўраман-да, — дея қучоғидаги одамни озгина мақтади Шомурод ака.

— Раҳмат, раҳмат, — деб Шомурод аканинг қучоғидан чиқди Маъмур.

Кўпчилик томонидан “Қари тулки” деб лақаб олган Шомурод ака тилёғламаликни кучайтирди. У Маъмурга жой қўрсатди-да, ўзи тўрдаги шкафни очиб, “Наполеон” конъяги билан шоколад олди. Сўнг Маъмурнинг рўпарасига келиб ўтирди.

Конъяк Шомурод акани чув тушириш умидида келган кишининг кўзларини олайтириб юборди. Шомурод ака буни сезди. Шундаям шошилмасдан, байни Маъмурнинг ичини баттар қиздириб, секинлик билан шиша-нинг қопқоғини оча бошлади.

— Биз хизматда эдик, қандай бўларкан? — деди Маъмур шишадаги тиник қизил сувдан кўз узмасдан.

— Ука, тажрибадан шуни айтишим мумкинки, ҳамма иш тушгача, ундан кейин одам ўзини ўйлаши керак.

— Ҳали сиздан кўп нарса ўргансак бўлади.

Маъмур гапини тугатган заҳоти, Шомурод ака унинг юзига бир нигоҳ ташлаб қўйди-да, ичида кулди. “Сенда-қаларни чимчилогимда ўйнатаман”, дея хаёлидан ўтказди.

Томогини кўйдириб ўтган суюқлик бир неча сониядан кейин Маъмурнинг танасини яйратиб юборди. У ўзини қушдай енгил ҳис этаркан, қовоғини очди. Худди шу пайт Шомурод ака, шунчаки айлантириб ўйнаган киши бўлди-да, қўл телефонининг диктофонини ёқиб қўйди ва уни тескари қилиб Маъмур иккаласининг ўртасига қўйди.

— Мен сизга айтсам, замондош машойихларимизнинг ақли аввалгиларидан ҳечам қолишмайди. Мана бир мисол, — дея Шомурод ака сўзларкан, қадаҳларга қулқуллатиб конъяқ қўйди, — биринчиси билан иккincinnиси-нинг орасидан қил ҳам ўтмаслиги керак. Шунда одам маза қиласди. Қани олдик, ҳозирги замон машойихлари учун.

Маъмур гап кўшмоқчи эди, лекин улгурмади. Шомурод аканинг мусалласни қултуллатиб ютаётганини кўриб, гапиришга ҳафсаласи бўлмади. Унинг-да шайтон сувига ишқи кетиб, бир кўтаришда идишини бўшатиб қўйди. Бироз ўтиб боши қизиди. Назарида, мияси нуқул ақлли гапларга ишлаётгандай эди. Тилига келган гапни айтаверди.

— Мен сизга айтсам, Шомурод ака, куёвингизнинг айблари анчагина. Ҳужжатсиз моллари тиқилиб ётибди. Умуман сотиш мумкин бўлмаган нарсаларининг адоги йўқ. Акциз маркаси бўлмаганлари-чи! Так что, бу ёфи чатоқ, — деди у газак сифатида кичкина шоколад бўлагини шимиб бўлганидан кейин.

— Бўпти, шу нарсаларни менга ёзиб беринг. Яхшилаб бўйинни қайириб қўяман.

— Йў-ў-қ, — деди Маъмур кўрсаткич бармогини Шомурод аканинг бурни тагида қўмирлатиб, — битта мен ишлаганимда гап йўқ эди, лекин қанча одам хабар топ-

ди, начальниккача етиб борди унинг ишлари. Ўзи анчадан бери бунақанги крупний нарушетелни ушламагандик.

— Йўғ-э, — дея ўзини довдираган кўрсатди Шомурод ака. Ҳатто у қадаҳларни шаробга тўлдираётганида қўли ҳам қалтиради. Буни кўрган Маъмур янада қеккайди. Қаддини фоз тутиб, томоғини қириб қўйди-да, Шомурод ака таклиф қилмаса ҳам, қадаҳни қўлига олиб бир кўтаришда ичиб юборди.

— Балки бирон йўли бордир? — сўради Шомурод ака Маъмурдаги ўзгаришни кўриб ич-ичидан хурсанд бўларкан.

— Ака, сиз билан мен бир кунлик таниш эмасмиз. Шунинг учун очиғини айтиб қўяй. Начальник аждаҳодай бир нарса. Унча-бунчани кўрдим демай ютиб юборди. Сиз чақиришингиздан аввал у билан гаплашдим. Қирқта “кўқ”исиз битмайди, деди.

— Вой-бўй! — деди капалаги учеб кетган Шомурод ака. — Мен унча пулни қаердан топиб бераман?!

— Сиз нега топиб бераркансиз? Куёвингиз озгина чўзилади. Шу билан олам гулистон.

— Ундаям бунча пул йўқ. Яқиндагина қанча моли ўтмай, банкрот бўлишига оз қолди. Кўзидан ёш оқизиб ёнимга келади. Мен бунчалик бўлади деб сира ўйламаган эканман. Сал эпақага келтириб берарсиз ўзингиз. Қолаверса, оғир кунларимизда бир-биrimизга елкадош бўлгандиз. Қўлимиздан келган ёрдамни аямаганмиз.

— Ака, билардим шундай дейишингизни. Бетимга солингиз-а! Барibir таргашлардан дўст чиқмаскан-да.

Шомурод ака ҳақоратдан титради, бошини эгди. Рўпарасидаги она сути оғзидан кетмаган ҳовлиқманинг жағини эзиб қўйгиси келди. Аммо кенглик қилди.

— Биз-ку дўстликка ҳеч қачон хиёнат қилмаганмиз. Шунинг учун, Худога шукур, унча-мунча ошна-офайнимиз бор. Лекин ҳақиқатан ҳам таргашмиз. Ҳамма нарсани пул билан ўлчаймиз. Қон-қонимизга сингиб кетганда. Аммо шундай енгил лақаб борлигини эслатиб тўғри қилдингиз. Энди хоҳлайсизми-йўқми, ҳамманинг ўзига ярашадиган лақаби бўлгани яхши-да!

— Ўттиз бешга рози бўлсангиз бўлинг. Бўлмаса, куёвингизга путёвка тайёр, ришотканинг орқасига.

— Вой, аҳмоқ бола. Мен унинг попугини сал пасайтириб қўймоқчийдим. Бир ҳисобдан, текшириб тўғри қилдинглар, яна озгинадан олайлик.

Озгиналар бир неча марта такрорланди. Маъмур бутунлай маст бўлди. Ана шундан кейин Шомурод aka хонасидан чиқди-да, котибасига камера олиб келишни буюрди. Ўзи эса сейфдан бир даста пул олди. Қолган ишлар хамирдан қил суғургандай кечди. Худди кинонинг ўзи: Шомурод aka бир даста пулни кеккайган Маъмурга ялиниб-ёлвориб бераяпти. Маъмурга пулнинг чўғи камдай туиилиб ноз қилди.

Ҳамма иш битганидан кейин Шомурод aka котибаси-нинг юзидан ўпди. Сўнг:

— Кино тайёр бўлди. Бемалол прокатга бериб пул ишласаям бўлаверади, — деди.

Котиба мамнун чиқиб кетди. Шомурод aka берган пулларини қайтариб олиб сейфига тиқди.

— Бир қуни келиб Наполеон конъягини охиригача ичолмаганинг армон бўй қолмасин, — деб боши эгик ҳолда столда ўтирганча бир нималарни фўлдираб қўяётган Маъмурнинг қадаҳини қип-қизил суюқликка тўлдирди, — ич, ич. Узумнинг суви кўп нарсага даво. Сенинг дардинггаям, ич, ифлос!

Маъмур зўрга бошини кўтарди. Сузилган кўзлари билан Шомурод акага қаради. Афтидан, у Шомурод aka-нинг гапларини яхши тушунгандай эди. Аммо жавоб қайташиб тили ожизлик қиласади. Туман ичидаги қўлига пул ҳам ушлади. Лекин Шомурод aka нега яна қайтариб олганини тушунолмади. Аммо ҳозирги ҳақоратни аниқтиник тушунди. Шу боисдан ҳам қадаҳни нари сурди.

Уни Шомурод aka машинага ўтқазиб, ишхонасига олиб бориб қўйишни ҳайдовчига тайинлагач, тасвири бир неча нусхада кўчиришни котибасига топширди.

* * *

Шоҳруҳ чиқаётib ортига қаради. Тамалнинг ўзгача тикилаётганини кўрди. Эшикни ортидан ёпиши билан Юлдузнинг қўлидан ушлаб четга тортди. Орадан бир неча

сония ўтди, холос. Тамал ташқарига отилиб чиқди-ю, шу заҳоти Шоҳруҳнинг чангалига тушди. Қўлидаги тўппонча ерга тушиб кетди. Чунки Юлдуз унинг билагига урган эди. Биқинига қурол стволи тиralганидан кейин Тамалнинг кўзи олайиб кетди. Улар аста-секин орқага тисарилиб кета бошлашди. Тамалнинг шериклари ҳам бинодан чиқиб, аҳвол чатоқлиги кўришди.

— Нега безраясланлар? — дея бақирди Тамал. — Ўлдинглар!

— Агар ортиқча ҳаракат қилсанглар, — деди Юлдуз, — битта одамларингдан айриласанлар. Яхшиси, жойла-рингдан жилманглар. Шунда биз манави итваччаларингга тегмаймиз!

Барзангиларга, ҳартугул, Тамал қадрли экан. Шу бойисдан қимир этишмади.

Шоҳруҳ тўхтаб турган таксилардан бирининг ёнига етганларидан кейин эшигини очди. Ҳайдовчига қарамасдан туриб:

— Минишимиз билан газни босасан, — деди.

Ҳайдовчи тихирлик қилмоқчи бўлди-ю, Юлдузнинг тўппонча ўқталганини кўриб бирдан машинани юргизди.

Шоҳруҳ казино ёнида қолганлар орқадан қувишса ке-рак, деб ўйлаганди. Лекин негадир улар келишмади. Машина жойидан қимирилаши билан иккитаси телефонда гаплашаётганини кўрди.

— Бу машинада узоқ кетиб бўлмайди, — деди у Юлдузга.

Тамал бурилиб Шоҳруҳга қаради, иржайди.

— Ўзим ҳам билгандим бизга яқин миллатданликларингни, — деди рус тилини бузиб.

— Билсанг янайм яхши, бундан кейин ўйлаб муомала қиласан. Бўлмаса, туғилганингга пушаймон едирамиз, — дея Юлдуз унга ўткир нигоҳларини қадади.

— Овора бўласизлар. Шаҳар бизники. Қайси тешикка кирсанглар ҳам топамиз.

— Сал адашдинг, менимча. Сен энди улар билан бирга эмассан. Бизни-ку, тирик топишлари мумкин. Лекин сенинг ўлигингни топишади. Сасиган, бижғиган мур-

дангни. Шунинг учун ҳозирдан қилған гуноҳларинг учун Худодан афв сўраб кетавер, — деди Шоҳруҳ.

Улар жуда узоқлашмади. Машина тахминан ўн кило-метрдан мўлроқ юрганидан кейин тўхтади.

Шоҳруҳ такси тўхтатишга улгурмади. Ёнларига оппоқ “Жигули” тўхтади. Юлдуз сесканиб кетди-да, дарров сум-касидан тўппонча чиқарди.

Олд томондаги эшик очилиб, Сашанинг иржайган ба-шараси кўринди.

— Айтмадимми, ёрдамим тегади деб. Мининглар тез-роқ, — дея у машинага кетма-кет газ босди.

— Ў-ӯ, — деди орқа ўриндиқда Юлдуз билан Шоҳруҳ ўртасида ўтирган Тамални кўргач, — қовурғамни син-дирган одам-ку! Ҳисоб-китоб вақти келибди-да!

— Ҳайда, кўп эзилма, — дея унинг елкасига Шоҳруҳ туртиб қўйди.

“Жигули” шаҳарнинг жанубий томонига елдек учиб кетди.

Шоҳруҳ ҳам, Юлдуз ҳам Сашага қаёққа боришлигини айтмади. Саша ҳам бунга эҳтиёж сезмайтгандай эди. У гоҳ тезликни ошириб, гоҳ туширас, ҳар-ҳар замон ат-рофга аланглаб қўярди. “Ишқилиб, — ўйларди у, — ментлардан биронтаси учраб қолмасин-да. Ҳамма иш дабдала бўлади. Отам машинасини опкетганимдан хабар топади. Бу ёфи — хужжатим йўқ”, дея ўйларди у.

Унинг безовталигини Юлдуз тезда сезди.

— Ортиқча ҳаракатинг эртага қўёшни кўрмаслигинг билан тугайди, — деди.

— Хавотир олманг, хоним. Ҳаммаси жойида бўлади. Ёнларингдаги мараздан ўч олишим керак. Ҳар қалай, дўхтирида уч ой ётганман. Тўрт марта операция қилишган мени, — дея кулиб қўйди Саша.

— Аввал қовурғангни синдириган бўлсам, бу сафар каллангни оламан сен итваччанинг, — деб қўимиirlаб қўйди Тамал. Мумкин қадар Юлдузнинг жуссасига гавдасини яқинлаштириди. Шундогам Юлдузнинг ёнига манави турқи совуқ ўтириб олганидан Шоҳруҳнинг жаҳли чиқиб келаётган эди. Тамал бироз қиз тарафга силжиб олганидан кейин қони қайнаб кетди.

— Орқангда бирон ниманг борга ўхшайди сенинг, — деб уни ўзи тарафга тортаркан, тўппончанинг стволи билан қаттиқроқ туртди. “Хиқ” этди Тамал ва яна аввалгидай ўтириди.

Саша машинасини бузилиб ётган омбор ичкарисига ҳайдаб борди. Ҳамма ёқ зимиштон, бирор зоф кўринмасди. Фақат нураган девор, темир-терсаклар қорайиб ўзларининг борликларидан дарак бериб туришарди.

— Хўш, бизни қаерга олиб келдинг? — сўради Юлдуз машинадан тушганларидан кейин.

— Офисга. Бизнингофис шу ерда, — деб иржайди Саша ва ҳуштак чалди.

Орадан бир неча дақиқа ўтгач, ўнтача бола келди. Уларнинг энг каттасининг ёши узоги билан йигирма иккилар атрофида эди. Шунингдек, уларнинг орасида Дима исмли эндингина ўн ёшни қаршилаган соchlари пахмоқ, усти кир-чир болакай ҳам бор эди.

— Офис эмас, болалар боғчасига ўхшайди-ку, — деди Шоҳруҳ ҳазиллашган бўлиби.

Тамалга эса алам қилди. Қаердаги она сути оғзидан кетмаган гўдаклар унинг устидан кулиб туришса, бунга қандай чидайди? Фууруни шу гўдаклар топтаса-я!?

— Пароход, — деди Саша болалар ёнига яқин келганларидан кейин, — меҳмонларимиз ҳам, асиrimиз ҳам бор. Бошли.

Икки юз қадамча наридаги эшик-деразаларидан асар ҳам қолмаган бинонинг ертўласида хира чироқ ёниб турарди. Шоҳруҳ билан Юлдузга муруват кўрсатилди. Улар эски столга ўтиришга таклиф қилинди. Олдиларига ароқ, колбаса қўйишди. Тамалнинг эса шу пайтгача эркин бўлган қўллари боғланди. Оёқлари ҳам bemalol юришдан маҳрум бўлди.

Юлдуз ичкилик ичишдан тийилди. Аммо асаблари анча таранглашган Шоҳруҳ кетма-кет икки стакан ароқ ичди. Газагига иштаҳа билан колбаса еди.

— Бизнинг қизлар, — деди Шоҳруҳга шериклик қилаётган Саша Юлдузга бир нигоҳ ташлаб қўйиб, — ароқни ҳеч қачон хафа қилиб қўйишмайди. Бирам зўр маҳорат билан қултуллатиб ичишадики, одамнинг ҳаваси келади.

Сиз бўлсангиз, хоним, бечора шакаргуфторни хафа қила-
япсиз.

— Лекин эркакларга ўхшаб шишанинг ичига кириб
олишмаса керак, — деди Юлдуз гарчи Сашанинг сўзла-
рига шуб-ҳаси бўлмаса-да. Ўзи ҳам ароқ билан ошначи-
лик қилаётган ёшгина қизларни жуда кўп марталаб
кўрганди.

— Ишонмайсизми, хоним?! — деди Саша чайналиш-
дан тўхтаб, — Балкон, бориб Лидани айтиб кел.

Бироздан кейин ўғил болача кийинган сочлари сариқ,
ён олти ёшлар атрофидаги хушбичим, чиройли қиз кел-
ди. У бевақт уйғотганларидан норози, кўзларини уқалаб
келарди.

— Лида, — деди Саша ўрнидан туриб, қизни худди
ўртоғининг елкасидан қучгандай қучиб, — меҳмонимиз
бор.

— Нима қипти бўлса? — дея жавоб қилди Лида бир
Шоҳруҳга, бир Юлдузга қараб.

— Жиннимисан? Меҳмон келганидан кейин хизмат
қилиш керак.

— Аҳмоқ. Мени ўзинг олмоқчийдинг-ку!? Энди би-
ровга бериб юбормоқчимисан?

— Азройил сўрасаям бермайман, оппоғим. Хизмат де-
ганим булар билан бирга дастурхон атрофида ўтириш
керак. Ўтириш бу ерга.

Саша Лидага Юлдузнинг ёнига стол кўйиб берди. Сўнг
стаканга тўлдириб ароқ қуиди-да, унга узатди. Иккинчи
стаканни эса Юлдузга берди.

Лида тўқишириб ҳам, гапириб ҳам ўтирмади. Ароқ
тўла идишни қўлига олиши билан лабига яқинлаштири-
ди. Унинг томоғидан бир мартагина қулт этган товуш
эшитилди ва стакан бўшади. Лида газак қилмади. Эр-
каклардай енгини ҳидлаб қўйди.

— Лида, манавилардан газак қил, — деб Саша стол
устидаги гўшт бўлакларини кўрсатди.

— Биринчисидан кейин бирон нима еганимни кўрган-
мисан? Ундан қўра яна битта қуй, кейин гўшт ейман.

Лида иккинчи стакандаги ароқни ичолмади. Энди ла-
бига яқинлаштирганида, Юлдуз унинг қўлига уриб юбор-

ди. Стакан оёқ остидаги бетонга тушиб чил-чил синди. Буни кўрган Лида сакраб ўрнидан турди.

— Нима қилдинг?! — деб Юлдузга бақирди.

— Бошқа ичмайсан. Бир грамм ҳам, — деди Юлдуз унга ўқрайиб.

— Сен ким бўлдинг?! Нега насибамни тўкиб юбординг. Ҳозир чавақлаб ташлайман!

— Кўлингдан келадими? — дея жилмайди Юлдуз.

Лида стол устида турган ошпичоқни олди-ю, Юлдузга санчиш учун қўлини чўзди ва шу заҳотиёқ оғриқнинг зўридан ўкириб юборди.

— Оғрияпти, қўйиб юбор!

— Агар яна бир марта ичадиган бўлсанг, мана шу қайрилган қўлингни синдираман. Оғзингга кислота қуяман, — деб Юлдуз Лидани нари итариб юборди-да, қайтиб жойига ўтирди.

— Жоним! Нега жим ўтирибсан?! Қўлимни синдириб ташлай деди-ку! Қўлим шунақангги оғрияптики, ўлдир уни, — дея Сашанинг ёнида йиғлай бошлади Лида.

— Ичмайсан дедимми, тамом. Бошқа оғзингга бир қултум ҳам олмайсан. Тамом, — деб жавоб қилди Саша қизга қарамасдан, — доим мана шу хонимнинг ёнида юрасан.

— Қўполлик қилма қиз болага, — деб Юлдуз Сашага ҳам танбеҳ берди ва ўрнидан туриб Лиданинг ёнига келди.

— Тур, гаплашиб оламиз. Қани, мени ётоғингга бошла, роса чарчаганман, озгина дам олай.

Лида ўрнидан турганидан кейин Юлдуз унинг белидан кучди. Ҳатто юзидан ўпиб ҳам қўйди.

Қизлар кетгач, Саша билан Шоҳруҳ бир қадаҳдан ароқ ичишди. Шоҳруҳнинг мия томирлари озгина бўшашид. У сигаретасини тутатиб, тутунни ичига мириқиб ютаётган Сашага қааркан, керишиб қўйди.

— Биласанми? — деди Саша гугурт чўпи билан тишини ковларкан. — Мен аёлларнинг хўжайинчилигини сира ўзимга сингдиролмайман. Кўриб турибман, хоним нима деса, ҳаммасини бажарайпсан. Шу пайтгача индамадим.

— Ҳимм, — деб қулди Шоҳруҳ, — ёқтирмасанг, нега орқамиздан эргашиб юрибсан?

— Ўч олиш учун, — деб Саша ерга чордона қуриб ўтирган, деворга суюниб қўлларида алланималарни ўйнаётган шерикларига қараб қўйди, — ана, биттасини опкелдик. Эрталабгача терисини шилиб оламиз. Қолганлариниям биттама-битта йўқ қиласиз.

— Кейин қуён бўласан. Гапинг аввал бошқача эди-ку? Нима қилиб бўлсаям ўзларингта қўшиб олинглар деб ялингандинг-ку, эсингдан чиқдими? — деб Шоҳруҳ тирсакларини столга қўйди. Сўнг бармоқларини бирма-бир қирсиллата бошлади.

— Лекин сизларнинг ҳеч нарсаларинг йўқ экан. Мен ўйлагандай жиддий тўда эмасканлизлар. Ҳатто яхшилаб бирлашсак, бизга кучларинг етмайди.

— Ким айтди сенга?

— Кўриниб турибди, бирор айтишига ҳожат йўқ.

— Унда, — деди Шоҳруҳ ўрнидан туриб, — сен бизни, биз сени танимаймиз. Аммо қайтиб ёнимизга яқинлашмана.

— Ўзингни бос, ўзингни бос, — дея илжайди Саша, — шунчаки ҳазиллашдим.

— Ҳазилингни отангта қиласан.

— Бўлди тушундим. Энди бориб анави нусханинг абжафини чиқарверайми? — деб Саша сигаретасини кулдонга эзди.

— У бизга керак.

Шоҳруҳ шундай дейиши билан Юлдуз қайтиб келди.

— Қизни қийнаб қўйибсизлар, — деди у Сашага қараб, — эрталаб уйига борсин. Ҳали ёш экан сизлар билан юришга.

— Қанақа уй?! Аллақачон уни онаси ташлаб кетган. Отасини умуман танимайди. Хуллас, уям кўчанинг қизи. Яхшики, биз билан юрибди. Бўлмаса, аллақачон фоҳиша бўп кетарди.

— Унда, айтганингдай, менинг ёнимдан бир қадам ҳам жилмайди. Агар яна бир марта наша чектирадиган бўлсанг, каллангни олиб ташлайман.

— Нима, мен уни зўрлабманми? Ўзи хоҳлади.

— Хоҳласа бераверасанми?!

Саша бошини эгиб, жимиб қолди. Келгандарыда Саша Пароход дея номлаган йигит унинг ўрнига гапирди.

— Нега бизга хўжайнчилик қиласыпсанлар? Иккенингниям чавақлаймиз. Бу ергилар ҳаёт лаззатини тотиш учун йифилган!..

У бошқа гапларини айтишга улгурмади. Ўрнидан сапчиди турган Саша башарасига чунонам туширдики, бечора йигит орқаси билан турсиллаб ерга йиқилди.

— Буратино опамни қандай ўлдирганини билмайсанми?! — бақирди Саша. — Ўчимни олмагунимча тинчимайман! Унгача мана шу иккаласи бизга хўжайнлик қиласи, нима деса ҳамма айтганларини қиласиз!

— Ундан кейин-чи, нима, фақат бир кунингни ўйлаб яшамоқчимисан?! Адашасан. Сен Буратинони ўлдирсанг, бошқаси сени сўяди. Агар одамга ўхшаб яшашни истасанг, доим биз билан бирга бўлишга қасам ич.

Саша Юлдузга термилганча қотиб қолди. Қўллари мушт бўлиб тугилди. Сўнг яна кафтлари очилди.

— Лекин мен аёлнинг бош бўлишини кўтаролмайман. Хоним, агар сиз менга бирон нима буюрсангиз, бажаролмайман. Табиатим шунаقا, — деди Саша.

— Буйруқ бўлса, мен эмас, Шоҳруҳдан оласизлар. Мен ҳам унга итоат этаман, — дея Юлдуз жилмайиб Шоҳруҳга қаради.

— Бирга юрасизларми? Айтмоқчиманки, севишганмисизлар? — сўради Саша.

— Шундай деб қабул қиласер, — деб Юлдуз Шоҳруҳнинг пинжига тиқилди-да, — қани, буйруқ беринг, — деди.

— Ҳамма дам олсин. Эрталаб гаплашамиз қолганини, — деди Шоҳруҳ.

Юлдуз билан Шоҳруҳ ертўланинг бир нечта алоҳида хоналари борлигини Саша бирма-бир темир эшикларни очиб кўрсатганидан кейин билишди. Албатта, уларга ҳаммасидан яхиси берилди. Агар иккита каравотни ҳисобга олмаганда, у ерда яшашнинг мутлақо имкони йўқ эди. “Бир марта ухлашга етади”, — дея хаёлидан ўтказди қиз.

Эртасига тонгда Саша уйига кетди. Соат түққизларга яқин у билан бирга бир маҳаллада турадиган йигит ҳовлиқиб келди. Айтишича, Сашанинг уйини кимдир ёкиб кетибди. Машинасини эса мажақлаб ташлашибди. Яхшиямки, уйида ҳеч ким йўқ экан. Кўшниларининг айтишларига қараганда, беш-олтита безорилар келиб шу ишни қилишибди. Мабодо Сашанинг отасиними, онасиними топганларида, ўлдириб кетишдан ҳам тойишмаскан. Сашани бўлса, ортидан қувишибди. Ҳеч ким билмайди унинг тирик ёки тирикмаслигини.

Бу хабардан Юлдуз қалқиб кетди. Юрагида аллақандай оғриқ турди.

* * *

Хонзода эрининг жаҳли чиққанини кўриб ич-ичидан курсанд бўлди. Демак, энди бориб гаплашса, bemalol унинг гапларини эшитади. Бошқа иложи ҳам йўқ.

Шаҳло эса бутунлай адойи тамом бўлди. Отасининг бир оғиз гапи суюк-суюгидан ўтиб кетди. Бўшашди. Юзини бекитди. Хона ўртасида узала тушганча унсиз йифлади.

Хонзода қизига бошқа гапирмади. Бир муддат ўқрайиб қараб тургач, қўлидаги телефонни деворга отди. Яранланган одамга яна битта ўқ текканидан кейин қандай сапчиб тушса, “қарс” этган товуш Шаҳлога ҳам шундай таъсир қилди.

Хонзода синган эшикни тарақлатиб ёпди. Сўнг пастки қаватга — эрининг ёнига енгил қадам ташлаб тушиб борди.

Содик меҳмонхонада ўтиради: олдида бир шиша ароқ, битта пиёла. Хотини келгунича у шишани яримлатиб қўйганди.

— Бас! — деди Хонзода эрига пиёлани олиб қўяркан.

— Пиёлани жойига қўй! — Содик Хонзодага қарамади, шишадан кўзини узмай гапирди.

— Ҳой, инсон! Сиз ичиб маст бўлиб унутсангиз, қизингиз аламини йифидан олса, мен-чи, мен нима қиласман?! Айтинг, нима қиласман?! Шу ароқ ўлгур ёрдам берадими? Унда менгаям қуйинг, мен ҳам ҳамма ташвишларни эсдан чиқариб, хотиржам ётайин.

Содиқ шишани күттарганча құлтуллатиб шайтон сувини ютди, сүнг лабини кафти билан артаркан, фўлдираб деди:

— Қизингни сўйман. Ҳозир сўйишга тайёргарлик кўраяпман. Кейин тарбия беролмаган сениям сўйман! Ичим ачимасин, қонни кўргандан кейин бўшашмайин, деб ичајпман. Чунки охирида ўзимга-ўзим пичоқ санчишим керак.

Хонзода ҳанг-манг бўлиб қолди. Кўзлари ола-йиб, оёғидан дармон кетди.

— Дадаси, дадажониси, ўзингизни қўлга олинг. Аслида сизга айтмаслигим керак эди. Ўзим ҳал қилсан ҳам бўлаверарди. Буни тузатишнинг йўли бор. Худо хоҳласа, бирорвнинг олдида бошимиз эгилмайди. Балки, бу қиз бизни алдаётгандир. Шу баҳонада анави ялангоёққа тегиб олмоқчидир. Ҳар қалай, иссиқ-совуқ қилволган-да, ўша яшамагур. Мабодо гапи рост бўлган тақдирдаям, ҳозир тиббиёт ниҳоятда ривожланган. Ўзингиз ҳам балки эшитгандирсиз, жувонни қиз болага айлантириш қийинмас.

Содиқнинг хаёлига Назира келди. Тиббиёт институтида ўқийдиган талаба қиз. Гўзалликда тенги йўқ... Хонзода унинг бир тола сочига ҳам арзимайди. Содиқнинг назарida шундай эди.

Назира бир марта Содиқнинг дўконига кирди-ю, қармоққа тушди. Ҳурлиқо кириб келганида Содиқ сотувчи-сининг ёнида эди. Савдо қандай кетаётганини суриштираётганди. Европача кийинган, соchlари қоп-қора, силлиқ тараф орқасига ташланган сарвқомат қизни кўрди-ю, хаёли қочди. Бир ютиниб қўйди-да, қизнинг ёнига борди.

— Бахтингиз бор экан, — деди.

Қиз ялт этиб унга қаради.

— Сиз дўконимизнинг миллионинчи харидорисиз, дўкондан қанча нарса олсангиз, бари сиз учун бепул. Фақат битта шарти бор. Кўтартунча оласиз, — деди Содиқ эндингина итальянча туфлига ҳавас-ла боқиб турган қизга.

Қиз ялт этиб Содиққа қаради. Даставвал, унинг нима деганини англаёлмай анграйиб қолди. Содиқ кулди. Сал-

моқ билан бир-бир қадам ташлаб қизнинг ёнига келдида, гапини яна бир марта такрорлади. Қизнинг кўзи чақнаб кетди. Қулоқларига ишонмади. “Бўлиши мумкин эмас”, дея ўйлади. У илгари кўп марта чет элларда шунга ўхшаш воқеалар бўлғанлигини эшитган эди. Айттайлик, омадли банк мижози... Қандайдир танловнинг кутилмаган иштирокчиси, лотередаги ақл бовар қилмайдиган ютуқ ва ҳоказо. Аммо айнан ўзига ҳам шуна-қанги баҳт қулиб боқишини хәлига ҳам келтирмаганди.

— Йўғ-э! — деди қиз ҳаяжондан титраб.

— Йўқмас, бор гап. Қани, дўконнинг қайси томонидаги нарсалар сизга кўпроқ ёқаяпти? — сўради Содик.

Қиз довдирали. Жавоб беришга қийналди. Кассада ўтирган йигит эса ундан баттар довдирарди. Хўжайнинг кутилмаганда бундай қарорга келиши униям шошириб қўйганди. “Эси жойидами бу одамнинг? Нималар деяпти? Қанақа миллионинчи мижоз? Бирор одамларнинг кириб чиққанини санабдими? Битта чиройли қизни деб, шунча нарсадан воз кечиб юбориш...” — дея ўйларкан, у секин хўжайнининг ёнига борди. Сир бой бермаслик учун илжайди. Сўнг қизга дўконнинг сўл томонидаги Хитойдан келтирилган молларни кўрсатди. “Мабодо, эсини йўқотиб қўйган хўжайн гапида туриб олса, қиз анча вақтдан бери бирор сўрамаётган, сифатсиз молларни олиб кетади”, деб ўйлади. Содик унинг муддаосини дарров тушунди. Танбеҳ бермоқчи бўлганида, қиз кассир йигит кўрсатган молларни кўришга тушиб кетди. Вақтдан фойдаланган сотувчи:

— Эсингизни йифинг, Содик ака, битта чиройли қиз учун шунча нарсани бериб юбораверасизми? — деди-ю, балога қолиб кетишига сал қолди. Содик унга шундай ўқрайдики, нигоҳи уни тешиб ўтайди.

Содик қизга дўконнинг бошқа томонини, Туркиядан келтирилган кўзни қувонтирадиган асл молларни кўрсатди. Бу орада қизнинг исмини ҳам сўраб олди.

Назира Содикнинг айтганини қилмади. Дўконга кирганида ишқи тушган ўша итальянча туфлинни олди, холос.

— Мен ундај қилолмайман, илтимос. Мендан кейин келганга беринг ўша молларни, — деди.

Содик унинг айтганига кўнмади. Қизнинг қўлига туфли билан бирга тақинчоқлар, икки кийимлик тоза мато берди. Қиз унинг талабини бажармагани боис, ётоқхонагача машинасида олиб бориб қўйишини айтди. Ноилож қолган Назира рози бўлди.

Йўл-йўлакай улар энг ҳашаматли ресторонга киришди. Содик кўп гапирди. Қизда ўзига нисбатан қизиқиш үйғотди.

— Баъзи моделларимизни кийиб, суратга тушиб берсангиз, молларимизни реклама қилмоқчимиз. Тўғри, ҳозир савдомиз зўр кетаяпти. Кунига камида ўттиз-қирқ миллионлик маҳсулот сотамиз ҳар бир дўконда. Лекин барибир реклама керак, — деди у гапининг сўнгиди.

У қизнинг кўнглидагини топганди. Бир пайтлар ҳали ўқишига кирмаганида, эндигина мактабни битирганида, у модель бўлишни орзу қилганди. Орзуси ушалганини кўриб шундай қувондики, кўзлари порлади.

Содик уни икки кундан кейин фотосалонга олиб борди. Шаҳар марказидаги энг кўркам суратхоналардан бири. Аввалига оддий кийимлар билан расмга тушган қиз, сеқин-аста кўкрагининг ярмигача очиқ лиbosлар, сал ўтиб эса, ўта калта юбкаларни ҳам кийди. Чет эл журналларининг муқоваларида бундан-да очиқ лиbosдагиларни кўп бора кўрган қиз ундан шунақанги кийимлар кийишини сўрашганида, тортиниб ўтирас эди.

— Яна битта сурат, — деди иш адогига етай деб қолганда Содик, — фақат буниси чет элга кетади.

— Қанақа бўлиши керак четга кетадигани? Нима, бошқа давлатларгаям мол сотасизларми? — сўради Назира.

— Шунақа десаям бўлади. Иккинчи томондан, хориждагилар учун сизнинг суратингиз ҳам муҳим. Улар ора-сира фототанловлар ўтказиб туришади. Сабаби, тез-тез янги моллар ишлаб чиқаришади. Рекламада ҳадеб бир кишини кўравериш одамнинг бадига уриб қолади. У ёғини ўзингиз тушунарсиз.

— Демак, уларга менинг моделим керак.

— Шундай.

- Майли. Қайси күйлакни кийиб тушай?
- Мұхим томони шунда-да! Кийимсиз бўлишингиз керак.
- Ни-ма?! — деди қиз ҳайратланиб. — Кийимсиз?!
- Ҳа. Мен суратчидан илтимос қилдим. Суратни ўзим оламан. Кўпчилик олдида нокулай...

Қиз бир муддат индамай қолди. Бу муддат ичида Содиқ сураткашни имлаб, чиқиб кетишини буюрди. У бўйнидаги фотоаппаратини Содиққа берди-да, ўзи чиқиб кетди. Содиқ бир кун олдин унинг ёнига келган ва қизни расмга олиш режасини тузиб, қўлига эллик минг тутқазиб кетганди. Назира кийган кўйлакларнинг бирортаси ҳам Содиқнинг дўконига тегишли эмасди. Суратчи тошиб келганди уларни. Ҳар бирининг ижара ҳақи ўн минг турарди.

Деярли яримяланғоч қизнинг ёнига Содиқ келди.

— Тадбиркорда вақт пул туради. Иложимиз қанча? Агар вақтдан унумли фойдаланмасак, бошқалар оғзимиздаги нонимизни олиб кетади, — деб чўнтағидан тилла занжир олди-да, Назиранинг бўйнига тақиб қўйди. — Фақат мана шу либосингиз бўлади. Сиз ҳеч нарсадан хавотир олманг. Расмларингиз маҳсус конвертда жўнатилади. Унисига ўзим кафилман.

Товонигача қизариб кетган қиз секин бошини кўтариб унга қаради.

— Балки шартмасдир. Дунёда мендан чиройли қизлар жуда кўп, — деди.

— “Титаник”ни кўрган бўлсангиз керак. Нимаси билан машҳурлигини биласизми?

Қиз “йўқ” дегандек бош чайқади.

— Рассом унинг портретини чизгани билан машҳур. Кинонинг мазмуни ҳам шунда. Келинг, сизга ёрдамлашиб юбораман.

Суратга олиш ярим соатдан зиёдроқ чўзилди. Содиқ гарчи бирорта ҳам ортиқча ҳаракат қўлмаган эса-да, фотоаппаратни ҳар сафар чиқиллатгунча талай фурсат сарфлади. Шундай қилиб, ўндан зиёд кадр олинди.

Қиз кийингач, тилла занжирни қайтиб берганди, Содиқ олмади. “Сизда қолаверсин. Жудаям ярашди”, деди.

Суратга олишдан кейин муносабатлари янада яқинлашиб кетди. Деярли ҳар куни қўришадиган, ресторонларда бирга ўтирадиган бўлишиди. Бундай хатти-ҳаракат аста-секин муҳаббатга айланди. Бир куни Назира Содиқнинг хилватдаги уйида меҳмон бўлди. Икки йил аввал Содиқ бу уйни Шоҳруҳнинг номига олганди. Укасига: “Бирорга оғзингдан гуллаб қўйма. Ҳар қалай, ҳамма нарсани янгандага ишонаверсак ҳам бўлмайди. Унча-мунча бойникларни шу ерда сақлаймиз”, деганди.

Содиқ билан Назиранинг муносабатлари чуқурлашгандан-чуқурлашиб кетаверди. Натижада Назира уч марта ҳомиласини олдирди. Содиқقا: “Иккинчи хотин қилиб олинг”, деб ялиниб-ёлворди. Бироқ агар уни хотинликка оладиган бўлса, ҳаёти бутунлай издан чиқиб кетишини олдиндан билган Содиқ аврашга уринди:

— Аввал бир марта турмушга чиқишинг керак. Ҳар қалай, уйларингда тўй бўлиб, оппоқ кўйлакда чиқишинг зарур. Ундан кейин ажрашасан, мен уйланаман.

Қиз унинг гапига ишонди. Тўйидан уч кун аввал Содиқнинг таниш дўхтири клиникасидан ўн гулидан бир гули очилмаган қиз бола бўлиб чиқди. Карнай-сурнай садоси остида, тўйхонанинг тўрида, баҳтли куёв ёнида баҳтли келинчак бўлиб ўтирди.

Орадан бир ой ўтмасидан Назира Содиқقا телефон қилди. “Қайнонам билан аста-секин жанжални бошлаб юбордим. Яқин икки ой ичида у билан бутунлай юз қўришмас бўп кетаман. Кейин ажрашаман. Ўғли қандайдир найновга ўхшайди”, деди. Бундай гапларни эшитган Содиқнинг тепа сочи тикка бўлди. Оғзига келган гап билан Назирани сўклиди. Иккинчи марта қўнфироқ қилмаслигини айтиб, дўйқ-пўписа қилди. Шу-шу Назира жимиб кетди.

Ҳар-ҳар замон Содиқ уни кўргиси келади. Қилган иши учун афсусланади. Ҳатто баъзида ўзининг Назирага қўнфироқ қилгиси, кечирим сўрагиси, сўнг аввалги ало-қаларини тиклагиси келади. Аммо нимадандир чўчиди.

— Дадаси, ҳой дадаси, нега қотиб қолдингиз?! — деди Хонзода. Содиқ чўчиб тушди. — Боядан бери ҳайкалдай қотиб қолдингиз, нима бўлди? — давом этди аёл.

— Ўзим... Ўзим шундай, — деди Содик ҳорғин овозда.
— Хуллас, дадаси, сиз ҳеч нарсадан хавотир олманг.
Аввал текширираман. Мабодо Шахлонинг гапи рост
чиқса, тўғрилайман. Кейин, дадаси, яна бир гап...

— Яна ким, нима каромат кўрсатибди?
— Буниси яхши хабар.
— Хайрият. Менинг қулоғим ҳам яхши гап эшитар-
кан.

— Моҳира дугонамни танийсиз. Супермаркети бор.
Хуллас, шу дугонам у ёққа ўтсам ҳам, бу ёққа ўтсам ҳам
ҳол-жонимга қўймайди.

— Ҳа, нарса сотовлдирадими?
— Йў-ўқ, у мард. Нима керак бўлса, текинга ҳам
бервораверади.
— Ҳимм, хотамтой дегин.
— Уфф, дадаси, Шахлони келин қиласман дейди. Ўғли-
ниям кўрдим. Ақлли, фаросатли, чиройли. Куёв қилса
арзийдиган.

— Сен устимдан куляяпсанми? Қизингнинг қилган
иши учун виждоним қийналиб ўламан десам, қаердаги
гап билан бошимни оғритасан. Калланг жойидами ўзи?

— Нима қиласман деб, ўйга чўмиб ўтирганингиз билан
иш битиб қолармиди? Айтдим-ку сизга, бўлар иш бўлди.
Энди қизингизнинг хатосини тўғрилаймиз-да, — Хонзо-
да қўзига ёш олди. — Мен шундай бўлсин деганимидим?
Сиздан баттар куйиб-ёниб кетаяпман.

Содик аввалгидан анча босилганди, шу боис қўл сил-
тади:

— Бор, билганингни қилавер. Лекин ишқал чиқар-
санг, каллангни оламан.

Унинг гапи Хонзоданинг юрагидан ўтиб кетди. Бошка
пайт бўлганда эри билан тиккама-тикка айтишган бўлар-
ди, ҳақини қолдирмасди. Лекин ҳозир ўрни эмас, тезроқ
ҳаракат қилиш керак...

Шахло бутунлай юрагини олдириб қўйган эди. У ойи-
си кириб келиши билан орқасига тисарилди. Буни кўрган
Хонзоданинг ҳам юраги ачишиди, ҳам ҳаҳри келди. Бир
хаёл қизига юмшоқ гапириб қўнглини кўтармоқчи бўлди-

ю, Шаҳлонинг шаккокликларини хотирлаб башараси баттар тундлашиб кетди.

— Тур ўрнингдан, шарманда! — деди.

Шаҳло бир қўли билан деворни тутиб, кўзини ойисидан узмай, қўрқа-писа ўрнидан турди.

— Тез кийимларингни кий, тузукрофини, очиқ-сочиғини устингга иладиган бўлсанг, сочингни битталаб юламан.

Шаҳло кийинди. Хонзоданинг бир-икки марта турткилашидан кейин йўлга чиқди. У, бир марта бўлсин, ойисидан қаерга бораётганликларини сўрамади. Сўролмасди ҳам. Муҳими, уни бошқа уришмаса, озгина бўлсада, ўз ҳолига қўйишса. Бироз ухласа-ю, оғриган бошинидам олдирса.

Шифохонага яқинлашишгачгина Шаҳло ойисининг мақсадини тушунди. Бунгача анча ўзига келиб олди. Кўрқув ундан нари кетди. Шу боис, ойисининг қилмоқчи бўлган ишидан ҳатто хурсанд бўлди. “Мана кўради. Муродга бермай қаёққа ҳам борардилар? Ўлдирсалар ўлдирсинглар”, дея хаёлидан ўтказди.

Шаҳлони обдан кўрикдан ўтказган гинеколог унинг қиз бола эмаслигини тасдиқлади. Фазаби бир неча марта ҳаддидан ошиб, Хонзоданинг дармонини қуритганди. Энди у аввалгидек катта куч билан бўй кўрсатолмади. Шундай эса-да, Хонзода бор аламини ўсиқ тирноқларига йифиб, Шаҳлонинг этига ботирди. Оғриқ бирпастда Шаҳлонинг бошига етиб бориб, қизнинг кўзидан ёш чиқиб кетди.

Хонзода айборни йўлакка бошлаб чиқиб ўриндиқча ўтқазди.

— Қимирласанг, оқ қиласман. Бадарға бўласан, икки дунёйнг қуяди! — дея пўписа қиларкан, ўзи гинекологнинг ёнига кириб кетди.

— Айланай, дўхтиржон, — деди кўзидан ёшини тирқиратиб, — буни тузатишнинг иложи борми?Faflatda қолибман. Бирорвга узатишим керак эди. Агар қизлигига қайтармассангиз, шўрим қурийди!

— Хавотир олманг, — дея илжайди дўхтир аёл, — ҳозир бунинг йўли осон. Faqat тўйидан уч кун олдин

опкеласиз. Қарабсизки, у худди онадан туғилғандай бўла-ди. Фақат пулини тўлассангиз бўлгани.

Шундай деб у Хонзоданинг бармоқлари-ю қулоқлари-даги тилла тақинчоқларга назар ташлаб қўйди.

Шаҳло жойидан қимирламади. Ойисининг пўписаси учун эмас, балки Хонзоданинг: “Сени ўша гадойваччага бермасдан иложим қолмабди”, деган гапини эшитиш учун. Мурод акасини гадой дейишларини сирам олгиси келади. Шундай деганларни тимдалаб, терисини шилиб олгиси келади. Аммо ойиси айтса, майли. Бу гал шундай қўпол гап унинг фойдасига айтилади.

Аммо у ўйлагандай бўлмади. Врачнинг хонасидан кўзлари қизариб чиққан Хонзода унинг қўлидан ушлади-да, ташқарига етаклади.

Йўл-йўлакай Хонзода қизига бир оғиз ҳам гапирмади. Қовоини осиб келди. Кейин Шаҳлони хонасига киргизиб дўппослай бошлади.

— Сен манжалақи ҳамма орзуларимни ерга тиқдинг. Шундай шармандаи шармисор бўлганингдан кўра, гўдаклигингда ўлиб кетсайдинг! Энди хонангдан ҳеч қаёққа чиқмайсан, ялангоёқни тушингда кўрасан! — деди.

Эшик қулфланди. Унинг ортидан Хонзоданинг тўнгиллаган овози эшитилди. Сўнг у нари кетди.

* * *

Юлдуз ўзларига фақат Лидани қўшиб олди. Қолганларга қимирламасликни тайинлади.

Улар “Легенда” меҳмонхонасига боришли. Жойлашганларидан кейин Юлдуз чўмилиб чиқди. Сўнг қўнғироқ қилиб егулик олиб келишларини буюрди. Телевизор қўйди. Кетма-кет каналларни алмаштириди. Сўнг СТС каналида тўхтади. Балиқчилик ҳақида кўрсатув кетаётган экан. Ўшанга термилганча ўтираверди. У шунчалик ўйга берилғандики, гўё атрофида ундан бошқа ҳеч ким йўқдай эди. Ҳар-ҳар замонда чуқур нафас олишини ҳисобга олмаганда, ҳаво симираётгани сезилмасди ҳам. Унга қараб турган Шоҳруҳ қийналиб кетди. Сиқилди. Ўрнидан туриб, хонани бир неча марта айланди. Лида эса жойидан жилмади. Бир Шоҳруҳга, бир Юлдузга қараб индамай ўтираверди.

Тамадди ҳам худди шундай жимжитлиқда ўтди. Қоринлари тўйгач, Шоҳруҳ Юлдузга юзланди.

— Шундай ўтираверамизми, хаёл суреб? — сўради.

Юлдуз унинг гапига жавоб бермади. Лидага қаради.

— Сашани тополасанми? — дея сўради.

— Ҳа, — жавоб қилди қиз бирдан.

— Олиб кел уни. Фақат эҳтиёт бўл. Йўқ, яхшиси, бирон жойга бориб қўнфироқ қилинглар, биз ўзимиз борамиз.

Лида зўрға ўтирган шекилли, енгил ҳаракат билан ўрнидан турди-да, чиқиб кетди.

Холи қолган Шоҳруҳ билан Юлдуз талай муддат гаплашишмади. Иккаласининг ҳам кўзи телевизорда. Ҳаёллари эса тобора чигаллашиб бораётган муаммолар гирдобида эди. Шоҳруҳ секин-аста жиноятчига айланиб бораётганидан ташвишда, бундан чиқиб кетишни ўйлар, аммо ҳозир ёнгинасидаги юмшоқ ўриндиқда бир нуқтага термилиб ўтирган қиз уни кўринмас иплар билан боғлаб олганидан, кетиш ҳақидаги фикрни миясидан ҳайдаб солишга мажбур бўларди.

— Жудаям тубанлашиб кетаётганга ўхшаймиз, бу аҳволда қув-қочдан бўлакка вақтимиз қолмайди, — деди Шоҳруҳ нигоҳини қизга қадаб.

— Ўзим ҳам шу ҳақда бош қотираяпман. Бунчалик қийин бўлиши хаёлимгаям келмаганди. Ўйловдимки, битта-иккита бўйни йўғонларнинг шохини қайриб қўйсак, қолгани силлиқ кетаверади, деб.

У ўрнидан турди, дераза ёнига борди. Уч-тўрт марта чуқур нафас олгани Шоҳруҳга ҳам эшишилди. Қиз гүё чексиз уммон ўртасида қолиб кетгандай эди. На бир қайиқ бор ва на уни қутқарадиган жонзот. Сузай деса, мадори йўқ. Сувдан фақат боши чиқиб турибди, нафас оляяпти. Ҳализамон наҳанг ундан хабар топади. Елдай сузисиб келади-ю, ямлаб ташлайди. Қизнинг юраги гупиллаб уриб кетди. Лаблари титради. Кўзизда ёш пайдо бўлди. Шу маҳал ёнига Шоҳруҳ келди. Елкасидан қучди. Юлдуз бирдан унинг қўксига бошини қўйиб йиғлаб юборди.

— Нега?! — деди у. — Нега бунаقا? Ҳеч ким тинчгина

яшашга қўймайди. Фақат олди-сотди билан шуғуллан-сам, бирорвга зиёним тегмайди-ку!

— Бўлди, — деди унинг юзидан ўпид қўйишдан ўзини тиёлмаган йигит, — ҳаммаси яхши бўп кетади. Сўйила-диган қўй ҳам жони бўғзига келганда типирчилаб қолади. Душманлар ҳам шундай. Улар ҳамма нарса қўллари-дан кетаётганини сезиб туришибди.

— Шоҳруҳ ака!

Юлдуз илк маротаба кўксига бош қўйиб турган йигитини “ака” деди. Бу сўз ўзига жуда яқин олганидан сехрли чиқди. Шоҳруҳнинг юрагини ўйнатиб юборди. Мехри баттар мавжланди.

— Ҳеч нарсадан хавотир олманд, ёлғизлатиб қўймайман. Доим ёнингизда бўламан, биз енгамиз, — деди.

Бунақа демоқчимасди. Ўз-ўзидан хаёлига шунаقا гаплар келди. Унинг сўзларидан қиз шунчалик хурсанд бўлиб кетдики, бўйнидан маҳкам қучоқлаб олди. Худди маъшукалардай. Бироқ маъшуқага айланаётганини у мутлақо хаёлига келтирмасди. Худди дўстини, яқин одамини, туғишиган акасини қучгандай қучди. Шоҳруҳ уни бошқача тушунди. Лекин ортиқча хатти-ҳаракатга иродаси етмади.

— Келинг, ҳаммасини унутамиз, — дея шивирлади Юлдуз, — ўйланиб ўтирмаймиз, пешонамиизда нима бўлса, қўраверамиз.

У йигитнинг бўйнидан қўлинин тортиб олди. Яна телевизор қархисига келиб ўтирди. Худди шу пайт унинг қўл телефони жиринглади. Экранга қараган қизнинг юзи ёришиди.

— Вой! — деди кўзлари қувнаб Шоҳруҳга қарапкан. — Болаларни бутунлай эсимиздан чиқариб қўйибмиз-ку!

Шоҳруҳ гапириш учун оғиз жуфтлагунча қиз яшил тугмачани босиб, қўл телефонини қулоғига тутди:

— Алло, Бек, — деди.

Юлдузнинг ифори Шоҳруҳнинг кўксига ўтириб қолганди. У ҳамон сийпалаб ўтган ишқ шамолидан ҳаяжонда эди. Юлдуз айтганидай ҳамма нарсага қўл силтаб, яна уни бағрига босгиси, соchlаридан узоқ ҳидлагиси келарди. Шунинг учун куч тўплаётганди. Аммо кутилма-

ган құнғироқ ҳафсаласини пир қилди. Ҳатто Юлдузнинг қувонганини күриб, бевақт сим қоққан Бекдан ранжи-ди.

Шоҳруҳ билан Юлдузнинг йўқолиб қолганидан Бек хавотир олаётган экан. Юлдуз уни тинчлантириди. Ишлари яхшилигини айтди. Жамол акага құнғироқ қилиб мол олиб келишни ҳозирча тўхтатиб туришини тайинлади.

Телефон ўчди-ю, шу пайтнинг ўзидаёқ яна жиринглади.

— Бегона номер, — деди қўл телефонига термилиб турган Юлдуз.

— Лида бўлса керак. Бунча тез топибди? Ишқилиб, яна битта ишкал чиққан бўлмасин.

Шоҳруҳнинг тахмини тўғри чиқди. Телефондан Лида-нинг йиғлаган овози эштилди.

— Нима гап?! — сўради Юлдуз шошиб.

— Ҳозиргина... ҳозиргина, — деди Лида ҳиқиллаб, — Сашани ушлаб опкетишашаётганларини кўрдим. Қоп-қора “Мерс”да! Ўлдириб қўйишади энди уни! Саша менга уйланмоқчиди...

— Йиғлама, ҳаммаси жойида бўлади. Сен, албатта, Сашага турмушга чиқасан, тўйларингда ўзим бош бўла-ман. Ҳозир қаерда турибсан? — деб сўради Юлдуз.

Жавобни эшитгач, бироз ўйланиб турди-да:

— Жойингдан қимирламай тур, ҳозир етиб бораман, — деди.

У шоша-пиша кийинаётганида Шоҳруҳ унинг қўли-дан ушлади:

— Тузоқ, — деди.

— Тушунмадим, — унга ҳайрон бўлиб қаради Юлдуз, — қанақа тузоқ?

Шоҳруҳ қизга нигоҳини қадади. Унда бир олам сеҳр ва одамни шошириб қўядиган нимадир бор эди. Ундаги бу хислатни илгари, ҳали мактабда ўқиб юрган кезлари синфдошлари кўп айтишарди. “Кўзинг оловдай ёнади-я”, дейишарди улар. Ҳатто бир-икки марта орқаворатдан унга “Аждаҳо” дея лақаб қўйишганларини ҳам эшитган.

— Менга бундай қараманг, — дея қўзини олиб қочди Юлдуз.

— Бормаслигимиз керак. Озгина кутайлик. Яна телефон қилса...

— Сашани ўлдиришларини истамайман. У бизни деб ўлиб кетади.

— Мен унга ишонмайман. Сабабсиз қўшилиб олди. Кейин манави қизнинг ҳам меҳмонхонадан чиқиб кетганига гумоним бор. Кушмидики, кўз очиб юмгунча етиб бориб телефон қилса. Кўриб қолганмиш. Балки мениям ушлаб олишди, деб айттар.

— Саша айтди-ку, опасини нима кўйга солишганини, кейин уларнинг яшаётган жойиниям қўрдингиз! Бечора Лида эса бутунлай хароб бўлган. Агар бурунбойларга хизмат қилишганида бунчалик хорликда кун кечиришмасди. Одамларга ишониш ҳам керак, Шоҳруҳ!

— Билмадим. Лекин кўнглим нимагадир нотинч. Сира ишонгим келмаяпти ўша хўроздбошга.

— Агар улар сотқинлик қилишганларида, аллақачон бизни ушлаган бўлишарди. Меҳмонхонани топиб келиш эса қийинмас.

— Бўпти, сиз айтганингизча бўлсин, — деб ноилож Шоҳруҳ кўнди.

Улар зиналардан пастга тушишди. Лифтга чиқишига Шоҳруҳ кўнмади. Бунинг учун Юлдуздан “ваҳимачи” деган гапни ҳам эшитди. Сўнгги пиллапояларни босаётгандаридан эса Шоҳруҳ гўё типирчилади. Кираверишдаги кичик залда юрганларнинг ҳаммасидан гумонсиради. Ҳатто меҳмонхонага жойлаштирувчи хўппа семиз, башарасига турли бўёқлар чапланган, ёши ўтин-қираб қолишига қарамай қизлардай кийинган, тирноқларини ўстириб олган аёлнинг бежо боқишлиари ундаги шубҳани икки ҳисса ошириб юборди. Бир хаёл Юлдузни тўхтатмоқчи, ўзларига ажратилган тўртингчи қаватдаги хонага олиб чиқмоқчи ҳам бўлди. Бироқ қизнинг “ваҳимачи” деган сўзи хаёлига келиб, ниятидан қайтди.

Улар ойнаси қорайтирилган эшик ёнига боришлари билан у автоматик равишда очилди. Намхуш ҳаво қиз билан йигитнинг юзига урилди. Шоҳруҳнинг бироз

күнгли ёришди. Бир неча сонияга күнглидаги шубҳа-гумонлар йўқолди-ю, огоҳликни унуди. Ана шу қисқа сониялар қўлга тушиб қолишларига бемалол етди. Аввалига иккита қиз ёнларига келиб, меҳмонхонада жой бор-йўқлигини сўрашди. Бу пайтда ичкаридан Европа миллиатига мансуб озфингина, бўйи пастроқ йигит чиқиб келди-да, Шоҳруҳнинг орқасига тўппонча тиради. Икки қиз эса Юлдузнинг қўлидан ушлади.

— Ҳар қандай ортиқча ҳаракат ажалга етаклайди, — деб огоҳлантирди меҳмонхонадан чиққан йигит.

Шу зайлда озгина муддат туришгач, эски фургонли “Москвич” меҳмонхона рўпарасига келиб тўхтади.

Юлдузнинг биқинини мўлжаллаб турган қизлардан бири сумкаласидан атир идишини чиқариб, аввал Юлдузнинг, кейин Шоҳруҳнинг бурнига пуркади. Бирпасда кўзлари тиниб, мувозанатни йўқотиб йиқилаётганларида, Шоҳруҳ билан Юлдузни қўлга туширганлар ушлаб қолишли.

Биринчи китоб тугади.



Адабий-бадиий нашр

Ўзбек тилида

Нуридин Исмоилов

МАФИЯ САРДОРИ

Саргузашт-детектив роман

(Биринчи китоб)

Муҳаррир Аҳмад Отабой

Дизайнер Ақбар Исмоилов

Техник муҳаррир Зокиржон Алибеков

Мусаҳҳих Замира Гулматова

СаҳифаловичиFaфуржон Мадалов

Босишига 04.07.2008 йилда рухсат этилди.
Бичими 84x108 1/32. Шартли босма табоби 10,48.
Адади 5 000.
...-сонли буюртма.
Нархи шартнома асосида.

«Янги аср авлоди» нашриёт-матбаа маркази.
Манзил: 700113, Тошкент, Чилонзор-8,
Қатортол кўчаси, 60.